




3 1761 07833926 4









THESAURUS
RESOLUTIONUM
SAC. CONGREGATIONIS
CONCILLII

Quæ consentaneè ad Tridentinorum PP. Decreta
aliasque Canonici Juris Sanctiones

M U N U S

SECRETARII EJUSDEM SAC. CONGREG

Obeunte usque ad diem 29. Januarii Eñno, & Rñno Domino

CARDINALI CARANDINO

M O X V E R O

R. P. D. JULIO GABRIELLIO

Prodierunt in Causis sub annum 1787.

P R O P O S I T I S

Episcopis, eorumque Vicariis, Causarum Patronis,
ac aliis in Ecclesiastico Foro versantibus
apprimè utilis, ac necessarius.

T O M U S L V I.

T R I P L I C I

INDICE LOCUPLETATUS.



R O M Æ MDCCLXXXVII.

Ex Typographia Reverendæ Cameræ Apostolicæ.

THESSAURUS
RESOLUTIONUM
SAC. CONGREGATIONIS
CONCILLII

Quae continentur ad Tridentinum P. Decretis
aliasque Canonici Juris sanctiones

M U N U S

SECRETARI EJUSDEM SAC. CONGREG.


Secretarius ejusdem Sac. Congreg. S. M. S. Dominus

CARDINALI CARANDINO

MOX VERO

R. P. D. JULIO GABRIELLO

Procurator in Causa. In Roma. 1787.



BX

1935

A36

t. 56.57



R O M E M D C C C X X V I I

In Typis Secretariae Congregationis

I N D E X

ALPHABETICUS CAUSARUM

*Quæ in Sac. Congregatione Concilii propositæ fuerunt
anno 1787. per Diœceses dispositas.*

A

Æ Sina Translationis Missarum 24.
Martii, & 21. Aprilis pag. 58.

et 61.

Æsina 7. Julii pag. 109.

Alatrina 7 Julii pag. 114.

Albinganen. Edificationis Ecclesiæ Pa-
rochialis 20. Januarii, & 3. Februarii
pag. 13. et 19.

Albintimilien. Vacationum 19. Maii, & 16.
Junii pag. 35. et 91.

Alexandrina 28. Julii, & 18. Augusti
pag. 133. et 137.

Alexandrina 15. Decembris pag. 203.

Ampurien. Nullitatis Professionis 20. Ja-
nuarii, & 21. Aprilis pag. 3. et 61.

Aprutina 19. Maii, & 28. Julii pag. 83.
et 127.

Aquen. Capellanæ 20. Januarii, & 3.
Februarii pag. 15. et 20.

Aquipendien. 21. Aprilis p. 62.

Affisien. Congruæ 20. Januarii, & 3. Fe-
bruarii pag. 18. et 20.

Avenionen. Servitii Chori 20. Januarii
pag. 1.

Auximana Capellanæ 15. Decembris
pag. 201.

B

B Ononien. Reductionis servitii Cho-
ri 16. Junii pag. 93., & 24. Novem-
bris pag. 187.

Bononien. 16. Junii, & 7. Julii pag. 106.
et 109.

Bononien. Commutationis Voluntatis, &
Transactionis 28. Julii, & 18. Augu-
sti pag. 132. et 137.

Briſtinorien. 18. Augusti, & 15. Septem-
bris pag. 151. et 155.

Burgi S. Sepulcri 16. Junii, & 7. Julii
pag. 108. et 109.

C

C Æsenatén. 3. Martii pag. 37.

Callien. Subsidiorum Dotium 15. De-
cembris pag. 194.

Camerinen. Subsidiorum Dotium 3.
Martii pag. 40.

Camerinen. 15. Septembris pag. 168.,
& 24. Novembris pag. 179.

Casalen. Reductionis Missarum 7., & 28.
Julii pag. 122. et 125., ac 24. Novem-
bris, & 15. Decembris pag. 192. et
seq.

Cephaluden. Suspensionis, & Irregula-
ritatis 24. Martii, & 21. Aprilis pag. 56.
et 61.

D

D Erthonen. Reductionis Onerum 21.
Aprilis, & 19. Maii pag. 72. et 75.

Derthonen. Absolutionis, & Reductionis
Missarum 7. Julii pag. 118.

Derthonen. Transactionis 18. Augusti
pag. 145.

Dubia super executione Dispensationum
Matrimonialium 20. Januarii pag. 2.

F

F Anen. Permutationis 16. Junii p. 92.

Faventina Emphyteusis 18. Augusti
pag. 147.

Ferrarien. Subsidiorum Dotium 15.
Septembris pag. 155.

Ferrarien. 15. Septembris pag. 163.

Firmana Emphyteusis 20. Januarii pag. 2.

Firmana Capellanæ 3. Februarii, 3.

Mar-

Martii , 21. Aprilis , & 19. Maii
pag. 26. 32. 74. & 75.

Firmana Compensationis 21. Aprilis
pag. 68.

Firmana Interdicti , & Translationis 19.
Maii pag. 76.

Firmana 19. Maii pag. 80.

Firmana Erektionis 18. Augusti pag. 139.

Forolivien. 24. Martii pag. 48.

Forolivien. Reductionis Missarum 7. Ju-
lii pag. 116.

Forolivien. 28. Julii pag. 128.

I

J Anuen. Legati 24. Novembris, & 15.
Decembris pag. 188. , & 193.

Imolen. Distributionum 15. Septembris
pag. 158.

L

L Eodien. 24. Martii pag. 47.

Lunen. Sarzanen. 15. Septembris p. 176.,
& 24. Novembris pag. 180.

M

M Aceraten. Dispensationis 3. Fe-
bruarii , 3. Martii , & 19. Maii
pag. 23. 31. & 75.

Maceraten, 24. Martii pag. 54.

Mathelicen. Suspensionis oneris Missa-
rum 15. Septembris pag. 174. , & 24.
Novembris pag. 180.

Melevitana Irregularitatis 15. Decem-
bris pag. 205.

N

N Arnien. Servitii Chori 3. Februa-
rii , & 3. Martii pag. 21. & 31. ,
& 24. Novembris pag. 184.

P

P Apien. Dissolutionis Unionis, & Pro-
visionis 3. Martii pag. 32.

Parmen. Beneficii 7. , & 28. Julii p. 120.
& 125.

Parmen. Jubilationis 18. Augusti , & 15.

Septembris pag. 153. & 155.

Perusina Capellanix 15. Decembris
pag. 207.

Placentina Jubilationis 28. Julii , & 18.
Augusti pag. 135. & 137.

Prænestina Canonatus 16. Junii p. 94.

Privernen. Emphyteusis 16. Junii p. 103.

R

R Eatina Reductionis Missarum 24.
Martii pag. 50.

Reatina Absolutionis 24. Martii pag. 53.

Ripana 16. Junii pag. 99.

Romana Matrimonii 20. Januarii pag. 2.

Romana 3. & 24. Martii pag. 42. & 47.

Romana 3. & 24. Martii pag. 44. & 47.

Romana Suspensionis Dotium 7. Julii
pag. 110.

S

S Abinen. Irregularitatis 28. Julii
pag. 126.

Senogallien. Emphyteusis 19. Maii, & 16.
Junii pag. 88. & 91.

Sutrina , seu Nepesina Parochialis 20.
Januarii, & 3. Februarii pag. 9. & 19.,

ac 15. Decembris pag. 198.

Sutrina 21. Aprilis pag. 66.

T

T Udertina Redditionis Rationis 21.
Aprilis , & 28. Julii p. 70. & 125.

Tyburтина Residentiæ 3. Februarii p. 20.

V

V Isen. Dispensationis ab irregulari-
tate 18. Augusti pag. 138.

Visen. Dispensationis 24. Novembris
pag. 181.

Viterbien. Translationis Missarum 19.
Maii pag. 79.

Urbevetana 15. Septembris pag. 172. ,
& 24. Novembris pag. 179.

Urbinate. Translationis Missarum 3. Fe-
bruarii , & 3. Martii pag. 28. & 32. ,

ac 15. Decembris pag. 199.

F I N I S :

I

*Die Sabbathi 20. Januarij 1787. in Pala-
tio Apostolico Vaticano erit Sacra Con-
gregatio Concilij , in qua præter alia
proponentur infra scripta Dubia, juxta
morem ejusdem Sacræ Congregationis
de jure resolvenda.*

T Res quæ infra primo loco subiiciuntur causæ definiri in
ultima Congregat. haud potuerunt; sequuntur deinde
aliæ sex Causæ.

A VENIONEN. SERVITII CHORI.

- I. *An & quomodo sustineatur resolutio Capitularis ab Ar-
chiepiscopo confirmata , in qua jubetur ne imposterum at-
testationes recipiantur ad eos excusandos ab horis matu-
tinis , qui soliti non sunt iisdem interesse .*
- II. *An & quomodo sustineatur eadem resolutio pariter con-
firmata , in qua cautum est ne binæ attestations consecu-
tivæ favore unius ejusdemque personæ recipiantur , nisi
infirmas talis sit , quæ a Missæ celebratione detineat -*
- III. *An & quomodo sustineatur eadem resolutio pari modo
confirmata in qua cautum est ne attestations recipiantur,
quæ habitualiter ac periodice exhibentur , nisi infirmas
sit probe cognita , & declarata .*
- IV. *An & quomodo sustineatur eadem resolutio ut supra
confirmata , in qua cautum est ne attestations recipian-
tur pro exemptione ab omnibus officiis , nisi infirmas ta-
lis sit , quæ a Missæ celebratione detineat , in casu &c.*

Sess. 22. cap. 3.

et sess. 24. cap.

12. de Reform.

Ad I. Affirmativè in omnibus .

Ad II. III , & IV. Negativè , & amplius , & ad
Mentem , & Mens est , attestations a Medicis
esse cum juramento subscribendas , & recipiendas
a Capitulo etiam si periodicè , & habitualiter exhi-
beantur ; in potestate tamen esse ejusdem Capitu-
li per aliquem Canonicum infirmum visitare , &
quatenus dubium extiterit Archiepiscopus utatur
jure suo .

Sess. 24. cap. 5.
de Ref. matrim.
& Sess. 25. cap.
18. de reform.

DUBIA SUPER EXECUTIONE DISPENSATIONUM MATRIMONIALIUM.

- I. *An liceat Vicario Generali aliquid muneris sive stipendii etiam modicum accipere pro subscriptione & sigillo, sive alia qualibet de causa & titulo in executione litterarum Apostolicarum dispensationis matrimonialis in casu &c.*
II. *An, quibus, & quomodo fit locus restitutioni in casu &c.*

Ad I. Negativè.

Ad II. Ad Dominum Secretarium cum Santissimo pro absolutione ad cautelam, & condonatione.

Sess. 25. cap. 11.
de reform.

FIRMANA EMPHYTEUSIS.

An sit standum vel recedendum a decisis.

In Decisis, & amplius.

Sess. 24. cap. 1.
de Ref.

ROMANA MATRIMONII. Prolixè relata fuit hujus causæ species in Congregatione diei 19. Augusti anni mox elapsi. Eadie cum gemina disceptarentur Dubia = I. *An constet de nullitate Matrimonii in casu &c.* II. *An sit consulendum Sanctissimo pro dispensatione in casu &c.*, responderunt utrique EE. VV. edito responso = esse locum experimento cohabitationis triennalis = Displicuit conjugibus Comiti Julio Bussi, & Comitissæ Gentili Montogli Sacri hujus Ordinis judicium; Adeoque obtenta facultate denuo experiendi jura sua in Congregatione diei 2. Decembris anni pariter nuper effluxi tria expensa fuerunt. Dubia = *An sit standum vel recedendum a decisis in casu &c.* II. & quatenus negative ad primam partem, affirmative ad secundum = *An constet de nullitate Matrimonii in casu &c.* III. Et quatenus negative = *An sit consulendum Sanctissima pro dispensatione super matrimonio rato, & non consumato*

to in casu &c. Omnibus autem assueta maturitate consideratis prodit rescriptum = *Prævio recessu a decisio consulendum Sanctissimo præ dispensatione*. Continuo Defensor Matrimonii novam postulavit audientiam, qua obtenta quæritur hodie.

An sit standum in primo vel secundo loco decisio in casu &c.

In secundo loco decisio, & amplius, & moneantur Tancioni, & Posi de se abstinendo a similibus.

AMFURIEN. NULLITATIS PROFESSIONIS. Ir- *Sess. 25. de Regul. cap. 15. & 25.*
ritam dicit quam apud Carmelitas emisit professionem P. Angelus Maria in sæculo Iosephus Salinas ortus in oppido Hulvi Diæcesis Ampuriensis die 30. Martii 1741. Tres nullitatis causæ; Quod scilicet cum professus est, nondum exegisset, immo vix attigisset annum decimum sextum; Quod extra domum probationis conventumque ad id designatum regularem professionem nuncupaverit; Quod anno Novitiatus durante pluries ad alia loca diverterit.

Ante quinquennium lapsum animum reclamandi pluribus ostendit P. Salinas; donec anno 1774. S. M. Clem. XIV. supplex exoravit, licentiamque egrediendi e claustris Religionis postulavit. Sed re infecta obiit Clemens XIV. Adit deinde S. hanc Congregationem quæ de more Ampuriensi Episcopo compilationem processus super nullitate Professionis commisit, mortuoque deinde illo Episcopo rem Vicario Capitulari delegavit, Novus Ampuriensis Episcopus Processum amice communicavit Vicesregenti Serenissimi Sardiniae Regis, ex quo factum est ut Processus ille, ignotum quo fato, inveniri amplius adhibitum utcumque omnibus diligentibus non potuerit. Quia tamen manebant adhuc monumenta eorum quæ ex ipso scatebant processu, ideo Sanctissimus D. N. circumstantiarum misertus in quibus P. Salinas versabatur, auditoque prius Procuratore Generali Ordinis qui vera esse quæ exponebantur, testatus est, ad preces ejusdem P. Salinas rescripsit quod ille *jure suo in S. C. Concilii uteretur*, & S. C. procederet servata substantia licet non servata forma *Benedictinæ Constitutionis*. Citato igitur Religiosæ Profes-

Tom. LVI. A 2 fio-

tionis defensore causa sub infra scripto Dubio definienda proponitur.

Ante Concilii Tridentini tempora licebat sane annum decimum sextum in religiosæ Professionis nuncupatione antevertere. Missis namque iis Ecclesiæ sæculis in quibus effusa erant patræ potestatis jura in filiis Religioni offerendis, etiam postea solus minoris ætatis excessus ad monasticam Professionem sufficiebat ut ex responso *Inn. III. ad Belvacen. Episcopum relat. in cap. significatum de Regular. & Inn. IV. in Cap. Is qui de Regular. in 6.* Verum Tridentini Patres *Sess. 25. cap. 15. de Regularib.* humanæ fragilitatis, & tepelcentis in dies Christianæ charitatis miserati annum decimum sextum completum esse voluerunt, antequam regularis professio emitteretur; idque adeo enixe, ut professio antea facta sit nulla, nullamque inducat obligationem. Merito proinde etiam in casu quo aliquot horæ deerant ad explendum annum decimum sextum pro nullitate respondit *S. C. in Crotonen. 4. Decembris 1627.*

Sed ne incertus semper esset hominum status cum maxima Christianæ Reipublicæ perturbatione, atque ex alia parte sapientissime animadvertentes iidem Tridentini Patres quod illa consilii imbecillitas, & conditionis infirmitas, quæ eos impulerat ad prorogandam monasticæ Professionis ætatem per temporis lapsum sanari, & convalescere poterat ob præsumptam emissæ professionis homologationem, prudenter decreverunt audiendas non esse querelas super professionis nullitate, etiam si quispiam dicat ante debitam ætatem professum fuisse nisi intra quinquennium tantum a die professionis. Quidquid porro sit, & quibus in casibus tanta tribui debeat, quinquennali silentio efficacia, ut professionis invalide emissæ ratihabitionem inferat de quo late *Rota in celebri Mediolanen. Nullitatis professionis 3. Martii 1690. coram Emerix*, quæ prius acta in *S. Congregatione Concilii* mox ob suffragiorum paritatem ad eandem Rotam pro voto ablegata fuit.

Illud exploratum videtur quod si professus intra idem quinquennium non æquivoca dederit renuentis animi argumenta etiam sine judiciali forma, & apparatu, enervistunc est quinquennii lapsus tamquam si præsumptiones cessent, & conjecturæ quando ipsa animi certitudo apparet *gl. in cap. tuam verbo signatus de privileg. Ciriac. controuv. for. 371. num. 25., & 36., Gratian. discept. for. cap. 540. num. 5., Navar. de Regular. cons. 4. n. 17. & cons. 28. n. 7. Lassius de just. & jur. lib. 2. cap. 41. dub. 3. num. 63., & 66. Card. de Luca de Regular. disc.*

disc. 48. n. 5. , Suarez de Regular. t. 2. tract. de voto lib. 6. num. 3. Rota decis. 579. num. 2. p. 2. Recent. , & coram Canill. decis. 229. num. 3. , & S. hæc Congreg. in Spole- tana nullitatis professionis resolut. 29. Nov. 1777.

Neque vim dd. conquestionum eludunt siue delatio habitus religiosi , siue identidem fortasse exercita officia Ordinis siue susceptio Sacrorum Ordinum , qui cum non assumantur nisi ad titulum religiosæ paupertatis stare haud posse videntur sine implicita semel emissæ professionis omologatione . Nam retento semper quod hi actus alii- que hujus generis nonnisi præsumptam atque interpreta- tivam professionis ratihabitionem præferunt , quodque tacitam voluntatem cedere expressæ necesse est præ- sumptionem veritati, sequitur plane ineptos eosdem in his circumstantiis esse ad inducendam irritæ professionis confirmationem *Ursaja discept. 12. n. 104. , & 105. To. 5. Pignattell. consult. 173. num. 76. Tom. 9. Rot. dec. 491. num. 18. cor. Royas , & coram Pegna decis. 1210. n. 4. , & in Recent. decis. 705. num. 5. p. 2. , & decis. 397. n. 6. & 533. num. 5. p. 4. To. 2. , & S. C. in Policastren. resolu- tut. 7. Septembris 1726.*

Itaque si ex monumentis per P. Salinas adductis satis pro- bata EEVV. videbitur veritas Professionis ante completum annum decimum sextum emissæ , & conquestionum intra quinquennium contra eandem Professionem factarum ni- hil superesse existimari poterit, cur pro illius nullitate pronunciandum non sit . Duo tamen animadversione di- gna sunt : Unum quod *Concil. Trid. loc. cit.* tacitam Pro- fessionem tam sæpe a Canonico jure laudatam *cap. 1. de Regular. in 6. clement. final. eodem cap. videtur de Reg. nequaquam sustulisse videtur .* Rogata enim Sac. hæc Con- gregatio anno 1578. in una Cremonen. de variis circa tacitam professionem quæstionibus quoad primam respon- dit = *Sac. Congregat. Concilii censuit tacitam professionem a decreto Concil. Sess. 25. Cap. 15. , & seq. de Regular. non esse exclusam servato tamen tempore ibi præfixo , & aliis concurrentibus ad tacitam professionem de jure requi- sitis* = Et quoad tertium Dubium an pro tacita professio- ne necessarium esset annum decimum sextum prætergre- di , & per totum annum decimum septimum ratihabitiones argumenta exhibere rescripsit = *Sacr. Congr. Concil. censuit tacitam Professionem induci in ea ætate qua potest emitti expressa ut in lib. 2. decret. pag. 249. , & 250.*

Alterum pacificum non esse inter DD. an hæc tacita pro- fessio statim emergat semel ac professus per annum detulit ha-

habitum indistinctum, ac annum decimum sextum explevit, vel potius alterius anni induciæ cum continuata habitus delatione requirantur. Quamvis enim ex paullo supra ablegato S. C. responso res quodammodo finita videri posset, tamen refert *Fagnan. in Cap. nullus de Regul. semel*, & iterum hanc eandem S. C. respondisse tacitam professionem incipere ab exitu anni decimi sexti ad complementum decimi septimi; idemque confirmat in *capit. ad nostram eodem*. Non affert quidem idem auctor quibus in causis ita senserit S. C. uti nec eam sibi opponit, quæ mox relata fuit in *Cortonen. anni 1578.*, sed tamen non continuo detrahenda est fides ei qui diu fuit summa cum laude S. C. Secretarius, suffragante præsertim *Suarezio To. 3. de Relig. lib. 6. Cap. 20.*

Propterea accurate perpendendum erit in facto num ea quæ præbuit P. Salinas averſi a Religiosa professione animi argumenta utriusque antedicti temporis lapsum anteverrant. Tunc enim non solum vitio nullitatis infecta erit professio expressa, sed aditus quoque tacitæ professioni aperiri haud potuisset, ut ad rem *Card. Petra in Com. ad Constit. 9. Sixti IV. Sect. unica num. 20. T. 5. = Ex his etenim animi declarationibus intra annum ante tacitam professionem inducendam elisa remansit præsumptio voluntatis faciendi tacitam professionem seu factam nullam ratificandi a jure inducæ per permanentiam annalem in Religione, quæ fuit tantum materialis, & coacta nunquam tamen formalis, & directiva ut requiritur ad denuo profitendum tacite, & potius ex dd. actibus constat de voluntate non profitendi = & infra allegat in hanc rem resolutionem S. C. in Aquilana professionis 20. Aprilis 1697. .*

Aut nihil aut leviter P. Salinas attingit, quæ hinc inde disputantur a DD. sit necessaria, nec ne scientia nullitatis expressæ professionis, ut illa quoquo modo rati haberi queat. Et merito. Sive enim allegaret ignorantiam facti, hoc est emissæ ante expletum annum decimum sextum professionis, sive juris hoc est quod propterea ea irrita, & infecta esset, priori quidem veluti omnino in propria ætate inverosimili, secundæ vero tamquam culpabili haud facile deferre solet hæc S. C. Quinimmo cum eæ propositæ fuerint in *Neapolitana restitutionis in integrum 1. Decembris 1725.* Dubio quod proponebatur = *An sit concedenda restitutio in integrum in casu &c.* respondit = *Negative* = Et vicissim quando verisimilis, & inculcata ignorantia erat pro nullitate professionis rescripsit in *Aquilana professionis 20. Aprilis 1697. , & in Lugdunen. restitutionis in integrum 18. Novembris 1702. .*

Nullitas altera ab emissâ extra Conventum ad hosce actus designatum Professione auctorem habet S. M. Clementem VIII. , qui ut securior esset voluntatis probatio tutiusque Religiosæ vocationis experimentum optavit tum Novitiatum tum Professionem in Conventibus strictioris observantiæ peragi ; adeoque edixit , ut nulla , & infecta esset professio si eorum alterutrum extra designatos Conventus perficeretur , ut ex *Decreto diei 15. Martii 1596.* , & 20. Junii 1599. Temporibus S. M. Urbani VIII. dubitatum fuit num hæc Clementina decreta quæ expressam Professionem extra designatos Conventus emissam irritabant , ad tacitam quoque extenderentur . Res illa ad S. hanc Congregationem anno 1635. delata fuit : Videbatur Eminentissimis PP. sub Clementinis decretis tacitæ quoque Professionis extra Conventus designatos inductæ nullitatem contineri ; Aliud Summo Pontifici ; Sed facile conciliata res fuit : Immota enim manente quæstione juris consultum est quieti Religiosarum familiarum , quæ frequenter super hac nullitate vexari poterant , edito ab hac S. C. Congr. decreto ipsomet laudante , & approbante Summo Pontifice per quod nulla data , quoad juris quæstionem definitione statutum fuit ne post lapsum quinquennii nullitatis querelæ ex capite Novitiatus exacti , & professionis emissæ in Conventibus non designatis audiri amplius possent , ut ex decreto *die 17. Nov. 1635. To. 15. Decr. pag. 265. , & 266.*

Sed illæ eædem conqueſtiones utcumque extrajudiciales , quæ labi non sinunt quinquennium a Tridentina lege statutum ad dicendum de nullitatibus per eam constitutis v. g. quoad annum probationis , quoad illius integritatem sine ulla interruptione haud permittent quoque illud excurrere quoad nullitatem a Clementinis decretis introductam ex generali regula de qua *Cyriac. controuv. 371. n. 36. Rota in Recent. p. 4. decis. 179. num. 1. , & decis. 307. num. 4. , & part. 2. recen. decis. 206. n. 2. , & coram Merlin. decis. 628. n. 6.* . Ita ut in hac etiam nullitate quæstio redeat ad factum an scilicet P. Salinas ostendat vere contra suam professionem reclamasse , idque eo tempore præstitisse quo nulla pridem illius omologatio allegari , atque objici posset .

Facilior est de tertia nullitate indago ob interruptionem scilicet novitiatus hoc est permissam P. Salinas eo decurrente anno diversionem ad jocos aut solatia extra Conventum . Ut enim egressus è conventu novitiatum in-

terrumpat tria requiri docent DD. nempe dimissionem habitus, egressum a Monasterio, & deliberatum animum religionem deferendi, unaque ex his deficiente probationis annum non intercipi tradunt *Tamburrin. de jur. Abbat. disput. 4. quæst. 8. num. 4. Barb. jur. Eccl. leg. 1. cap. 44. num. 122. Schimier. in jus Canon. lib. 3. tract. 1. part. 1. cap. 3. sect. 3. §. 1. de novitiatu num. 126.* Cæterum egressum e conventu cum licentia Superioris sive valetudinis causa, sive ad animi oblectamentum, sive honesta aliqua de causa non interrumpere Novitiatum docet *Fagnan. in cap. insinuante qui Clerici vel voventes num. 38. & 39. = Prima ratio est quia nullo jure cavetur ut Novitius per annum integrum debeat semper, & continuo manere intra claustra; secunda quia Monachus ubi vis locorum degat de licentia Abbatis, fingitur degere intra claustra; Tertia quia negari non potest quin Superior possit impartiri licentiam subdito suo morandi extra claustra ad tempus = & præcedenti num. 25. allegat in hanc rem resolutionem hujus Sac. Congregationis.*

Videbunt EE. VV. cujus speciei sit intermissio illa Novitiatum quam allegat P. Salinas. Interim in memoriam EE. VV. revocare opportunum censeo facti speciem alias relatam in *Spoletana nullitatis professionis* 13. *Septembris 1777.*, & a Sac. Congregatione Episcoporum & Regularium expensam atque decisam. Propositus illi Sac. Congregationi fuit casus in *Auxana nullitatis professionis* de proficiente ante annum decimum sextum completum, non reclamante intra quinquennium, & in religione permanente quiete, & pacifice per annos 22.; Immo actus religionis exercuerat, professionem per schedulam renovaverat, dixeratque conscius se esse de nullitate primæ suæ Professionis. Nihilominus Sac. illa Congregatio 22. *Septembris 1769.* Dubio quod disceptabatur = *An constet de causis restitutionis in integrum* = respondit = *Affirmative* =, & denuo interrogata 22. *Decembris* dicti anni rescripsit = *Consulendum SSmo pro transitu ad statum præbiteri sæcularis.*

Considerabunt præterea EE. VV. quanti faciendus sit recursus P. Salinas ad sa. mem. Clementem XIV. de quo in narratione facti incidit sermo, & an ex eo implicita resultet emissæ professionis homologatio. Pene similis aderat circumstantia in dicta *Spoletana nullitatis professionis* ut legere est in *folio ejus causæ §. finali*, & nihilominus pro nullitate professionis responsum fuit. *Ad mollior*

lior vel durior sit casus Patris Salinas EE. VV. judi-
cabunt.

Dubium est.

An constet de nullitate professionis in casu &c.

Affirmativè.

SUTRINA, SEU NEPESINA PAROCHIALIS.

Adest Parochialis Ecclesia sub invocatione B. M. V. in Cælum assumptæ in oppido Treboniani Sutrinæ Diæcesis, quæ ex duabus coalescit Parochiis, & a duobus regitur Parochis, qui a priscis temporibus usque ad hæc tempora conjunctim in vim ut ajunt Apostolici Brevis Animarum curam exercuerunt. Hujus autem unionis causam affert in sua relatione Sutrinus Episcopus = *Destructis quippe duabus antiquis Parochialibus Ecclesiis unitæ eadem paræciæ in unica Ecclesia Sanctæ Mariæ in Cælum Assumptæ fuerunt; Parochialia autem munia conjunctim in Archipresbyterum, & Rectorem vigore, ut fertur, Apostolici Brevis, quod incendio consumptum asseritur, coaluerunt* = Et prius dixerat cl. mem. Card. Pamphilius in suo decreto edito occasione Sac. Visitationis Apostolicæ an. 1775. *Dux antiquæ Parochiæ sic erant Pontificia auctoritate unitæ, ut in unam coaluerint, & Archipræbyter, & Rector in solidum Animarum Curam gererent; etsi hujusmodi unionis Apostolicum Breve vel incendio, vel alia de causa deperditum desideretur.*

Verum hanc unionem, & modernus Archipræbyter Berti, & defunctus Rector Nesoli privata auctoritate dissolverunt per Apocham Anni 1767., in qua conventum fuit ut quoad Sacramentorum administrationem, Curamque animarum certi unicuique assignarentur Paræciæ fines; Quo vero ad munera quæ Dei cultum Ecclesiæqua servitium spectant iis exceptis quæ primæ Classis dicuntur, omnia per turnum ab utroque exercerentur. Haud diu tamen firma stetit hæc divisionis concordia, licet a Sutrinis tunc temporis Episcopo, quo consilio quave auctoritate plane non constat, ad probata. Supradictus namque Petrus Cardinalis Pamphilius anno 1775. cum in Sacra Visitatione Apostolica Diæcesim illam perlustraret divisionem prædictam parum firmam validamque ratus de-

*Sess. 24. cap. 13.
de Reform.*

crevit ut *idem Archipresbyter, & Rector pro illius approbatione intra mensem Summo Pontifici supplicarent.*

Obiit Rector Nesuli quin unquam preces pro Apostolica confirmatione porrexerit. Novus itaque Rector Bullas pristino more expedivit: At vix gubernio gregis juxta veterem consuetudinem munus admovit, obstaculum privatæ illius transactionis invenit. Conquestus ea de re est cum suo Episcopo, qui re cognita seduloque perpensa transactionem illam irritam infectamque declaravit, nisi intra mensem Apostolico beneplacito confirmaretur. Lapso termino per Episcopum præstituto tunc demum Archipresbyter seu Promotor Fiscalis SSmum exoravit pro supradictæ Divisionis redintegratione seu pro Paræciæ divisione; sed ablegatis a Sanctitate Sua precibus ad hanc Sac. Congregationem, duo quæ infra recensentur Dubia ab EE. VV. definienda proponuntur.

Ad primum quod spectat observandum videtur novum omnino insuetumque non esse ut duo Parochi animarum Curam in solidum exerceant. Graviorem eo de quo hodie agitur esse casum expensum a Sac. hoc Tribunali in *Tybertina Parochialis 9. Julii 1757.*, in quo de Paræcia agebatur cui duo deserviebant Parochi, & quidem alternative diviso per hebdomadas exercitio. Quamvis porro incommoda ex dicto duorum Parochorum consortio enascentia Sac. huic Ordini exposita fuissent, nihilominus adeo solidale illud exercitium non displicuit, ut neque volita fuerit divisio illa per hebdomadas, & Dubio quod proponebatur = *An sit locus reductioni duorum Parochorum unius ejusdemque Parochialis Castri Madamæ ad unum solum Parochum qui onus habeat retinendi Cappellanum coadjutorem in Cura animarum ab Episcopo approbandum; Respondit Sac. Congregatio = Negative, & Episcopus incumbat exerceri diutinam Curam Animarum per utrumque, sublata alternativa, & ad mentem, & mens est ut fiat massa communis ex incertis emolumentis æqualiter dividendis.*

Aliunde vero hanc plurium pastorum super indiviso grege auctoritatem, & gubernium semper Ecclesia ægre, & invita quodammodo toleravit. In Africano Concilio anni 418. expensus fuit casus quo a Donatistis ad Ecclesiæ finem rediret aliquis Episcopus in ea Diæcesi in qua alius jam Catholicus Episcopus fuerat subrogatus. Temperarunt ea occasione Africani PP. Ecclesiasticæ disciplinæ rigorem quem *Nicæna Synodus can. 8.* invexerat, ex quo inspecto ejurantibus hæresim Episcopis Presbyterorum honor

honor dumtaxat servabatur, nolueruntque hunc ut superredeuntem Episcopum sine honore, & jurisdictione esse in primæva sua Diæcesi; Voluerunt immo pari honore, & jurisdictione cum subrogato Episcopo trui; sed ita ut alia loca ad illum alia ad alium pertineant, ita ut ille dividat qui amplius temporis in Episcopatu habet, & minor eligat, inquit Canon relat. in cap. 1. de Parochiis, & alienis Parochianis; Eamdemque Rectorum super unico grege pluralitatem improbavit Tridentina Synodus Sess. 24. cap. 13. de Reform.

Non defuerunt quidem Doctores qui satisfactum huic Ecclesiæ regulæ putarunt quando jus Parochiale penes unam residet personam ut ajunt formalem seu intellectua-lem licet hæc per plures materiales personas repræsentetur; quemadmodum feudum dignitatis licet sit individuum, & nonnisi penes unam formalem personam esse queat, nihil tamen vetat quin hæc per plures agnatos tamquam plures materiales personas unam formalem individuum representantes obtineatur. Innoc. in cap. cum non ignores sub num. 1. de præbend. Host en. ibid. num. 6. Butr. ibid. num. 4. Zabarella num. 1. Lotter. lib. 1. quæst. 20. num. 115. & seqq. Rota cor. Greg. decis. 479. per tot.

Sed præterquam emicat semper Ecclesiæ desiderium ut quicumque juris subtilitate postposita unusquisque Rector suum habeat peculiarem gregem, cui ipse solus præsit, & regat. Quæstio hic non est de unica paræcia quæ per plures regatur unum individuum formalem Rectorem repræsentantes, sed agitur de duabus immo Paræciis in una Ecclesia unitis quarum utraque diversa est, utraque confertur in titulum, & confusum solummodo indistinctumque habet populum, ita ut fictio illa plurium materialium personarum unam formalem repræsentantium traduci ad rem præsentem nullo modo possit.

Quoad alterum Dubium scilicet divisionem pro æquali si ea unio dirumpenda EE. VV. videatur, regula est quod res in communi possessa pro collatarum partium modo, & mensura dividenda sit, quodque non docto de inæqualitate partium ab initio immixtarum ex æquo facienda divisio sit Leg. cum pater §. Dulcissimis ff. de Legat. 2. Leg. in re communi ff. de servit. Urban. Card. de Luca de Parochis diss. 33. num. 4. Rota cor. Celso dec. 286., & dec. 600. part. 5. Recent.

Sub involucri antiquitatis latet quid quantumque utraque Paræcia in commune quodammodo contulerit. At vicissim obscurum non esse videtur ante divisionem anni 1767. utrumque Parochiam æqualiter indiviso gregi præfuisse. neque ulla hætenus exhibita fuerunt observatæ ante eam diem inæqualitatis monumenta. Coniici quinimmo potest illud in omnibus fuisse Rectori ex iis quæ circa Ecclesiæ functiones sancita in ea divisione fuerunt. Conventum siquidem fuit quod functiones quæ primæ Classis dicuntur, tum solemniore Processiones Benedictiones candelarum, Cinerum, atque Palmarum, aliæque etiam extraordinariæ functiones ad Archipresbiterum private spectarent, cæteræ vero per turnum ab Archipræsbitero ac Rectore peragerentur. Numquid existimare licet quod Rectoris Parochia antequam uniretur, solemniore hæc functiones non haberet, quibus vicissim non caret quantulacumque Campestris Parochia, cum licet hæc omnia inter parochialia jura haud recenseantur; pertineant tamen ad functiones Parrochiales, ut adveniunt *Monacell. formul. legal. tom. 2. tit. 13. formul. 1. num. 54. & seqq. Ursaja discept. Eccles. la. 29. tom. 9. part. 2.*

In promptu autem esse videtur modus ineundæ ex æquo divisionis. Non solum civilia jura eam approbarunt multorum usu populorum firmatam consuetudinem ut unus dividat, & alter eligat *leg. 1. Cod. de his qui se deferunt, leg. 2. cod. Quando, & quibus quarta*. Sed, & Sanctissimi quoque Ecclesiæ Patres eam unanimi consensione laudaverunt. *S. Ambrosius lib. 1. de Abrahamo cap. 3. inquit = Firmior dividat, infirmior eligat ne habeat quod conqueratur = S. Augustinus lib. 16. de Civit. Dei cap. 20. ait = Hinc fortassis effecta est inter homines pacifica consuetudo, ut quando terrenorum aliquid partiendum est major dividat, minor eligat = & sequuta est Africana Synodus de qua supra = Ille dividat qui amplius temporis in Episcopatu habet, & minor eligat =* Hæc tamen regula quæ in pacifica obtinet, & extrajudiciali quodammodo divisione; quando semel ad judicem ventum est, illiusque imploratum officium haud amplius sequenda videtur, totumque illius majestati, & auctoritati relinquendum, ita post *text. in leg. 4. & 5. ff. famil. ercisc. leg. si duobus Cod. commun. de legat. leg. 2. Cod. quando, & quibus quarta pars §. Si familiæ Instit. de Offi. Judicis pluribus ostendit Vinn. disput. jur. seiect. lib. 1. cap. 34.* Adeoque Episcopi judicio, & aucto-
rita-

ritati committenda esset æqualis ista divisio quatenus eam
ineundam esse EE. VV. existimarent.

Dubia sunt.

I. *An sit servanda unio exercitii Curæ Parochialis S. Mariæ
in Cælum assumptæ inter utrosque Parocos in casu &c.*

Et quatenus negativè.

II. *An sit locus Divisioni ejusdem exercitii pro æquali in
casu &c.*

Non proposita cum sequentibus.

ALBINGANEN. ÆDIFICATIONIS ECCLESIAE PA-
ROCHIALIS. Insigni restauratione ab imo ad sum-
mum indigente unica qua utitur Ecclesia Populus Borgii
Albinganen. Diæcesis, agnitoque quod illius reparatio
grandiorem requirebat impensam scut. 5000. , quam ædi-
ficatio novæ in situ præterea commodiori scut. 4000. non
excedens, de nova constructione consilium iniit, postu-
lavitque in eam rem, ut quoniam ad tantum opus impa-
res sunt illius vires auctoritate SSmi D. N. liceat uti in
partem sumptuum hæreditate quondam Mariæ Fenocchio
in pios usus relicta.

Summa hæc est ultimæ voluntatis dictæ Fenocchio. Hære-
dem scripsit animam suam jubens assem totum [quem ad
libras circiter 14900. efferri compertum fuit] in Locis
Montium S. Georgii, aut Cameræ Januensis collocari:
Ex redditibus bis mille librarum Januensium occurri ægro-
tantibus egenis Pagi; Ægroti si desint tantumdem panis
distribui in pauperes in annos singulos Kalendis Maii:
Ratam aliarum librarum 1600. implicari in construenda
Cappella in hac ipsa fatiscente Ecclesia inscripto nomine,
& cognomine suo, & de his quæ ex prædictis libr. 1600.
superessent emi lampadem argenteam pro usu dictæ Cap-
pellæ: De reliqui assis fructibus solidos triginta dari sin-
gulis annis Parocho pro uno Sacrificio in expiationem
Animæ suæ Kalendis Maii celebrando, & superextantes
erogari in totidem Missis lectis cum eleemosyna solidorum
quatuordecim. Tribus exequutoribus testamentariis per
bien-

*Sess. 21. cap. 7.
de Reform.*

biennium quo duraturum erat eorum munus reliquit annuas libras 12. pro unoquoque ; Mox Parocho , & Priori Consulum in quos transitura erat suæ voluntatis executio annuas itidem libras 6. pariter pro unoquoque . Ut populus Borgii faciliorem gratiæ viam sternat publicis coactis comitiis renunciavit distributioni fructuum libr. 2000. erga infirmos egenos , & panis in pauperes cum eo in pago nullus sit dives nullus sit miser . Promittit ædificare Cappellam ad mentem Testatricis , ac satisfaciendum alicui numero Missarum , quarum reductionem efflagitat . Episcopus æquam censet populi instantiam . Revera quoties de restauratione agitur Ecclesiæ Parochialis ante omnia inquirendum est habeat nec ne Ecclesia illa aliquam Dotem in eam causam assignatam *can. 30. 12. quæst. 2.* Testis autem est Episcopus ne dum hanc Dotem in casu deesse , sed etiam quod populus ad *Ecclesiæ manutentionem , ac provisionem annuatim teneatur .*

Quæritur secundo loco abundet necne redditibus Ecclesiæ Rector , vel an alia adsint in eadem Ecclesia erecta beneficia , ut expresse cautum legitur *in cap. quicumque de Eccl. ædificand. , cap. de his eodem , Conc. Trid. Sess. 21. cap. 7. de Reform. .* Colligere autem est ex Episcopi verbis utrumque in casu deficere ; Inquit enim Episcopus = *Ecclesia Parochialis nullum possidet Capitale , seu Fundum , sed ex piorum dumtaxat eleemosynis sponte oblati annuatim pro necessario cultu sustentatur .* Et quamvis fieri possit quod ea verba de materiali Ecclesia non de formali , sive illius Rectore , & Beneficiatis accipi debeant , tamen & lubens , & spontanea populi in singulos annos contributio ; deliberatio Communitatis mutuas sumendi in causam hodiernæ restorationis , seu ædificationis libras mille ultra speratas piorum eleemosynas , renunciatio Legato librarum bismille de quo supra magno argumento sunt nec Parochum , nec ullos beneficiorum Possessores adesse qui pulsari pro hujusmodi opere possint .

Ad populum deinde veniendum est , ut ex *Conc. Trid. loc. cit. , & sequuntur Sperell. decis. 67. per tot. , Panimol. decis. 6. annot. 9. , Ventrigl. prax. rer. Eccl. lib. 2. annot. 18. §. unico :* Sed populi hujus conditionem , & vires late excedit impensa quæ sive ad restaurationem veteris , sive ad ædificationem novæ Ecclesiæ , ut supra necessaria est . *Populi vires (sunt verba Episcopi) longe superat præsens summa ad alterutrum necessaria .*

Quoties ea est rerum conditio , quæ hætenus exposita fuit , Sac. hæc Congregatio eam non raro incessit viam , ut ipsa

Missarum Legata in Ecclesiæ Parochialis levamen erogari permiserit, ut novissime in *Tudertina* 19. Julii 1783. , in qua cum loco erogationis in eleemosynas Missarum petierit Parochus, ut suæ Paræciæ bona unirentur, proposito Dubio = *An, & quomodo Oratoris precibus sit annuendum* = respondit Sacer hic Ordo = *Affirmative celebratis Missis* 24. quolibet anno ad formam Testamenti, facto verbo cum SSmo = .

Ne autem insuetæ, aut immodicæ videantur Populi preces animadvertendum est ipsum quoad libras 2000. in infirmos, aut panis distributionem erogandas renunciare juri suo; quoad libras 1600. in ædificationem Cappellæ impendendas paratum esse in nova Ecclesia hanc Cappellam construere; quoad reliquas demum ex toto asse libras circiter 11300. , quarum fructus in Missarum Eleemosynam implicandi essent, ultro ipsum assentiri, ut certus illi Sacrorum numerus Sac. hujus Congregationis arbitrio imponatur.

Duxeritur.

An, & quomodo Oratoris precibus sit annuendum in casu &c.

AQUEN. CAPPELLANIÆ . Canonicus Guidus Baldotti Testamento suo diei 27. Novembris 1749. , & Codicillis dierum 4. Februarii 1751. , & 10. Decembris 1755. Laicalem Cappellaniam instituit, ac respective ratihabuit cujus activum juspatronatus reservavit duabus suis ex Fratre Neptibus, earumque Descendentibus Masculis per lineam masculinam tantum, iis vero deficientibus Prioribus pro tempore Sodalitatis sub auspiciis S. Antonii Abbatis in Aquensi Civitate erectæ : Quoadusque Patronatus activus esset penes masculos, ut supra a Neptibus suis descendentes, neminem ad passivum juspatronatus vocavit; illo vero in Priores Societatis transeunte legem eis dedit præferendi Presbyterum, aut Clericum habilem qui esset de agnatione Petri Josephi Accusani filii quondam Caroli, aut ab istis descendente per Lineam Masculinam. Pro Cappellaniæ fundo suam assignavit hæredi-

Sess. 25. cap. 4. de Reform.

reditatem imposito futuris Cappellani Onere duorum Anniversariorum, Missarum quinque celebrandarum a PP. S. Francisci Min. Obs., & præterea tot offerendi Sacrificia quot responderent annuis redditibus computata uniuscujusque Sacrificii eleemosyna in solidis 13., & 8. monetæ Pedemontanæ.

Quia vero suæ hæreditatis usumfructum Franciscæ Accusant Fratriæ suæ legaverat, ideo non prius quam in ejus obitu sequuto Mense Augusti anni 1781. factus est locus nominationi Cappellani. Cum ex duabus illis Testatoris Neptibus altera sine prole obierit, ex altera vero unus super sit masculus ex masculino nempe Joachim Provenzali Orator nunc Romani Seminarii Alumnus, hinc duo iste præ sua paupertate ab EE. VV. postulat. *Primum* quod suspensa nominatione Cappellani sibi administratio reddituum Cappellaniæ decernatur ea lege, ut adimpletis prius duobus Anniversariis, nec non quinque Sacrificiis a PP. S. Francisci ut supra offerendis, qui supersunt Cappellaniæ redditus bifariam dividantur, eorumque medietas sibi in alimoniam causam durante paupertate concedatur, medietas altera in eleemosynam Missarum juxta Vota Testatoris erogetur. *Alterum* quod cum ex persona Abavi sui sit debitor erga Cappellaniam tum pro quantitate librarum 288., tum pro aliis libr. 170., & solid. 15., ab utroque præ inopia sua absolvatur.

Vicarius Capitularis utrique instantiæ adhærebat, adhæsit etiam Vicarius Generalis Episcopi in literis ab eo ad S.C. datis 7. Februarii 1786. Animadvertit enim redditus, quos habet Orator in ditione Serenissimi Sardiniae Regis, vix efferri ad annua scut. 20., ignotumque sibi esse an alibi alia habeat bona, Tutorem vero a se interrogatum pernegare; fructus autem Cappellaniæ non excedere annua circiter scut. 22., quibus præmissis de paupertate instantis, & petitionis honestate satis liquere concludit.

Frequentissima est de quæstione in primo Dobio contenta apud Sac. hanc Congregationem disceptatio. Viam semper concessioni in titulum administrationis favore egentis patroni stravit Canonica æquitas, quæ patrono pauperum alimentorum præstationem reservavit. Solemnis eam in rem est sanctio *Toletani Concil. 1v. can. 38. relat. in canone quicumque 16. quæst. 7.*, quem Clemens III. renovavit *Cap. Nobis de Jurepatr.*. Et quamquam olim disceptatum fuerit an solis a Fundatore descendantibus tributum hoc beneficium esset, merito tamen placuit sanctionem *Canonis quicumque* licet de solis descendantibus loquentem in sen-

Tensu demonstrativo accipere, & canonicam indulgentiam ad omnes Patronos etiam extraneos a Fundatore extendere. Nonne enim jus præsentandi patronis omnibus etiam extraneis indubie competit utcumque in *Toletano Concil. ix. Can. 11. relat. C. decernimus. 16. quæst. 7. secundam litteræ rigorem solis datum legatur Fundatoribus Quamdiu Fundatores in hac vita superstites fuerint &c. Rectores idoneos offerant ordinandos = ? Nonne processio- nis honor omnibus sine controversia Patronis non invidetur utcumque in *d. Cap. Nobis* pari passu eodemque contextu cum jure alimentorum concedatur = *Pro fundatione quoque Ecclesiæ honor processio- nis Fundatori servatur, & si ad inopiam vergat ab Ecclesia illi modeste succurritur = ?* Merito hinc Sac. Rota discussio plenissime articulo æquitatem Canonis quicumque de omnibus Patronis etiam extraneis intelligendam esse definivit in *Salernitana Alimentorum 11. Januarii 1712. & in confirmatoria 20. Junii ejusdem anni coram clar. mem. Card. Scotto.**

Reque vera indigenti patrono sæpe auxiliata est Sac. hæc Congreg. per concessionem administrationis, & quoties de vero Beneficio res erat cavet etiam, ut administratio esset penes Ecclesiasticam personam. Collecta in eam rem exempla videre est in Folio 20. Maii anni 1786. sub titulo *Asculana Dispensationis*; in eaque Causa cum quæreretur = *An, & quomodo sit consulendum SSmo pro concessione administrationis reddituum trium Beneficiorum quousque nominatus perveniat ad annos 14. in casu &c. =* Respondit Sac. Congreg. = *Consulendum SSmo, ut attentam paupertate Oratoris committatur Episcopo Deputatio administratoris Ecclesiastici trium Beneficiorum, qui satisfactis oneribus residuum Oratori consignet usque dum nominatus ad legitimam ætatem pervenerit =.*

Quoad secundum quæstionis caput considerandum videtur hanc semper fuisse Ministrorum Ecclesiæ sollicitudinem. ne sortes, & capita fundorum minuerentur, qui pro Beneficiorum, aut piorum Legatorum Dote constituti fuerunt. Cumque e converso ad sublevandam patronorum inopiam ipsamet Sacrificiorum Onera Sac. hæc Congregatio suis in casibus suspenderit, ut in *Taurinen. 30. Martii 1776. in Massanen. reductionis Missarum 24. Januarii 1778. & in Nucerina reductionis Missarum 6. Septembris 1778.* Hinc fortasse congruentius videri posset, ut ex altera medietate reddituum quam in Sacrificiorum celebratione impendere Orator promittit prius redintegrentur, & in frugifera implicentur investimen-

ta, facto in singulos annos deposito, duo illa Capitalia, tum lib. 288., tum libr. 170. 15., mox vero resumatur celebratio Sacrorum, redintegratis capitalibus respondentium.

Dubia sunt.

An, & quomodo sit annuendum suspensioni nominationis Cappellani, & concessioni administrationis in casu &c.

An, & quomodo sit providendum quoad debitum librarum 288., & alterum lib. 170. 15. in casu &c.

*Sess. 7. cap. 7.
& Sess. 24. cap.
13. de Reform.*

ASSISIEN. CONGRUÆ. Quæstio de Congruæ augmento, & elemosyna Sacrificiorum pro populo, quam adversus PP. Conventus S. Francisci Assisii excitarunt Vicarii Curati Ecclesiarum olim a suppresso Monasterio S. Nicolai de Campolongo Ordinis S. Benedicti dependentium, mox vero a San. Mem. Sixto IV. eidem Conventui una cum dicto Monasterio unitarum relata fuit in Folio Congregationis habitæ die 9. Septembris anni elapsi. Sed cum illa die ob multipliciter Causarum definiri ea haud potuerit, iterum proposita fuit in Congregatione diei 2. Decembris mox dicti anni. Sera productio iurium, quæ Vicarii Curati ad suæ præsidium Causæ attulerunt, fecit ut petente Conventu dilationem ad ea ferio expendenda facile EE. VV. annuerint edito responso = *Dilata ad primam post proximam* =. Itaque hodie edendum est ab EE. VV. iudicium.

- I. *An, & in qua summa, & a quo tempore sit locus augmento Congruæ in casu &c.*
- II. *An, & in qua summa, & a quo tempore præstanda sit elemosyna Missarum pro populo in casu &c.*

Die Sabbathi 3. Februarii 1787. in Palatio Apostolico Vaticano erit Sacra Congregatio Concilij, in qua, præter alia, proponentur infra scripta Dubia, juxta morem ejusdem Sacræ Congregationis de jure resolvenda.

NON permittit negotiorum multitudo, ut tres quæ infra primo loco recensentur Causæ ab EE. VV. definiri possent. Hodie itaque resumpto præteritæ Congregationis Folio placeat EE. VV. de iisdem reliquisque sex quæ subjiciuntur ferre judicium.

SUTRINA, SEU NEPESINA PAROCHIALIS.

*Sess. 24. cap. 13.
de Reform.*

- I. *An sit servanda unio exercitii Curæ Parochialis S. Mariæ in Cælum Assumptæ inter utrosque Parocos in casu &c.*
- II. *An sit locus divisioni ejusdem exercitii pro æquali in casu &c.*

Ad I. Negativè.

Ad II. Affirmativè, & ad mentem; Mens est, quod uterque Parochus celebret Missam pro Populo, & divisio non fiat per Familias.

ALBINGANEN. ÆDIFICATIONIS ECCLESIAE PAROCHIALIS.

*Sess. 21. cap. 7.
de Reform.*

An, & quomodo Oratoris precibus sit annuendum in casu &c.

Affirmativè, reservato onere Anniversarii Kalendis Maii a Parocho implendi cum eleemosyna solidorum triginta, & celebratis quotannis nonnullis Missis lectis arbitrio Episcopi, & cum eleemosyna ab Episcopo taxanda, & ipse incumbat ædificationi Ecclesiæ cum appositione Lapidis, & administrationi hæreditatis.

Sess. 25. cap. 4.
de Reform.

AQUEN. CAPPELLANIÆ.

- I. *An, & quomodo sit annuendum suspensioni nominationis Cappellani, & concessioni administrationis in casu &c.*
- II. *An, & quomodo sit providendum quoad debitum Librarum 288., & alterum libr. 170. 15. in casu &c.*

Ad I. Affirmativè ad quinquennium juxta petita, satisfactis duobus Anniversariis, & quinque Missis.

Ad II. Affirmativè juxta modum, nempe alteram medietatem erogandam esse in reintegrationem Cappellaniæ; donec extinguantur integra debita, celebratis tribus Missis in singulos annos, facto verbo cum SSmo.

Sess. 7. cap. 7.,
& Sess. 24. cap.
18. de Reform.

ASSISIEN. CONGRUÆ.

- I. *An, & in qua summa, & a quo tempore sit locus augmento Congruæ in casu &c.*
- II. *An, & in qua summa, & a quo tempore præstanda sit eleemosyna Missarum pro Populo in casu &c.*

Ad I. Affirmativè ad formam Bullæ Pianæ a die motæ Litis juxta liquidationem faciendam coram Emo Præfecto, & amplius.

Ad II. Negativè in omniibus, & amplius.

Sess. 23. cap. 1.
de Reform.

TYBURTINA RESIDENTIÆ. Instantia Parochi Ciucci qui attentis suæ Paræciæ circumstantiis ab amplissimo Ordine declarari postulabat haud teneri ipsum intra Paræciæ ambitum residere expensa, & definita fuit in Congregatione diei 29. Julii superioris anni. Dubio itaque quod ea de causa propositum fuit = *An Parocho Joanni Baptistæ Ciucci liceat habitare in Domo paterna in casu &c.* responsum fuit = *Negative juxta modum, nempe præfigatur ab Episcopo congruus terminus Parocho ad restaurandam Domum Parochialem, quo elapso in ea habitare teneatur* = Postulavit continuo Parochus Ciucci facultatem denuo experiendi jura sua adversus latum semel judicium

dicium : Denuo itaque proponitur sub infrascripto Dubio Causa de qua resumpto audientiæ Congregationis folio EE. VV. sententiam dicent .

An sit standum vel recedendum a decisio in casu &c.

In Decisio , & amplius .

NARNIEN. SERVITII CHORI . Cum in Sacra Visitatione diei 18. Septembris 1780. vidisset Narniensis Episcopus in duabus Collegiatis Ecclesiis Terræ Stronconii , altera sub invocatione S. Michaelis Archangeli , altera S. Nicolai divinum Officium haud integre persolvi , sed hoc dumtaxat solemnioribus Festis impleri , reliquis vero per annum Festis diebus Canonicos Missæ Cantatæ , & recitationi Vesperarum , & Completorii interesse , edicendum esse censuit decreto suo , ut omnibus diebus festis , temporibusque Quadragesimæ , & Adventus integrum Officium a Canonicis persolveretur indicta pæna unius auri in pios usus applicandi contra eos , qui dicto audientes non fuissent . Cumque in visitatione altera diei 21. Septembris 1783. haud paruisse Canonicos animadvertisset eandem legem denuo sancivit pari decreto , sed aucta pæna ab uno ad duos aureos .

Sess. 24. cap. 12. de Reform.

Querelas contra hæc decreta Canonici utriusque Collegiatæ ad hanc S. C. detulerunt , auditoque prius de more Episcopo super Canonicorum precibus instantia in Folio describitur . A tribus autem capitibus Episcopaliū decretorum errorem dd. Canonici repetunt : *primo* quia utraque Ecclesia non sit vere , & proprie Collegiata ; *secundo* quia ea etiam Collegialitate supposita immemorabili consuetudine invecus sit is servitii modus quem ipsi hætenus præstiterunt ; *tertio* quia tanta sit Canonicatum tenuitas , ut impositum ab Episcopo onus ferre omnino non possint .

Primum quod attinet ; oppido clamant , nullum aliud adesse prætentæ hujus Collegialitatis argumentum , quam veterem nuncupationem a vulgi fortasse opinione frequentique usu loquendi profectam : Id autem eo credibilius esse quod de parvo agitur Loco in quo inverisimile est nedum

unam

unam sed duas immo erectas fuisse vere , & proprie Collegiatas Ecclesias Card. de Luca de benef. disc. 59. num 5. Rota in Ponsanien. Parochialis 1. Julii 1757. §. 9. coram clar. mem. Card. Buffio .

At ea etiam supposita , immemorabilem consuetudinem proferunt Canonici pro eo retinendo divini servitii modo, quem hactenus observarunt. Plures dant testes eosque ætate grandævos, qui de utraque Collegiata loquentes ajunt *non essere a memoria d'uomo stato mai solito, e costumato , che li rispettivi Canonici di essa Collegiata abbiano recitato in Coro tutto l'Ufficio Divino in tutti li giorni festivi di precetto ed in tutto il tempo dell'Avvento, e della Quaresima ; nè abbiamo inteso dire dai nostri vecchi antenati essersi da essi mai costumata tale ufficiatura , la quale noi stessi abbiamo veduto , e sentito dai nostri antenati, che si è esercitata sempre come al presente si esercita .*

Quinimmo ex antiquis punctaturarum libris quoad Collegiatam S. Archangeli ab anno 1610. incipientibus , quo vero ad Collegiatam S. Nicolai ab anno 1726. apparent quidem descriptæ punctaturæ pro Missa cantata, Vesperis, & Completorio in diebus festis , pro integro officio in solemnioribus festivitatibus , & triduo Majoris hebdomadæ , nunquam tamen pro eodem integro officio quibuscumque diebus Festis . Idemque præsupponunt Pastorales Visitationes anni 1658. quoad dictam utramque Collegiatam , & 1694. quoad Ecclesiam S. Archangeli , atque iterum diei 7. Maii 1719. quoad dd. ambas Collegiatis . In Collegiatis autem , quæ insignes non sunt eam esse immemorabilis consuetudinis vim , ut excusare a residentia queat , adeoque multo magis a psallendo in Choro ex sententia Sac. hujus Congregationis testatur Fagnan. cap. cum omnis de constit. num. 31. = *Sanctitas Sua putavit quod visum est Congregationi ut scilicet quando Ecclesie non sunt insignes immemorabilis consuetudo non residendi excusat Canonicos a residentia* = .

Paupertatem tertio loco ostendunt Canonici utriusque Collegiatae eamque talem , ut collectis in unum acervum tum massæ communis , tum præbendarum redditibus , atque alia ex parte consideratis oneribus sive communibus, sive particularibus aut nihil super sit, aut ex parte superent redditum . Quo præsupposito imponi sibi ipsis non posse concludunt onus servitii durioris eo quod hactenus præstiterunt teste Card. Petra ad Const. Apost. in Const. VII. Innoc. IV. num. 28. = *In Collegiatis autem non insignibus licet*

*licet regulariter Canonici pariter teneantur ad assiduum servitium Chori, tamen ex triplici limitatione ab eo absol-
vuntur, nempe si aut Ecclesiæ sint rurales aut si adsit con-
traria immemorabilis consuetudo, aut demum adeo tenues
sint redditus ut Canonici ali non valeant, quæ limitationes
sufficit si concurrant alternative =.*

Definiendum est.

I. *An decreta Episcopi Narniensis lata in Visitatione dierum
18. Septembris 1780., & 21. Septembris 1783. sint exe-
quenda.*

Et quatenus affirmativè.

II. *An, & quomodo sit locus reductioni onerum in ca-
su &c.*

Non proposita cum sequen.

MACERATEN. DISPENSATIONIS. Instituit an-
no 1697. Borromæus Accursi in Terra Montis Mi-
lonis quatuor laicales Cappellanas, & unum Rectora-
tum in Ecclesia a se extructa in dicta Terra sub titulo Im-
maculatæ Conceptionis, & expresse cavit ne quis all-
quam ex dictis Cappellaniis aut Rectoratum possidere pos-
set, & insimul frui aut altera ex eisdem Cappellanis, aut
ulla ex iis quæ erectæ erant in alia Ecclesia S. Blasii, id-
que ut frequentior esset in eadem Terra Sacerdotum nu-
merus = *Ogni Cappellano di S. Biagio che sia eletto della
mia Chiesa non rinunziando quella di S. Biagio in termine
di tre giorni voglio che st elegga altro, e ciò ad effetto che
sia maggior numero di Sacerdoti in Monte Milone = &
infra = Sempre ed in perpetuo venga nominato Rettore o
sia Cappellano un Sacerdote di esemplari costumi, mai sem-
plice Chierico nè forastiero, nè Cappellano della mia Chie-
sa, e molto meno di S. Biagio se questo prima non avrà ri-
nunciato la Cappellania =*

*Sess. 24. cap. 7.
de Reform.*

Nupere Antonius Affortati Canonicus Ecclesiæ S. Blasii ad
Rectoratum antedictæ Ecclesiæ Immaculatæ Conception-
is ab exequutoribus testamentariis aliisque patronis nomi-
na-

natus fuit nactusque est ejus Rectoratus possessionem. Prænosse autem necesse est mox dictam Ecclesiam S. Blasii post testamentum Borromæi Accursi Collegiatæ honore decoratam fuisse, & illius Cappellanos renunciatos fuisse Canonicos. Ut autem illustrior esset hæc Collegiata assensa est Communitas Montis Milonis ut quoddam Beneficium seu Cappellania suburbanæ cujusdam Ecclesiæ sub invocatione Sanctissimæ Trinitatis in Canonicatum erigeretur. Putavit ergo Canonicus Assortati veritum sibi non esse cum dicto Canonicatu Rectoratum quoque Ecclesiæ Sanctissimæ Conceptionis retinere quia Canonicatus quem ipse possidebat ex iis non manabat Cappellaniis quæ in Ecclesia erant S. Blasii, & quas testator prohibuit ne simul cum suis Cappellaniis aut Rectoratu possiderentur. Tanto autem securius quia Sacerdos Bulgarini unus ex Cappellanis a Testatore nominatis, & dictam Cappellaniam, & Beneficium Sanctissimæ Trinitatis sine contradictione retinuit.

Aliud tamen censuerunt exequutores testamentarii cæterique patroni qui per Monitorium coram A. C. expeditum diem illi dixerunt ut alterutro carere deberet; Mox vero eisdem introductæ litis ejusque sumptuum quodammodo pænuit; precibus enim a Canonico Assortati oblati quibus jura sua captamque bona fide possessionem late prosequutus est, & quibus petiit ut saltem assentirentur dispensationi quam ut res esset in tuto ipse a Sanctissimo D. N. petiturus erat; Auscultaunt patroni, lubentesque annuerunt impetrando Apostolico Beneplacito. Illud ergo postulavit a Sanctissimo D. N. Canonicus Assortati, cumque preces ad hanc S. Congregationem fuerint ablegatæ, sit nec ne consulendum Sanctissimo ut postulatam dispensationem elargiri dignetur sub infrascripto dubio expendendum est.

Si finis attendatur ad quem testator respexit tum cum hanc incompatibilitatis legem constituit ut scilicet numerosior esset Clerus in Terra Montis Milonis res continuo contra Assortatum decidenda videretur. Disputatum alias fuit, an hæ Cappellaniæ possideri simul possent cum Præpositura S. Blasii, resque dubia videbatur quia de Cappellaniis S. Blasii non de Præpositura ejusdem Ecclesiæ loquutus fuerat testator. Attamen S. Rota ad quam delata ea quaestio fuit inspecta finis amplitudine pro incompatibilitate sensit ut in *Maceraten. Rectoriæ* 14. Aprilis 1738. coram cl. mem. Card. Elephantutio §. 23. = Hæc parum contorsit

DD. ingeua ut sibi suaderent voluntatem fundatoris expressam in Cappellaniis S. Blasii eandem fuisse in Præpositura ejusdem Ecclesiæ, statim ac ratio quæ fundatorem impulit ad statuendam dictam incompatibilitatem non minus aptatur Cappellaniis S. Blasii quam Præposituræ, quia dijudicando in mente fundatoris Præposituram compatibilem cum Cappellaniis Sanctissimæ Conceptionis destrueretur voluntas fundatoris non cumulandi unam & alteram Cappellaniam in una eademque persona exclusivam majoris numeri Sacerdotum in Terra Montis Milonis, quæ fuit causa finalis demeritæ incompatibilitatis.

Verum alia ex parte sese offert animadversio, quod generalior amplitudo finis operari quidem posse videtur, ut designata a testatore species ad alias sub eodem genere contentas extendatur, prout in casu in S. Rota discussa a Cappellaniis S. Blasii ad Præposituram ejusdem Ecclesiæ, numquam vero ut ad alia transgrediatur genera ita ut fundator incompatibilitatem sanxisse censendus sit cum Cappellaniis cujusvis alterius Ecclesiæ de quo ille non cogitavit & cujus non meminit *ad text. in l. qui actum ff. de negot. gest. l. qui Sella §. qui actum ff. de servit. rust. præd.*

Accedit tenuitas reddituum Cappellaniæ sub invocatione SS. Trinitatis quæ modo in Canonicatum S. Blasii transmigravit, quam plane tenuitatem Canonicus Assortati patronis exposuit occasione precum ab eo iisdem porrectarum de quibus supra; Observantia foundationi proxima in eo qui a testatore fuerat ad Cappellaniam Sanctissimæ Conceptionis nominatus, simulque retinuit Cappellaniam alteram sub invocatione Sanctissimæ Trinitatis de qua pariter supra, quæ æquitatem dispensationis suadere videntur *Bald. in l. cum Servo num. 2. ff. de Off. Quæst. Rota p. 2. divers. decis. 256. in fine, & coram Seraphino decis. 478. num. 2.* : Judicium denique Episcopi qui attentalitatis ambiguitate, bona fide Oratoris, legitima præsentatione concludit videri sibi = *Posse eidem benigne indulgere, ut utramque præbendam retineat ad dirimendas præsertim lites, quæ in parvis oppidis animorum indignationem non raro solent excitare.*

Quæritur.

An sit consulendum Sanctissimo pro dispensatione in casu &c.

FIRMANA CAPPELLANIÆ . Laicalem Cappellaniam in oppido Montis Sancti fundavit anno 1679. Sacerdos Spiritus Spiriti , quam actu Sacerdoti deferri voluit præstituto eidem certo Sacrificiorum onere , & data nominandi Cappellaniam potestate Plebano Parochialis Ecclesiæ S. Michaelis Montis Sancti , fin autem quodcumque ea Plebania in Collegiatam erigeretur , nominari Cappellanium voluit a Sacerdote Seniore Montis Sancti , oriundo dictæ Terræ , in eaque habitante .

Cæteras inter pactiones foundationis una est quæ hodiernæ controversiæ causam præbet . Voluit enim = *Che il Pievano pro tempore , ed il suddetto Sacerdote più anziano rispettivamente possano liberamente e senza causa alcuna a loro arbitrio rimuovere dal servizio il Cappellano senza esserne obbligato a render conto ad alcuno fuorchè a Dio ed alla propria coscienza .*

Ex usus facultate Canonicus Pierandrei oppidanus , & incolà Montis Sancti senlorque Sacerdos (jam enlm a longo tempore Plebania in Collegiatam erecta fuit) actua-lem Cappellaniæ a duodecim annis possessorem Canonicum Canepini removit ; quî id inique ferens querelam ad hanc S. C. detulit a qua post Firmani Antistitis relationem Canonico Canepini faventem definiendum erit infrascriptum Dubium .

Ait porro Canonicus Canepini non usque adeo ampliandum esse removendi arbitrium ut illud etiam observari debeat quando non desit in utente suspicio odii aut malitiæ *Corrad. in prax. benef. lib. 1. cap. 6. num. 276. Rota coram Cavalier. decis. 72. num. 3. , & p. 1. divers. decis. 573. numer. 2. , & 3.* Multoque magis quando fundator ad conscientiam utentis appellavit *Lotter. de re benefic. lib. 1. quæsit. 33. n. 32.*

Ex odio autem , & malitia ad hanc devenisse remotionem Sacerdotem Seniorem Canonicum Pierandrei liquere ex luculento Archiepiscopi testimonio . *Non equidem (sunt verba laudati Antistitis) remotio de qua agitur habuit initium ex adductis causis quæ modo ad opportunitatem fuerunt excogitatæ sed ex odio , & infenso animo Sacerdotis Senioris derivavit . Sciant enim EE. VV. quod eo tempore quo fuit Orator nominatus , Cappellaniam obtinere petiit idem Sacerdos Senior . Sed cum voti compos tunc non evaserit , id ægro animo tulit , ut Oratorem ipsum remove-vere fuerit medietatus ubi sibi qua seniori jus devolveretur , prout egisse revera constat =*

Quin

Quin, & illud accedere animadvertit quod ipse a duodecim annis hanc Cappellaniam possidet, quod omnes illius antecessores eandem ad obitum usque retinuerunt, quod extemplo, & nullo præmisso urbanitatis officio rejectus ipse fuit, quæ omnia ex informatione liquent Archiepiscopi qui præterea addit = *Is ulterius fuit remotus qui oppidanus est, & optimis præclarisque moribus inbutus &c. qui de fundis ad Cappellaniam spectantibus ob expleta quamplurium melioramenta est optime meritus.*

Concludit denique Canonicum Pierandrei vel nolentem fateri debuisse ex pravo animo occultoque odio ad hanc devenisse remotionem. Urbanissime enim ab Archiepiscopo requisitus ut causas aperiret, primum restitit, mox eas edidit quæ per se levissimæ erant, & quibus ita abunde satisfecit Canonicus Canepini ut Archiepiscopus referre non dubitaverit in hæc verba = *Sed ni fallor res esse expiscatæ videntur, & ejus equidem naturæ ut pro pallianda injuria opportune fuerint adinventæ* = In his porro circumstantiis non de æquo resoluendoque arbitrio agi sed de manifesto semperque improbato arbitrii abusu *Menoch. de Arbitr. lib. 1. quæst. 48. per tot., & quæst. 55. num. 5., Rota decis. 882. num. 20. cor. Merlina, & decis. 1236. num. 13. cor. Lancetta.*

Quid ad hæc reponat Canonicus Pierandrei Incompertum est cum ejus jura delata hætenus non fuerint. Cæterum pacifica non est inter DD. traditio illa quod si nullam allegat causam is qui dato sibi arbitrio ad nutum removendi utitur hoc ipso ex malitia, ex odio agere videatur. Ad rem *Piton. de contr. patr. alleg. 100. num. 41. = Circa vero odium vel malitiam ex qua procederet remotio cavendum est ab auctoritate Lotter. de re benef. dicentis quod ubi remotio fit sine ratione, & causa, adesse dicitur malitia ex parte removentis. Etenim in amovibilibus ad nutum hodie certissimi juris est nullam requiri rationem aut causam quia stat pro ratione voluntas in dependentibus ab arbitrii nostri libertate, & stat simul remotionem fieri sine ratione aut causa, & tamen non procedere ex malitia quia scilicet removens vult uti jure suo ubi nemini injuriam facit.*

Sed præter quam causas tandem removendi allegavit Canonicus Pierandrei, & eas quidem judicio sui Ordinarii ineptissimas, ex ipsis mox allegatis laudati Doctoris verbis patet disputari quidem, & ambigi posse num is qui nullam allegat removendi causam statim ex malitia aut

odio procedere censendus sit ; At nullam oriri dubitationem quod si malitia , & odium aliunde emergat , & probetur absurdus hic concessi arbitrii abusus ferendus atque in judicio laudandus non sit . *Rota cor. Cavaler. dec. 72. num. 5. = Et licet alias Rota secuta fuerit eam opinionem ut in manualibus amotio fieri possit etiam sine causa , id tamen intellexit si non subsit causa malitiæ aut præsumptio odii = & cor. Peutinger. decis. 15. num. 39. , & decis. 53. num. 107.*

Dubium est .

An sit servanda remotio Canonici Josephi Canepini a Cappellania sub invocatione Spiritus Sancti seu potius idem Canonicus Canepini sit redintegrandus in casu &c.

Sess. 22. cap. 6. de Reform.

URBINATEN. TRANSLATIONIS MISSARUM :
Ultimo cum quo decessit testamento die 8. Aprilis 1758. Sacerdos Joseph de Benedictis Lauretanæ Basilicæ Canonicus duos , quos habebat fratres hæredes instituit . Onus autem imposuit *di far celebrare Messe cento ogn'anno perpetuamente finchè durerà il Mondo nell' Oratorio o sia Chiesa rurale sotto il titolo di S. Marina spettante alla mia Casa , eretto nella mia possessione in contrada Cal-Conte nelle pertinenze di Urbino secondo la mia intenzione , ed in suffragio de' morti ed in salute de' vivi miei congiunti ; Con che però in occasione della solita Sagra Visita pastorale debbano render conto del totale adempimento di dd. Messe .*

Tres ex prædd. hæredibus descendentes hodie supersunt Joannes Baptista , Benedictus , & Cosmas ; Totam hi inter se diviserunt hæreditatem ; Primus Matrimonio junctus in patria mansit , Benedictus in Paræciam Montis Albani secessit , alter in Paræcia S. Martini in Mondarello incolatum elegit . Cum bonis , & onera diviserunt ; triginta tres proinde Missæ celebrandæ Joanni Baptistæ obtigerunt , 42. Benedicto , reliquæ 25. Cosmati .

Duo hi ultimi Benedictus & Cosmas petunt transferri a præscripto loco Missarum celebrationem , quia hanc malo fert animo Joannes Baptista frater penes Oratorium .

resist.

residens ; quia Oratorium hoc in rurali deserto jacet , quia sæpe frustraretur Legati implementum recusante Cappellano ab eis delegando inter nives , glacies , procellas , nec non ob itineris difficultatem munus exequi suum . Hinc petunt ab hac Sac. Congregatione ut eis liceat dd. Sacra celebrare in Ecclesia Montis Albani cujus Archipresbyter ultro oblatam occasionem acceptaret ; immo eidem offerunt unica solutione sc. 240. investienda pro dote dicti Legati : Assentitur frater alter Joannes Baptista , approbat , & commendat Archiepiscopus qui hoc modo plenius consultum iri refert suffragio testatoris cum in Archipresbyterali Ecclesia adsit Altare privilegiatum , & provisorum quoque eidem Archipresbytero qui in dies eleemosyna Missarum caret .

Certum plane est divina officia ea in Ecclesia vel loco esse celebranda , in quo Testator demandavit *Pasqualig. de Sac. N. Leg. quæst. 1139. , & non nisi ex verisimili voluntate disponentis , & necessaria aut justa causa impellente ab eo jure disceditur . Conc. Trid. Sess. 22. c. 6. de Ref. , & pridem dixerat Sextus in cap. exposuisti 33. de Præb. & Dignit.*

Rigidius autem in harum causarum disquisitione procedit S. C. si viderit certam a testatore designatam fuisse Ecclesiam , vel quod in ea tumultatum sit disponentis cadaver , aut quod testator respexerit ad circumjacentis populi commoditatem , *Ricc. in prax. part. 4. resol. 69. , March. de Sac. Ord. tract. 3. part. 2. c. 24. , Pax. Jordan. tom. 1. var. resol. leg. 4. tract. 1. de Sac. Miss. n. 540. , Navar. in manual. §. 25. num. 134. , & Sacra Congregatio in Comen. 15. Sept. 1764. , in Lucana 28. Julii 1781. , in Firmana 3. Aug. 1782.*

Mollius autem , & benignius si solum animæ suæ suorumque suffragium testator consideraverit , ut innuere videntur quæ superius relata sunt verba ; & alia in Ecclesia sepultus fuit , ut in casu , Testator : Eodem enim modo Testatoris animæ suffragantur Sacra in uno aut altero loco celebrata , *Pasqualig. de Sac. N. leg. quæst. 1149. n. 9. Gratian. discept. 73. num. 5. Sac. Cong. in Comen. 15. Septemb. 1764. in Uxentina 13. Jan. 1748. in Interamnen. 19. Julii 1777.*

Transferendi causæ hæ sunt referente Archiepiscopo ; Quod non perviderit testator hanc familiæ suæ divisionem ; Quod Oratorium hoc in deserto loco jaceat ; Quod Cappellanus sæpe ingruentibus frigore , nivibus , glacie , addi-

additaque itineris difficultate deerit muneri suo ; quod
uberius suffragium assequetur defunctus a celebratione in
Ecclesia Archipresbyterali ; quod ita quoque hujus Eccle-
siae Archipresbitero eleemosynis Missarum carenticon-
sultum erit ; quod assentitur frater alter prope Oratorium
degens . Nihil habet Archiepiscopus quoad circumstantes
familias quibus ea Missarum celebratio in præscripto Ora-
torio perutilis esse queat .

Quæritur .

An , & quomodo sit locus translationi in casu &c.

Die Sabbathi 3. Martii 1787. in Palatio Apostolico Vaticano erit Sacra Congregatio Concilij, in qua, præter alia, proponentur infra scripta Dubia, juxta morem ejusdem Sacræ Congregationis de jure resolvenda.

QUatuor priores ex ordine sequentes Causæ proponi non potuerunt in postrema Congregatione diei 3. elapsi Februarii. Resumere igitur dignentur EE. Vestræ jam distributum Folium, easque assueta maturitate definire.

NARNIEN. SERVITII CHORI.

I. *An Decreta Episcopi Narniensis lata in Visitatione dierum 18. Septembris 1780., & 21. Septembris 1783. sint exequenda in casu &c.*

Et quatenus affirmative.

II. *An, & quomodo sit locus reductioni onerum in casu &c.*

Sess. 24. cap. 12. de Reform.

Dilata, & scribatur juxta mentem; & mens est, quod Episcopus certior et Sac. Congregationem de qualitate Collegiæ utriusque Ecclesiæ, & de Reditibus singulorum Canonicatum.

MACERATEN. DISPENSATIONIS.

An sit consulendum Sanctissimo pro dispensatione in casu &c.

Sess. 24. cap. 7. de Reform.

Iterum proponatur.

FIRMA.

Sess. 25. cap. 4.
de Reform.

FIRMANA CAPPELLANIÆ.
An sit servanda remotio Canonici Josephi Canepini a Cappellania sub invocatione Spiritus Sancti, seu potius idem Canonicus Canepini sit reintegrandus in casu &c.

Affirmative ad prlmam partem, negative ad secundam.

Sess. 22. cap. 6.
de Reform.

URBINATEN. TRANSLATIONIS MISSARUM.
An, & quomodo sit locus translationi in casu &c.

Dilata, & scribatur juxta mentem; & mens est, quod Archiepiscopus referat, utrum translationi Missarum consentiat pro sua portione tertius Frater Joannes Baptista: an Missæ inserviant Incolarum commodo, diebus præsertim Festis, nec non de Loci distantia, & difficultate, ob quam non inveniantur Sacerdotes, & an Oratorium sub titulo S. Mariæ situm sit intra limites Paræciæ Montis Albani, ad quam transferri petitur celebratio Missarum.

Sess. 7. cap. 7.
& Sess. 25. cap. 9., & 16. de Reform.

PAPIEN. DISSOLUTIONIS UNIONIS, ET PROVISIONIS. Adeo olim curata Præpositura S. Petri Cillaveniæ in spiritualibus, & temporalibus collapsa erat, ut Ecclesia ipsa S. Petri Parochialis Ecclesiæ nomen omnino amisisset, nisi Dominici Patres Vigevanensis Conventus S. Petri Martyris in excipiendis Confessionibus, aliisque Divinis peragendis Officiis adfuissent. Eam igitur Sanctus Pius V. per Apostolicas Litteras incorporavit anno 1568. Dominicano ipsius Cillaveniæ Cœnobio, in quo Vigevanenses illi Patres unum retinebant Alumnum, voluitque, ut Animarum Cura exerceretur = *per aliquem ex d. Domus S. Petri Fratribus, vel alium, seu alios ab eis deputandos, & ad eorum nutum amovibiles, per Ordinarium approbandos* = .

Diu alter ex Dominicanis Individuis in Parochum eligi consuevit. At post suppressum, ob deficientem Religioso-

rum numerum, Cillaveniæ Coenobium ex notissima San-
Mem. Innocentii X. Constitutione *Instaurandæ*, a PP. Do-
minicanis deputati ad hæc tempora fuerunt in tempora-
neos Vicarios Presbyteri seculares. Perpetua cum his apud
Archiepiscopum Episcopum Papiensem, & Sac. hanc Con-
gregationem contentio fuit sive de tenuitate Congruæ, sive
de reparatione Parochialis Ecclesiæ, sive de augmento
eleemosynæ in celebrationem Missæ pro Populo, sive de
Cappellano adjutore. Omnium tamen gravissima est
quæstio, quam Cillaveniensis modo Populus adversus
Dominicanos Patres instituit. Ex hoc namque, quod ex
parvo quatuorcentum Animarum numero ad bismille, &
amplius creverit, optimoque nunc abundet Clero, re-
stituere contendit Parochiam in pristinum secularis Paro-
chi statum.

Rem SS^{mus} D. N. prævia Vigevanensis Episcopi Informa-
tione, ad Sacram hanc Congregationem cum clausula *de*
aperitione oris ablegavit, auditoque deinde Archiepiscopo
Episcopo Papiensi, ac Proc. Generali Ord. Prædicatorum,
quatuor concordata sunt Dubia ab EE. Vestris definienda.
Populo favet Episcopus Papiensis, jamque evenisse cen-
set calum, quo Parochiæ unio dissolvi debeat. Vigeva-
nensis contra Episcopus, a cuius sententia non multum
Procurator Generalis discedit, in perpetuum a tempora-
neo transmutandum autumat Dominicanorum Vicarium,
aucta Congrua.

Primum igitur quæritur de *aperitione oris* adversus Aposto-
licas Litteras S. Pii V., non ex subreptionis, & obre-
ptionis capite, sed ob superventam, ut Cillaveniensis susti-
net Populus, justam dissolvendæ unionis causam. De hac tan-
tum agunt Preces SS^{no} porrectæ, Precibusque consentanea
videtur Causæ delegatio sub clausula *de aperitione oris*.
Ideoque a justitia, vel injustitia petitiæ dissolutionis, de
qua secundum agit *Dubium*, pendet fortasse resolutio pri-
mi. Ex his porro justam dicit Populus dissolvendæ unio-
nis causam. Prisca illa S. Pii V. ætate ex Animis con-
stabat 400.: unum nunc, & alterum excedit millesimum.
Vix tres eo tempore, aut quatuor indocti Sacerdotes Cil-
laveniensem Clerum constituebant: triginta modo, &
ultra sunt ad Curam Animarum aptissimi. Dominici
tandem Patres Domum Cillaveniæ habebant, in qua unus
saltem continuo morabatur Alumnus: nunc = in vim Bul-
læ Innocentianæ neque habitant, neque habitare valent in
eorum Domo sita in eodem Loco. quæ præterea est fere rui-
nosa

nosa, sicuti fere diruta est eorum Ecclesia ibi existens = & quidem cum gravi incommodo Populi = quum verus Pastor illius Populi sit Conventus, vel Prior prædicti Conventus, nec Pastor ejus Ovium, nec Oves faciem ejus Pastoris videant, & multo minus vocem ejus audiant = ut hisce verbis monet Papiensis Episcopus.

Ita mutato rerum statu juxta videri potest unionis dissolutio per *Text. in Cap. Suggestum de Decim.*, quem sequitur *Gonzal. in Comment. ad decretalem Epistolam Cælestini III. datam ad Faventinum Episcopum, & relatum in Cap. Sicut unire de Excess. Prælat. numer. 9.*, Attenta potissimum hodierna Cillavenientis Municipii qualitate, ejusque Populi frequentia. Nonnihil enim ei detractum videtur, si proprii Parochi honore fraudetur; quo vicissim in antiquo rerum statu non indecore carere poterat, ut ad rem notant, *Rebuff. in Prax. Benefic. tit. de union. revocat. num. 1.*, & *seqq.*, *Frances. de Eccles. Cathedral. cap. 8. num. 48.*, *Rigant. ad regul. Cancell. regul. 22. num. 82. fol. 2.*, *Reclus. de Paroch. part. 1. tit. 2. num. 103.*

Plura tamen ad hæc animadversione digna Dominicani. Gravissimam quærent causam, cur privari debeant Pontificio privilegio, quod = *debet esse mansurum* = per *Text. in Cap. 16. de Regul. Jur. in 6.*, eoque privari post diuturnam, accuratamque administrationem Parochiæ per idoneos sive regulares, sive seculares Vicarios, de quibus, si unum excipias, nulla unquam per duplex Seculum fuit conquestio. Auctos ostendunt Parochiæ Reditus; & adhuc durare ajunt finalem unionis causam, remunerationem scilicet assidui laboris, quo Divina olim Vigevanenses Patres ministrarunt Cillavenienti Populo; ac Parochialem sustinuerunt Ecclesiam, quæ alias = *Ecclesiæ nomen omnino amisisset* = Neque comparandum concludunt simplicem proprii Parochi honorem, quem invido forsan animo Populus appetit, cum gravi Dominicanæ Familiæ dedecore, quæ non sine aliqua turpitudinis nota Parochia privaretur, ad monitum *Text. in Cap. Etsi Christus de Jurejur.*, quem exornant *Zeller. consil. 25. num. 16.*, & *17.*, *Otter. de Official. Cap. 13. num. 31.* & *Rot. cor. Larrea decis. 2. num. 9.*

Si unionem vero servare placeat, videndum est tertio, qua ratione consulendum sit manutentioni Parochi, & Parochialis Ecclesiæ Cillaveniæ. Ultro Dominicani Patres assentiuntur, ut e temporaneo, & ad nutum amovibili

vibili perpetuus fiat Vicarius , ad nominationem tamen
 Conventus S. Petri Martyris Vigevani ; atque id ipsum
 Vigevanensis proposuerat Episcopus , probaveratque
 Procurator Generalis Ordinis . Dissentiunt vero a Populo
 circa Congruam Vicario assignandam . Concedunt ipsi
 annuam summam scutorum 60. , præter incerta emolu-
 menta , & antiquam eorum Domum , *oneribus tamen
 omnibus penes Vicarium ipsum , & Parochianos remanen-
 tibus* . Populus vero , & Communitas Cillaveniæ am-
 pliandam esse dicunt Congruam ad scuta 100. , ad mayo-
 rem scilicet summam designatam ab ipsomet S. Pio V. in
sua Constitutione 87. relata in Bullar. Cherub. tom. 3. §. 1.
 & 2. Ideo autem eligendam esse inquirunt ampliorem
 hanc taxam , quia de copioso agitur Animarum numero ,
 & quia id patitur Parochialis Mensæ opulentia . Unionis
 enim tempore ascendebant annui ejus Reditus , ut Apo-
 stolicæ testantur Litteræ , ad scuta 175. Nunc Episcopi
 Papiensis , ac Testium dicto scuta excedunt 300. ; quo
 in casu pinguiorem dandam esse Congruam docent *Ton-
 dut. de Pens. Cap. 8. num. 2. , Gratian. discept. forens. 399.
 num. 3. , & Rot. in Nuperr. decis. 47. num. 8. tom. 8.*

Neque estimanda videntur incerta emolumenta , de quibus
 S. Pius V. rationem habendam esse censuit . Loquitur
 enim S. ille Pontifex in *citata Constitutione* de emolumen-
 tis decimarum Frumenti , Vini , Olei , & similium , non
 de illis Baptismatum , Funerum , Matrimoniorum , quæ
 merces sunt , & præmium laboris , ac uti talia in Con-
 gruam referri non possunt ; ad tradita per *Panimoll. an-
 not. 2. ad decis. 15. num. 5. , Scarfanton. ad Ceccoper.
 lib. 3. tit. 3. num. 60. , & Rot. in Montis Alti super So-
 lutione Mercedis 14. Martii 1755. §. 8. coram clar. mem.
 Card. Molino* . Quod si annuæ subministratiōi scuto-
 rum 100. imparia dicantur Mensæ Parochialis Bona Con-
 ventui unita , statim Cillavenienses occurrunt ! , seque
 ad ea recipienda paratos dicunt pro Congrua Parochi ,
 oneribusque omnibus Parochiæ infixis . Et quamvis diffi-
 cilis videatur Vigevanensi Episcopo illorum separatio a
 reliquis Conventus Bonis , contrarium tamen Papiensis
 affirmat Antistes , si Parocho , & Cillaveniæ Communi-
 tati separationis cura relinquatur .

Hæc quoad Congruam Parochi . Quo vero ad formalem ,
 & materiale Parochialis Ecclesiæ manutentionem ; de-
 cerni hoc nomine postulant Cillavenienses Vicario per-
 petuo annua scuta 60. , ne ulla unquam cum habituali Pa-

rocho sit contentio . Quidquid autem sentiendum de certa in eam causam constituenda quantitate , ad Rectorem dubio procul habitualement spectat Ecclesiæ , Sacrorumque Utenfilium mantentio . Ita aliis collectis Sacræ hujus Congregationis resolutionibus , definitum est in *Carpentoraten. Dismembrationis* 21. Januarii elapsi anni , in qua , quum quarto sub Dubio quæreretur = *An , quibus mediis , & cujus expensis sit construenda Cappella . seu Ecclesia succursalis , & Domus pro habitatione Præbyteri Cappellani , nec non subministranda Sacra Utenfilia , & respectively mantenenenda* = responsum fuit = *Affirmative in omnibus sumptibus Monasterii* = Et repropolita Causa in Congregatione 24. Julii ejusdem anni sub consueto Dubio = *An sit standum , vel recedendum a Decisis* = confirmari promeruit resolutio per Rescriptum = *in decisis , & amplius* = .

Disceptatur tandem sub quarto *Dubio* de retentione , & salario Vice-Parochi . Ejus retentionem decrevit cl. mem. Cardinalis Durini Papiensis Episcopus anno 1764. , decretumque exceperunt Dominici Patres , annua Vice-Parocho soluta summa scutorum 17. , ut hodiernus refert Papiæ Præsul . Salarium hoc augendum putant Cillavenienses ad scuta 30. , spectata Incolarum frequentia , Oppidique amplitudine . Dominici vero prætenfum impugnant augmentum , vel reiiciendum esse arbitrantur in Vicarium perpetuum , si ejus Congrua augeatur . Hoc EE. Vestræ assueta maturitate , & sapientia decernent . Animo interim recolendum est , Vice-Parochi expensam subeundam esse a Parocho habituali , salva semper libertate dimittendi Bona Parochialis mensæ eidem unita . Quæsitum sane fuit in d. *Carpentoraten. Dismembrationis* sub primo Dubio = *An , quibus mediis , & cujus expensis sit persolvendum stipendium eidem Præbytero , & in qua quantitate* = & Sac. Congregatio respondit = *affirmative in omnibus sumptibus Monasterii , juxta taxam præscriptam in Constitutione SSni anni 1776.*

Deliberandum itaque erit ab EE. Vestris .

- I. *An intret arbitrium pro aperitione oris in casu &c.*
- II. *Et quatenus affirmative : an prævia abolitione unionis Præpositura sit restituenda ad primævum statum in casu &c.*
- III. *Et quatenus negative : an , & quomodo sit providendum mantentioni Ecclesiæ Parochialis , & Parochi Loci Cillaveniæ in casu &c.*

IV. *An*

IV. An, & quomodo sit providendum quoad manutentionem, & retentionem Vice-Parochi ejusdem Loci in casu &c.

Ad I. Negative, & amplius.

Ad II. Provisum in primo, & amplius.

Ad III. Providendum esse per deputationem Vicarii perpetui a Patribus Conventus Vigevanensis nominandi, & ab Archiepiscopo-Episcopo Papiensi approbandi cum Congrua scutorum sexaginta monetæ Romanæ, retento per eosdes PP onere manutentionis Ecclesiæ, & Domus Parochialis, nec non subministræ Sac. Supellectilium.

Ad IV. Affirmative sumptibus Conventus pro summa ab Episcopo taxanda, & amplius.

CÆSENATEN. Annuis pro quolibet legatis scutis decem Sacrariis Reformatorem S. Francisci, Cappuccinorum, & Cappuccinarum Cæsenæ, tria Sacerdos Joseph Focaccia quotidiana mandavit Sacra, alterum in Ecclesia Conservatorii periclitantium Puellarum, alterum in Paræcia, quam vocant *di Boccaquattro*, ac tertium in Ecclesia S. Crispini ad Altare SS. Crucifixi ejusdem Civitatis. Quod reliquum esset, hereditario titulo reliquit Conservatorio cum onere erogandi medietatem Redituum in tot dotandis Puellis; eique substituit Parochum *di Boccaquattro*, si mandatis non obtemperaret.

Valde post obitum Testatoris diminuta est Hereditas. Per Concordiam enim in calore Judicii initam, & ab hac Sac. Congregatione probatam, dimissa fuit Fideicommissi jure insignis Bonorum pars Ursulæ Focaccia Zamboni illius Sorori, vixque ex Capitali scutorum 10223.20. superfuerunt scuta 6095.29. Plura idcirco Conservatorium a Sac. Congregatione postulavit; absolutionem nempe pro Sacris non celebratis, annumque Legatum Sacrariis non præstitum; hujusce Legati abrogationem; & reductionem Missarum ad unum quotidianum Sacrum in Ecclesia Conservatorii celebrandum.

Primæ instantiæ annuendum censet Episcopus, eo quod Testator in casu Litis cum Hereditate, hereditariis eam Reditibus agendam mandavit, eosque diuturna Lis cum Ursula Focaccia consumpsit. Quo vero ad abrogationem Legati Sacrariis relictæ, ac reductionem Missarum animadvertit, tot Testatorem Legata a prædilecto Conservatorio relicturum non fuisse, si tantam Hereditatis dimi-

*Sess. 25. cap. 4.
de Reform.*

diminutionem prævidisset . Jus deinde Falcidiæ in Conservatorio supponit , illudque ex conjecturata Testatoris voluntate ampliandum ; & sub hoc supposito opinatur , medietatem Redituum adscribendam Conservatorio, Legatis alteram .

Quum hereditarii igitur Reditus ad annua efferantur scuta 256. 30. , danda idcirco esse autumat singulis Sacrariis annua scuta 6. 10. 2. , ac pro quolibet Sacro annua scuta 36. 61. 6. loco scutorum 60. , quæ pro perpetuo Missarum Legato statui deberent . Eoque securius in hanc ivit sententiam , quia ejus calculum probarunt Rectores Ecclesiarum , in quibus agenda essent Sacra , Superiores Conventuum Cappuccinorum , & Reformatorum , ac Syndacus Cappuccinarum . Eñus pariter de Zelada , cujus votum Sacra Congregatio exquisivit , Conservatorii precibus deferendum censuit . *Sanctissimo* tamen *Domino Nostro* annuente , res tota EE. Vestrarum judicio per infra-scripta *Dubia* proponitur .

Exploratum porro usque adeo non est , Falcidiam a Piis Legatis per *Causam Piam* hæredem detrahi posse . Cum pluribus negant *Barboj. lib. 2. Jur. Eccles. cap. 3. , & Petra in comment. ad Constit. 10. Innoc. III. tom. 2. num. 29. , Crass. de Suecess. §. Falcidia quæst. 3. sub num. 9. vers. sed contrarium , & Magon. decis. 130. num. 9. , & seqq. .* Plurimi alii magni nominis affirmant apud *Ciarlin. contrav. Jur. lib. 2. cap. 139. num. 9. , & seqq. , & Verricell. quæst. Moral. 65. per tot. .* Ita tamen emunctæ naris Doctores in negativam conveniunt opinionem , si major pietas sit in Legatis Piis , quam in Pia Causa herede , ut ex objecto est in Legatis Missarum , *Ferrar. in Biblioth. verb. Falcid. , Pasqualig. de Sacrific. nov. Leg. tom. 2. quæst. 1006. sub num. 4. , & de Luc. ad Franch. dec. 612. sub num. 15. .* Hæc quidem conciliatrix Sententia eo magis procedere videtur in nostro themate , in quo non obscura Testatoris voluntas detractioni Falcidiæ resistit per ea verba = *DOPO soddisfatti TUTTI gli obblighi sopraccennati , la metà del Fruttato a favore del Conservatorio , e la metà in tante Doti da darsi a dd. Zitelle l'anno .*

Licet vero indulgendum esset Conservatorio pro detractione Falcidiæ , nil tamen ei ad ea , quæ quærit , proficeret . Non Hereditatis sane medietas , sed quarta est illius pars Falcidia , per *Text. in Leg. 1. ff. ad Leg. Falcid. , in §. Hinc nobis Auth. de Hered. , & Falcid. , &* alibi ,

alibi. Jam vero annuis omnibus deductis oneribus, longe Falcidiam excedunt reliqui Hereditatis fructus. Integra horum summa scutorum est 256. 30. Legatorum onus contra statui posse videtur in annuis sc. 156., in scutis nempe 30. pro Sacrariis, & scutis 126. pro Sacris ad rationem scutorum 42. pro quolibet, comprehenso Utenfilium sumptu. Statim enim pro perpetuis, de quibus agitur, Missis probanda non censeo ampliorem illam taxam scutorum 60. in generalibus Sacra Congregationis Decretis statutam. Res porro non est de perpetua Cappellania, vel perpetua per certum Sacerdotem celebratione, quem casum respiciunt generalia Decreta, sed de simplici onere celebrandi in designatis Ecclesiis Sacra, quod per Sacerdotes Heredi benevolos cum manuali eleemosyna fieri potest. Testamenti verba sunt = *Chiamo mio erede il Ven. Conservatorio coll'obbligo di tre Messe quotidiane, una nella Chiesa di detto Conservatorio, una nella Chiesa di Boccaquattro, una nella Chiesa di S. Crispino con il bisognevole a tutte trè le Chiese, cioè per il consumo degli Apparati, Vino, Cera, e Ostie.*

Alia ex parte prætereunda non videntur maxima Conservatorii pro periclitantibus Puellis utilitas: erronea Testatoris opinio de amplitudine Hereditatis, qua Legatis æque, ac Heredi consultum putavit: Leve Conservatorii compendium, si integra adimplenda essent Legata: ac iudicium denique Episcopi, quod magni semper faciendum est. Hæc namque habet in novissima Informatione = *Testamur insuper, nonnullis ab hinc annis ita auctam esse Populationem in hac Civitate Cæsena, ut necessarium foret, quod idem Conservatorium in sublevamen Juventutis prædictæ majorem numerum Puellarum aleret ad tollendam Dei offensam, & ad præstandum iisdem Christianam educationem.*

Atque his omnibus addendum est ex Sententia Dominici Sotii, quod licet Sacrificiorum omnium potissimum sit Missa, in qua ipse offertur Christus, sæpe tamen gravior est Deo Eleemosyna; ubi præsertim tendat ad removendam Ejus offensam; Ita laudatus Auctor in 4. Sentent. dist. 45. quæst. 2. art. 3., ibi = *Quoniam dictum est, Sacrificium omnium Sacrificiorum esse potissimum, admonere hic opus est, quod quamquam id verissimum sit ex objecto, & genere suo, quia Christus illic offertur, nihilominus ratione necessitatis Pauperum, quos nobis Christus tantopere commendavit, potest Eleemosyna esse quandoque Deo gratior,*

tior, & acceptior in satisfactionem pro Defunctis, quam longa Missarum multiplicatio. Absit, ut quis negaverit, Missas in primis esse pro Defunctis offerendas. Verumtamen postquam aliquo numero pro ratione qualitatis Personæ offeruntur, melius est largissimas Eleemosynas in Pauperes profundere, quam centenas, aut millenas Missas accumulare. Quam Sententiam probavit Benedictus XIV. in Synod. Diæcesan. lib. 13. cap. ult. §. 23.

Placeat itaque E.E. Vestris declarare.

- I. An sit consulendum SSmo pro absolutione quoad tempus præteritum pro Missis non celebratis, & præstationibus non solutis in casu &c.
- II. An, & quomodo sit consulendum SSmo pro reductione Legatorum in casu &c.

Ad I. Affirmative.

Ad II. Affirmative juxta calculum ab interesse habentibus approbatum, & ab Episcopo transmissum.

Sess. 22. cap. 6.
de Reform.

CAMERINEN. SUBSIDIORUM DOTALIUM. Testamento jussit Anna Maria Venturi Pizzicanti anno 1776, ut ex fructibus pecuniæ ejus creditæ, in Bonis stabilibus investiendæ, Locorumque Montium, & Censuum dotale quotannis distribueretur subsidium inter pauperes, honestasque Puellas, præsertim consanguineas = o per monacarsi, o per maritarsi, avendo ancora il riguardo in queste Doti alla Casa Conforti di Camerino = Eligendarum Puellarum arbitros dederat Archidiaconum pro tempore Cathedralis, & Præpositum Patrum Oratorii Camerini. His anno 1774. in Codicillis addidit Majorem natu Familiæ Venturi, voluitque, ut salva Consanguinearum prælatione, firmoque manente præcepto, ut subsidium = venga pagato nell'atto del Matrimonio, o Monacazione, E NON PRIMA = Familiæ Conforti Fæminæ extraneis præferrentur.

Huic innixæ prælationi, Sanctissimo D. N. supplicarunt Agnes, Catharina, Maria Anna, & Maria Sorores Conforti, ut non obstante defectu actualis Conjugii, singulis dotale illud subsidium scutorum circiter 50. ad levandam inopiam permitteret. Instantiam Sanctissimus ad Sac. hanc Congregationem remisit, auditisque Collatoribus Episcopus retulit, vera esse, quæ de testamentaria,

& co-

& codicillari Dispositione narrantur : veram Oratricium descendentiā a Familia Conforti; easque necessariis pol-
lere qualitatibus ad obtinendas Dotes. Duos , addidit ,
ex Collatoribus petitiæ Gratiæ assentiri, tertium refraga-
ri. A ferendo tamen voto abstinuit .

Friderico igitur Venturi ex Collatoribus contradicente , res
congruo sub *Dubio* proponitur. Hæ autem potissimæ sunt
Sororum Conforti rationes. Uti Filiæ Dominici primum
post Consanguineas Testatricis obtinent passivæ vocatio-
nis locum. Major eis , & sanior favet Collatorum pars ,
ut sunt Archidiaconus Cathedralis , & Præpositus Ora-
torii. Ex his , aliisque Testibus explorata est ipsarum
paupertas. Levissima voluntatis mutatio , quæ id modo
tradi permittat , quod in actu Nuptiarum tradendum fo-
ret. Nullum Consanguineis Testatricis notabile præjudi-
cium. Una enim existit Friderici Venturi Filia , cui sub
hac *Sanctissimus* lege septemdecim dotalia subsidia conces-
sit , ut prima accepta Dote , reliquas iis annis , in
quibus aliæ concurrant Consanguineæ, Puellæque Confor-
ti, consequi non posset ; nec multum idcirco ei nocet
æquissima Pontificiæ Gratiæ dilatio , donec unicam Do-
tem singulæ Oratrices consequantur. De vera tandem
non agitur mutatione voluntatis ; quum designasse videat-
ur Testatrix actualium Nuptiarum tempus , ne Dotes
præmatura solutione disperderentur , facileque huic pe-
riculo per oblatum ab Oratricibus illarum investimentum
occurri valeat. In durioribus sane casibus aliquantulum
Sac. hæc Congregatio a verborum rigore deflectere con-
suevit , ut Puellis ad Dotes vocatis consuleret , veluti in
Romana Dotium 24. Septembris 1718. lib. 78. Decret. pag.
397. , in Ferrarien. Subsidiorum Dotialium 22. Novembris
1760. , & in Romana , seu Sabinen. Subsidiorum Dotialium
20. Aprilis 1861.

Acriter hæc omnia impugnat Fridericus . Missis tamen, quæ
ad excludendam probatissimam Oratricium paupertatem
effutit ; expressam urget enixamque Testatricis volunta-
tem , ne Dotes extra casum spiritualium , aut tempora-
lium Nuptiarum tradantur , notandis illis prolatis verbis =
venga pagata nell'atto del Matrimonio , o Monacazione ,
e NON PRIMA = Geminatum porro hoc morientis de-
siderium frustrandum non esse docet *Text. in Can. ultima*
voluntas 13. quæst. 2. , & in Leg. Omnium 19. Cod. de
Testam. Non leve rursus præjudicium irrogari ait juri ejus
Filiæ ad septemdecim Dotes quæsito , si Sororum Con-
forti preces exaudiantur. Diutius siquidem , quam Pon-

ificia fert Gratia, expectare cogeretur subsidia, licet ea *Sanctissimus* concesserit *attentis peculiaribus circumstantiis; ac præsertim stricta sanguinis conjunctione*, ut religiosum statum assumere posset. Seduloque tandem animadvertendum rogat, suspensionem illam subministrationis *Dominici Conforti*, demandatam fuisse sub conditione, quod sint *habiles ad consequendum idem subsidium*, quæ in nostro themate deficit; ideoque expressæ *Summi Pontificis* voluntati adversari, quod ejus Filix anteponantur, quæ ob defectum actualium Nuptiarum habiles non sunt *ad consequendum idem subsidium*. Haud enim in duriores partem inflecti, evertique decet Gratiam, quam tanta cum æquitate Summus Pontifex concessit, ad *Text. in Cap. Si ex tempore, & Cap. Duobus de Reservat. in 6., Rot. cor. Emer. jnn. decis. 1133., & 1352. utrobique num. 1.* Dignentur itaque EE. Vestrae decernere.

An, & quomodo Oratricium precibus sit annuendum in casu &c.

Negative.

Sess. 25. cap. 4. de Reform.

ROMANA. Licet PP. Carmelitæ S. Mariæ Transpontinæ ab immemorabili fere tempore annua celebrassent Sacra 181. pro Anima Marchionissæ Victorix Tulphiæ, duo tamen elapso anno ab hac Sacra Congregatione postularunt, hujus nempe oneris, veluti per errorem inducti, deletionem, & suspensionem alterius certi oneris quotidiani Sacri, & annui pro eadem Anima Officii, quousque numerus æquaretur Missarum, quas erronee ex primo onere celebrasse dicebant. At propositis *sub die 6. Maii ejusdem anni Dubiis = I. An sit delendum onus Missarum 181. in casu &c. = II. An, & in qua summa sit locus reintegrationi pro Missis jam celebratis in casu &c. = responsum fuit ad primum = Negative = ad secundum = Provisum in alio =*

Redeunt nunc pro recessu a decisis, & ad suadendam prioris oneris deletionem, Legatum illud Missarum 181. a to-

to genere impugnant. Nullum, inquit, de hoc Legato vestigium in Testamento, & Codicillis Victoriæ; nullum in marmoreo Lapide, quem ad æternandam alterius Legati memoriam de illius mandato curarunt Heredes: nullum in antiquis Monasterii, & Capitoli Scripturis. Atque hinc concludunt, Sacra per errorem celebrasse. Hujusce autem erroris principium desumunt ex falsa illa opinione, quam sequutus etiam fuit Brunettus, qui de mandato cl. me. Cardinalis Sacripantes universa Traspontinæ Ecclesiæ monumenta anno 1725. perlustravit, quod cessissent nempe in dotem Legati scuta 1000., quæ Testatrix in expressum ædificandæ Cappellæ causam largita fuit.

De his omnibus in suo egit Voto Eminentissimus Cardinalis Corsini Carmelitani Ordinis Protector: de his præcedens *Folium diei 6. Mali elapsi anni*. Nil aliud vero ea omnia videntur, quam argumenta, conjecturæ, & præsumptiones, quæ inveteratam duplicis sæculi observantiam vincere nequeunt ad tradita per *Piton. de contr. Patron. allegat. 58. num. 34.* Ab anno enim 1586. quo Victoria decessit, quotidianum prius, certumque deinde in singulos annos Sacrorum numerum 181. celebrarunt Carmelitæ, neque eos a celebratione deterruerunt sive monitum Patris Ori, Generalis olim Prioris Ordinis, qui Litteris anno 1661. mandavit; quod = *hæc pecunia* [scuta nempe 1000.] *data est sine obligatione Missarum* = sive iteratæ Librorum Monasterii enunciativæ, quod Sacra illa celebrata fuissent = *per abbaglio preso dai nostri Predecessori* = Ex hac porro adeo diuturna, ac post inanes Carmelitarum adnotationes non interrupta observantia, justus præsumitur celebrandi titulus, ut observat *Card. de Luc. de Jurepatr. disc. 9. num. 17.*, *Piton. de contr. Patron. allegat. 59. num. 59.*, & *Rot. in Nolana Beneficii 9. Februarii 1759. §. 7. cor. Herreros.*

Urgentior autem fit hujusmodi præsumptio ex domestico Cænobii Codice, in quo adnotatæ sunt solutiones scutorum 1000. in ædificationem Cappellæ. Mentio enim in eo fit de Contractu quodam cum Marchionissa Victoria per hæc verba = *scudi 300. &c. a conto delli 1000. scudi per una Cappella nella nuova Traspontina per obbligo fatto come NEL CONTRATTO* = Ex eodem sane Contractu, in quo actum fuit de construenda Cappella, originem fortasse habuit Missarum onus; satisque est sola possibilitas, ut biscentenariæ virtute præsumatur, *Rot. coram Merlin. decis. 95. num. 12.*, *coram Emerix jun. dec. 286.*

num. 5. , & cor. Sa. Mem. Clem XIII. dec. 330. num. 3. Error autem , a quo observantiam desumunt Carmelitæ , ab iis certe abfuit , qui rem cum Marchioniffa egerunt , quum verifimile non fit , quod non conventum , aut demandatum onus initio assumere voluerint , ex doctrina Baldi in Leg. 1. in primo notab. Cod. de Condict. indebit. , Gratian. discept 417. num. 32. , Aſolin. resol. 23. nom. 19. , & Rot. cor. Molin. decif. 130. num. 4. idque fufficit , ut fubfequuta obſervantia a pura origine proceſſiſſe cenſeatur .

Nil denique addendum de petita alterius oneris ſuſpenſione ; quæ a prima pendet quæſtione ; ideoque reſumpto Folio diei 6. Maii ſuperioris anni , reſpondere dignentur EE. Veſtræ.

An ſit ſtandum , vel recedendum a deciſis in caſu &c.

Non propoſita cum ſequenti .

*Seſſ. 22. cap. 6.
de Reform.*

ROMANA . Heredem ſcripſit Alphonsus. Edignanti Archiconfraternitatem S. Hieronymi Charitatis ſub lege erogandi univerſos Hereditatis Reditus in tot ſpirituales Dotes ſcutorum 25. Harum quatuor conferri voluit per proximiores ejus Descendentes , mandavitque , ut ejus concurrentibus Neptibus , quæ decimum quartum ætatis annum attigiffent , fieri pro qualibet deberet Dotium omnium cumulum ad ſummam uſque ſcutorum 500. , veletiam 800. , ſi circumſtantiæ urgerent , Jus nominandi ad quatuor Dotes delatum eſt ad Alexandrum , & Juniperam Cerroni Teſtatori proximiores . Hi nuper SSiño Domino Noſtro ſupplicarunt , ut illarum permitteret cumulum uſque ad ſcuta 1000. pro Iſabella Bacchettoni eorum Nepte : ut cumulus iſte ſtatim inciperet , quamvis illa undecimum tantum agat annum ; eoque pro temporali etiam Conjugio utiliceret . Preces SSiñus ad Sac. Congregationem ablegavit , auditoque Eñño Joſepho ab Auria Archiconfraternitatis Proteſtore , eadem nunc ſub infraſcripto Dubio proponitur inſtantia .

Pro Dotium cumulo indulgendum cenſet Eññus Proteſtor

ob gravem Isabellæ paupertatem, ejusque cum Oratoribus conjunctionem, juxta exempla collecta in *Romana, seu Sabina. Subsidiorum Dotium* 27. Martii 1762. Maxime quia ad Dotes illas vocatæ sunt Puellæ incertæ, ac nulli propterea fit injuria, ut dixit *Rot. coram Emer. jun. decis. 396. num. 7. & cor. sa. mem. Clem. XIII. dec. 227. num. 2., & 7.* Neque eum movet tenera Isabellæ ætas annorum undecim. Sæpe enim Sac. Congregatio ætatis dispensationem in Ecclesiasticis ipsis Beneficiis indulget pauperibus Patronorum Confanguineis, ac præsertim in *Vercellen. 9. Julii 1766., & in Asculana Dispensationis 20. Maii elapsi anni.* Difficiliorem postremo fatetur mutationem spiritualium in temporales Dotes; sed ex incerto adhuc Puellæ proposito circa electionem Status, æquam arbitratur dispensationem, sicque concludit = *stat meum votum pro Nepte, quæ si Testator viveret, omni gauderet Indulgentia.*

Verum expressa resistit Testatoris voluntas. A Dotium sane cumulo exclusit Puellas ab ejus Neptibus descendentes, qualis fortasse est Isabella; nam eum dumtaxat permisit favore = *delle sue Nipoti carnali sole, e non altre Discendenti da esse* = Nec propriis illum Neptibus concessit ultra summam scutorum 800., si unam excipias Argentinam Beger, cui ob specialem dilectionem scuta statuit 1000. Valde rursus de quartodecimo ætatis anno sollicitus fuit, ipsamque Argentinam huic Legi subjecit. Adeoque tandem a temporali Cpnjugio abhorruit, ut enixe declaraverit = *che questi Sussidj non si possano dare, se non per Monacato, e se dopo che lo hanno ottenuto, si volessero maritare, ne resino prive* = iterumque = *che effettivamente si monachino, e siano Parenti di chi si sia* = ac tertio quoque verbo quoad proprias Neptes, quod = *per maritarsi mai possano pretendere cosa alcuna* = vixque unam ab hac universali Lege exceptit prædilectam Argentinam Beger, cui tradi jussit = *se si volesse maritare, solamente scudi 300.* cum res igitur sit de apertissima commutanda voluntate, nec de uno tantum, vel altero, sed de universis agatur removendis obstaculis. quæ petitum cumulum impediunt, ac de mutandis potissimum spiritualibus Dotibus in temporales, satis idcirco non videtur *Divo Bernardo* simplex paupertatis causa, quæ pluribus communis est, sed eam requirit gravissimam, publicam, & necessariam *lib. 3. Cap. 4. de considerat. ad Eugen. Pap.,* atque ita etiam sentiunt *Ragnan. in Cap. Nimis sub num. 6. de Fil. Presb.,*

Mo-

Monet. de commut. ultim. volunt. Cap. 6. num. 75. , & Cap. 9. num. 676. , & 695. , Piton. de contro Patron. alleg. 50. num. 7. , & Sperell. decis. 109. num. 25.

Ad EE. igitur Vestras pertinet decernere .

An sit consulendum SSmo pro cumulo quatuor Dotium ad Oratorum nominationem spectantium usque ad summam scutorum 1000. favore Isabellæ Bacchettoni annorum 11. , etiam pro Matrimonio carnali in casu &c.

*Die Sabbathi 24. Martii 1787. in Pala-
tio Apostolico Vaticano erit Sacra Con-
gregatio Concilij, in qua præter alia
proponentur infrascripta Dubia, juxta
morem ejusdem Sacræ Congregationis
de jure resolvenda.*

Resumpto Folio præcedentis Congregationis diei 3.
currentis Mensis definire dignentur EE. Vestræ bi-
nas illas non resolutas Causas, quæ primo nunc, & se-
cundo loco proponuntur.

ROMANA.

An sit standum, vel recedendum a decisis in casu &c.

*Sess. 25. cap. 4.
de Reform.*

In decisis.

ROMANA.

*An sit consulendum SSmo pro cumulo quatuor Dotium ad
Oratorum nominationem spectantium usque ad summam
scutorum 1000. favore Isabellæ Bacchettoni annorum 11.
etiam pro Matrimonio carnali in casu &c.*

*Sess. 22. cap. 6.
de Reform.*

Negative.

LEODIEN. Ob diminutos Cappellaniarum Reditus
SSmo Domino Nostro supplicarunt Collegiatæ Eccle-
siæ Thorensis Cappellani pro reductione onerum, &
commutatione anniversariorum ad Missas lectas; ita ta-
men,

*Sess. 25. cap. 4.
de Reform.*

men, ut idoneum Cappellaniæ præstare possent titulum pro Sacra Ordinatione. Valde enim in Leodiensi Ecclesia necessaria est Sacrorum Ministrorum opera.

Re ad Sac. hanc Congregationem delata, post auditum de more Leodiensem Episcopum rogatus fuit Eminentissimus Cardinalis Gerdil, ut pro sua sapientia, atque solertia negotium perpenderet, suamque super precibus Sententiam proferret. Nulli laudatissimus D. Cardinalis pepercit labori, nihil non cogitavit, ut rem implexissimam expediret, ac opportuna proponeret remedia, quibus & privatæ Cappellanorum utilitati, & publico Ecclesiæ commodo consultum esset. Elucubratissimum in id edidit Votum, quod seorsim EE. Vestris distribuitur, adeoque accuratum est, ut inutiliter hic proluxa oratione describeretur. Singulari tamen modestia optat, ut ab EE. Vestris decernatur

An, & quomodo sit consulendum SSmo pro reductione, & absolutione in casu &c.

Affirmative juxta Votum Emi Relatoris.

*Sess. 22. cap. 6.
de Reform.*

FOROLIVIEN. Thomas Ugolinus Forolliviensis Cathedralis Canonicus suam anno 1763. heredem instituit Animam, mandavitque, ut ex universis Hereditatis fructibus octo quotannis in eadem Cathedrali celebrarentur Anniversaria, & = *il residuo poi de'frutti annuali della mia Eredità il quale sopravanzerà celebrati i suddetti otto Anniversarij, voglio pure, e dispongo, che si distribuisca egualmente, e s'impieghi in far celebrare tante Messe in suffragio della mia Anima da i medesimi Canonici coll'elemosina di baj. 12. per ciascuno.*

Testamentaria hæc dispositio exequuta fuit ad annum usque 1781. Eo autem tempore quum reparare non possent Canonici ex tenuissima Capitulari massa potissimam Capituli Domum terremotu concussam, Sacræ huic Congregationi preces porrexerunt, ut Ugolinæ Hereditatis fructibus eam in rem uti liceret; auditoque Ordinario, ac testamentario Exequutore, EE. Vestræ re-

scripserunt = *Confitto de impotentia Oratorum*, pro gratia arbitrio, & conscientia Episcopi pro summa vere necessaria tantum arbitrio Peritorum, celebratis tamen decem Missis pro quolibet centenario earum, quæ celebrari deberent ex dispositione Testatoris, & Anniversario una quolibet anno, quo Indultum necessario ex causa expressa in Precibus perdurare debebit, & docto coram eodem Episcopo de fidei erogatione pecuniæ.

Omnia Episcopus exequutus est, tradique mandavit Capitulo per Administratorem Hereditatis scuta 1800., quæ in expressam reparandæ Domus causam reipsa soluta fuerunt. Incepto tamen opere graviora apparuerunt Domus vitia, quam in opinione erant; infirma scilicet fundamenta; male compactus, ac ruinosus alter ex principalibus muris, adeoque reliquæ partes fatiscantes, ut non de simplici restauratione, sed de nova potius constructione agi videretur. Denuo hinc Canonici die 21. Januarii elapsi anni Sac. Congregationem exoraverunt, ut firmo remanente impetrato Rescripto, jam in partem A novi Edificii consumato, impositionem permitteret Census scutorum 1500. super eadem Domo, ceterisque Capituli Bonis, cujus usuras, & sortem ipsam Ugolinæ Hereditas extinguere deberet.

Ob contradictionem Exequutoris testamentarii res poni debuit in *Folio citata Parte*. Impar vero Capitulum impensæ formalis disceptationis, mutavit instantiam, petiitque, ut salvis octo Anniversariis a Testatore præscriptis, ac centum Sacris a singulis Canonicis celebrandis, hereditariorum fructuum residuum, quod testamentarius ipse Exequutor ad annua scuta 100. efferri refert, benigne sibi concederetur, quousque summam attingeret scutorum 1498. 64., ad quæ perficiendæ Domus impensa Periti iudicio ascendit. Novis hisce Precibus deferendum censent Episcopus, & Administrator Hæreditatis, qui propterea in lacerationem apppositi *Nihil transeat* consensit; ideoque sub infrascripto Dubio proponitur instantia.

Non aliena profecto a Testatoris voluntate videtur exuberantium fructuum erogatio usque ad summam scutorum 1498. 64. in necessarium Capituli levamen. Agitur enim de Testatore ejusdem Cathedralis Canonico, cui ignota esse non poterat illius paupertas. De Testatore agitur, qui Anniversaria in Cathedrali, & Missas a Canonicis celebrari voluit, ideoque nedum Animæ suæ expiationem, sed Cathedralis etiam Ecclesiæ, & Ca-

nonicorum utilitatem considerasse videtur. De opere demum agitur necessario, cui causam dedit miserandus terremotus casus. In his sane terminis a verisimili Testatoris voluntate non abest, quod Capituli etiam necessitatibus occurrere voluerit, *Pasqualig. de Sacrif. nov. Leg. tom. 2. quæst. 1145. num. 5., Piton. Discept. Eccles. 2. num. 12. tom. 2.*

Hoc etiam addunt Canonici, quod si æquam censuit Sac. Congregatio contributionem scutorum 1800. cum celebratione unius tantum Anniversarii, ac Sacrorum decem ex singulis centum, minor esse non debeat indulgentia, per quam intacta relinquuntur octo Anniversaria, ac centum quilibet Canonicus in singulos annos despondet Sacra. Eoque magis, quia testamentarii Exequutoris accedit consensus, ac iudicium Episcopi, cui plurimum semper deferendum esse post *Text. in Cap. In præsentia de Renunciat. monet Gonzal. ad Regul. 3. Cancell. gloss. 4. num. 124., & seqq.*

Animadversione tandem dignum videtur, quod per ulteriorem Ugolinæ Hereditatis contributionem insignis Benefactoris locum Testator acquireret, & grandiore idcirco cum fructu particeps esset suffragiorum, quæ diurna Missæ Conventualis applicatione a Capitulo impenduntur; cui rei præsumpta ipsius Testatoris mens favore videtur, *Lotter. de Re Benefic. lib. 7. quæst. 43. num. 67., & Card. de Luc. de Miscell. disc. 33. num. 18., & de Testam. disc. 72. num. 15., & 16.*

EE. igitur Vestrarum iudicio subiicitur Dubium.

An, & quomodo Capltali Oratoris precibus sit annuendum in casu &c.

Affirmative juxta Motum Episcopi, docto de celebratione Missarum, & fideli erogatione pecuniæ.

Sess. 25. cap. 4.
de Reform.

REATINA REDUCTIONIS MISSARUM. Persianus Juliani Reatinæ Ecclesiæ Canonicus legavit anno 1605. illius Capitulo scuta centum in frugiferum Censum investienda cum onere duplicis Missæ in singulas hebdomadas. Ejus voluntatis implementum curavit sequenti anno illius Heres, annumque ex legata summa creavit Censum scutorum octo cum ipsomet Capitulo,

II. *An quoad tempus præteritum ab anno 1712. teneantur Canonici ad aliquod supplementum Missarum; & quatenus affirmative, an sit consulendum SSmo pro-absolutione in casu &c.*

Ad I. Affirmative juxta Votum Episcopi ad manua-
lem.

Ad II. Consulendum Sanctissimo pro absolutione.

REATINA ABSOLUTIONIS. Legavit anno 1587. *Sess. 25. cap. 4. de Reform.*

Sebastianus Campitossi Reatinæ Ecclesiæ Capitulo scuta quinquaginta cum onere celebrandi ex illorum fructibus hebdomadale Sacrum, nulla præstituta die. In vetustissima Missarum Tabella, cui se anno 1747. Episcopus Camarda subscripsit, alligatum fuit hujusmodi onus Feriæ sextæ; qua ratione ignoratur. Hinc factum est, ut a Legati origine usque ad annum 1784. intermissum fuerit Sacrum in hebdomada majori, in cujus Feria sexta ex Ecclesiæ ritu sola præsanctificatorum celebratur Missa. Vterem eo anno in reformanda Tabellaprehenderunt errorem Canonici. Paratum referunt Capitulum ad celebrandum cum adeo tenui eleemosyna hebdomadale Sacrum; sed absolutionem a præterita omissione postulant. Episcopus pro informatione, & voto requisitus, iisdem Litteris muneri suo satisfecit, quibus ad propositam in superiori Causa quæstionem respondit. Breviter ex inculpabili rerum ignoratione id accidisse refert. A ferendo tamen voto abstinuit.

Licet porro vetitum cuique sit, ac ipsis etiam Episcopis ultimas morientium voluntates immutare, aut plus minusque oneris, quam Testatores præceperint, imponere, *Monacell. in supplem. ad tom. 1. formular. For. Eccles. v. 239.* Longæva tamen observantia, in linea saltem interpretativa voluntatis Sebastiani Campitossi, non nihili ponderis addit iudicio Reatini Episcopi, qui diem statuit celebrationis, eumque in majori hebdomada impeditum, *Cap. Cum dilectus 8. de Constit. , & Leg. Si de interpretatione 137. ff. de Legib.* Accedit tenuitas eleemosynæ, ac bona Oratorum fides, quæ si maximam vim in ceteris haberent, efficaciora plane sunt, cum de absolutione agitur ab omnia
Missa-

Missarum celebratione , ut sæpe dixit Sac. Congregatio ,
 & nuper in *Parmen. 6. Maii elapsi anni* -
 Quæritur itaque .
An sit consulendum SSmo pro absolutione in casu &c.

... Affirmative quoad præteritum tantum.

*Sess. 21. c. ap. 7.
 de Reform.*

MACERATEN. . Ut pene labentem restitueret Paro-
 chialem Domum Ecclesiæ S. Georgei Maceratæ ,
 alienum æs scutorum 538. contraxit Archipresbyter Do-
 minicus Balè , Sacra auctorante Episcoporum , & Regu-
 larium Congregatione , quæ assuetam dedit Depositi Le-
 gem pro illius extinctione . Dum hæc exequenda erat
 Lex , improles eadem in Civitate decesserunt Coniuges
 Carlini , qui sese invicem hæredes hoc pacto instituerant ,
 ut Bonorum tandem omnium pretium in tot Sacrorum
 eleemosynam erogari deberet , ipsumque Ecclesiæ S. Geor-
 gei Archipresbyterum pro tempore piæ eorum volunta-
 tis exequutorem dederant .

Inventario confecto , Bonisque divenditis , ad scuta qua-
 dringenta , & obulos sexaginta Hæreditatem ascendere
 compertum est . Opportunam hanc occasionem nactus ,
 Sac. Congregationem exorat Archipresbyter Balè , ut
 commutata Testatorum voluntate , facultatem sibi conce-
 dere dignetur erogandi scuta illa 400. 60. in extinctionem
 suprad. æris alieni sub sua , suorumque Successorum obli-
 gatione celebrandi pro Testatoribus ipsis perpetuum heb-
 domadale Sacrum . Instantiæ favet Episcopus .

Ait porro Orator , adeo tenues esse Parochialis Ecclesiæ Re-
 ditus , ut impares omnino sint alieno æri dissolvendo .
 Testis est in sua Relatione Episcopus , vix eos omnibus de-
 tractis oneribus ad annua scuta triginta ascendere . Hoc
 autem retento , idem de restauratione Parochialis Do-
 mus , ac de Ecclesia , Sacrario , Turri campanaria , &
 similibus ferendum esse iudicium monent *Bellet. disquisit.
 Cleric. part. 1. de Cler. debit. §. 14. num. 9. , & Nicol. Prax.
 Canon. tom. 1. de Eccles. ædific. vel reparan. §. 2. num. 39.*
 Neque pro reparatione Parochialis Domus vexari posse ur-
 get Archipresbyter tenuissimos Paræciæ Reditus , tan-
 quam ejus exhibitioni inæquales , ad *Text. in Cap. 1. de
 Eccles. ædific. , ibique Hostien. , & Abb. n. 1. , & Nicol.
 in cit. §. 2. num. 39.* Quandoque enim Sac. Congregatio
 do-

lo, quod ea indigebat pecunia pro excavatione Foveæ ad celebrem Velini-lapsum a Clemente VIII. demandata. Loco autem fructuum duo illa Capitulum celebrare promisit Sacra, quæ Testator iusserat. Nec mirum est, quod tam grande onus cum adeo exiguo emolumento acceptaverit. Gravissimæ namque erant censuales usuræ, ac tenuis vicissim obulorum circiter sex Missarum eleemosyna, ut bene in sua Informatione observat Episcopus.

Religiose Missarum celebrationem expleverunt Canonici ad annum usque 1712. Sed ob tennes Bonorum stabilium fructus, in quæ censualis deinde pecunia investita supponebatur, auctamque Missarum eleemosynam, reductionem eo anno ab hac Sac. Congregatione impetrarunt ad rationem eleemosynæ manualis. Rerum porro gestarum oblivio, ac deperdita Censuum memoria fecit, ut ad eam obtinendam narraverint, versum fuisse Legatum = *in un Censo di simil somma di annuo frutto di scudi otto col peso di due Messe la settimana, qual Censo essendosi retrovenduto, fu il prezzo reinvestito in Beni stabili, che presentemente potranno rendere feudi tre al più.*

Nuper autem in ordinanda Missarum Tabella invenerunt Canonici deputati Instrumentum Censuum, & ex verisimili illius existentia haud vera fuisse arbitrati sunt narrata in Precibus anni 1712. Ut rem igitur in tuto ponerent quoad præteritum, & futurum, invidiamque Collegarum effugerent, duo ab hac Sac. Congregatione postularunt, quæ sub infra scriptis Dubiis continentur.

Quoad primum considerat Episcopus, quod dato etiam, Censum adhuc subsistere, liberum est Capitulo ad beneplacitum ipsum redimere, quæ redemptio in consequentiam, & substantialiter nihil aliud erit, nisi vel emptio Fundi alicujus pro eadem summa, cujus fructus vix ad annua scuta 4. pertingent, sive ut Testator præscripsisse videtur, ætivi Censuum creatio pro pretio scutorum 100., quorum fructus nunc communius, & honestius computati ad rationem quatuor pro quolibet centenariio, & anno, impares sunt duarum Missarum in singulas hebdomadas celebrationi = Atque ex hac ratione Canonicis favet pro reductione.

Hac posita facultate extinguendi antiquum, & novum creandi Censum ad minorem usuram, non alia sequenda videretur reductionis methodus, quam ad manualementem eleemosynam, Sacris deductis Utensilibus. Constantis-

suma hæc est Sac. Congregationis praxis, etiam de perpetuis agatur Missis, ubi concurrit acceptatio, & exequutio Legati, veluti in Burgi S. Sepulchri Reductionis oneris Missarum 10. Februarii 1748., in Nepefina Reductionis Missarum 15. Februarii 1771., & in Alben. Reductionis Missarum 4. Aprilis, & 16. Maii 1778. Attentis nihilominus rerum circumstantiis, reductionem aliquando ad taxam perpetuæ etiam post exequutionem concessit, ut in Albinganen. 12. Decembris 1778., & in Parmen. 6. Maii elapsi anni 1786., ac perpenſa designatione Ecclesiæ, & dierum, aliisque oneribus Cappellani, in Aquen. Reductionis 19. Decembris 1772.

Idem est Episcopi favor quoad secundum. Reque vera si usque ab anno 1712. censuales decreverant usuræ a grandi illa quantitate scutorum octo in singula centum, plane hinc sequitur, quod si redemptus a Capitulo fuisset Cens, ut facillime poterat, haud utique ex novo investimento sperari potuissent fructus celebrationi Missarum æquales. Animadvertit præterea Episcopus, quod = Canonici ante annum 1712. ob jam sequutum, ut præmonuimus, manualis eleemosynæ incrementum, plures certe, quam Cens fructus paterentur, Missas celebrarunt = Ad- ditque postremo bonam Canonicorum fidem, injustamque Collegarum invidiam in Deputatos, qui pulverulentum, & ab Hominum memoria oblitteratum Instrumentum Cens in lucem ediderunt.

Ægre quidem, vixque aliquando Sac. hæc Congregatio in debite celebratas Missas pro extenuando in posterum illarum numero consideravit. Diminutionem hanc denegavit in Romana Suspensionis, & Reintegrationis Eleemosynæ Missarum 7. Maii 1718., & 17. Januarii 1722., in Placentina 21. Novembris, resoluta die 16. Januarii 1779. Ei vicissim visa est deferre in Romana Missarum 31. Julii 1717. lib. 67. Decret. pag. 303. Sed ex hoc forsan conticere poterit Juris rigor, quod non agitur de compensatione cum Missis celebrandis, sed cum prætenſa earumdem omissione. Maxime si bona addatur fides, cui pro hujusmodi effectu, & in longe grandiori omissionum quantitate plurimum detulit Sac. Congregatio in Ecclesien. Onerum, & Distributionum 9. Septembris elapsi anni ad primum Dubium.

Assueta itaque EE. Vestrarum maturitate decernendum erit
I. An, & qui numerus Missarum sit taxandus in futurum in casu &c.

dotalia Subsidia in similibus circumstantiis concessit, ut in *Romana Subsidiorum Dotatum* 9. Julii 1746., & in *Anerina* 15. Decembris 1764.; quandoque Præbendarum fructus ad certos annos erogari iussit, ut in *Lendien. Prorogationis Indulti* 9. Februarii 1765., & in eadem novissime die 11. Martii elapsi anni; non raro ad tempus Legata ipsa Missarum in eam causam convertit, *Amst. de Caus. Pii* lib. 1. cap. 14. num. 36. lib. 2., *Brasch. de Pa-test. Ecc'es.* tom. 3. cap. 24., & *Sac. Congregatio in Auximana* 11. Januarii 1766.

Hinc non incongruam petitionem suam videri concludit, si loco inquirendi in eos, qui ad hujusmodi restaurationem cogi possent, ultro se, suosque Successores illi submittat, immutata dumtaxat simultanea celebratione in perpetuam, juxta exempla, de quibus in *Perusina*, seu *Civitatis Plebis Cappellaniæ* 27. Junii 1733., & in *Papien.* 7. Aprilis elapsi anni.

Ad hæc addit Episcopus = *urget Defunctorum benevolentia, ac studium tum in ipsam Ecclesiam, in qua Tumulum deamarunt, tum in Oratorem, cujus integritati piam executionem commiserunt. ex quibus conjici licet, ut si ad hæc ipsi cogitassent, non in peragendis Sacris, sed in præfatæ Ecclesiæ utilitatem de rebus suis disposuissent; quod & firmitus tenendum est, si & ipsi Testatores perpendissent, salva rerum substantia fieri posse, ut Missæ, quæ paucis mensibus absolvi debuerant, in perpetuum forent duraturæ.*

Illud vero perpendendum, si Oratoris precibus, ac Episcopi voto annuendum sit, an numerus Sacrorum ad taxam etiam perpetuæ, respondeat Reditui, qui a dictis scutis 400. 60. sperari posset. Una sane hebdomadalis Missa, non excedit quinquaginta duas, aut quinquaginta tres in singulos annos. Contra autem Reditus scutorum 400. 60. facile attinget annua scuta 16., quæ pro perpetua eleemosyna Missarum 80. in annos singulos sufficere videntur. Verum facile res componi posset, si tot demandaretur Sacrorum celebratio, quot ferent Reditus dd. scutorum 400. 60. ad taxam perpetuæ.

Quæritur itaque

An, & quomodo sit annuendum commutationi voluntatis in casu &c.

Affirmative juxta Votum Episcopi cum onere celebrandi annuas Missas quadraginta in perpetuum.

Sess. 23. cap. 8.
de Reform.

CEPHALUDEN. SUSPENSIONIS, ET IRREGULARITATIS. Acolytus Rosarius Castiglia quum ratione originis, & domicilii esset Cephaludensi Episcopo subiectus, nolletque hic eum Sacris Ordinibus insignire, quia claudus paullulum erat, testimoniales Litteras sui Ordinarii effinxit, & mediis iisdem Dimissorias extorsit a Messanenfi Antistite, in cuius Diœcesi Beneficium obtinuerat, ac labente anno 1784. ad omnes Sacros Ordines ascendit. Subreptæ hinc ordinationis memor Sac. adiit Pœnitentiarium: sed æquo monitus Rescripto = *Orator componat res suas cum proprio Ordinario* = ad suum venit Episcopum, qui octiduum ei spirituales recessus cum Clericis Seminarii indixit. Re autem vulgata, mancipatus fuit carceribus, quorum in locum iterum atque iterum Episcopus proprium Palatium ob adversam illius valetudinem substituit. Post publicas tandem spirituales exercitationes, novamque vinculorum afflictionem mandavit Episcopus, ut = *stante supplicatione porrecta excarceretur, ita ut remaneat perpetuo suspensus, & quatenus inciderit in irregularitatem, permaneat in ea, & non possit absolvi, nisi auctoritate, & gratia Summi Pontificis.* Frustra in re externi Fori ad Sac. Pœnitentiarium rediit Castiglia, imploravitque postremo irregularitatis, & suspensionis absolutionem ab hac Sac. Congregatione. Quæ hæcenus narrata sunt, confirmat Episcopus, valdeque cupit, ut Oratoris preces, adversus quem nulla adhuc Fiscalls instantia, ab E.E.VV. excipiantur. Priusquam vero ad rem descendamus, duo diluenda sunt ipsius Episcopi dubia, an Beneficium scilicet, cuius ratione Dimissorias obtinuit Orator, tale esset, quale Apostolicæ Constitutiones requirunt, & an illius claudicatio irregularitatem induceret. Quoad primum igitur: ex hoc ipso, quod Dimissorias originario alterius Subdito Messanenfi Archiepiscopus concessit, iusta oriri videtur legitimi Beneficii præsumptio. Quoad secundum vero, simillimus claudicantis Clerici decisis fuit casus in *Messanen. 28. Aprilis 1686.* Rogata enim Sac. Congregatio = *An sit irregularis læsus in calcaneo, licet claudus ambulet sine baculo* = respondit = *negative* =.

His præmissis. Dubium non est, quin Orator per ascensum ad Sac. Ordines cum falsis Testimonialibus in suspensionem inciderit. Ita expresse sancivit *Concilium Tridentinum sess. 23. cap. 3. de Reform.* Immo ad ordinatos cum falsis Testimonialibus eæ quoque trahendæ sunt graviores pænæ, quas de ordinatis cum falsis Dimissoriis

riis statuit *San. mem. Urbanus VIII. in Constitutione* 35. quæ incipit *Secretis*. Illudque advertendum, quod ubi agitur de suspensione simul, & irregularitate, licet solvi ab Episcopo posset suspensio, mos tamen invaluit, ut de utraque Sac. Congregatio cognoscat. *Honorante in Prax. Tribunalis Eminentissimi Vicarii cap. 6. not. 3. pag. 79.*

Irregularitatem quoque Orator contraxit. Quamvis enim affirmet, nunquam se in susceptis Ordinibus ministrasse, re ipsa tamen ministravit cum a Subdiaconatu ad Diaconatum, & a Diaconatu ad Presbyteratum ascendit. Si quidem = *Dicitur Ordines ministrare, qui dum est Subdiaconus ascendit ad Diaconatum, vel dum est Diaconus ad Presbyteratum, & ex isto solo ascensu fit irregularis tanquam Ordinum administrator* = inquit *Grass. de effect. Clericat. effect. 1. num. 529.*; ac docet *Card. Petr. ad Constit. VII. Pii II. num. 48. tom. 5.* Sed ex hoc etiam capite irregularis est, quod furtim se Sacris Ordinibus per falsas Testimoniales intrusit. Quum enim vetitum sit sub anathematis pœna, ne quis ad eos Ordines non probatus accedat, legitimisque destitutus probationibus Orator accesserit, eam dubio procul contraxit irregularitatem, quam uti publicam Romanus tantum Pontifex dispensare potest juxta *Decretal. Innoc. III. & Cœlest. III. in Cap. Veniens Cap. Cum lata, & Cap. Innotuit Nobis de eo, qui furtive Ordinem suscepit, Habert in Theolog. Dogmat. moral. tract. de Ordin. ; Censur. , & Irregul. part. 3. cap. 6. §. 12.*

Hæ autem afferuntur absolvendi, & dispensandi causæ. Oratoris scilicet paupertas, quam miseratione dignam censet *Corrad. in Prax. Dispensat. Apostol. lib. 4. cap. 10. num. 11.*, ibi = *Si (Dispensandus) sit pauper, & ad longum tempus abstinuit ab exercitio suorum Ordinum: nam Clerici præsertim pauperes sunt alendi Beneficiis ecclesiasticis, quæ dicuntur Patrimonium Christi* = Silentium rursus Filci; diuturna carceris pœna; bonique Oratoris mores, quæ plurimi in solvenda suspensione, ac dispensanda irregularitate facienda autumat *Ferrar. in Biblioth. verb. Irregularitas art. 3., verb. Pœnitentia, & verb. Dispensatio*. Ac propitium denique Episcopi testimonium, enixaque ejus vota, ut *EE. VV.* Oratori indulgeant, ad exemplum Sacerdotis homicidæ, qui in *Consentina Irregularitatis 20. Martii elapsi anni*, ob effusas præsertim *Consentini Archiepiscopi preces* ab irregularitate dispensatus fuit per Rescriptum = *attentis peculiaribus Archie-*
Tom. LVI. H pif-

piscopi precibus pro gratia , peractis spiritualibus exercitiis per mensem in aliqua Domo religioso arbitrio Archiepiscopi , & dummodo non celebret in Loco commissi delicti .

Ab EE. igitur Vestrīs deliberandum erit

An sit consulendum Sanctissimo pro absolutione , & respectiva dispensatione in casu &c.

Non proposita cum sequenti .

*Sess. 22. cap. 6.
de Reform.*

ÆSINA TRANSLATIONIS MISSARUM . Laicalem Cappellaniā instituit anno 1648. Thaddæus Guglielmi in Ecclesia Divi Blasii Castri Majuleti cum onere trium Missarum in singulas hebdomadas , alteriusque Sacri diebus Dominicis , & Festis , omnium præsertim Sanctorum , quibus Tabulam pictam cum Altari in ea Ecclesia dicari iussit , voluitque = *che si debba fare officiare d. Altare nel modo sudetto .*

Missarum onus ad dies tantum Dominicos , & Festos reduxit anno 1669. tanquam Delegatus Apostolicus clar. mem. Cardinalis Cibo Æsinus Episcopus in Sac. Visitatione , & ad Parochialem ejusdem Castri Ecclesiam transtulit; iterumque anno 1782. ad triennium transferri permittit Sac. Congregatio ad Parochialem Ecclesiam Podii S. Marcelli , ubi hodiernus Patronus Seraphinus Guglielmi domicilium habet . Supplicat nunc idem Seraphinus pro perpetua dd. Missarum translatione ad eandem Podii S. Marcelli Ecclesiam , & quatenus EE. Vestrīs placeat, pro commutatione etiam celebrationis ad dies feriales . Exposita confirmat Æsinus Vicarius Capitularis , & Oratoris precibus indulgendum censet . Majuleti vero Parochus resistit .

Si res integra esset, petitæ translationi adversaretur Fundatoris voluntas . Præcipua namque erga Ecclesiam Divi Blasii Majuleti affectione Sacrum in ea erigi Altare , ac Sacra in illo celebrari mandavit . Ubi autem talis concurrat affectio , permittendam non esse Missarum translationem docent *Navarr. cons. 14. num. 10. de Testam. , Gratian. discept. 73. num. 4. , & Rot. in Rec. decij. 309. numer. 11. part. 6. ,* ac sæpe respondit Sac. hæc Congrega-

tio in *Æfina Legatorum* 21. *Augusti* 1700. , in *Ariminen. Commutationis Missæ* 14. *Martii* 1711. , & in *Panormitana Translationis Oneris Missarum* 26. *Septembris* 1739. .

Quoniam vero derogatum semel fuit voluntati Fundatoris a clar. mem. Cardinali Cibo , ac perpetua semel demandata est Missarum translatio ab Ecclesia S. Blasii ad Parochialem Majuleti , jam amplius novæ translationi obesse non videtur primæva Fundatoris affectio, sed una tantum officere posset contradictio Parochi Majuleti , cui jus ex prima illa translatione quæsitum , sine justa , & publica causa auferri non deberet , juxta monitum *Fagnani in 3. lib. Decretal. cap. consultationibus 6. de Cleric. ægrotan. numer. 76. , Anton. Gabriel. de jur. quæsit. non tollen. , & Rct. cor. Molin. dec. 306. num. 35.*

Durior fortasse videbitur celebrationis commutatio ad dies feriales . Nedum sane adversatur voluntati Fundatoris , qui de festiva celebratione sollicitus fuit, sed publicæ etiam Majuletensis Ecclesiæ utilitati . Magis enim congrua est celebratio diebus Festis , in quibus ecclesiasticum urget audiendæ Missæ præceptum , magisque per eum Divinus cultus universo adstante Populo augetur . Qua de causa facillior esset commutatio a diebus ferialibus ad Festos , quum ad majorem Ecclesiæ splendorem , ac majus Populi commodum tenderet .

Hæ autem afferuntur translationis , & commutationis causæ . Mutatum a Patrono domicilium : Difficultas inveniendi in Castro Majuleti Cappellanum , qui diebus præsertim Festis celebrationi incumbat , quum universi Majuletenses Sacerdotes aliis gravati sint Missarum oneribus : Facilius Sacrorum implementum in Podio S. Marcelli , ubi apud Seraphinum Guglielmi bini sunt Filii Sacerdotes , quorum alter Cappellaniæ titulo Sacris initiatus est Ordinibus : Impervium quinque milliariorum iter a Podio ad Majuletum : Sufficientes Majuleteni Populo suorum Sacerdotum Missæ . Licet namque asserat Parochus = *quod in d. Castro exiguus sit Missarum numerus* = Capitularis tamen Vicarius affirmat = *quod non subsistit , cum ex Documentis , quæ pariter adnectuntur , evidenter resultet numerus Missarum sufficiens pro præcepti satisfactione illius exiguæ Populationis* = Conjecturata rursus Fundatoris voluntas , qui Heredibus potissimum , ac familiaribus Sacerdotibus per laicalem Cappellaniam consulere voluit , eisque dubio procul per commodam Missarum ce-

lebrationem consulisset, si transmigrationem Familiæ prævidisset. Ac bonum denique Vicarii Capitularis testimonium, qui hæc omnia confirmat. His profecto, aliisque justis de causis non raro perpetuam Missarum translationem indulgit Sacra Congregatio, ut in *Sabinen. translationis Legati Missarum* 16. Februarii 1743.

Dignentur igitur EE. Vestræ decernere

An, & quomodo concedenda sit translatio Missarum in casu &c. .

61

*Die Sabbathi 21. Aprilis 1787. in Pala-
tio Apostolico Vaticano erit Sacra Con-
gregatio Concilij , in qua præter alia
proponentur infrascripta Dubia, juxta
morem ejusdem Sacræ Congregationis
de jure resolvenda.*

CEPHALUDEN. SUSPENSIONIS , ET IRREGU- *Sess. 23. cap. 3.*
LARITATIS . Causa hæc cum sequenti , graviori- *de Reform.*
bus affluentibus negotiis , proponi non potuit in supe-
riori Congregatione diei 24. elapsi Martii ; ideoque præ
omnibus modo EE. Vestrarum judicio subiicitur .

*An sit consulendum Sanctissimo pro absolutione , & respectiva
dispensatione in casu &c.*

Affirmativè ad cautelam .

ÆSINA TRANSLATIONIS MISSARUM :

*An , & quomodo concedenda sit translatio Missarum in ca- *Sess. 22. cap. 6.*
su &c. *de Reform.**

Negativè in omnibus .

AMPURIEN. NULLITATIS PROFESSIONIS : Ad *Sess. 25. cap. 15.*
originarium hujus Causæ Dubium = An constet de & 29. de Regu-
nullitate Professionis in casu &c. = respondit S. hæc Con-
gregatio die 20. Januarii currentis anni = Affirmative = lar.
Hujusce Rescripti confirmationem urget P. Angelus Ma-
ria

ria Salinas, eique de more Professionis Defensor contradicit. Quum nil autem novi, in Facto præsertim deducant, hinc resumere dignentur EE. Vestrae præcedens Folium, & assueta maturitate respondere.

An sit standum, vel recedendum a decisis in casu &c.

In decisis.

*Sess. 24. cap. 3.
de Reform.*

AQUIPENDIEN. Decrevit olim Aquipendienſis Episcopus in Sac. Visitatione anni 1660. = *ad Procurationes, seu victualia, quæ in Visitatione erunt ministranda ab iis, qui visitantur, etiam Beneficia simplicia, Confraternitates Laicorum, ac Loca Pia, non tamen Hospitalia, pro eorum rata concurrere debere* = Ab eo nihilominus tempore ex pluribus Oppidi Canini Beneficiatis, Confraternitatibus, & Locis Piis in Procurationes contribuisse constat Parocbum tantum S. Crucis, ac tres supernumerarios Canonicos Collegiatæ Ecclesiæ SS. Joannis, & Andreæ, qui distinctam a reliquis Canonicis habent Præbendam, integrumque fere illarum onus subiisse Capitulum.

Imminente Visitatione anni 1784. protestati sunt Capitulares in Curia Episcopali Aquipendii de contributione Procurationis ad formam antiqui Decreti. At mentionem Episcopus concessit Beneficiatis, & Locis Piis *in possessione non solvendi Procurationes, ac iura Capitulo experienda coram Sacra Congregatione Concilii in petitorio reservavit*. Statim ad Sac. hanc Congregationem provocarunt Capitulares, rescripsitque Episcopus in transmittendis Actis = *satius esse ad evitanda infinita scandala, & dissensiones, quæ certissime orirentur, relinquere res in eo statu, quo semper fuerunt. Eo vel maxime, quia fere semper multa Beneficia a Dataria Apostolica conferuntur, & conferri possunt Personis in sublimi Dignitate constitutis, & nunquam in Terra Canini degentibus, quæ certe minime possunt coarctari. Adde, quod Capitulares Canonici non habent Reditus ita ienues, ut nequeant obligari ad supplendas Sac. Visitationis expensas* = Nunc itaque de futuris agitur contributionibus in primo Dubio, de præteritis in secundo.

Juris dispositio favet quoad primum Dubium Capitulo. Quum enim inducta sit Sac. Visitatio in communem Clericorum, Piorumque Locorum utilitatem, ut ex *Conc. Trident. sess. 24. cap. 3. de Reform.* tradit *Ferrar. in Biblioth. verb. visitare num. 74. , & seq.*, plane hinc sequitur, ut ii omnes, qui visitantur, ad illius Procurationem concurrere debeant, ad *Text. in Cap. Accedentes 11. de Præscript. , & Cap. Cum instantia 17. de Censib. , & passim Sac. hæc Congregatio*, ac præsertim in *Auximana Procurationis 8. Februarii 1727. , in S. Marci Visitationis 18. Julii 1733. , in Civitatis Castelli Procurationis 28. Novembris ejusdem anni , & in Fanen. Procurationis 24. Augusti 1743.* Hæc autem contributio fieri non debet vitim, & per capita, sed pro rata fructuum quos unusquisque ex Bonis Ecclesiasticis percipit, *Text. in Cap. Cum Apostolus de Censib. , Gloss. in cit. Cap. Cum instantia verb. prægravari eod. tit. , Fagnan. in lib. 3. Decretal. Cap. Procurationes num. 20. , Antonell. de jur. Cleric. lib. 2. part. 6. cdp. 17. n. 69. & 71. , & Sac. Coagregatio in Pientina Procurationis 26. Nov. 1763.*

Canonicis Sanctionibus consentaneum est Decretum latum ab Aquipendienti Episcopo in Visitatione anni 1660., dum ad illarum præscriptum statuit, Pia omnia Loca, exceptis Hospitalibus, ad Procurationes pro eorum rata concurrere debere. Hujusmodi sane Decretum maximi faciendum esse dixit *Rot. in Rec. decis. 90. nu. n. 16. , & coram Emer. sen. decis. 105. num. 1.* Addunt etiam Canonici ex activo, & passivo Mensæ Capitularis statu, annuos omnes cujusque Præbendæ Reditus vix scuta viginti, detractis oneribus, attingere, licet arbitratus fuerit Episcopus, eos non habere Reditus ita tenues, ut nequeant obligari ad supplendas Sac. Visitationis expensas; annuos contra simplicium Beneficiorum. & Cappellaniarum Canini fructus in unum ascendere ad scuta 772. 88. Ideoque ab omni æquitate alienum dicunt, quod integrum ferre debeant Procurationis onus, qui inopia quodammodo laborant, ab eoque immunes sint, qui tantos ex Beneficiis percipiunt fructus, *Fagnan. in lib. 3. Decretal. de Censib. Cap. Venerabili num. 33. , Barbof. de offic. , & potest. Episcop. part. 3. allegat. 73. num. 5.*

Immemorabilem adversus hæc opponunt observantiam Loca Pia. Nunquam enim illa a pervetusto Decreto anni 1660., si tres excipias supranumerarios ejusdem Capituli Canonicos, & Parochum S. Crucis, in Procurationes con-

contribuisse docetur. Licet porro in hac privilegiata Procurationis materia vetita sit adversus Episcopum præscriptiva observantia per *Text. in Cap. Accedentes de Præscript.* ; in *Cap. Cum ex Officio eod. tit.* ; & *Cap. Cum instantia de Censib.* , admittitur tamen inter Beneficiatos , & Capitulum , aliosque ad Procurationem obligatos , dummodo quadragenaria sit cum titulo , vel immemorabilis , quum privatum respiciat *singulorum* interesse , ut in materia Decimarum notat *Guttier. quæst. Canon. lib. 2. capit. 21. num. 67. ibi = At vero in præscriptione secus est in proposito dicendum , quia requiruntur 40. anni cum titulo , vel tempus immemorabile . . Idque probatissimum est in Jure secundum Covarr. . . in præscriptione Clericorum , & Ecclesiæ circa Decimas contra alteram Parochiam = , & Rot. in Rec. decis. 479. num. 4. part. 3. , & coram Molin. dec. 206. n. 11.*

Omittenda tamen non sunt , quæ in id ex Facto , & Jure Capitulares observant. Ex facto inquirunt , observatum præsumi Decretum anni 1660. , nisi contrarium probeatur , *Constantin. ad Statut. Urb. in prælud. num. 100. , Rot. coram Seraphin. decis. 153. num. 2.* Reipsa immo observatum fuisse a Canonicis supranumerariis , & Parocho S. Crucis , quorum unus vel alter actus plus valet ad sustinendam Legis observantiam , quam plurimi , copiosique contra Legem militantes , ut inquit *Rot. coram Olivatio decis. 237. num. 12.* Tribuendam præterea esse contributionum inexactionem oscitantæ Capitularium , quibus injungi solet integrum Procurationis onus cum facultate taxandi reliquos Beneficiatos , & Loca Pia , *Sac. hæc Congregatio in Signina Procurationis 2. Aug. 1670. lib. 26. Decretor, pag. 392. , & in Januen. seu Nullius Terlitii Visitationis 23. Januarii 1706. libr 56. Decret. pagin. 25.* Ac per simplicem denique hujusce facultatis non ulum absque contradictione , & acquiescentia , sublatam non esse contribuendi obligationem *Fagnan. in cit. Cap. Venerabili num. 23. de Censib. , Rot. cor. Cerr. decis. 606. num. 23. , & cor. San. Mem. Clem. XIII. decis. 293. n. 10. & seq. .*

Ex Jure vero animadvertunt , sæpe antiquissimam observantiam non contribuendi Procurationes , veluti Canonicis Legibus , ac naturali æquitati contrariam , ab hac Sacra Congregatione despectam fuisse . Ita in *cit. Signina Procurationis 2. Augusti 1670. , in Auximana Procurationis 8. Februarii , resoluta die 15. seq. Martii 1727. ,*

in Civitatis Castelli Procurationis 28. Novembris 1733. , & in Fanen. Procurationis 24. Augusti 1743. , in qua ad Dubium = An omnes Visitationi subiecti teneantur per contributum ad Procurationem = non obstante consuetudine quamcumque Hominum memoriam excedente , responsum fuit affirmative .

Quo ad secundum autem Dubium , a primo ceteroquin dependens , non dubitat *Ancharan. in decis. 248. num. 8. , quin ille , qui tale Procurationis debitum solvit , possit debitorem , quem liberavit , convenire , ut sibi satisfaciat = Actionem hanc exercere posset Capitulum per contributum adversus Beneficiatos omnes , Confraternitates , & Loca Pia Canini , exceptis Hospitalibus , non ab edito Decreto anni 1660. ob bonam observantiæ fidem , qua omissa fuit antea actis temporis contributio , Text. in Leg. sed , et si lege §. sine fff. de petit. Heredit. , Rot. in Recen. decis. 199 num. 11. , sed a die motæ Litis , Text. in L. 3. ff. de luterdiç. , Surd. decis. 25. num. 1. , & seq. , Rot. coram Seraph. decis. 385. num. 1. , & Sac. Congregatio in d. Auximana Procurationis 1777. , in qua ad secundum Dubium = An Parochi , qui sustinuerunt totum pondus Procurationis in retroactis Visitationibus , sint proportionabiliter reintegrandi , & a quo fieri debeat repartitio , & exactio in casu &c. = responsum fuit die 15. Martii = affirmative pro ultimis Procurationibus .*

Supplicant ergo Capitulares , ut respondere dignentur EE. Vestræ .

- I. *An , quomodo , & a quibus sit contribuendum pro Procuratione Episcopi visitantis in casu &c.*
- II. *An , contra quos , pro qua summa competat Capitulo reintegratio pro præteritis Procurationibus in casu =*

Ad primum affirmative ad formam Decreti 1660. juxta liquidationem faciendam coram Episcopo .

Ad secundum affirmative pro ultima Procuratione tantum .

Sess 24. cap. 12.
de Reform.

SUTRINA . In Parochiali S. Andreæ Apostoli Roncilionis Ecclesia quinque præter Rectoratum sunt Beneficia , quorum natura , & qualitas controversatur . Hodiernus Rector Horatius Generali obstrictos esse contendit Beneficiatos residentie , ac hebdomadali servitio . Negant Beneficiati . Nititur ille Decreto edito ab Episcopo Sylvestri in Sac. Visitatione anni 1753. Petierant Beneficiati præ Redituum tenuitate = *che voglia sgravarli dal peso dell' Eddomada quotidiana , ed accordargli , che solo ne' giorni festivi una volta per ciascuno , e per turnum celebrino la Messa pro Benefactoribus* = Decrevit autem Episcopus , quod = *Non essendo la Chiesa di S. Andrea eretta in Collegiata , ed essendo in essa fondati alcuni Beneficj , che si godano da Preti Secolari , quali con il Rettore la officiano a guisa della Collegiata di questa nostra Città di Ronciglione , ed essendo i medesimi Rettori , e Beneficiati gravati di molti pesi , e fra questi per consuetudine immemorabile del peso dell' Eddomada , se bene le Prebende siano di molto tenue fruttato , ed inoltre l'esito superi l'entrata &c. , perciò con lasciare nel suo primiero immemorabile vigore , ed osservanza la predetta Eddomada permettiamo solo all' Eddomadario la libera applicazione* = . Alteroque nititur Decreto clar. mem. Cardinalis Pamphili Visitatoris Apostolici , qui indulgentiam Episcopi Sylvestri egere censuit Sac. hujus Congregationis approbatione = *Ricorrino gli Oratori per la necessaria sanatoria alla Sagra Congreg. del Concilio* = .

Confidunt contra hodierni Episcopi iudicio Beneficiati . Ait enim , quod Beneficia illa = *semper uti simplicia , nulloque affecta residentie onere æstimata fuere . Alterum ex hisce Beneficiis cum superioribus annis vacasset , cumque illud semper uti simplex , nulloque adjecto onere collatum fuerit & a Dataria Apostolica , & ab Ordinario &c. fuit hac de causa &c. a S. Sede , prævia Bullarum expeditione , Seminario cum onere unius Sacri quolibet anno in die S. Andreæ unitum* = Deindeque concludit , non immerito Beneficiatos libertatem a residentia vindicare = *Nam eadem Beneficia habuerunt non modo Roncilionenses , sed & alibi commorantes , & quidem cum altero Beneficio residentiali , ut omissis vetustioribus collationibus , luculentum testimonium suppeditat Beneficium , quod una cum Canoniatu in Collegiata Roncilionis tenet modo Sacerdos Dalmazj* = .

Reque vera cum de Ecclesia agatur nunquam eretta in Collegia-

giata, ut dixit Episcopus Silvestri, hinc pro simplici Beneficiorum qualitate urgere videtur præsumptio, de qua Garz. de divis. Benefic. cap. 5. num. 8. part. 1., & Rot. cor. Pamphil. decis. 119. num. 8. Plurimum quoque in id confert ultimus status, retentio scilicet alterius Beneficii a Sacerdote Dalmazj una cum Canoniatu in Collegiata Roncilionis, Corrad. in Prax. Dispensat. lib. 6. cap. 1. n. 34., & Rot. in Vicer. Rectoriæ 16. Februarii §. 5., & 6. Decembris 1756. §. 3. cor. Bussio. Collatio rursus Beneficiorum tanquam de simplicibus, nulloque onere affectis, Pignatell. consult. Canon. 36. num. 17. tom. 4., ac unio denique unius ex Beneficiis Sutirino Seminario, quæ juxta Concilium Trident. Sess. 23. cap. 18. de Reform. de simplicibus tantum Beneficiis fieri debet.

Advertendum tamen est, jamdiu Beneficiatos in supplici Libello, quem dederunt Episcopo Silvestri, exonerari tantum postulasse ab hebdomada, utroque obtulisse celebrationem Sacri pro Benefactoribus = *ne' giorni festivi una volta per ciascheduno, e per turno* =. Illudque prætereā notandum, quod in altero ad Sac. Congregationem Rectoris Libello enunciantur Bullæ erectionis, quæ non exhibentur.

Quoties vero Beneficiati præstare non teneantur Ecclesiæ servitium, de quo in primo Dubio, neque, inquit Rector, participes fieri debent emolumentorum, de quibus in secundo. Rem probat Episcopus per hæc verba = *Illud unum addere censeo, quod si Beneficiati Roncilionis commorantes nullum præstant Ecclesiæ servitium, ut Rector contendit, æquum non est, ut Funerum emolumentorum sint participes, eoque minus, ut Rector alios Sacerdotes pro Exequiis advocare non possit. Cæterum alter ex Beneficiatis quotidie Sacrum facit in Ecclesia S. Andreæ, & alter diebus Festis in contigua Ecclesia S. Mariæ de Providentia pro Populi commoditate* =. Et sane si nullam erga Parochum obligationem habent Beneficiati, neque is vicissim aliquid eis debet; quum Missarum eleemosynæ, Funerumque emolumenta ad Parochum certissime pertineant, Reinfest. in lib. 3. Decret. tit. 25. num. 6., Cardin. de Luc. de Decim. discurs. 19. num. 8.

His igitur expensis, deliberandum erit ab Eminentissimis Venerabilis.

I. An, & quomodo Beneficiati Ecclesiæ S. Andreæ teneantur præstare eidem Ecclesiæ servitium per hebdomadam in casu &c.

II. *An iidem Beneficiati participes esse debeant emolumentorum Funerum, & Missarum, quæ dictæ Ecclesiæ offeruntur, & Rector ejusdem Ecclesiæ cogatur eos private vocare pro Exequiis Defunctorum in casu &c.*

Dilata, & scribatur Episcopo juxta instructionem, nempe quod transmittat Bullas Erectionis, si minus Foundationis, nec non referat, an dicti Beneficiati unum Collegium constituant, communi utantur Sigillo, Massam communem habeant, & de aliis signis Collegialitatis prout de jure, & de qualitate servitii per Hebdomadam ab Oratoribus præstiti.

*Sess. 22. cap. 11.
de Reform.*

FIRMANA COMPENSATIONIS. Ad Parochialem reparandam Ecclesiam S. Salvatoris Oppidi Belmontis imposuit anno 1776. Parochus Franciscus Urbani ad summam usque scutorum 299. 15. quatuor Census super Bonis Paræciæ. In concedenda autem licentia legem ei, ejusque successoribus dedit Sacra Episcoporum, & Regularium Congregatio solvendi illorum fructus, ac deponendi in Sac. Monte Pietatis Firmi annua scuta decem, in extinctionem sortis.

Defuncto post nonnullos annos Parocho, damnavit Firmanus Archiepiscopus Latinum Antonium Urbani germanum ejus fratrem, & hæredem ad conficiendum depositum scutorum 37. 50. ab illo neglectum, eique reservavit jura pro prætenso compensatione, seu reintegratione scutorum 85. 14., quæ impensa de proprio fuisse contendebat a defuncto Fratre in restorationem Ecclesiæ. Provocavit hac de re Latinus ad Sacram Congregationem, sed pluries interpellatus, jura sua deducere negligit.

Hæc Archiepiscopus de suo judicio refert = *Rationibus sane hinc inde deductis, & iterum mature examinatis, rursus in ea sum sententia, quam duplici meo Rescripto extrajudicialiter dedi. Et revera Oratoris Frater fabricam Ecclesiæ aggressus fuit, non uti persona ad hoc opus deputata, sed uti Porochus, & Rector. Hinc si plus impendit, quam tulerunt data assignamenta, ratio sane non est, ob quam debeat ab Ecclesia reintegrari, semel ac id egit, ad quod de Jure tenetur, Sed rursus non constat, quod re vera plus impenderit, quia de redditu legitima redditione rationis, quæ necessario præcedere debuisset, legale non datur documentum. Urget demum, quod cum ipse post expletam Fabricam per quinque annos supervixerit, utique se rein-*

tegrasse dici debet ex Reditibus ejusdem Ecclesiæ, qui fere biscentum nummos singulis annis præstant = .

Singulis hisce rationibus, quibus hodiernus etiam insistit Parochus Petrus Nobili, Legum additur auctoritas. Latini porro debitum scutorum 37. 50. ob non factum a Fratre depositum, ex propria constat confessione, quæ superlativam constituit probationem, ad *Text. in Cap. Per tuas de Probat. .* Prætersum contra illius creditum ex privato desumitur defuncti Fratris Liberculo, quem ad proprium commodum Scribentis nullam facere probationem dixit *Rot. in Recent. decis. 119. num. 5. part. 16. , Gen. de Script. privat. lib. 5. quæst. 9. de Scartafaciis num. 4. Exceptionem* rursus patitur non redditæ rationis, antequam nemo dici valet creditor, aut debitor, *Rot. coram Olivatio decis. 507. num. 6. tom. 5. , & in Callien. Crediti 26. Martii 1756. §. 4. cor. clar. mem. Card. Caprara .* De tali præterea credito satisfactus præsumitur Parochus Urbani per diuturnam Redituum Parochiæ perceptionem, *Rot. cor. Molin. decis. 506. num. 14. Et quod plurimum denique urget, si quid etiam de proprio in restaurationem Parochialis Ecclesiæ impendit, muneri suo satisfecit, nam = qui Parochiales Ecclesias habent &c. ad reparatorem, & institutionem Ecclesiarum cogi debent = ut statuit Text. in cap. 4. de Eccles. ædifican. , & monet Rot. in Recent. decis. 545. num. 1, part. 3.*

Si Ecclesiæ igitur creditum adversus hæredem Parochi Urbani liquidum est, prætersum vero Urbani creditum omnino illiquidum, sequenda forsitan erit regula illa = *de liquido ad illiquidum non datur compensatio =* de qua *Text. in Leg. fin. Cod. de compensat. , & Rot. cor. Olivatio decis. 554. num. 1. tom. 5.* Maxime, quia ex pluribus Testibus hodiernus Rector probat, Cæmenta omnia, & Tigna, quæ reparationi Ecclesiæ superfuerunt, adhibita fuisse a Parocho Urbani in restaurationem Domus Parochialis, quam in se per Transactionem susceperat in corrispectivitate biennalis Pensionis, quam ei decessor Parochus Franciscus Agostini remisit.

Quæritur itaque

An sit locus compensationi in casu &c.

Negative.

TUDERTINA REDDITIONIS RATIONIS . Paulus Spaziani heredes ex Asse instituit anno 1606. Societates SS^mi Sacramenti, Conceptionis, & Rosarii Civitellæ, iussitque, ut publicum retinerent Ludimagistrum, annuas cum Anniversario celebrari facerent Missas quinquaginta, hebdomadales tres, ceterosque Hereditatis fructus in temporales erogarent Dotes scutorum 25. . Hujusce autem piæ dispositionis executores dedit Priorem, seu Archipresbyterum pro tempore ejusdem Castri Civitellæ, & Priorem Cathedralis Ecclesiæ Tudertinæ.

Post alios, qui decesserunt, delatum novissime fuit executorum munus ad Tudertinum Priorem Benedictum Laurenti, & Philippum Dominici Priorem Civitellæ. Hos iterum atque iterum apud SS^mum Dominum Nostrum malæ administrationis inculcarunt Confraternitatum Sodales, precibusque ad Tudertinum Episcopum remissis, præ omnibus Ille in administratorem Hereditatis deputavit Dominicum Pensi, deindeque per definitivam Sententiam edixit = *Reos conventos* (Priores nempe) *teneri, & obligatos esse ad legitimam redditionem rationis, & pro hujusmodi effectu contra eosdem relaxandum fore, & esse Mandatum de gravando in scuto uno quolibet die, donec legitimam reddiderint rationem.* Re autem ad Sac. hanc Congregationem in gradu appellationis delata, duo nunc proponuntur Dubia.

Posita siquidem in Prioribus Dominici, & Laurenti administratione Hereditatis Spaziani, facillima esset primi Dubii resolutio. Nemo enim nescit, administratores omnes sive necessarios, sive voluntarios, tum legitimos, cum dativos ad redditionem rationis teneri, & cogi posse ad *Text. in Leg. Qui negotiationem* 59. ff. de administr., & *pericul. Tutor.*, & *Leg. 2. ff. de Negoc. gest.*, Escobar. de Ratiocin. cap. 1. num. 5., & cap. 2. num. 32. Maxime ubi res sit de administratoribus Hereditatis ad pios usus destinatæ, ut ex *Conc. Trident. Sess. 22. cap. 9. de Reform.* dixit Rot. coram Molin. decis. 672. num. 32., & *Sac. hæc Congregatio in Asculana Commutationis Voluntatis* 20. Januarii 1776.

At inficiatur Prior Dominici, unquam se hereditaria Bona contrectasse. Administratio, inquit, quæ de Jure non præsumitur ad tradita per Rot. in Romana Pecuniaria 9. Maii 1757. §. 3. coram Stadion., multo minus præsumi debet in executoribus testamentariis, qui non tenentur ratione officii administrare, Rot. in Recen. decis. 349. num. 1.

num. 1. part. 15. Contrariam immo in nostro themate urgere contendit præsumptionem, quod ob delatam Societatibus Hereditatem, administratores potius fuerint Sodales, quorum principaliter intererat piorum operum implementum, *Rot. in Rot. in Recen. decis. 242. num. 3., & 6. part. 5. tom. 1.*

Legalibus hiſce præſumptionibus opponunt Sodales Facta, Reipſa enim Prior Dominici per retentionem Librorum, exactionem fructuum, ſolutiones, & ſimilia de plerisque hereditariis Bonis diſpoſuit. Is autem verus dicitur administrator, qui Bona contrectat, *Rot. cor. Lancett. decis. 833. num. 2., cor. Molin. decis. 506. num. 4., & in Ariminen. Redditionis Rationis 6. Junii 1710. §. 3., & ſeqq. cor. Scotto.*

Sedulo præterea advertendum rogant Sodales, nullum unquam ipsis ab Archipresbytero Dominici relictum fuiſſe adminiſtrandi locum, dum perpetuus ille fuit Societatum Prior, ſequè ipſum ad eum Officiuſ proclamarè conſuevit = *in tempo della ſua Meſſa* = Juſtus autem hic adminiſtrandi tituluſ validior in eo erat ob adiunctam executoris teſtamentarii qualitatem; nam heredis loco quodammodo habetur Pii Operis executor, *Piton. de contr. Pairon. allegat. 14. num. 5.*

Hæc quoad Priorom Dominici. Quo vero ad Priorem Laurenti; aliquantulum, & ipſe adminiſtrationem negavit coram Epifcopo. Sed propriis deinde convictuſ factiſ (privative enim hereditarie Loca Montium adminiſtraverat, hereditariam egerat litem, plureſque ex hereditariis fructibus ſolutiones fecerat) hiſ, inquam, convictuſ factiſ, quaſdam exhibuit dati, & accepti Notulas, legitimamque per eaſ rationem reddidiſſe autumabat. Notandum vero ex Jure, quatuor potiſſimum ad legitimam rationiſ redditiōem requiri; *Libroſ ſcilicet rationum legitime, & ſecundum conſuetudinem Patriæ confeſtoſ edere; calculuſ ponere; reliqua ſolvere; moram purgare.* Ita *Eſcobar de Ratiocin. cap. 2. ſub num. 1., & Guttier. de Tut., & Cur. part. 3. cap. 1. num. 69.*

Silicet eſt, jam reddita non videtur a Priore Laurenti legitima ratio. Aliud enim eſt exhibere computa, ſine quibuſ rationum redditiō fieri nequit, aliud vero ipſaſ rationeſ reddere, ad quem effectū oſtenſio calculorum eſt ſolummodo quid materiale = ut hiſce verbis monet *Rot. in Huldeſinen. Præpoſituræ ſuper Redditione Rationiſ 25. Junii 1753. §. 4. cor. Amadeo, & conſonat eadem Rot. in Rec. dec. 586. num. 4. pat. 1., coram Lancett. decis. 1058. num. 9.*

num. 9., & in Leodien. Redditionem Rationis 5. Junii 1744.
§. 6. cor. Molino.

A resolutione primi Dubii pendet resolutio secundi. Si a
petita rationis redditione Priores absolvantur, æqua
etiam esset ipsorum absolutio a pecuniaria pœna per Epi
scopum comminata. Justam enim habuissent causam non
parendi præcepto, *Polit. de Verbor. oblig. quæst. 10. I*
dissert. 9. num. 10. tom. 4., & Rot. in rec. dec. 393. n. 101.
part. 4. tom. 2. Si contrarium vero erit quoad redditi
onem rationis EE. Vestrarum judicium, tunc decernenda
pariter videretur solutio pœnæ, quam iusta de causa Epi
scopus decrevit, aut ex Sententia Divi Thomæ 2. 2.
quæst. 62. docet Fagnan. in 3. lib. Decretal. de Regular.
cap. Si quis num. 52. Decernenda autem esset a die con
demnationis ad Text. in Leg. Si qua pœna 244. ff. de verb.
signif., Guttier. de Tut., & Cur. part. 3. cap. 24. n. 18.

Dignentur itaque EE. Vestræ declarare:
I. An constet de administratione exercita per Archipresbyterum
Philippum Dominici, ac Priorem Bernardinum
Laurenti, ita ut sit locus redditioni rationis in casu &c.
Et quatenus affirmative.

II. An, & a quo tempore sustineantur gravatorie in ca
su &c.

Ad primum = Affirmative pro Negotiis Confrater
nitatum ab unoquoque gestis infra terminum ab
Episcopo præfinitum.

Ad secundum = Negative.

Seff. 25. cap. 4.
de Reform.

DERTHONEN. REDUCTIONIS ONERUM: Ex
annuis Mediolanensibus Libris 300., seu scutis 502
monetæ Romanæ Cappellaniæ instituit anno 1707. An
tonius Robbio in Parochiali Ecclesia Oppidi Salarum cum
onere quotidiani Sacri, & choralis residentie in Divi
nis, ad quam tamen teneretur solus Cappellanus, quæ
non erit de Familia. Passivum Patronatum reservavit Sa
cerdotibus, & Clericis de Familia, ac in eorum defectum
Sacerdoti, aut Clerico Salarum magis idoneo, & mori
gerato ad nominationem Heredum.

Aucta in ea Regione ad obulos sexdecim cum dimidio ma
nuali elemosyna, Sacram hanc Congregationem exo
rarunt Patroni pro diminutione onerum, eorumque
pre

precibus ita annuendum censuit Derthonensis Episcopus, ut Libellæ duodecim Pedemontanæ, seu scuta fere duo Romana pro choralis assignarentur residentia, & tot ex reliqua summa celebrarentur Sacra ad manualementum. Proposita tamen instantia per Summaria Precum in Congregatione diei 20. Maii elapsi anni, eam EE. Vestræ ad Folium ablegarunt. Iterum ergo sub infra scripto proponitur Dubio.

Porissima reductionis Missarum causa est Redituum imminutio, *Monacell. Form. legal. 19. tit. 20. part. 1. num. 25. & Sac. hæc Congregatio in Senogallien. Reductionis 10. Maii 1783.* At si juxta præsentem casum adjunctum sit illarum celebrationi servitium Chori, hoc potius, & ante omnia delendum censet *Garz. de Benefic. part. 7. cap. 1. num. 126.* Magis enim Defunctorum Animæ ex Sacris, quam ex aliis piis operibus suffragantur, *Fagnan. in lib. 1. Decretal. cap. Ex parte de Constit. num. 34.* Accedit ordo testamentariæ Scripturæ, quæ incipit a celebratione Missarum, ac Lex choralis residentia in eo tantum casu, quo non adesset Cappellanus de Familia. In his sane terminis præsumpta etiam urget Testatoris voluntas, ut cetera prius onera, quam Missæ reducantur, *Fagnan. loc. cit., Benedict. XIV. de Syn. Diac. l. 13. cap. ult. num. 23., & Sac. Congregatio in Regien. Reductionis Servitii Chori, & Missarum proposita die 29. Julii 1775., ac resoluta die 17. Aprilis sequentis Anni.*

Momentosum contra videri posset judicium Episcopi. Forte enim per modicam duodecim Sacrorum reductionem in singulos annos consultum putavit decori Ecclesiæ, ejusque choralis servitio. Id forte consentaneum censuit voluntati Testatoris, qui per demandatam nominationem Clerici, vel Sacerdotis Oppidi Salarum in defectum illorum de Familia, Parochialis Ecclesiæ splendorem optasse censetur. Rationabilis tamen hæc Episcopi Sententia in eo tantum casu locum habere posset, quo extraneus quærendus esset Cappellanus. Ex aperta namque Fundatoris voluntate immunes sunt Clerici, & Sacerdotes de Familia a Choro.

Definiendum itaque erit ab EE. Vestris.

An, & quomodo sit locus reductioni onerum in casu &c.

Non proposita cum sequenti.

Sess. 25. cap. 4.
de Reform.

FIRMANA CAPPELLANIÆ. Proposita hæc Causa fuit in Congregatione diei 3. elapsi Martii sub Dubio = *An sit servanda remotio Canonici Josephi Canepini a Cappellania sub invocatione Spiritus Sancti, seu potius idem Canonieus Canepini sit reintegrandus in casu &c.* = prodiitque Rescriptum = *Affirmative ad primam partem, negative ad secundam* = Celerem hanc repositionem constanti animo flagitavit Canonicus Canepini; sed nova hætenus ejus jura asserre neglexit. Resumpto igitur Folio diei 3. præcedentis Februarii, respondere dignentur EE. Vestræ.

An sit standum, vel recedendum a decisio in casu &c.

75

*Die Sabbathi 19. Maij 1787. in Pa-
latio Apostolico Vaticano erit Sacra
Congregatio Concilij, in qua, præter
alia, proponentur infra scripta Dubia,
iuxta morem ejusdem Sacræ Congre-
gationis de jure resolvenda.*

P Riores duæ, quæ sequuntur Causæ, proponi non po-
tuerunt in postrema Congregatione diei 21. elapsi Apri-
lis. Benigne igitur Eñi. Patres præcedens consulant Fo-
lium, ut eas expediant.

D E R T H O N E N. R E D U C T I O N I S O N E R U M.
An, & quomodo sit locus reductioni Onerum in casu &c.

*Sess. 25. cap. 4.
de Reform.*

Affirmative deleto fervitio Chori, & celebratis Missis
ad rationem manualis.

F I R M A N A C A P P E L L A N I Æ.
An sit standum, vel recedendum a decisis in casu &c.

*Sess. 25. cap. 4.
de Reform.*

In Decisis, & amplius.

M A C E R A T E N. D I S P E N S A T I O N I S. Proponi non
potuit Causa ista ob negotiorum copiam in Congre-
gatione diei 3. elapsi Februarii, & ob suffragiorum discre-
pantiam indecisa remansit in sequenti diei 3. Martii edito
Tom. LVI. K 2 Re,

*Sess. 24. cap. 7.
de Reform.*

Rescripto iterum proponatur. Denuo igitur EE. Vestrarum iudicio subilicetur originarium Dubium.

Licet faveant Canonico Affortati compatibilitas onerum Rectoratus Immaculatæ Conceptionis cum oneribus Canonatus Divi Blasii Montis Milonis, tenuitas reddituum Canonatus, observantia foundationis proxima, & iudicium Episcopi; ei tamen non obscura adversatur mens Fundatoris; nam generalis illa ratio augendi in Oppido Sacerdotum numerum = quæ Fundatorem impulit ad statuendam incompatibilitatem, non minus aptatur Capellanis S. Blasii, quam Præposituræ = ut in simillimo casu dixit Sac. Rotæ Auditorium in Maceraten. Rectoriæ 14. Aprilis 1738. cor. Elephantutio. Potissima autem incompatibilitatis ratio est Fundatoris voluntas, Sac. Congregatio in Firmana Capellaniæ 23. Februarii 1782.

Iterum ergo quæritur

An sit consulendum Sanctissimo pro dispensatione in casu &c.

Negative.

*Sess. 21. cap. 7.
& Sess. 24. cap.
10. de Reform.*

FIRMANA INTERDICTI, ET TRANSLATIONIS.
Duo ad instantiam Francisci Discreti Parochi S. Mariæ de Puteo Oppidi S. Martini proposita fuerunt Dubia in Congregatione diei 17. Julii 1779. = *An scilicet sit locus translationi Parochiæ S. Mariæ de Puteo ad Ecclesiam S. Joannis Montis S. Martini* =, & quatenus affirmative = *An sit locus unioni Beneficii erecti in d. Ecclesia S. Joannis, & omnium Sanctorum Reditibus ejusdem Parochiæ* = prodiitque ad utrumque, contradicente Sacerdote Achille Urbani, Rescriptum = Negative, & ad D. Secretarium ad mentem; & mens est, quod Vicarius Capitularis curet restaurationem Ecclesiæ ad formam Concilii Tridentini Sess. 21. cap. 7. de Reform., & subinde, ut in eadem Parochiali Ecclesia S. Mariæ de Puteo reponatur SS. Eucharistiæ Sacramentum, & Oleum Sanctum, ita ut in eadem Parochus Sacramenta ministrare possit =.

Ob neglectam restaurationem, inspectamque Parochialem Ecclesiam squalidam, & indecentem, reservavit sibi Firmanus

nus Archiepiscopus in Sac. Visitatione 3. Junii elapsi anni facultatem providendi, eamque deinde per modum provisionis Interdixit, permisitque Parocho translationem munerum Parochialium in alteram Divi Joannis Ecclesiam donec reficeretur. Hac de re eligi jussit Architectum, qui de restauratione, ejusque sumptu, binosque Agrimenteres, qui de infructiferis Bonorum Paræciæ arboribus, earumque pretio referrent. Reclamantibus verò ad Sac. Congregationem Parochianis, eorumque nomine Antonio Piroli ab interdicto, & translatione, infra scriptum proponitur Dubium.

Sedulo præ omnibus advertendum rogat Piroli, rem non esse de privilegiato Visitantis Decreto, a quo ex dispositione *Sacro sancti Concilii Tridentini Sess. 24. cap. 10. de Reform.* non datur appellatio. Ob suprema enim Sac. Congregationis mandata de Parochiali restauranda Ecclesia, ac de exercendis in ea Parochialibus muneris, non aliam Firmanus Antistes gerere poterat figuram, quam simplicis executoris, *Tex. in Leg. Executorem 8. Cod. de execut. Rel. judic., Ferrar. in Biblioth. verb. Executorum. 1.* Reque vera tamquam executor, ac = *pro effectu executionis supradicti Rescripti* = facultatem sibi reservavit providendi; tanquam executor, & = *inherendo Rescripto edito in contradictione Partium a Sac. Congregatione Concilii* = Peritos deputavit, & Parochialem interdixit Ecclesiam.

Licet deinde Episcopi legitima polleant Interdicti ferendi potestate ex *Cap. Ex frequentibus §. 1., & 2. de Senten. excomm.*; cui plaudit *Gibert. in Jus Canon. tom. 3. tit. de Interdict. pag. 136.*, ea tamen gravissimis tantum de causis uti debent quoad Parochialem Ecclesiam, quum ejus interdictio afficiat etiam Parochianos, quos propriæ Parochiæ Divinis absque culpa prohibere non decet, *Pirringh. in Jus Canon. tit. 39. n. 251. pag. 509. tom. 4.* Hoc autem posito, ad memoriam revocat Piroli, eas ipsas squalitudinis, & indecentiæ causas, ob quas interdicta est Parochialis Ecclesia S. Mariæ, tanti apud EE. Vestras non fuisse in Congregatione diei 17. Julii 1779., ut interdicti in ea meruerint parochialia munia.

Ad hæc opponit Parochus Discreti defectum legitimi contradictoris, quum unus Piroli, ceteris reluctantibus Parochianis, Judicio sistat. Addit immo retractationes illorum, qui Mandatum Procuræ cum eo subscripserant, aliorumque attestations de translationis necessitate. Opponit insuper relationes Peritorum, qui Parochialis Ec-

clésiæ statum, arboresque infructiferas de mandato Archiepiscopi recognoverunt, & consentaneum ipsius Archiepiscopi iudicium. Alter sane ex Peritis refert, excelsam potius esse fatiscentem Ecclesiam a fundamentis cum impensa scutorum mille; vix reliqui arborum pretiam statuunt in scutis biscentum. Archiepiscopus vero ex his concludit; nulla alia esse media, quibus *reædificationi huiusmodi occurrî possit* = Maxime, quia Parochialis Ecclesiæ Reditus vix, detractis oneribus, annuam attingunt summam scutorum 26., & ob. 64.

Constanti tamen animo sustinet Pirolî, permissam sibi unâ esse *popularem*; quam pro Ecclesia exercet actionem, *Card. de Luca de Judic. disc. 12. num. 6.*, talem vero non esse exteriorem Parochialis Ecclesiæ aspectum, & interiorem murorum structuram, ut restorationis curam eludant. Ejus dictum præ ceteris probat Faber murarius, qui ex oculari inspectione affirmat = *che la medesima è nel medesimo stato, in cui era prima (anno scilicet 1778), e non ha punto deteriorato, ma forse migliorato per essere stata ripulita* = Alii rursus probant Testes, qui totum Ecclesiæ malum consistere ajunt in uno lateralis muri madore, eique facili negotio occurrî posse, si aqua pluvia divertatur. Ac probare tandem videtur Archiepiscopus ipse, dum eodem tempore, quo Ecclesiam interdixit, per Architectum referri iussit = *quomodo fieri possit præfata instauratio, & quomodo occurrî possit pro tollenda humiditate in muro laterali*.

Contendit quoque sub aliorum Peritorum fide, tot cæduas arbores in Bonis Paræciæ esse, ut haberi valeant absque illorum detrimento aurea sexcenta, utilemque immo fore Prædiorum culturæ ampliorem incisionem. Atque hinc injustum dicit interdictum Parochialis Ecclesiæ, quæ commode ex pretio arborum reparari potest, injustam translationem munerum parochialium ad Ecclesiam Sancti Joannis, quæ difficillimo præsertim hybernî tempore frequentari nequit. Neque excusari posse ait Archiepiscopi Decretum ex provisionali ejus qualitate; nam etiamsi Parochialis Ecclesia in eo fuisset statu, ut provisionalem parochialium munerum translationem in aliam Ecclesiam exigeret, fieri tamen debuisset translatio vel ad Matricem Ecclesiam S. Martini, vel ad alteram Divi Agustini viciniorem, juxta præscriptum *Sac. Concilii Tridentinæ Sess. 21. cap. 7. de Reform.*

Vestrum igitur, Eminentissimi Patres, erit decernere. An, & quomodo Decretum latum in Sacra Visitatione an-

ni 1785. quoad Interdictum Ecclesiæ S. Mariæ de Puteo, & translationem munerum parochialium ad Ecclesiam S. Joannis sustineatur, & exequendum sit in casu &c.

Affirmative juxta modum, nempe translationem provisionalem faciendam esse ad Ecclesiam S. Thomæ, & amplius, & scribatur Archiepiscopo juxta mentem.

VITERBIEN. TRANSLATIONIS MISSARUM.

Sess. 21. cap. 7.
de Reform.

Suppressit anno 1738. defunctus Præsul Caracciolo tanquam Delegatus Apostolicus Societatem Confalonis Vetrallæ, ejusque Bona univit Sodalitio Misericordiæ ejusdem Civitatis cum onere celebrandi Sacrum Feria sexta cujuslibet hebdomadæ in adimplementum Legati Bracalini, ac solvendi quotannis Expositorum Hospitali scuta 40. Sive tamen, quod imparia ab initio essent oneribus Bona, sive quia per injuriam temporum, aut malam administrationem talia evaserint, sæpe intermissum est Sacrum, nunquam annua scuta 40. soluta fuerunt. Ut Hospitali igitur consuleret, tot clar. mem. Cardinalis Castelli, Apostolicus etiam Delegatus, occupavit Sodalitii Bona, quot annuæ præstationi responderent. Atque hinc evenit, ut crescente illius egestate, creverit quoque hebdomadalis Sacri omissio, pro qua semel & iterum Sodales compositionem a Rev. Fabrica S. Petri implorarunt. De futuro autem Legati Bracalini implemento solliciti, duo nunc Sodales ipsi ab hac Sac. Congregatione postulant, quæ cum paupertate eorum Sodalitii componi posse arbitrantur. *Unum*, ut satisfacere liceat Legato per Sacrificium, quod singulis diebus Festis celebrat Cappellanus Sodalitii absque ulla obligatione. *Alterum*, ut Sacrificium ipsum, quod Legati vi agendum esset in derelicta Ecclesia S. Petri, ad suppressam olim Confalonis Societatem spectante, impleri valeat in propria Ecclesia. Utrique instantiæ favet Eius Episcopus, & utraque sub infrascripto Dubio continetur.

Religionem, & severitatem, quæ in commutandis voluntatibus adhibetur, vincit necessitas, *Fagnan. in 1. lib. Decretal. cap. Ex parte 12. de Constit. num. 23.* De impotentia Sodalitii Misericordiæ testis est experientia ipsa, dum pluries post Bonorum avulsionem adierunt Sodales Rev. Fabricam S. Petri pro compositione, ac testis est
Eius.

Eñus Episcopus, qui ex ore Vicarii Foranei refert = *Quaecunque exposita sunt, adeo veritati consona esse, ut nihil supra = exposuerant autem Sodales in Precibus = non esset possibile una tale sodisfazione per la tenuità dell' entrate.*

Levissima insuper videtur mutatio, qua Sacri celebratio ad Festum cujuslibet hebdomadæ diem a Feria sexta traducitur, valdeque interest, Defunctorum voluntatem meliori, quo potest modo impleri, *Rot. cor. Falcon. tit. de Legat. decis. 14. num. 15., & decis. 530. num. pariter 15..* Accedit, quod legantis Bracalini Tabulæ deficiunt, nullaue diligentia inveniri potuerunt. Expressa ergo latet illius voluntas, quæ si merum Animæ suffragium respexisset, procliviores in translationem esse deceret, *Gratian. discept. 73. num. 5., & Sac. Congregatio in Interamnen. 19. Julii 1777.* Seduloque postremo notandum, quod subrogandæ Missæ a quavis exemptæ sunt applicationis obligatione; nam refert Eñus Episcopus = *Sodalitium Misericordiæ nullum habere Statutum, prædictumque Sacrificium celebrari sine applicatione ex simplici devotione, & commoditate Confratrum.*

Eadem necessitas, quæ mutationem diei, mutationem suadet Ecclesiæ. Sub juramento enim affirmant Testes = *La Chiesa di S. Pietro (a Legante designata) è affatto inofficiabile, restando continuamente chiusa, e sprovista di Sacri Arredi, ed inservienti, abbandonata, e derelitta, talmente che non è possibile celebrarvi il Divino Sacrificio, se non nel caso, che il Celebrante porti seco tutto il bisognovole, lo che certamente non è eseguibile, in specie quando dovesse ivi sodisfarsi qualche obbligo fisso, poiche non troverebbe chi volesse assumersi tanto fastidio =.*

Deliberandum itaque erit ab EE. VV.

An, & quomodo sit locus translationi Missarum in casu &c.

Affirmative in omnibus.

*Sess. 21. cap. 3.
de Reform.*

FIRMANA. Quæ in Oppido est Montis Ulmi collegiata Ecclesia, ex duabus coaluit S. Donati, & SS. Petri, & Pauli. Sapientissime autem in explenda unione SSinūs Dominus Noster decrevit = *quod distributiones quotidiane pro Capitularibus Ecclesiæ S. Donati sint omnino æguales, & correspondentes distributionibus quotidianis, quæ a Capitulo Collegiatæ Ecclesiæ SS. Petri, & Pauli de præsentī percipiuntur =.*

Duo

Duo hujusce Collegiatæ Præbendati Nicolans Cepollari, & Nicolaus Vico assuetum studiorum causa a Sac. Congregatione obtinuerunt absentiae Indultum, alter nempe die 10. Januarii 1784., & alter die 15. Maii 1785., additaque de more fuit clausula = *Amiſſis distributionibus quotidianis. Quod ſi omnes fructus ipsis distributionibus conſent, vel ſi Reditus Præbendæ tertiam partem distributionum non attingant, duas ex tribus partibus distributionum, inſimul cumulataram reſpectively percipiat, amiſſa tertia, quæ inſervientibus accreſcat* = .

Præbendati erant Eccleſiæ S. Donati Indultarii, ac ſecundum minorem ejus taxam ad initium uſque elapſi anni tertiam distributionum partem dimiſerunt. Ab eo autem tempore contendere cepit Capitulum, dimetiendas eſſe illorum distributiones juxta majorem alteram Eccleſiæ SS. Petri, & Pauli taxam ad formam Bullæ unionis. Sacram igitur hanc Congregationem rogarunt Indultarii pro declaratione Indulti, calumniæque proximam cenſuit Firmanus Archiepiſcopus contradictionem Capituli, eo quod = *anno elapſo retenta tertia parte, reliquos fructus Oratoribus relaxarunt.*

Subreptitia aſſerunt Capitulares Indulta ob reſcitam ab utroque Oratore legem illam æquandi distributiones Eccleſiæ S. Donati = *distributionibus, quæ a Capitulo Collegiatæ Eccleſiæ SS. Petri, & Pauli de præſenti percipiuntur* = Licet autem hujusce Legis expoſitio Sac. non retraxiſſet Congregationem a concedendis Indultis ob expreſſum favorem *Text. in Cap. Relatum, & Cap. Tua de Cleric. non refiden., Cap. Licet de Præben., & Cap. Super ſpecula de Magiſtr.*, eam tamen ad decernendam distributionum amiſſionem ad formam Bullæ unionis impuliſſet. Idque ad inducendam ſubreptionem ſatis cenſet *Laym. in Decret. Gregor. lib. 1. tit. 3. cap. 20. de Reſcript. ſub num. 4. §. 4.*

Cæterum nec Oratorum Preces, nec Archiepiſcopi relatio innuunt, Præbendarum fructus tertiam distributionum partem, reſpectu etiam ad taxam SS. Petri, & Pauli, attingere; quod plurimum intereſt ſcire. Si illam enim attingunt, jam ex lege Indulti univerſas Beneficiati amittere debent distributiones. Si minores ſunt, locus erit ad formam ejusdem Indulti Præbendarum, & distributionum cumulo, ac tertix partis dimiſſioni. Ex ipſo tamen Capituli facto argui poteſt, re ipſa minorem eſſe, dum ultro ad initium elapſi anni tertiam distributionum partem ad taxam Eccleſiæ S. Donati retinuit.

In ea vero opinione sunt Oratores, in ea Archiepiscopus sententia, ut distributionum æqualitas a *Sanctissimo Domino Nostro* demandata casum non percutiat absentiae studiorum causa. Si hæc admittenda esset interpretatio, jam studiorum causa absentes, qui benigna Juris fictione præsentibus, qui distributiones, si Choro non intersunt juxta taxam Ecclesiæ SS. Petri, & Pauli dubio procul amittunt, contra id quod notat *Gloss. in Cap. Licet verb. distributiones de Præben.*, & *Card. de Luc. de Canon.*, & *Capit. disc. 13. num. 9.*, & *seq.*

Actum hac de re fuit in Camerinen. 14. Februarii 1625. in *Regestro Decretorum lib. 12. pag. 260.* Vigebat in Camerinenſi Ecclesia legitima consuetudo, ut Canonici Sacerdotali Ordine non insigniti tertiam dumtaxat distributionum partem consequerentur, licet adeo tenues essent Præbendæ, ut quartam distributionem partem non attingerent. Quæsitum fuit, quid dari oporteret Indultario studiorum causa, Sacerdotali Ordine non insignito. Fieri debuisset distributionum, & Præbendæ cumulus, ac tertia pars dimitti. Ne plus vero daretur fictioni, quam veritati = *Sacra &c. commisit Episcopo*, ut siquidem compererit ex consuetudine legitime præscripta, Canonicos in Præbyteratus Ordine non constitutos cum actu inserviunt non lucrari, nisi tertiam distributionum partem, assignari procuret Canonico Oratori studiorum causa absentii duas tertias partes prædictæ tertiæ una cum fructibus Præbendæ, quæ adeo sunt tenues, ut quartam distributionem partem non excedant.

Neque aspera videri deberet taxa Ecclesiæ SS. Petri, & Pauli, etiamsi tertiam canonicalium fructuum partem excederet. Statuit porro *Concilium Trident. Sess. 21. cap. 3. de Reform.*, ut tertia canonicalium fructuum pars pro distributionibus segregetur, sed non improbat consuetudines, quæ pinguiores invexerint distributiones, ut notant *Monet. de Distribut. quotid. part. 2. quæst. 12. numer. 43.*

Quæritur ergo ab EE. Vestris.

An, & quomodo sint amittendæ distributiones in casu &c.

Dilata, & scribatur Archiepiscopo juxta Instructionem.

APRUTINA . Andreas Prosperi, Maceratenſis Congregationis Oratorii Sacerdos, hæredem in paternis, & maternis Bonis inſtituit Joannem ejus fratrem . In reliquis vero ab ipſo acquiſitis uſufructuariam ſcripſit ſortem ſuam Victoriæ, proprietarium Sacerdotem Thomam Piccioni . Huic poſt conſolidatum cum proprietate uſumfructum injunxit = *che mi dica, o mi faccia dire ogn'anno Meſſe 40.* = prohibuitque = *che non poſſa tagliare coſa di fondo, ne vendere, nè impegnare* = eique diſpoſitionem non acceptanti ſubſtituit = *la Chieſa di San Francesco di Acquaviva mia Patria, con li medefimi onori, peſi, e condizioni* = atque iterum = *quando non voſſe anche queſta accettare, la Compagnia della morte ſempre con li ſteſſi onori, peſi, e condizioni.*

Diſpoſitionem accepit Thomas, & ad obitum uſque Sacra, ceteraſque conditiones implevit . Tria autem Sacerdos Carolus Piccioni ejus ſucceſſor a *Sanctiſſimo Domino Noſtro* quæſivit : an ſcilicet per acceptationem primi heredis evanuerint Locorum piorum ſubſtitutiones : an vi-geat adhuc, & mediatos heredes afficiat prohibitio cædendi, vendendi, & hypothecandi ; & an Miſſarum Legatum ſit progreſſivum . Reſ. ad Sec. hanc Congregationem ablegata, expiratas cenſuit Episcopus ſubſtitutiones, ac prohibitionem, non item Legatum . De hiſ modo ſub congruis agitur Dubiis, ac ſupremum Orator flagitat EE. Veſtrarum judicium, ut incertam adhuc conſcientiam componat .

Facillima ex Cæſareo Jure eſt primi Dubii reſolutio . Subſtitutiones enim in caſu non aditæ, vel repudiatæ hereditatis vulgares ſunt, & directæ, ut monet *JUSTINIANUS* in §. 1. ibique Gloſſ. verb. *potest de vulgar. ſubſtit.*, ideoque per ſimplicem aditionem evaneſcunt, ad *Text. in Leg. 5. Cod. de Impub.*, & aliis ſubſtit., & in *Leg. ſi Mater §. Si Filius ff. de vulgar.*, & *pupill. ſubſtit.*, quem exornant *Fuſar. de ſubſtit. quæſt. 456. ſub num. 10. Peregrin. de Fideicomm. art. 15. num. 3., & Rot. coram Priol. deciſ. 71. num. 1.*

Quoad ſecundum vero advertit Orator, prohibitionem illam cædendi, vendendi, & hypothecandi qualibet omnino deſtitutam eſſe perpetuitatis nota . Vix enim interdictum legitur primo heredi = *che non poſſa tagliare coſa di fondo, ne vendere, nè impegnare* = Ubi autem perpetuum deſicit fidei-commiſſum, vel expreſſa deſicit ratio conſervationis Bonorum in Familia, ut in noſtro themate, non extenditur alienationis prohibitio ad ul-

teriores heredes), *Mantic. de Conject. ult. volunt. lib. 6. tit. 14. num. 23.*, *Mascard. de Probat. concl. 1242. n. 77.*, & 92. *Valent. de ult. volunt. Vol. 14. n. 33. part. 1.*

Idque comprobari videtur ex prohibita arborum incisione. Nisi enim huiusmodi prohibitio primum dumtaxat respiceret heredem, absurda in Testatore admittenda esset voluntas prohibendi rectam suorum Bonorum administrationem. Semper porro expedit vetustas, & corruptas incidere arbores, aliasque in earum locum substituere, *Text. in Leg. Æquissimum §. 1.*, & in *Leg. Agri ff. de usufruct.*, *Tiraquell. de Retract. convent. §. 3. Gloss. 1.*, & *unic. num. 26.*, *Redoan. de reb. Eccles. non alien. quest. 79. cap. 7. num. 13.*, & *Rot. in Rec. decision. 553. num. 2. part. 2.*, sæpe utilior est Fundo, ejusque culturæ frugiferarum etiam arborum incisio, *Tiraquell. loc. cit. num. 27. Capoll. de servit. rustic. præd. cap. 22. num. 10.*, *Rot. in rec. dec. 553. num. 3. part. 2.*

Posita autem in Oratore vendendi libertate, consulendum videretur pio Legato per assignationem Fundi, quoties illud ab EE. Vestris perpetuum declaretur. Per improvidam enim Bonorum distractionem frustrari posset Missarum celebratio. Vereor tamen, ne in damnum potius Legati assignatio vergeret. Ubi taxativè siquidem Missarum Legatum in certo consistit Fundo, locus est ob diminutionem fructuum reductioni; *Amoſta de Caus. piis lib. 2. cap. 6. num. 13.*, & 18., *Bened. XIV. de Synod. Diæces. cap. ult. lib. 13. num. 30.*, & 32., & *Sac. hæc Congregatio in Regien. 5. Augusti 1719.*, neque hereditas persequi amplius potest.

Tertium Orator Dubium potissime urget, & ex personali- bus illis verbis = *mi dica, o mi faccia dire ogn' anno Messe 40.* = expiratum fuisse contendit Legatum cum vita primi hæredis, *Menoch. præsumpt. 108. num. 29. lib. 4.*, *Castill. controuv. Jur. lib. 2. cap. 22. num. 6.*; eademque ratione defectus Fideicommissi, ob quam expirata fortasse censeri debet cedendi, & alienandi prohibitio; nam ubi eadem militat ratio, idem ferendum est judicium, per *Text. in Leg. A Titio ff. de verb. obligat.*

Hæc tamen notari posset inter prohibitionem alienationis, & Legatum differentia. Quæ enim in prohibitionem deficiunt perpetuitatis argumenta in Legato concurrere videntur. Primo sane hæredi non acceptanti bina ex ordine substituit Testator Loca pia = *con l'istessi onori pesti, e condizioni* = Si perpetuum ergo fuisset Missarum Legatum quoad Loca pia, quæ semper vigent, eadem profe-

Ad contemplata censetur perpetuitas in primo herede per indefinitam illam dictionem *ogn'anno*, quasi universi in ejus persona comprehensi fuerint *Succesores* *Text. in Leg. annua 20. ff. de ann. Legat., Card. de Luc. de Legat. disc. 36. num. 4.* & huc fortasse spectat prohibitio alienandi primo heredi indicta, ne scilicet Bonâ in præjudicium Legati pii dissiparentur. Ex communi autem Canonistarum Sententia quælibet in Legatis piis sumenda est latissima interpretatio = *ratione pietatis causæ, ac favore Divini cultus pro perpetuitate* = ut inquit *Card. de Luc. de Legat. disc. 19. num. 7., & Rot. coram Molin. decis. 35. num. 6.*

Toties Idcirco pro perpetuitate Legati pii respondit Sac. hæc Congregatio, quoties contrariæ deficerent voluntatis argumenta. Ita in *Civitatis Castellane 28. Augusti 1723., in Montis Falisci 18. Novembris 1724., & in Cervien. Legatorum 30 Julii 1785.,* in qua ad Dubium = *An constet de perpetuitate, seu temporaneitate Legatorum Piorum, de quibus agitur, nempe ad vitam Venturæ Antonii Ranieri hæredis gravati in casu &c.* = responsum fuit = *Affirmative ad primam partem, negative ad secundam.*

Dijudicent ergo Eñi Patres.

- I. *An substitutiones Piorum Locorum ordinatæ in casu hæreditatis repudiatæ, sustineantur post obitum hæredis ac ceptantis in casu &c.*
- II. *An prohibitio cædendi, vendendi, & hypothecandi primo heredi facta, servanda sit ab ulterioribus hæredibus in casu &c.*
- III. *An onus annuæ celebrationis Missarum primo heredi iunctum transeat ad ejus Successores in casu &c.*

Ad I. Negative.

Ad II., & III. Affirmative.

ALBINTIMILIEN. VACATIONUM. Inter Statuta Albintimiliensis Capituli, anno 1539. collecta, can-
tum septimo loco erat = *quod D. Præpositus, & cæteri DD. Canonici possint, & valeant pro eorum negotiis pe-*
ra-

*Sess. 24. cap. 12.
de Reform.*

ragendis, & aliis sibi necessariis se absentare sine aliqua annotatione fienda per tres menses, dummodo ipsi tres menses non sint continui, & etiam diebus solemnibus exceptis, & diebus quadragesimalibus &c., & in se absentando per illud tempus respectivè non continuatum, teneatur talis, qui se absentaverit, dare Presbyterum; seu Religiosum pro Missis celebrandis tantummodo = Nec quidquam detrimenti passa est statutaria hæc Lex post Concilium Tridentinum, quum tolerandas immo dixerint Tridentini Patres Sess. 24. cap. 12. de Reform. consuetudines; & Statuta, trium mensium vacationem concedentia.

Ob diminutum Canonicoꝝ numerum, alia de anno 1623. condita fuerunt Statuta, quibus nedum Episcopalis, sed Pontificia etiam Gregorii XII. accessit auctoritas, eorumque undecimum caput hæc habet = *quia ex præscripto S. Concilii Tridentini permiffum est Canonici non residere per tres menses, ob Canonicoꝝ eorum paucitatem convenerunt inter se, tres tantum Canonicos obesse posse . . . & tunc tanquam præfentes haberi voluerunt.*

Quid prope hujusce secundi Statuti tempora actum fuerit, latet, Hoc tamen constat, bo. mem. Episcopum Justiniani tria anno 1765. de Patronorum, & Capituli consensu in Canonatus erexisse simplicia Beneficia, auctoque Canonicoꝝ numero in sententia fuisse restituendi antiquam trium mensium vacationem. Cunctandum vero censuit hodiernus Episcopus donec hac de re Sac. Congregatio decerneret, eo quod ex observantia plusquam centenaria = *li Canonici non godevano più di un Mese di vacanza alla riserva del Canonico Procuratore, che ogn'anno si muta, il quale ha continuato a godere detti tre Mesi, il che per altro attribuire non posso, se non che al poco numero de' Canonici.* Annui tamen posse arbitratur votis Capituli, cui duodecimum Canoniceꝝ ex altero patronali Beneficio addere decrevit.

Duo hinc EE. Vestrarum subiiciuntur. Primum, an permitti debeat Canonici regressus ad vacationem trium mensium. Secundum, an, & cum quibus conditionibus liceat Episcopo patronale Beneficium in Canoniceꝝ erigere. In ea autem sententia est Episcopus, ut deleatur ab hoc Beneficio originaria quotidiani Sacri obligatio his diebus, quibus novus Canonicus conventuale Missam celebrare deberet.

Quoad primum Dubium notandum est, duo in cap. 12. sess. 24. Sac. Concilii Tridentini de Reform. ad rem statui, Unum, quod = *non liceat vigore cujuslibet Statuti, aut*

consuetudinis ultra tres menses ab eisdem Ecclesiis quolibet anno abesse = Et alterum, quod salvæ sint illarum Ecclesiarum Constitutiones = *quæ longius servitii tempus requirunt* = Atque ita etiam temporibus Concilio proximioribus servari iussit Sac. Congregatio in *Mutinen. 1573. lib. 1. Decret. pag. 168. = Sacra &c. censuit, trium mensium absentiam non concedi Canonicis ex Decreto Concilii sess. 24. cap. 12., si Constitutionibus Ecclesiæ longius servitium totius anni absque ulla intermissione requiritur.*

Si ergo juxta relationem Episcopi pervetusta illa trium mensium vacatio, quam priora invexerant Statuta, oblitterata fuit per posteriorem Constitutionem, perpetuamque centum, & ultra annorum observantiam, jam secunda capituli 12. pars Canoniorum instantiæ resistit. Quoniam vero secundum Statutum, & quæ ei successit observantia temporaneam habuit infrequentis Capituli causam, hac idcirco cessata, injustus non videtur reditus ad antiquum statum, ut advertit Episcopus ex regula *Text. in Leg. Quod dictum ff. de Pact., de qua Perez. in Lib. 1. Cod. tit. 14. num. 22. de Legib., & Fagnan. in lib. 5. Decret. cap. Patentibus num. 11. de Privileg.*

Hæc quoad primum. Quo vero ad secundum; nec de consensu Capituli erigere potest Episcopus patronale Beneficium in Canonicatum, ac nova onera illius foundationi adicere, *Fagnan. in Cap. Conquerentem 24. de Cleric. non residen. Barbos. ad Conc. Trident. cap. 5. sess. 25. de Reform. num. 7., Ricc. in Prax. For. Eccles. part. 4. resol. 468. num. 2., & Garz. de Benef. part. 7. cap. 1. n. 111. & seqq.* Distinguendum tamen videtur, si Patronorum accedat consensus. Aut de gentilitio agitur Patronatu, & in hoc casu nil illorum consensus Successorum juribus detrahit. Aut res est de Patronatu hereditario, & quilibet ex Patronis, qui primi Fundatoris instar habetur, novas Beneficio conditiones in præjudicium etiam suorum heredem addere potest ad *Text. in Clement. Plures de Jurepatr. de Luc. eod. tit. disc. 60. num. 2., Piton. discept. Eccles. 53. n. 20., & de contro. Patron. allegat. 92. num. 6. & seqq., & Rot. cor. Molin. dec. 563. num. 7.*

Epocham Beneficii, in Canonicatum, si EE. Vestris placeat, erigendi, desumit Episcopus ab anno 1399. Injunctum refert Beneficiato onus celebrandi in designata Ecclesia, & Cappella quotidianum Sacrum, aliaque Divina officia, ac suppositum esse Patronatui Beneficium. Cujus tamen naturæ sit Patronatus; quæ designata Ecclesia, qui Beneficii Reditus, silentio præterit. Quoad Pa-

ironatus tamen qualitatem suppleverunt Canonici, exhibita post informationem Episcopi foundationis particula, in qua sic legitur = *Iuspatronatus d. Cappellæ spectet, & pertineat ad D. Ginevram, & Luchinam in vita ipsarum: ipsis ambabus mortuis; Iuspatronatus spectet, & pertineat ad Marcum Porrum, Georgium Speronum, & Franciscum Speronum, & ipsis mortuis, seu aliquo ipsorum, ad successores ipsorum in stirpes, & non in capita; videlicet ad Primogenitum de stirpe ipsorum.*

Sacri autem omisso diebus illis, quibus celebraturus erit novus Canonicus Missam Conventualem, redempta forsitan, grandique cum fœnore videri posset a participatione conventualium omnium Missarum, ipsumque assiduum Chorale servitium Divina superaret officia, quæ Beneficii Fundator præscripsit.

Hæc duo igitur quærantur.

- I. *An Canonicis Cathedralis Ecclesiæ Albintimiliensis sit concedendus regressus ad vacationem trium mensium in casu &c.*
- II. *An, & quomodo, & cum quibus conditionibus liceat Episcopo Beneficium, de quo agitur, erigere in Canonicatum in casu &c.*

Non proposita cum sequenti.

*Sess. 25. cap. II.
de Reform.*

SENOGALLIEN. EMPHYTEUSIS. Veniam ab hac Sac. Congregatione impetravit Communitas Barbaræ sub affueta clausula = *affixis Edictis, & transmissis oblationibus* = concedendi in emphyteusim ad tertiam generationem masculinam Prædia nuncupata *S. Bartolo, della Costa, Via piana*, quæ pius Sacerdos Franciscus Maria Mostarda sub ejus administratione reliquit Ecclesiæ Sanctæ Mariæ dell'Olivo. Major omnibus fuit oblatio Christophari Ceppetelli in annuis scutis 105. In ampliorem tamen Ecclesiæ utilitatem denuo affigi mandavit Sacra Congregatio ad excitandos novos Oblatores Edicta, rogavitque Eñm Episcopum, ut = *audita Communitate tam super qualitate, & utilitate oblationum, quam super ido-*

neitate oblatorum cum cautionibus ab ipsis præstandis, referat de utilitate Contractus, & persona oblatores eligenda.

Minorem Ceppetellius in hac secunda licitatione obtulit summam scutorum 95., vixque ejus oblationem in uno scuto superavit Dominicus Ricci. Post tresdecim vero dies a Schedularum aperitione vigesimam addidit, quæ scutorum erat 4.80.; sed ea non obstante deliberatum fuit in publicis Comitibus = *Dominicum Riccium, & alterum Dominicum nuncupatum Barucca, eorumque Filios præferendos fore, ni prælatio jure debeatur Ceppetellio oblatores vigesimæ* = ut hisce verbis refert Eñus Episcopus. De prælatione igitur certant modo Ceppetellius, & Riccius sub infrascripto Dubio, nentrique favens, emphyteusis stipulationem urget Communitas ob evidentem Ecclesiæ utilitatem.

Sive una, inquit Communitas, sive altera seligatur oblatio, longe annuam excedit summam scut. 65.; quæ a Conducto-ribus hætenus Prædiorum expensa fuerunt. Additque Eñus Episcopus, eo magis utilem esse emphyteusim = *tum quod Reditus a Cæli tempestatibus sunt immunes, tum etiam quia, quæ communiter ministrantur, communiter negligi solent* = Ex pluribus autem legitimis causis, ex quibus Bonorum Ecclesiæ emphyteusis permittitur, potissima est *evidens utilitas de tempore contractus*, ut post *Text. in Cap. Ad aures de reb. Eccles. alienan. vel non*, notat *Fagnan. in cap. Nulli eod. tit. num. 16.*

Valde tamen inter se de prælatione contendunt oblatores. Reliciendam esse censet Riccius Ceppetellii vigesimam, veluti oblatam extra legitimum terminum, post lapsum scilicet ab apertis Schedis decendium, traducitque ad res Ecclesiæ edictalem Legem Sac. Congregationis Boni Regiminis, latam anno 1729. pro Communitatibus Status Ecclesiastici, in qua decendium vigesimariis conceditur, *de Vecch. ad mater. Bon. Regim. tom. 2. pag. 118. §. 3. & 4.* Atque hinc concludit, tribuendam sibi esse prælationem, qui majorem intra Edictorum terminum dedit oblationem, & jus ad emphyteusim ex ea quæsit, *Rot. in Inolen. Prælationis 5. Februarii 1751. §. 3. cor. Matthæjo.*

Advertendum præterea rogat, propria Ceppetellium non possidere Bona; in alieno ære solvendo morosissimum esse; ac non æque idoneos fidejussores præstitisse. Sæpe autem personæ qualitas utiliore reddit contractum, quam major pensio, *Campell. ad Constit. Ducat. Urbin.*

Decret. 33. num. 91. , & Rot. in Romana Affictus 2. Junii 1761. §. 16. cor. Herreros . Qua de causa neglectam fuisse supponit illius oblationem a Generali Communitatis Consilio .

Non immerito fortasse Ceppetellius reponit , eadem esse privilegia Ecclesiæ , ac Fisci , per *Text. in Auth. Hoc jus porrectum Cod. de Sacros. Eccles. , Card. Tusch. concl. Jur. verb. Cenjualis n. 6. tom. 1. ,* ideoque nedum salvum fuisse post expiratum Edictorum terminum jus vigesimæ ex privilegio *addictionis in diem ,* ut dixit *Sac. hæc Congregatio in Urbevetana emphyteusis 6. Muii eiapsi anni ,* sed eo in super uti licuisse intra vicendum , rerum Fiscalium vigesima-riis datum a *sa. mem. Benedicto XIV. in Constit. 65. §. 3. , & 4. in ejus Bullar. tom. 1. .* Normam vero sumi non debere ait ab Edicto Boni Regiminis , quum solas respiciat Communitates , ac tanquam temporalis Lex afficere nequeat Ecclesias , quarum ampliora sunt privilegia . Ex Catastro tandem , Peritisque probat , proprium & alterum ejus Fdejussoris Patrimonium insignem scutorum *decemmillium* summam excedere .

Non hic tamen Ceppetellius sistit . Nisi ei siquidem deberetur prælatio jure vigesimæ , concedenda forsitan esset ex prima oblatione scutorum 105. , quæ vigesimam ipsam superat . Secunda namque Edictorum affixio demandata fuit ad excitandos majores oblatores , qui meliorem facerent Ecclesiæ conditionem ; ideoque priorem oblationem in ejus perniciem non solvit , *Pacion. de Locat. cap. 14. §. 4. aum. 28. , & Cæsar. de Grass. decis. 4. de Reb. Eccles. non alienan.*

Decernant itaque Eñi Patres .

*An , cujus favore , & pro qua summa sit stipulandum Instru-
mentum emphyteusis in casu &c.*

91

Die Sabbathi 16. Junii 1787. in Palatio Apostolico Vaticano erit Sacra Congregatio Concilij, in qua præter alia proponentur infrascripta Dubia, juxta morem ejusdem Sacræ Congregationis de jure resolvenda.

B Inæ sequentes Causæ in anteaâ Congregatione diei 19. Maii indecisæ remanserunt. Resumere igitur dignentur EE. Vestræ præcedens Folium, ut eas definiant.

ALBINTIMILIEN. VACATIONUM.

- I. *An Canonicis Cathedralis Ecclesiæ Albintimiliensis sit concedendus regressus ad vacationem trium mensium in casu &c.*
- II. *An, & quomodo, & cum quibus conditionibus liceat Episcopo Beneficium, de quo agitur, erigere in Canonicatum in casu &c.*

*Sess. 24. cap. 12.
de Reform.*

Ad I. Affirmativè.

Ad II. Dilata, & scribatur Episcopo juxta mentem.

SENOGALLIEN. EMPHYTEUSIS.

An, cujus favore, & pro qua summa sit stipulandum Instrumentum Emphyteusis in casu &c.

*Sess. 25. cap. 11.
de Reform.*

Affirmative favore Christophari Ceppetelli pro scut. 105.,
salva vigesima, per Bullas.

FANEN. PERMUTATIONIS. Relata hæc Causa fuit in Folio diei 29. Julii elapsi anni, & indecisa remansit in sequenti Congregatione diei 19. Augusti per Rescriptum = *Scribatur Episcopo pro meliori informatione* = Defuncto interim Episcopo, mandatis paruit Vicarius Capitularis, & hæc in sua relatione habet. Nedum paratum dicit Lelium Rinalducci ad solutionem scutor. 360., & ob. 3., in quibus valor Prædii *S. Cristina* valorem excedit Prædii *i Pozzetti* = *solitis cum cautionibus*, & hypothecis favore primæ Capellanix = sed deliberasse etiam = liberalitatis gratia in Causam piam scuta non quadraginta, (ut in cit. Folio) sed octoginta donationis titulo superaddere, nimirum scuta 40., ipsi pariter primæ Capellanix addicenda pro uberiori fundo, ex quo fructus habeantur respondentes annuæ Pensioni scutor. 14., & ob. 80., quæ a Legato pio in præsentiarum persolvitur, reliqua vero scut. 40. in tot meliorationibus Fundorum ad dictum pium Legatum pertinentium eroganda = .

Testatur insuper de consensu Abbatissæ S. Archangeli, & aliorum interesse habentium in permutationem, justumque affirmat Prædiorum pretium, eo quod illud liquidavit = *Peritus ex officio electus*, qui *Peritus judicialis est, integræque fidei* = . Atque hinc evidenter Causæ piæ utilem censet illorum permutationem tum ob largitionem scutorum 80. ultra æstimationem, cum ex separatione Fundorum dotalium utriusque Capellanix, atque = *ex proposito*, in quo firmiter persistit Nobilis Orator, erigendi nimirum ipsum Legatum in titulum Ecclesiastici Beneficii = .

Ac refert postremo = *subsistere molestias usque de anno 1757. excitatas*, illatasque a Simonettis pro condicendis expensis cujusdam litis anteaactæ inter ipsos Simonettos, & Hipolytam testatricem = additque, quod licet in hoc casu jussisset Testatrix, quod teneretur Heres = *solamente fare l'assegnà per supplire alla detta Messa quotidiana*, ma non già l'altra per le altre Messe da celebrarsi in perpetuo = adhuc tamen Lelius Orator per solemnem Transactionem = *prædictarum expensarum refectioni pro rata scutorum biscentum de suis pecuniis concurrere non renuit*, & juri supprimendi Legati sponte renunciavit = Et hac de causa concludit = *hodiernæ ejus instantiæ pro permutatione indulgendum esse videtur*, eoque magis indulgendum, quia præmemoratæ jurium renunciationis ratihabitionem solemniorum ab ipso emitti, Sac. Congregatione auctorante, nunc perutile foret, cum renunciatio in præd. Instrumento

Tran-

Transactionis anni 1757. exarata, firmissimis solemnitatibus adstipulata non videatur = .

Resumpto igitur præcedenti Folio respondere dignentur EE. Vestræ.

An, & quomodo sit concedenda facultas permutandi in casu &c.

Affirmative juxta Votum Ordinaril.

B ONONIEN. REDUCTIONIS SERVITII CHORI. *Sess. 25. cap. 4. de Reform.*

Diu neglectam Beneficii erectionem, a Bartholomæo, & Andrea Mangioli de Barbatiis demandatam, expleverunt anno 1581. Canonicus Ugo, alique Fratres de Barbatiis illorum successores in Collegiata Ecclesia S. Petronii, cum onere quotidiani Sacri ad Altare S. Michaelis, & servitii Chori. Potestatem Capitulo dederunt mutandi Redituum parte Beneficiatum, si in alterutro deficeret, eamque tradendi alteri Sacerdoti, qui omissionem suppleret. Jus patronatus Descendentibus reservarunt. Non multo post sive Rectorum incuria, sive falsa opinione, a tenuitate Redituum orta, utrumque onus negligi cepit. *Alii quidem putabant, se ad illud non teneri, quam ad Missam singulis diebus festis celebrandam, & semel præterea in qualibet hebdomada; alii autem nullam esse obligationem inserviendi Choro ob Redituum tenuitatem =* ut hisce verbis refert Eñus Archiepiscopus. Ab anno tamen 1690. imponi ea onera consueverunt in Literis institutionis. Hodiernus Beneficii possessor Sacerdos Petrus Cossini illorum postulat reductionem, Choralis præsertim servitii, pro quo, detracta eleemosyna diurni Sacri in scutis 42., aliisque subductis oneribus, vix supersunt scuta 20.

Petitioni favet Eñus Archiepiscopus, atque in ea est sententia = *ut firma manente obligatione celebrandi quotidie Missam ad Altare S. Michaelis, Orator ab onere quotidie Choro inserviendi liberetur, sed debeat tamen horis Canonicis interesse, eidemque Choro inservire singulis diebus Festis, ac etiam in hebdomoda majori, & iis adesse Processionibus, quibus accedit Capitulum; firma quoque manente eidem Capitulo potestate, si Orator monitus semel aut iterum negligenter se gerat in dictis muneribus adimplendis, alium subrogandi Sacerdotem cum congrua Redi-*

dituum Beneficii assignatione, prout in ejus Fundatione statutum fuit = Patroni etiam assentiuntur.

Ex amplitudine Civitatis Bononiæ, in qua erectum est Beneficium, impar fortasse videbitur emolumentum scutorum 20. diurno servitio Chori, & idcirco æqua reductio ab Eñno Archiepiscopo proposita. Sæpe enim ob tenuitatem Redituum hujusmodi servitium reduxit Sacra Congregatio, ac præsertim in *Romana Reductionis Servitii Chori, & Missarum* relata die 28. Martii, & resoluta die 18. Aprilis 1722., & in *Vigilien. Decanatus* 23. Julii 1729.

Advertendum tamen est, Beneficiatos omnes, qui ab anno 1690. Cossino præcesserunt, diurni servitii onus pro eodem emolumento adimplevisse, idemque Cossinum ipsum fecisse, dum sciens prudens Beneficium cum eo onere accepit, libentique animo ante imploratam reductionem Choro inservit. Immerito ergo respuere videtur, quod ejus semel Decessoribus, sibi que placuit, *Cap. Quod semel 22. de Reg. Jur. in sexto.* Maxime, quia ex eodem Beneficio habet, unde vivat. Nedum enim emolumentum habet scutorum 20. pro servitio Chori, sed certam insuper in scutis 42. quotidiani Sacri eleemosynam.

Quæritur itaque

An, & quomodo sit locus reductioni oneris Chori in casu &c.

Negative.

Sess. 25. cap. 9. de Reform.

PRÆNESTINA CANONICATUS: Una testamentaria dispositione jusserunt anno 1767. Conjuges Romulus Vitali, & Maria Panci, ut ex integra ipsorum hereditate erigeretur in Parochiali Ecclesia Divi Blasii Oppidi S. Viti Canonicatus, onusque Canonico pro tempore imposuerunt celebrandi pro Animabus purgantibus Sacrum singulis Sabbathis, Dominicis, & Festis; Divinis interessendi ejusdem Ecclesiæ Officiis; matutinam quolibet die celebrandi Missam = *per comodo del Ceto basso, acciò possa andare a fare il lavoro per tempo* = ac residendi in Parochia = *nella Casa di esso Romolo* = In primum Canonicum nominarunt Josephum Ronci = *da detti Testatori ritenuto in Casa, e da medesimi allevato, e ciò*

e ciò per l'affetto, che gli portano, ed anche a titolo di carità = sub conditione tamen = purché abbia intenzione di farsi Sacerdote, e di dir Messa = Eo defuncto activum contulerunt Patronatum in masculinam, & fæmininam Cajetani Panci lineam, ultimoque loco in Societates SS. Sacramenti, & Rosarii eiusdem Oppidi; passivum vero in Clericos primum ipsius Familiæ Panci, & Paræciæ, ac in Presbyteros deinde oppidanos.

Post Testatorum obitum, Prænestinum Seminarium petiit Roncius. Multum in eo religione, pietate, moribusque profecit, nil penitus præ crassa minerva litteris. Quum nulla ergo spes esse videretur, ut a minoribus Ordinibus, quibus ob bonos ejus mores initiatus fuit, ad Sacros ascendere posset, iterum atque iterum in virili ætate annorum 28. e Seminario dimissus est. Hinc *Sanctissimo Domino Nostro* supplicavit, ut firmo remanente personalis servitio Ecclesiæ, sibi per alium celebrare liceret Sacra, donec diuturniori studio ad Sacerdotium idoneus evaderet. Precibus autem ad Sacram hanc Congregationem ablegatis in Canonicum nominarunt Fratres Panci, pendente informatione Emi Episcopi, Clericum Philippum Cascioli. Quæ hæcenus exposita sunt, Emus ipse confirmat Episcopus per organum Vicarii Generalis, suamque relationem ita concludit = *cum Fundatores Clericum prælativè ad Sacerdotem nominandum esse velint, manifesta videtur optata qualitas Beneficii Clericalis, quæstante, nil esse crederem, quod Oratoris votis obstet =* Binis post hæc concordatis *Dubiis*, certant modo Roncius, & Casciolus de erectione Canoniciatus, ac respectiva ipsorum institutione.

Quoad primum *Dubium*; erigendum esse contendit Roncius Canoniciatum ex universis Fundatorum Bonis, excepto Castaneto in Regione *Ponzano*, quod æquis portionibus sibi, & Jo. Baptistæ germano ejus Fratri legarunt, si ad Sacerdotium ascendere nollet, integrumque Jo. Baptistæ, si ascenderet. Ita enim fert expressa Testamenti littera. Fieri autem debere illius erectionem auctoritate Ecclesiastica per *Text. in cap. ex frequentibus 3. de Institut.*, & intra terminum ab E.E. Vestris præstuiendum. In id convenit Casciolus, sed cæteris oneribus addendum putat illud celebrandi per se ipsum, de quo opportunius sub secundo *Dubio*.

Si ad id tamen, quod respectu ad erectionem Canoniciatus Testatores disposuerunt, sedulo advertatur, tam cito fortasse demandari non debet. Eam sane differendam esse voluerunt quousque idoneus evaderet Roncius ad Sa-
cere

cerdotium, propriisque neglectis suffragiis, Executori testamentario iusserunt, ut = *seguita la morte di essi Testatori debba mandare al Seminario di Palestrina Giuseppe, e mantenerlo in detto Seminario con il fruttato de sudetti Beni, e non si debba mai levare da quello per fino che non sarà in stato di cantar Messa* = Licet autem Roncius ob tarditatem ingenii nondum ad Sacerdotium ascenderit, spes tamen est, ut aliquando ascendat. Diu enim non-
 &que morali studet Theologiæ, & aliquantulum Præceptoris testimonio in ea profecit. Ad Sacerdotium autem obtinendum non eminens, aut mediocris, sed sufficiens requiritur scientia, quæ in notitia Sacrarum Scripturarum consistit ad *Tex. in Cap. Omnes psallentes dist. 8., Pax Jordan. lib. 1. tit. 19. de Doctoratu num. 6., & 22., Paris. de Resignat. lib. 5. quæst. 3. num. 94.; vel etiam = Præsbytero sufficit, quod sciat Canones pœnitentiales communes* = ut inquit Redoan. de Spol. Eccles. quæst. 9. §. Fiet ergo num. 25.

Quo vero ad secundum; Institutionem Casciolius postulat ad erigendum Canonicatum ob ineptitudinem Roncii ad Sacerdotium. Nlum habitu Sacerdotalem probat ex volita Roncii ascensione ad Sacerdotium, & ex personalibus verbis, quibus imperata fuit Canonico pro tempore Missarum celebratio. Pluries enim edixerunt Fundatores, quod = *il Canonico pro tempore sia tenuto, ed obbligato CELEBRARE LE MESSE* = tertioque verbo, quoad Roncium declararunt = *purchè abbia intenzione di farsi Sacerdote, E DIR MESSA* = itemque = *non si debba mai levare da quello (à Prænestino nempe Seminario) per fino a tanto che non sarà in stato DI CANTAR MESSA, e per fino a tanto che si tratterrà in Seminario, e non avrà DETTO MESSA, non sia tenuto esso Giuseppe à tenere l'Economo.*

Licet autem magni nominis Doctores, & Sacra hæc Congregatio in eam sæpe iverint sententiam, ut inducta non censeatur sacerdotalis Beneficii qualitas, nisi per expressum præceptum celebrandi per se ipsum; hoc tamen fallit, ubi ex verbis in personam Beneficiati directis, & ex aliis argumentis, & demonstrationibus a fundatione resultantibus ÆQUIPOLLENTER conjici possit, Fundatorem voluisse, ut onus celebrationis Missarum per ipsummet Capellanum, & non per alium adimpleri deberet = ut dixit Rot. cor. Ratto decis. 150. num. 13.; docet Fagnan. in Cap. Ut Abbates de ætat., & æqualit. num. 76., Amosaz. de Caus. piis lib. 3. cap. 5. num. 8. & seqq., ac decrevit olim Sacra Congregatio in Cenomanen. die 20. Julii 1600.

Quum enim præsentari deberet Capellanus = qui serviat in Divinis eidem Cappellæ, & ibidem continue Divina celebret, Missam, & Officia nocturna, & diurna, & residentiam continuam faciat juxta Ecclesiam S. Andreae, & serviendo d. Cappellæ = quæsitum fuit = An Rector ejusdem Cappellæ teneatur residere, & subire onera per se ipsum = & = Sacra Congregatio censuit Rectorem teneri residere, & munia hujusmodi explere per se ipsum.

Plura alia ad rem confirmandam accedunt argumenta. Dubitari siquidem non posse videtur de personali onere interessendi Divinis Officiis, quum personalissima sint verba illa = *detto Canonico pro tempore debba assistere, ed intervenire a tutti li Divini Officj, e Funzioni Sacre sì ordinarie, che straordinarie* = Idque fatetur etiam Roncius, dum personalem hanc pollicetur interessentiam. A pari ergo personale censeretur debet præcedens onus celebrandi Sacra iisdem fere verbis conceptum = *il Canonico pro tempore sia tenuto, ed obbligato celebrare le Messe* = veluti ad rem dixit Rot. cor. Caprar. decis. 301. num. 3., & seq., & coram Ratto decis. 150. num. 14.

Ceterisque missis argumentis, ab onere residendi in Parochia, & Canonicali Dignitate desumptis, valde urget illud a discretiva. In uno sane absentiae casu substitutionem permiserunt Testatores alterius Ecclesiastici, qui Canonici vices suppleret, per hæc verba = *in caso fosse fuori del Paese per poco tempo (Canonico nempe) debba sostituire un'altro Ecclesiastico idoneo in sua vece* = Si enim dum voluerunt implementum onerum per alium, expresse dixerunt, in reliquis omnibus casibus, in quibus idem non dixerunt, noluisse censentur, Card. de Luc. de Benefic. disc. 62. num. 7., & Rot. coram Lancett. decis. 829. num. 18., & coram Ratto cit. decis. 150. num. 17.

Ex eo tamen Vicarius Generalis Prænestinus clericalem autumat Canonatum, quod post obitum Roncii præferri voluerint Testatores simplicem Clericum Familiæ Panci, vel Parochiæ Presbytero oppidano. Advertendum vero est, ibi etiam loquutos fuisse Testatores de Clerico, qui ad Sacerdotium ascensurus esset = *sia preferito in detta nomina un Chierico di Casa Panci della linea mascolina, se vi sarà, e non essendovi, della linea femina, ed essendovi, debba detto Chierico metter l'Economo per la sodisfazione del Legato sudetto per fino a tanto, che il detto Chierico AURA' DETTO MESSA.*

Probat hinc Cascioli crassam Roncii ignorantiam ex Te-

libus, ejusque invincibilem ineptitudinem ad suscipiendum Sacerdotium ex ipsamet Vicarii Generalis relatione, in qua hæc habet = *Minores ordines plus morum exemplo, quam virtutis merito est affecutus. Verum ad Sacros suscipiendos Ordines idoneum haud facile dicerem* = Ac tandem concludit, recte Pancios ad sacerdotalem Canonicatum, quem ille obtinere non potest, se ipsum nominasse, sibi que idcirco uti legitime præsentato, dandam esse institutionem per *Text. in cap. Postquam de Elect.*

Despicienda autem non sunt contraria Roncii argumenta. Quousque, inquit, declarata non esset sacerdotalis Canonicatus qualitas, ac supremo EE. Vestrarum judicio non constitisset, primam Testatorum nominationem, ob defectam Sacerdotii conditionem, resolutam esse, hæc utique in implicito erat validitatis statu, nec valide idcirco fieri poterat a Patronis secunda nominatio. *Quamdiu enim adest nominatus per Testatorem, cessat nominatio facienda per Patronum; & vocatus per Testatorem admittendus, & præferendus est ceteris* = ut hisce verbis monet *Guttier. conf. 4. num. 24.*, ac post *Gioss. in cap. sicut Vobis de Test. dixit Rot. in Recent. decis. 301. n. 15. part. 17.*

Qualitatem præterea urget simplicis Beneficii, in quo satis est Clericatus, & linguæ latinæ cognitio. Sub Præceptorum fide non parum in morali Theologia profecisse affirmat. Impensisque viribus excludere nititur sacerdotalem Canonicatus qualitatem tum ob non expressum onus celebrandi per se ipsum, cum ob prælationem Clericorum Familiæ Panci, & Parochiæ Sacerdotibus oppidanis. Sed posita etiam sacerdotali qualitate Canonicatus, ac præsentī ineptitudine Roncii ad Sacerdotium, advertendum tamen censeo, expletam fuisse ejus nominationem sub conditione *potestativa* = *purche abbia intenzione di farsi Sacerdote, e di dir Messa* = Dum ergo per ipsum non stat, quominus ad Sacerdotium ascendat, sed vitium est tardi ejus ingenii, quod assiduo labore, & studio vincere non potuit, jam conditio *de Jure* habetur pro impleta, ac pura remanet nominatio. Ita *Text. in Leg. si Titius Statuas*, & in *Leg. Qui diebus in fin. ff. de condit.*, & *demonstrat.*, *Donell. comment. Jur. civil. tom. 2. pag. 1081. §. 2.*, *Mantic. de conject. lib. 11. tit. 16. n. 14.*

Præsumpta accedit Testatorum voluntas. Josephum sane Roncium nominarunt ad Canonicatum = *per l'affetto, che gli portano, ed anche a titolo di carità* = A respecti-

vis immo ipsorum Confessariis hortati ad nominandum potius Jo. Baptistam Ronci germanum illius fratrem *de maggior talento*, cum indignatione responderunt = *Che la Roba doveva assolutamente goderfela il sudetto Chierico* (Joseph nempe) *e non altri*, perche per quest' effetto avevano ordinata l'erezione del detto Beneficio, o sia Canonicato = Si impossibilem ergo ex defectu ingenii prævidissent Josephi ascensum ad Sacerdotium, vel conditionem illam fortasse non addidissent = *di farsi Sacerdote, e di dir Messa* = vel ei Missarum celebrationem per alium permisissent. Verisimilius enim hoc fecissent, quam eum a Beneficio per impossibilem conditionem repellere, quem uti filium educaverant, ac diligebant, & cujus intuitu = avevano ordinata l'erezione del detto Beneficio, o sia Canonicato = ut ad rem ponderat Card. de Luc. de Testam. disc. 72. num. 16.

Et hac fortasse de causa in conditione non posuerunt realem Josephi ascensum, sed simplicem ejus intentionem ascendendi ad Sacerdotium = *purche abbia intenzione di farsi Sacerdote, e di dir Messa* = Jam vero litteraliter adimpleta videtur hujusmodi conditio ex constanti, quam habet = *e positiva intenzione di farsi Sacerdote, cercando di abilitarsi* = ut inquit Executor testamentarius, probantque minorum Ordinum susceptio, & assiduum studium, quo Theologiæ morali incumbit.

Quæritur ergo ab EE. Patribus:

I. *An, & quomodo sit locus erectioni Canonici in casu &c.*

Et quatenus affirmative:

II. *An, & cui sit danda institutio in casu &c.*

Ad I. Affirmativè ad formam Testamenti intra terminum arbitrio Eñi Episcopi præfiniendum.

Ad II. Institutionem dandam esse Roncio.

RIPANA. Ob imminentem Parochialis Ecclesiæ S. Mariæ Cossineani ruinam, de ea primo actum est reædificanda, supplicemque SSmo Domino Nostro dederunt Libellum illius Præpositus, & Curati, ut propositas Communitatis, Capellaniarum, Confraternitatum, & Nosocomii contributiones probaret. Re autem ad

Sess. 21. cap. 7.
de Reform.

Sac. hanc Congregationem ablegata, prodiit die 14. Decembris 1782. Rescriptum = *Episcopo pro informatione, & voto auditis &c. prævia jurata æstimatione per Peritum, et ipso eligendum de expensa præcise necessaria, & referat de contributione Parochi, calculatis Reditibus certis, & incertis, & aliorum, qui de Jure tenentur, nec non, & aliorum in subsidium, nec non de consensu Confratrum, & Administratorum quoad Reditus superexstantes.*

Ductis contributionum calculis, difficilem novit Episcopus novam fatiscientis Ecclesiæ constructionem (Gravis enim requirebatur impensa scutorum 3000.) animumque cum Clero, & Civibus ad simplicem convertit restorationem, pro qua Architecti judicio sufficiunt sc. 1498. Nil Ecclesiæ habere retulit pro ejus Fabrica destinatum. valdeque tennes esse Præpositi, & Curatorum Reditus; plenum vero reliquos contribuentes præstitisse consensum. Atque ita post hæc conclusit = *Reliquum ergo est, ut ad formam Libelli per Clerum exhibiti Sac. hæc Congregatio approbare dignetur contributiones pro expensis Fabricæ omnium consensione jam obfignatas. Urget necessitas quanto citius restaurandi Ecclesiæ, quæ unica Parochialis est, & jamdiu remanet occlusa ob ruinam, quam minatur. Id optant, & enixe quærent omnes, Clerus, Magistratus, & Populus, cum desit Ecclesiæ pro Sacris peragendis, & illa SS. Annunciationis, in qua provisionaliter exercentur Sacræ Functiones, angusta sit, incomoda, & parum etiam firma.*

Hæc autem est contributionum summa. Sacras Adventus, & Quadragesimæ conciones in se assumunt pauperes Curati, earumque mercedem Fabricæ concedunt. In dimidiam Missarum reductionem consentiunt tres ejusdem Ecclesiæ Capellani. Confert Communitas, quod pro celebratione Festivitatibus S. Georgei, & Organistæ stipendio præstare consuevit. Nosocomium postremo, ac Sodalitia SS. Rosarii, & Suffragii præsentem, & futurum spondent redundantium Redituum cumulum. Præsens cumulus est scutorum 700., futuræ omnes contributiones annuam attingunt summam scutorum 155.

Maximas ad impediendam restorationem excitarunt turbæ Fratres Santucci, qui e conspectu Ecclesiæ Domum habent, nec eos continuit notanda illa Cleri, & Civium deliberatio, de qua testis est Episcopus = *nullimode scilicet esse ultra elevandos Ecclesiæ inuros, sed eos vel sarcindos, vel quatenus opus renovandos in eo*

tantum statu, quo reperiuntur = Quid coram R. P. D. Auditore SS^{mi}, Sacra Congregatione Boni Regiminis, & hac ipsa Congregatione egerint, non oportet hic commemorare. Satis est referre, quod post editum Rescriptum = *Ponatur in Folio citata Parte* = solliciti fuerunt de concordandis *Dubiis*, quasi formiter cum Præposito, Curatis, & Clero contendere vellent. Pluries tamen moniti, sua hæcenus jura non deduxerunt.

Quantum sane ad legitimos contribuentium consensus, eorumque executionem, de quibus sub primo quæritur *Dubio*, opponere consueverunt Fratres Santucci, limitatum fuisse Sodalium. & Administratorum consensum ad novam Ecclesiæ constructionem, quam pessimus illius status requirere videbatur, ideoque trahendum non esse ad simplicem restorationem, *Gratian. discept. 697. num. 3.*, *Rot. in Recen. decis. 488. num. 6. part. 14.*, & *cor. Lancett. Decis. 1024. n. 5.* Facultatem immo Administratoribus Hospitalis impugnabant concedendi Ecclesiæ Parochiali, quod san. mem. Urbanus VIII. in levamen Pauperum destinavit, impensisque viribus approbationi contributionum adversabantur.

Plura tamen ad hæc Præpositus, & Curati. Legitimos ostendunt Communitatis, Confraternitatum, & Administratorum consensus ex solemnibus illorum resolutionibus. Despiciendas vero esse contendunt absque eorum Mandato Santucci exceptiones; quum nemini liceat de jure tertii excipere, & aliena jura tueri, *Rot. coram Olivat. decis. 2. num. 23.*, & *in Urbevetana Primogenituræ de Marsciano 3. Julii 1780. §. 11. coram Manneli.* Neque adeo stricte accipiendos esse, inquit, Sodalium præsertim, & Administratorum consensus, ut ab expressa novæ constructionis causa ad restorationem traduci nequeat. Qui novum enim voluerunt Ecclesiæ ædificium, quod magis erat, a fortiori quod minus est, veteris nempe restorationem voluisse censentur, ex *Regula Plus semper 35. de Regul. Jur. in sexto*, & *Regul. Non debet 22. ff. eod. tit.* Nil postremo per contributionem redundantium Redituum Nosocomii Pauperibus detrahi concludunt; nam redundantia ipsa probat, satis illis ex reliquis Reditibus consultum esse. Idque confirmant ipsius Nosocomii Custodes, aliique plures Testes, & administrationis Libri.

Quantum vero ad secundum *Dubium*: nulla est quæstio de necessitate vel reædificandi, vel restaurandi Parochialem Ecclesiam. De ea siquidem universi fere Cives, Archi-

Architectus, Episcopus, ipsique Santucci testantur. Totam igitur controversiam est circa modum perficiendi opus, ejusque sumptus. Novum Santucci optarent Aedificium, ipsorum fortasse Domui accommodatum. At utrumque resistit *Dubium* ad restaurationem limitatum: Episcopi resistit iudicium, qui refert = *nec vires suppetere ad novam aedificandam Ecclesiam* = Is autem congruus videtur restorationis modus, quem proponit Architectus; nam plurimum in id defertur Peritis in arte, per *Text. in Leg. 3. Cod. de Fin. regun. , Rot. cor. Olivat. decis. 283. num. 8.*

Major erat Santucciorum contradictio quoad sumptus. Injustam enim affirmabant subsidiariam Locorum piorum contributionem in levamen Præpositi, & Curatorum = *che godono l'annua Rendita di sc. 600. = contra expressam dispositionem Sac. Concilii Tridentini sess. 21. cap. 7. de Reform.* At contrarium testatur Episcopus, qui hæc in sua relatione habet = *Tenuis sunt Præpositi Reditus, congruam Conciliarem non attingentes, & tenuiores illi ad duos ejusdem Ecclesiæ Curatos pertinent* = Contrarium probant Testes, & Inventarium Parochiale, ex quibus liquet, vix annuos Curatorum Reditus, ducto per decennium calculo, annuam attingere summam scutorum 38. pro quolibet, illos vero Præpositi duplam = *levati i pesi* = Et contrarium probat novissimum generale Catastrum, in quo universa Præposituræ, & Curarum Prædia æstimata sunt in scutis 2838. 13.

Hoc posito, locus fortasse erit ex ipsamet *Conciliari dispositione* subsidiariis contributionibus. Æqua dubio procul est illa Curatorum, dum Sacrorum Oratorum suppleant vices, ut statuta illorum merces in Fabricam cedat. Æqua pariter altera Communitatis, quum in simplici consistat commutatione subsidii a Sacra pompa ad Sacrum, magisque privilegiatum opus restorationis Ecclesiæ. Quo vero ad contributionem Capellanorum, sæpe æquam censuit Sac. hæc Congregatio pro Fabrica Ecclesiæ Parochialis nedum dimidiam Missarum reductionem, sed integram etiam illarum suspensionem modo ad sexennium, modo ad decennium, ut in *Auximana* 11. Januarii 1766., in *Interamnen.* 29. Novemb. 1777., in *Nucerina Paganorum* 5. Septembris 1778., ac novissime in *Maceraten.* 24. elapsi Martii. Eademque æquitate suspensionem quandoque indulgit subsidiorum dotalium, quod est quid majus redundantibus Nosocomii Reditibus, ut in *Romana Subsidiorum Dotalium* 9. Julii 1746., in

Amerina 15. Decembris 1764., & in *Aquillana* 17. Junii 1780. His accedunt quoad Nosocomium exempla. Pluries enim consentiente Episcopo, cui subest, erogati fuerunt superantes illius Reditus in Sacra ejusdem Parochialis Ecclesiæ Suppellectilla, allarumque Ecclesiarum restorationes.

Respondere igitur dignetur EE. Vestræ.

I. *An pro expensis necessariæ restorationis Ecclesiæ Parochialis constet de legitimis consensibus, & quibus, ita ut ii sint exequendi in casu &c.*

Et quatenus negative.

II. *An, quomodo, & cujus sumptibus d. Ecclesia sit restauranda in casu &c.*

Ad I. Affirmativè.

Ad II. Provisum in primo, & scribatur Episcopo juxta mentem.

PRIVERNEN. EMPHYTEUSIS : Rector Parochialis Ecclesiæ S. Benedicti Civitatis Priverni concessit anno 1729. Fratribus Martellucci ad tertiam generationem masculinam pro annuo canone scutorum quatuor, & quadrantium septem Prædiolum in vocabulo *Pendola* sub reservatione Beneplaciti Apostolici, quod nunquam impetravit. Qui ei, ac primis emphyteutis successerunt, bona fide ad annum usque 1784. in eodem contractu permanserunt, ejusque tandem noverunt vitium occasione novi aquæductus, quem Privernensis Communitas ex auctoritate Sac. Congregationis Boni Regim., ac Supremo Sanctissimi Domini Nostri oraculo construere debebat.

Sess. 25. cap. 11. de Reform.

Inter cætera Prædiorum segmenta, quæ ad opus perficiendum requirebantur, frustulum erat d. Prædioli *Pendola*, Prævia igitur Periti agrimensoris æstimatione, utile illius dominium emit Communitas ab hodiernis emphyteutis prætio scutorum viginti, deindeque de perpetua egit emphyteusi cum Parocho, aucta Canonis rata a liquidata summa scuti unius, & ob. 32. ad annum scutum unum, & ob. 60. Precibus autem Sacræ huic Congregationi pro facultate stipulandi Instrumentum a Parocho porrectis, censuit in sua relatione Episcopus, nedum ad statuendum canonem habendam esse rationem directi dominii a

Perito æstimati in scutis 41. , sed etiam ut illis in summa scutorum 20. , quum post tertiam Martellucciorum masculinam lineam devolvi deberent ad Ecclesiam melioramenta ; ideoque conclusit = *posse indulgeri Oratori licentiam præfatum contractum perpetuæ emphyteusis cum Communitate ineundi , quatenus tamen augeatur canon annuus ad scuta duo , & ob. 44. , qui sane respondebit valori intrinseco Fundi ad rationem saltem quatuor pro centenariis* Quoniam vero addidit = *quoad portionem Terreni , quæ retinenda superest a Fratribus Martellucci , compellendos Juris remediis eos esse una cum Curato ad impetrandum Beneplacitum Apostolicum* = præ omnibus idcirco Sacra Congregatio rescripsit die 11. Septembris 1784. = *Orator supplicet una cum Fratribus Martellucci pro absoluteione, & sanatione præcedentis emphyteusis .*

De hac igitur absoluteione , & sanatione per errorem agi cepit in Sac. Congregatione Episcoporum , & Regularium. Præventionem tamen cogita , remissæ fuerunt Preces cum nova Episcopi informatione ad Sac. hanc Congregationem , prodixitque Rescriptum = *Ponatur in Folio , citatis omnibus interesse habentibus , & interim per Communitatem nihil innovetur* = Jam opus Communitas inceperat , plurimumque intererat , ne intermitteretur Venia hinc ab EE. Vestris impetrata , instet coram Eminentissimo Carandini jam Sacræ Congregationis a Secretis pro facultate = *prosequendi , & complendi dd. laboreria Aquæductus* = obtinuitque sub die 9. Septembris 1785. sequens Decretum = *Facta per Communitatem instantem obligatione in forma juris valida , approbanda per Sac. Congregationem Boni Regiminis de stando juri , & iudicatum solvendo in omnibus prout Sac. Congregatio Concilii mandabit , obtinuit ut supra* = Hoc adimpleto Decreto , absoluteoque aquæductu , supplicant modo Martellucci , & Parochus pro absoluteione , & sanatione emphyteusis anni 1729. ; iterumque Parochus , & Communitas pro facultate stipulandi Instrumentum emphyteusis perpetuæ . Absoluteionem postulant , qui nullam in contractu anni 1729. habuerunt partem . Jam enim qui stipulati sunt emphyteusim , decesserunt . In ea autem Oratores fuerunt opinione , quod servata essent solemnia cap. 1. de reb. Eccles. non alien. in sexto , & extrav. Ambitosæ eod. tit. , ideoque ad cautelam potius consulendum videretur Sanctissimo pro absoluteione , quum ob bonam fidem vacent culpa , Fagnan. in lib. 5. Decretal. cap. super eo de crimin. fals. num. 15. Quoad sanationem vero , inquirenda potest.

tissimum esset æquitas canonis : sed antiqua deficiente æstimatione Prædii , ejusque Reditus notitia , difficile admodum est post quinquagintā fere annos de illa decernere . Præsumptio tamen est pro justitia contractus , *Fagnan. in lib. 5. Decretal. cap. Naviganti de usur. num. 68.* eique notanda accedit circumstantia , quod de parvo agitur Prædio , ac tertia tantum superest generatio , ut emphyteusis absolvatur .

Annuum pariter videretur pro perpetua emphyteusi cum Communitate . Publica enim urget jam perfecti aquæductus causa , ex qua , veluti necessaria, Ecclesiastici Prædii distractio permittitur , *Clement. 1. de reb. Eccles. non alienan. , Fagnan. in lib. 3. Decretal. cap. Nulli de reb. Eccles. non alien. num. 8. , & 27.* Curanda tamen est in statuendo canone utilitas Ecclesiæ , quam in ejus emphyteusi requirit *Text. in cap. Ad aures de reb. Eccles. alien. vel non.* Metiendus porro videtur ab integro valore directi , & utilis dominii , qui scutorum est 61. , quum melioramenta *Solo cedere debuerant , saltem devoluta emphyteusi cum Martelluccis post tertiam generationem =* ut non immerito inquit Episcopus .

Tenuis autem est liquidatio Periti agrimenforis , qui respectu ad valorem directi dominii , seu ad scuta 41. , canonem a Communitate persolvendum statuit in scuto uno , & ob. 32 , ad rationem scilicet scutorum 3. , & ob. 22. pro quolibet centenatio . Tenuis pariter canon juliorum sexdecim , quem pro eodem directo dominio offert Communitas , quum vix attingat scuta 3.90. in singula centum . Ac tenuis fortasse etiam summa scutorum 2. , & ob. 44. , quam pro integro directi , & utilis dominii valore proponit Episcopus ad rationem scutorum 4. pro centenatio . Quandoquidem justus rusticorum Prædiorum Ecclesiæ canon vicesima est intrinseci valoris pars , vel assuetæ illorum pensio , detracta sexta ; *Auth. de non alienan. aut permut. reb. Eccles. immob. §. Quia vero Leonis , & Sac. hæc Coagregatio in Pistorien. , seu Praten. Emphyteusis 21. Nov. 1761.*

Hæc igitur EE. Patrum judicio subjiciuntur .

- I. *An sit consulendum Sanctissimo pro absolutione , & sanatione in casu &c.*
- II. *An , & pro qua summa sit locus emphyteusi perpetuæ in casu &c.*

Ad I. Consulendum Sanctissimo pro sanatione , & absolutione ad cautelam .

Ad II. Affirmative juxta votum Episcopi , & ad D. Secretarium cum Sanctissimo .

189
10. Junii 1787.
BONONIEN. ; Moriens Junipera Magagnoli in con-
victu Bononiensis Monasterii B. M. Virginis sine labe
conceptæ, fiduciarium nuncupavit heredem Sacerdotem
Constantinum Cacciari ejusdem Monasterii æconomum,
jussitque, ut alieno dimisso ære, solutisque Legatis, reli-
quorum Bonorum pretio Prædia, Censui, aut Loca
MM. compararet = *li frutti del quale Investimento debba-
no servire al mantenimento della Lampada accesa tutte le
fere d'avanti l'Immagine della B. V. della SS. Concezio-
ne &c. in passare ogni mese alle RR. MM. si professé, che
novizie, e converse pro tempore di d. Monastero un bajoc-
co per cadauna all'occasione di recitarini &c. ed in farmi ce-
lebrare una Messa ogni settimana* = Superantes vero fru-
ctus investiri pariter voluit ad erigendam cum onere quo-
tidiani Sacri perpetuam Capellaniam, qua erectione se-
quuta, hebdomadale Sacrum cessare deberet.

Sacram hanc Congregationem rogarunt fiducarius heres,
& Moniales, ut Multiplici loco, menstruæque distribu-
tionis obuli, quam illæ præ gravi fortasse correspectivo
onere respuunt, convertere liceret præsentis Reditus
in annuam tot Sacrorum celebrationem ad taxam perpe-
tuæ, comprehensis Utenilibus; firma tamen manente
Lampadis accensione. Instantiæ favet Eminentissimus Ar-
chiepiscopus tum ob tenuitatem hereditarii Censui, ob
quam diu expectanda esset Cappellaniæ erectio, cum ob
enixam Testatricis voluntatem, ut quanto citius erigere-
tur. Hæc sunt ejus verba = *Solutis Legatis, & expensis
compertum est, integram hereditatem vix attingere sum-
mam scut. 860., eorumque fructus scut. 39. 40., a quibus
deducta expensa saltem scutorum 3. ad comparandum Oleum
Lampadis, deductisque scutis 8. 50. pro eleemosyna Missæ
cujuslibet hebdomadæ, quod superest cumulandum pro em-
ptione Fundi ad celebrationem Missæ quotidianæ, non ex-
cedit summam scutorum 28. &c. Inito autem calculo a Pe-
rito ratiocinatore temporis, quod necessarium sit ad confi-
ciendum cumulum, qui satis sit ad emenda Loca MM.,
quæ reddant annua scuta 60. pro fundatione Cappellaniæ
sub onere Missæ quotidianæ, ipse non minori. quam 25.
annorum tempore id fieri posse retulit. Proinde prorsus ve-
risimile est, quod si prævidisset Testatrix, tanti temporis
decursum necessarium futurum, minime sollicita fuisset de
fundatione Cappellaniæ cum onere Missæ quotidianæ.*

Justæ fortasse videri possunt adductæ commutationis causæ.
Utilius namque est Animæ Testatricis, ut minor statim
in ejus expiationem celebretur Sacrorum numerus, quam
post viginti quinque annos augeatur, Pasqualig. de Miss.
Defunctor. quæst. 291. num. 1. Accedit erronea ipsius Te-
sta-

statrix opinio de ampliori, quam re ipsa est, hereditate, ejusque votum de erectione Capellanix = *il più presto si potrà* = De hac sane sollicita forsitan non fuisset, si præ Redituum tenuitate adeo remotam novisset, ejusque idcirco præsumptæ voluntati consentanea videtur multiplici commutatio, *Lotter. de Re Benefic. lib. 7. quæst. 43. num. 67. Card. de Luc. de Miscell. disc. 33. num. 18., & de Testam. disc. 72. num. 15. & 16.*

Notandum vero est, non ex qualibet opinabili ratione, sed ex justa dumtaxat, & necessaria causa commutandas esse Defunctorum voluntates, ex dispositione *Sac. Concilii Tridentini sess. 22. cap. 6. de Reform.*, sive ut graves *Doctores* addunt, ex causa etiam publica *Fagnan. in Cap. Nimis sub num. 6. de Fil. Presbyt., Monet. de commut. ult. volunt. cap. 6. num. 75., & cap. 9. num. 676., & 695., Piton. de contrav. Patron. alleg. 50. num. 7., & Sperell. decis. 109. num. 25.* Si tales sint Oratorum causæ, *EE. Vestræ* dijudicabunt. Adverti tamen posset, de duplici sibi, suisque suffragio Testatricem consuluisse; de præfenti scilicet per hebdomadale Sacrum, ac de futuro per erectionem Capellanix post completum multiplicum. Ejus igitur menti adversari videtur repræsentare, quod futurum voluit. Ex hoc ipso autem, quod multiplicum imperavit, remotam Capellanix erectionem contemplasse censetur, neque ad eam instituendam immodicus est viginti quinque annorum cumulus. Qua de re non absolute jussit, ut cito, sed quanto citius fieri posset, erigeretur = *il più presto SI POTRA'*.

Nil de accensione Lampadis addendum, dum eam Oratores in casu etiam commutationis multiplici firmam relinquere profitentur. Quoad distributionem vero mensuali oboli, nisi solemniter ei præsentibus Moniales renuntient, suo a futuris jure peti posset, quum relicta sit Monialibus *pro tempore*.

Deliberandum igitur erit:

An, & quomodo Oratorum precibus sit annuendum in casu &c.

Non proposita cum sequenti:

Sess. 14. cap. 7.
de Reform.

BURGI S. SEPULCRI. Quæsitum fuit in Congregatione diei 18. Junii 1785. an Sacerdos Philippus Maggiorani Parochus S. Martini in Valle Astæ dispensandus esset ab irregularitate, in quam ob accidentalem sinistri brachii jacturam incidit, proditque responsum = *Negative* = Iterum modo infelix Parochus EE. Vestrarum clementiam implorat, ceterisque rationibus in Folio diei 28. Mali præd. anni deductis supplices addit Parochianorum preces = *Che venga accordata al Curato D. Filippo Maggiorani la facoltà di poter celebrare il S. Sacrificio della Messa per rimediare a i sopra descritti disordini, non parendo cosa giusta, che dal medesimo si rinunzii al peso Pastorale dopo tanti privati dispendii, bonificamenti alla Parochia, assistenza, servizio, e assiduità alle indigenze del Popolo, tanto avanti, che dopo la sofferta disgrazia, contestandosi generalmente, che il medesimo possa adempire anche al Santo Sacrificio della Messa; il che non sarebbe di nostra ammirazione, o scandalo quantunque nello stato presente.*

Ponderari siquidem ab Eminentissimis Patribus posset, de negatam sæpe fuisse similem dispensationem, juxta Resolutiones in præcedenti Folio citatas, sed quandoque etiam ad enixas Episcopi, & Parochianorum preces, nulloque concurrente scandalo, aut periculo, pauperibus Parochis concessam. In Consentina diei 13. Junii 1725. remisit arbitrio Ordinarii dispensationem Sacerdotis Bernardini Lopes ab irregularitate, licet passus esset = *ex casu quodam accidentali talem in brachio dextero læsionem, ut in eo flexibilitatis usum amiserit* = Et in Placentina 1. Februarii 1766. relatâ inter supplices Libellos, concessa pariter fuit dispensatio Sacerdoti, qui eodem vulnerato brachio dextero = *nec Sac. Hostiam elevare, nec Calicem pro Sanguinis consumatione ori appropinquare, & dicendo = Domine non sum dignus = pectus percutere nequeat* = ut in lib. 116. Decretorum pag. 50.

Dubium est.

An sit standum, vel recedendum a decisis in casu &c.

Antiqui pal. mus. siles. 1787. 108

Die Sabbathi 7. Julii 1787. in Palatio Apostolico Quirinali erit Sacra Congregatio Concilij, in qua, præter alia, proponentur infrascripta Dubia, juxta morem ejusdem Sacræ Congregationis de jure resolvenda.

BONONIEN.. *Causa hæc cum sequenti proponi non potuerunt in præcedenti Congregatione diei 16. elapsi Junii. Resumere igitur dignentur EE. Vestræ Foliū tunc distributum, ut eas assueta maturitate definiant.* *Sess. 22. cap. 6. de Reform.*

An, & quomodo Oratorum precibus sit annuendum in casu &c.

Negative in omnibus.

BURGI S. SEPULCRI:

An sit standum, vel recedendum a decisis in casu &c.

Sess. 14. cap. 7. de Reform.

Ad Secretarium cum Sanctissimo juxta mentem.

ÆSINA: *Laicalem possidens Capellaniam Sacerdos Joseph Carotti cum onere quotidiani Sacri, & servitii Chori in Ecclesia Cathedrali Æsina, Sacrorum postulavit reductionem ob imminutos illius Reditus. At proposito in Congregatione diei 20. Maii elapsi anni*

Sess. 25. cap. 4. de Reform.

Du-

Dubio = *An, & quomodo sit providendum in casu &c.* = EE. Vestrae rescripserunt = *esse providendum reductione servitii Choralis ad dies Festos de præcepto, & ad Feriam IV. V. VI., & Sabbathum Majoris Hebdomadæ* = Urget nunc Ælium Capitulum, ut reducantur potius Missæ, duplicemque affert rationem, alteram nempe, quod plurimæ aliæ in Cathedrali Ecclesia, exterorum etiam Sacerdotum ministerio, celebrantur Missæ; & alteram, quod eodem voluntatis fervore respexerit Fundator Capellaniæ ad celebrationem Missarum, & servitium Chori. Neutra autem vadere videtur recessum a Regula, quod reliqua priora onera, quam Sacra reduci debeant, *Fagnan. in Cap. Ex parte num. 34. de Constitut., Monacell. Formul. legal. formul. 19. tit. 10. part. 1. num. 15., & seqq., & Sacra hæc Congregatio in Nepe- fina Reductionis Onerum 3. Julii 1734.*

Missæ siquidem, quibus Cathedralis abundat Ecclesia, pro aliis celebrantur, nullumque propterea suffragium afferunt Fundatori Capellaniæ, qui quotidianum demandavit Sacrum non ad commodum Ecclesiæ, sed = *per suffragio dell' Anima mia, de' miei Antenati, Successori, e Discendenti della Famiglia Moriconi* = Quod æque vero respexerit Fundator ad celebrationem Missarum, & servitium Chori, ab ipso excluditur Scripturæ ordine. Prius enim consultum voluit Capellano pro celebratione, quam pro Choralis servitio per hæc verba = *I frutti d'essi (Capitalium nempe) dovranno assegnarsi a quel Capellano, che verrà nominato, ed eletto dal detto Reverendissimo Capitolo, cioè scudi trentasei per la Messa quotidiana, che sarà tenuto celebrare, scudi tre per l'Utenfil della Sagrestia, ed il rimanente per il Coro, che dovrà il detto Cappellano esercitare, come gl'altri Cappellani.*

Resumpto igitur præcedenti Folio respondere dignentur Eñi Patres.

An sit standum, vel recedendum a decisio in casu &c.

In decisio, & amplius.

Sess 25. cap. 4.
de Reform.

ROMANA SUSPENSIONIS DOTIUM. Alexander Bonaventura heredes instituit anno 1722. Philippum, & Camillum ex Fratre Nepotes, ac in defectum eorum Lineæ masculinæ substituit = *nelli Beni, Crediti.*

diti, ed Effetti di Regno a lui spettanti, ed altri di Roma acquistati, e sopralucrati da lui con i suoi avanzi, ed industria = Archiconfraternitatem B. M. Virginis Suffragii Urbis cum onere distribuendi in singulos annos quatuor pauperibus Puellis dotalia Subsidia scutorum viginti quinque pro qualibet ad nominationem Descendentium Lineæ fæmininæ Bonaventura, ac erogandi reliquos fructus in tot Sacra.

Hac purificata substitutione, delata fuit hereditas ad Archiconfraternitatem, quæ ex auctoritate Sacræ hujus Congregationis per Transactionem convenit anno 1770. cum Monialibus S. Theresiæ ad quatuor Fontes, & Marchionissa Capranica Grillo hodiernis Patronis, ut æqua inter ipsas esset Dotium nominatio, singulis scilicet una, & quarta per turnum; utque deberet Archiconfraternitas = *procurare la ricupera degli altri Capitali, e Beni ereditarj &c. Ed occorrendo fare delle liti, siccome sarà casa utile al Legato, così per le spese, che occorreranno farsi tanto giudiziali, che estragiudiziali, dovranno detrarsi DAL FRUTTATO de i Capitali medesimi, che sono amministrati dalla Ven. Archiconfraternita, col richiedere bisognando il Beneplacito Apostolico, anche per la SO-SPENSIONE della collazione delle Doti fin che siasi rimborsata delle spese fatte.*

In exequutionem hujusce Transactionis nonnullas Archiconfraternitas egit lites adversus hereditariorum Bonorum detentores cum gravi sumptu scutorum 435. 43. , rogatque EE. Vestras, ut impensæ summæ reintegrationem permittant ex dotalibus Subsidiiis, quæ a tribus annis desponsa sunt, ac suspendere insuper dignentur futuras nominationes quousque integre de ea summa, aliisque expensis in posterum faciendis satisfiat. Eminentissimus Albanus vigilantissimus ejus Protector refert, rem utilem hereditati per actas lites Archiconfraternitatem gessisse = *Quamvis enim, inquit, nullum hæcenus e controversis hereditariis Bonis recuperatum fuerit, quod EE. Vestræ a me declaratum volebant; constat tamen ex Peritia Curiali coram Judice exhibita, quod valor Bonorum, quæ ad præd. hereditatem pertinere hæcenus probatum est, summam conficit circiter scutorum 4700.*

Sub fide insuper Ratiocinatoris Archiconfraternitatis refert, re ipsa præteritos litium sumptus ad summam ascendere scutorum 435. 43. , cumulumque ex suspensis solutionibus promissorum Subsidiorum existere scutorum 240. , quibus additis sc. 3. 74. , quæ ex annuis Redi-
tibus

112 7. Junii 1767.
tibus redundant, reficienda superesset Archiconfraternitati summa scutorum 191. 69. Haud ab interesse habentibus inficiari, ait, expensarum reintegrationem Archiconfraternitati, sed opportunius ipsis videri, ut duo, vel tria hereditaria LL. MM. in eam causam distrahantur, quam ut Dotes suspendantur. Pluribusque in hac confutanda propositione expositis rationibus, ita demum concludit = *Censerem itaque, petitam Dotalium Subsidiorum suspensionem eatenus concedi posse, quatenus oratrix Archiconfraternitas expensas sibi refecerit, quas in vindicandis ab illegitimis Possessoribus hereditariis Bonis bonum mem. Alexandri Bonaventuræ conferri oportebit.*

Expensarum reintegrationem, quam coram Eñõ Protectore admittebant *in genere*, impugnant modo Moniales, & Marchionissa *in genere*, & *specie*. In genere deferendum non esse ajunt simplici Ratiocinatoris assertioni. In specie vero unam præ ceteris partitis notant. Ultra summam scutorum 163. 50., quæ Archiconfraternitatis nomine soluta fuerunt Perito Curiali, alia per eam expensa asseruntur scuta 81. 25. = *per la porzione della Perizia sudetta dovuta dal Signor Marchese Massimi, con animo di rivalersi* = Nullam ergo habendam esse contendunt rationem de hac secunda partita, quam alieno Archiconfraternitas nomine solvit, faciliq; negotio a Debitore consequi potest.

Quæcumque vero sit expensarum summa, concedunt potius Compatronæ, ut pro intranti illarum quantitate tot vendantur Loca MM., quam ut suspendatur Subsidiorum Dotalium distributio. Per tenuem enim Capitalis distractionem, (quæ brevi fortasse per recuperationem aliorum Bonorum hereditariorum abunde reparabitur) minores erunt Dotes, per suspensionem nullæ. Idque consentaneum dicunt Transactioni, in qua cautum est, ut imminutis Bonorum fructibus = *la somma delle Doti debba diminuirsi a proporzione, senza però MAI restringersi il numero di esse* = Enixe tandem Eminentissimos Patres rogant, ut Legem imponant Archiconfraternitati eas certiorandi de principio, & fine Litium, quum opportuna subministrare valeant jura, ac æquum sit, ut sciant, quid Archiconfraternitas in re communi agat.

Reintegranda Dubio procul est Archiconfraternitas de præteritis, & futuris litium sumptibus. Præter utilem enlm negotiorum gestorum actionem, expressa urget Transactionis stipulatio. Recta *in genere* videtur illorum probatio ex attestatione Ratiocinatoris. Partitas namque

que extraxit ex legalibus Archiconfraternitatis Libris, quibus adhiberi solet fides, *Text. in Cap. Ad audientiam Extrav. de Præscription. , Rot. decis. 3. num. 16. post Disfert. 12. Paulutii*. Non immerito quidem notatur in specie partita scutorum 81. 25. solut. Perito Curiali pro Marchione Massimi, quia non tenetur pium Opus ad alienos sumptus. Sed notandum est, quod integram Archiconfraternitas solvit Periti Curialis mercedem = *in conformità delli Decreti emanati* = nec portionem idcirco Marchionis Massimi vindicare poterit, quam in fine litis.

Tenuissima summa scutorum 3. 74., quæ ex annuis hereditatis fructibus redundat, æternam quodammodo redderet Archiconfraternitatis reintegrationem; ideoque necessaria viderur vel LL. MM. distractio, vel Dotium suspensio. Alienationi expressa resistit Transactionis littera, ut litium nempe sumptus detrahantur potius = *da l fruttato*. Suspensioni non adversatur, quum eam in casu necessitatis permittat verbis illis = *col richiedere, bisognando, il Beneplacito Apostolico anche per la SOSPENSIONE della collazione delle Doti fin che siasi rimborsata delle spese fatte* = Transactionis autem Leges servandas esse docet *Text. in cap. Constitutus de Procurator. , & in Leg. Quamvis Cod. de Transact.*

Reque vera perpetua ampliorum Dotium utilitas præferenda est temporaneo, privatoque quarundam Puellarum emolumento, quæ Dotes per alienationem LL. MM. diminutas ad reintegrationem usque Archiconfraternitatis consequi deberent. Ita Sacra hæc observat Congregatio in *Neapolitana Subsidiarum Dotalium 29. Aprilis 1698. Lib. Decret. 48. pag. 134. , & in Lucana Suspensionis Legati 13. Augusti 1707. , & 1. Decembris 1708. lib. 58. Decret. pag. 612.* Maxime, quia ea est Sacræ hujus Congregationis praxis, ut quævis alia semper præferat remedia distractioni Fundorum Pii Operis, ac ipsam potius Sacrorum suspensionem concedere soleat, ut in *Taurinen. 30. Martii 1776. , ac in Nucerina Reductionis Missarum 6. Septembris 1778.*

Quatenus vero EE. Vestris suspensionem Dotium decernere placeat, extendi fortasse non debet indulgentia ad Dotes promissas, & hætenus suspensas, ne illis contra publicam fidem fraudentur pauperes Puellæ, quibus desponsæ sunt. Poterat quidem Archiconfraternitas, juxta datum in Transactione arbitrium, suspensionem Dotium ante illarum collationem implorare, sibi que id-

circò imputet, si non fecit. In conditione enim potestatis
 va non habet locum retractio, propterea quod habet
 Contrahens, in cujus potestate fuit vel bene, vel male rem
 gerere, quod sibi imputet. Ideo rationabilius est, quod
 attendatur tempus conditionis absque ulla retractio-
 ne = ut inquit *Costa de Retract. cap. 8. conj. 31. num. 6.*

Quantum denique ad certiorationem Monialium, & Mar-
 chionissæ de principio, & fine agendarum litium, ad-
 vertendum est, liberum dd. litium arbitrium datum esse
 per Transactionem Archiconfraternitati, de cujus dili-
 gentia, & honestate in illis agendis dubitari non debet.

Hoc igitur proponitur Dubium.

*An sit locus suspensioni nominationis ad Subsidia Dotalia pro
 reintegratione expensarum factarum, & faciendarum
 pro vindicatione Bonorum Alexandri Bonaventura, vel
 potius sint alienanda Loca Montium ab eadem hæredita-
 te provenientia, & quomodo sit providendum in futurum
 in casu &c.*

Affirmative ad primam partem pro futuris nominatio-
 nibus, & pro summa liquidanda, ita tamen ut ex fru-
 ctibus Bonorum recuperandorum omnia dotalia Sub-
 sidia suspensa redintegrentur; in reliquis negative.

*Sess. 25. cap. 9.
 de Reform.*

A LATRINA. Causa hæc, relata in Folio diei 9. Apri-
 lis 1785., proposita fuit die 7. sequentis Maii qua-
 tuor sub dubiis. I. *An favore Familiæ Rossi constet de Pa-
 tronatu Cappellæ S. Bartholomæi existen. in Ecclesia Ar-
 chipresbyterali Terræ Varceni.* II. *An liceat dictæ Fami-
 liæ retinere infra ambitum d. Cappellæ scamna, & sedi-
 lia, ita ut sit standum, vel recedendum a decisis sub die
 24. Novembris 1781. (decisum enim fuerat, non licere)
 quoad d. Familiam Rossi tantum.* III. *An liceat Archi-
 presbytero, seu Rectori ejusdem Ecclesiæ, seu cuilibet al-
 teri suprad. scamna, & sedilia amovere, & respective in
 ea apponere, & retinere Confessionarium, vel aliud quod-
 cumque impedimentum, inaudito, & invito Patrono.*
 IV. *An, & contra quos constet de attentatis, & quomo-
 do sint illa purganda in casu &c. =*

Ad primum EE. Vestræ responderunt = Affirmative = Ad
 secundum = Affirmative, dummodo Divinis non præstet
 impedimentum, & juxta hunc modum recedendum a deci-
 sis = Ad tertium = Negative = Ad quartum = Dilata = In-

secunda vero propositione diei 26. Novembris ejusdem anni recesserunt in omnibus a decis, & ad quartum non resolutum Dubium rescripserunt = *Negative in omnibus* = Redierunt tandem die 2. Decembris elapsi anni in sententiam diei 7. Maii 1785. quoad tria priora Dubia, steteruntque quoad quartum *in decis*. Iterum modo de secundo agitur Dubio. Reliquas enim Sacrae Congregationis resolutiones Collitigantes exceperunt.

Urgent rursus Archipresbyter, & Beneficiati Ecclesiae S. Nicolai Varceni dispositionem *Juris*, ex qua retinere prohibentur Patroni in eorum Cappellis sedilia; & scamna, quae impedimento sint Divinis, *Fusc. de Visit., & reg. Eccles. lib. 1. cap. 27. num. 1., & seqq., Nicol. in Flosc. verbo Ecclesia num. 11., Ferrar. in Biblioth. Canon. vers. Sedilia art. 5. num. 7.* Potissimum vero conditionem illam urgent = *dummodo Divinis non praestet impedimentum* = sub qua resolutum fuit secundum Dubium. Novae, inquit, litis initium est hujusmodi conditio, quum inquiri debeat, num scamna, & sedilia illorum de Rubeis praestent, nec ne impedimentum Divinis, quae in eorum Cappella celebrantur, expeditque, ut ab ipsis EE. Vestrīs, quae rem degustarunt, in complementum acti Judicii definiatur.

Denuo ad suadendum Divinorum impedimentum Testimonium proferunt hodierni Episcopi, ejusque Decessoris Gagliardi. Jam expensas regerunt Testium depositiones, adduntque relationem Periti Architecti, qui asserit = *essere il sito, dove si pretende indurre servitù di banco ANGUSTISSIMO, e di soli palmi tre, e dieci oncie fra il Muro laterale, e Pradella di esso Altare, motivo per cui ponendovisi il banco APPORTA IMPEDIMENTO ALI LI DIVINI OFFICJ, somma distrazione al Celebrante &c. incomodo al Serviente per non potervi liberamente agire, e dovendo ivi sedere d. Famiglia, necessariamente per il rispetto, e venerazione del Sacrificio deve genuflettersi, ed allora per l'angustia del sito non puole fare a meno porre le ginocchia prossime alla Pradella, o sopra della medesima, e commettere irriverenza al medesimo gran Sacrificio* =.

Antiquam opponit Patronus consuetudinem, ex qua scamnum in Cappella retinuit absque Divinorum impedimento. Plurimos alios opponit Testes, ac Publicos ipsos Varceni Repraesentantes, de sufficienti amplitudine Locci deponentes; illudque animadversione dignum notat, quod in eodem retinebatur Loco Confessionarium, quod

est quid amplius scanno, Quatenus vero assumere velint EE. Vestrae cognitionem prætensi impedimenti, necessaria videretur judicialis Loci recognitio. Quæ enim hinc inde extrajudicialiter deducuntur, ad rectam controversiæ definitionem non sufficiunt.

Quæritur itaque,

An sit standum in primo, & tertio, seu potius in secundo, & quarto loco decisus in casu &c.

In secundo, & quarto loco decisus, & amplius.

*Sess. 25, cap. 4.
de Reform.*

FOROLIVIEN. REDUCTIONIS MISSARUM. Hæredem instituit Lancellottus de Lancellottis anno 1716. Virginiam Valentini Uxorem suam sub lege servandi viduitatem, eique ad secundas nuptias transeunti substituit Vincentium Antonium Valentini, ac utrique Societatem Suffragii Forolivii = *caso mai, che non faceffero soddisfare intieramente a questa mia disposizione* = Præ ceteris autem quotidianum in Ecclesia Societatis, hebdomadalia tria in Ecclesia per hæredes eligenda mandavit Sacra, jussitque, ut mitti deberet = *sempre ogn' anno una Persona al Perdon d' Affisi con darli paoli 15., ed un giulio per la celebrazione di una Messa colà per l' Anima mia, e de' miei Defonti* = Omnia ad hæc tempora adimpleta fuerunt. Missarum vero reductionem postulat hodiernus hæreditatis possessor Jo. Baptista Valentini tum ob diminutos Bonorum Reditus, cum ob gravem ejus paupertatem, numerosamque Familiam. Utramque reductionis causam probat Episcopus. Ex decennali enim calculo annuos statuit Reditus in scutis 113. 62. 7., exitum in scutis 79. 23. 3. = *in adimplimento scilicet piorum Legatorum a Testatore demandatorum; in persolutione Collectarum, Impositionum, & expensarum in reparandis aquis Fluminis, quod dicitur = Montone = cui maxima in parte adjacent Bona, de quibus agitur = ideoque superesse concludit hæredi scuta 42. 33. 4. additque sub Peritorum fide, adeo Bona illa ex annuis alluvionibus = in deterius vergere, ut notabiliter minores fructus pluribus abhinc annis reddant, sintque minores in posterum redditura, præcipue quod successivis temporibus ad arcendas aquas terram corrodescentes, majores impensæ occurrent* =.

De notoria præterea testatur Oratoris paupertate, magnoque Filiorum ejus numero = pro quibus alendis, & educandis, in civico gradu jamdiu locatis, impar certe est summa, quam a paterna hæreditate factò calculo per decennium, retrahit in scutis annuis 101. 19. 9., quæ deductis certis oneribus, remanent in scutis 36. 89. 8., ita ut, superaddita summa proveniente ab hæreditate Lancellotti, Familia Jo. Baptistæ Valentini annum Reditum liberum ab omni onere habeat scutor. 79. 23. in maxima caritate eorum, quæ ad vitam necessaria sunt in hac Civitate = Atque ex his annuendum censet pro reductione Missæ quotidianæ ad hebdomadales duas, aliarumque trium hebdomadaliū ad unam tantum Missam quolibet die Dominico; ita tamen, ut si quando Familia Valentini in meliorem venerit fortunam, integrum adimplere teneatur Legatum. Neque, inquit, *Confratres Societatis Suffragii per me auditi obstant*. Annum vero Assisiensis missionis onus silentio præterit.

Perpetua ob imminutos Reditus concedi solet Missarum reductio, ut in *Senogallien. Reductionis 10. Maii 1783.*, & in *Viterbien. Reductionis Onerum 8. Maii 1784.* Ob paupertatem vero hæredis temporaria celebrationis suspensio, ut in *Taurinen 30. Martii 1776.*, in *Messanen. Reductionis Missarum 24. Januarii*, & in *Nucerina Reductionis Missarum 6. Septembris 1778.* Quæ enim pro Patrono inope scripta est Canonica æquitas, trahi posse videtur ad hæredem Fundatoris, qui ei assimilatur, ut alimenta scilicet ex fructibus Beneficii, aut pii Operis consequatur. Ita in *Toletano Concilio IV. can. 38. relato in can. Quicumque 16. quæst. 7.*, quem Clemens III. restituit in *cap. Nobis de Jurepatron.* Ideoque EE. Patrum indulgentia dignus censeretur Orator, qui ex prædicta Familia Valentini pauper hæres est Lancellotti de Lancellottis. Maxime, quia non agitur de omnibus intermittendis Sacris, sed de temporaria illorum imminutione quousque Orator in meliorem venerit fortunam.

Sedulo tamen advertendum est, adeo enixe demandatum Missarum numerum Testatorem voluisse, ut caducitatis pœnam indixerit hæredibus = *caso mai, che non faceffero soddisfare INTIERAMENTE a questa mia disposizione* = Huic sane derogandum esset voluntati non ex necessaria, aut publica causa, quam in id requirunt *Fagnan. in cap. Nimis sub num. 6. de Fil. Presbyt.*, *Monet. de commut. ult. volunt. cap. 6. num. 75.*, & *cap. 9. num. 676.*, & *Piton. de controuv. Patron. allegat. 50. num. 7.*; sed ex simplici

plici Oratoris paupertate, quæ privatum respicit incommodum, & ab omnibus fere, qui piis Operibus gravati sunt, allegari potest. Æquitas præterea Canonis *Quicumque* Patrono favet, qui honorificum tantum habet jus præsentandi, nilque ex Beneficio percipit; non item ei, qui universa Fundatoris Bona cum certo pii Operis onere possidet. Hic enim quousque suppetunt hæreditatis vires, demandatum opus explere tenetur. Nedum autem Reditus hæreditatis Lancellotti ad integram Missarum celebrationem, aliorumque onerum adimplementum suppetunt, sed annua etiam favore Oratoris supersunt scuta 42. 33. 4., licet ejus inopiæ imparia. Quod vero ob inundationes Fluminis *Montone* minores redditura sint fructus hæreditaria Bona, iusta fortasse erit reductionis Missarum causa, cum casus evenierit.

Quæritur ergo ab EE. Patribus.

An, & quomodo sit locus reductioni Missarum in casu &c.

Negative.

*Sess. 25. cap. 4.
de Reform.*

DERTHONEN. ABSOLUTIONIS, ET REDUCTIONIS MISSARUM. Ad servandam nobilis suæ Familiæ splendorem. explendamque Hierosolymitani Equitis Alberti Rati prædefuncti fratris voluntatem, Primogenituram Codicillis instituit anno 1638. Hieronymus Rati, eique addixit *Coloniam* nuncupatam = *la Casina Rossa* =, quam appellari deinceps voluit = *la Casina Ratta* = cum omnibus Ædificiis, ac Bonis stabilibus, cujuscunque qualitatis, & quantitatis eidem *Casina* adjacentibus = amplam rursus habitationis suæ Domum; & = *Curtem* cum *Columbario*, *Viridario*, *Casina*, & *Torculari* = prope *Viam publicam il Riale*. Onus autem singulis Primogenitis imposuit quotidianæ Missæ = in *Sacello Sanctissimi Rosarii erecto*, & ædificato sumptibus, & expensis suprad. qu. Equitis Alberti Rati in Ecclesia Parochiali *S. Mariæ de Portio*; quam tamen Missam possit etiam *Capellanus* celebrare in *Oratorio Divi Bernardi* posito in loco *Turris Ratorum*, & alibi, prout commodius fuerit visum Condominis descendantibus = mandavitque, ut = præfati Primogeniti teneantur, & obligati sint observare in omnibus, & per omnia ordines, & conditiones jussu,

& voluntate præfati Domini Equitis Alberti scriptos, & scriptas in Libro d. Sacelli SS^mi Rosarii.

Valde Codicillans de hac Missarum celebratione sollicitus fuit. Caducitatis enim pœnam Primogenitis indixit, si eam per annum prætermisissent. Num primo saltem tempore expleta fuerit, ignoratur. Hoc tamen ex relatione Episcopi constat, quod ob amissum Librum Sacelli SS^mi Rosarii = fere semper ab Oratoris Prædecessoribus, conditionum, de quibus supra, ignaris, omissa fuerit Missarum celebratio = Rem in antiquis perlustrandis Scripturis novit Aloysius Rati hodiernus primogenitus, ac modo integre, modo aliqua in parte Missas celebrari curavit. Absolutionem nunc postulat pro Missis non celebratis, earumque reductionem in futurum ad dies tantum Festorum ob imminutos Hæreditatis Reditus, cum ob aucta Regia vectigalia.

Præteritam omissionem, ut dixi, tribuit Episcopus ignorantiae conditionum, quæ in amisso erant Libro. Quo ad futuram vero Missarum reductionem observat, quod licet = *la Casina Rossa* = annuas reddat Pedemontanas libras 446. 12. 6., quæ pro celebratione quotidianæ Missæ redundant, quum tamen = *memorata Casina relicta sit a Testatore pro conservatione, & splendore propriæ Familiæ, & Primogenitorum*, haud dubium est, quin major pars fructuum absque ullo onere ipsius Primogeniti, Legato gravati, favore cedere debeat = Atque hinc censet, benigne EE. Vestras = cum Oratore agere posse, ipsum nempe ab omissionibus antea actis misericorditer absolvendo, imposito deinceps onere celebrationis Missæ singulis diebus Festis de præcepto, juxta Fundatoris mentem quoad Locum celebrandæ =.

Quoad reductionem Missarum, de qua in primo Dubio, notandum est, non unam ab Oratore Coloniam *la Casina Rossa*, de qua tantum loquitur Episcopus, sed amplam quoque habitationis Domum, & Curtem cum Columbario, Viridario, Casina, & Torculari Primogenituræ titulo possidere. Si Reditus ergo Coloniam *la Casina Rossa* pro integra Missarum celebratione redundant, jam ex superantibus Reditibus, aliisque amplæ Domus, & Curtis tantum fortasse Orator habet, ut Familiæ etiam splendorem conserveat. Ubi Reditus autem omnibus sufficiunt oneribus, denegari solet ab hac Sac. Congregatione Missarum reductio, ut in *Ostunen. Reductionis Missarum* 4. Decembris 1734.

Quo vero ad illarum supplementum pro præteritis omissioni-

nibus, & absolutionem, de quibus in secundo Dubio, distinguendum arbitror inter celebrationem a Majoribus Oratoris, & ab ipsomet Oratore ante compertum Legatum omissam, & posteriorem celebrationem integri ab eodem Oratore non expletam. Locum pro anterior tempore non esse videtur Missarum supplemento, quia causam ab illis non habet Orator, qui Missas ante delatam sibi Primogenituram neglexerunt, bonaque fide ante cognitum Legatum fructus consumpsit. Haud ita tamen pro posteriori. A die enim, quo Missarum onus novit, a voluntaria illarum omissione excusari non potest. Sub hac igitur distinctione consulendum esse videtur *Sanctissimo* pro absolutione a Missis dumtaxat ante cognitum Legatum non celebratis; quum pro his bona Oratoris fides indulgentiam mereatur, ut dixit Sacra Congregatio in *Ecclesien. Onerum, & Distributionum* 9. Septembris elapsi anni ad primum Dubium, & novissime in *Reatina Reductionis Missarum* 24. elapsi Martii ad secundum Dubium. Respondere igitur Dignentur EE. Vestrae.

- I. *An, & quomodo sit locus reductioni Missarum in casu &c.*
- II. *An, & a quo tempore teneatur Orator ad supplementum Missarum: & quatenus affirmative, an sit consulendum Sanctissimo pro absolutione in casu &c.*

Ad I. Negative. ad II. Affirmative ad primam partem a die obitus Testatoris; & quoad secundam partem affirmative juxta modum, nempe usque ad diem cogniti oneris.

*Sess. 22. cap. 6.
& sess. 25. cap. 4.
de Reform.*

PARMEN. BENEFICII. Rogabat Joseph Antonius Maccarini Executor Testamentarius Hieronymi Pezzani, ut ad formam potius ejus Testamenti, quam anterioris Dispositionis Horatii Pezzani illius patruus exigeretur Beneficium ad Altare B. V. Rotarii in Parochiali Ecclesia Villæ Gramignatis. Minor erat juxta posteriorem illam Dispositionem Beneficii Dos, ob nonnulla Horatii Bona per Hieronymum distracta: diversæ activi, & passivi Juris patronatus leges. At proposito in Congregatione diei 29. Julii elapsi anni Dubio = *An, & quomodo Oratoris precibus sit annuendum in casu &c.* = EE. Vestrae rescripserunt = *Beneficium esse erigendum juxta foundationem*

*Sacerdotis Horatii , & Missas celebrandas pro rata Reditu-
tuum pro nunc actu existentium ad taxam perpetuæ , &
scribatur Episcopo juxta mentem = Mens autem fuit , ut
præcise referret Episcopus de causa impediante vindica-
tionem Bonorum Horatii a tertii Possessoribus .*

Iterum nunc supplicat Executor testamentarius , ut prævio
recessu a *decisis* , demandare dignentur EE. Vestræ ere-
ctionem Beneficii juxta Dispositionem Hieronymi , am-
plissimeque ejus instantiæ in secunda etiam relatione fa-
vet Episcopus . Quæ causa Bonorum vindicationem im-
pediat , opportunius Eminentissimi Patres ex originali re-
latione intelligent . Talis autem est , ut inutilem reddat
actionem *pro recuperandis Bonis alienatis* , impossibilem
quodammodo erectionem Beneficii *super Bonis* , quæ ad-
huc supersunt ad *tramites Testamenti memorati Sacerdotis
Horatii* . Qua de re concludit Episcopus , quod = *Nisi
exigatur Beneficium , prout statuitur a d. Hieronymo ,
tam istius dispositio , quam altera Sacerdotis Horatii fru-
stratæ quidem , ac omnino inanes certo certius evadent =*
Ea igitur concurrere videtur iusta , & necessaria causa ,
ex qua *Sac. Concilium Tridentinum Sess. 22. cap. 6. de Re-
form.* ultimarum voluntatum commutationes permittit .
Exemplo est *Sacræ Congregationis resolutio in Inte-
ramnen. Commutationis Voluntatis 8. Maii 1756.*

Maxime , quia in id consentiunt interesse habentes , Paro-
chus scilicet Gramignatis , & qui vocati sunt in Testa-
mento Horatii ad Patronatum . Hæc in prima sua relatio-
ne habet Episcopus = *Optimum duxi Parochum tantum-
modo audire , qui nedum adprobat , verum etiam quam
maxime exoptat , ut erigatur Beneficium ad tramites secundæ
Testamenti ; prout etiam certum mihi est , id quoque exo-
ptari ab illis , qui vocati fuere ad Juspatronatum in prioræ
Testamento , utpote dignoscentes , in eo disposita minime
exequi posse .* Quatenus vero recedere placeat a *decisis* ,
reducendus esset Missarum numerus juxta Reditus Bono-
rum , quæ erigendo Beneficio Hieronymus assignavit ,
& ad annuam ascendunt summam scutorum viginti .

Queritur itaque .

*An , & quomodo sit standum , vel recedendum a decisis in
casu &c.*

Non proposita cum sequenti :

CASALEN. REDUCTIONIS MISSARUM. Hære-
dem instituit Catharina Borcone anno 1737. Vincen-
tium Bernardinum Bazzano ejus Virum, eique in suffra-
gium Animæ suæ perpetuum imposuit duorum hebdoma-
daliū Sacrorum onus, pro cujus implemento Prædio-
lum assignavit modiorum quinque, tributa eidem facul-
tate subrogandi pro arbitrio alium Fundum. Hæc utens
facultate, re ipsa in locum Prædii subrogavit Vincentius
Domum, aucto in Codicillis anni 1754. tertii hebdoma-
dalis Sacri onere, propriumque Legatum, ut de alio
etiam disposuerat Uxor, ab Ordinaria jurisdictione exem-
ptum voluit.

Sub fidejussione Vincentii, & approbatione Innocentii
Bottacco, ac Joannis Baptistæ Nicola conduxit sequenti
anno 1755. Franciscus Nicolaus Bazzano illius filius Regia
Montiferrati Vectigalia pro annua responsione scutorum
7393. 10. monetæ Romanæ. Patre defuncto, pernicio-
sum conductionis effectum sensit Filius. Pene universum
sane ejus Patrimonium, cum Domo subrogata pro Sa-
crorum implemento, adjudicatum fuit per Regium Com-
putorum Tribunal Approbatoribus, qui promissam res-
pensionem Regio Ærario solvere debuerant. Ut alteram
vero ex hisce Approbatoribus, Innocentium nempe Bot-
tacco levaret ab onere Missarum, quo gravata erat Do-
mus, coactus etiam fuit Franciscus Nicolaus Bazzano
subrogare modia octodecim Terræ trans Flumen Eridani,
quæ in Patrimonio supererant, sub promissione obtinen-
di a quo opus esset hujusce subrogationis approbationem
intra biennium. Quoad vixit tamen hujusmodi approba-
tionem neglexit.

Quæ a Mense Februario 1755. ad totum currentis anni April-
lem celebrari debuissent Missæ, ad numerum ascendunt
5031. Quæ celebratæ sunt, non excedunt numerum
1732. Ideoque supersunt celebrandæ 3299. Inopia pressæ,
EE. Vestras rogant Laura Catharina, & Jacobina Bazza-
no Francisci Nicolai filiæ pro reductione Missarum in fu-
tutum, & absolutione quoad præteritum, impensequen-
tis favet Episcopus per hæc verba = *Oratrices Laura Ca-
tharina, & Jacobina Sorores Bazzano filiæ sunt orphanæ,
sunt valetudinariæ, & nihil aliud possident, nisi quædam
Prædia, ultra Eridani Flumen posita, quorum Reditus ad
congruam earum sustentationem non sufficiunt; quapropter
ex earum labore, & industria tam alimenta, tam indu-
menta, ceteraque necessaria petere coguntur. Patris hæ-
redes dici nequeunt, nam paternum Patrimonium, ut su-*
pro

pra, adjudicatum fuit ad favorem Approbatorum suscepti oneris per earum Patrem, & parva Prædia, quæ super Finibus hujus Civitatis trans Eridani Flumen tenent Oratrices, proveniunt a juribus quæ earum Amitæ. Atque his de causis in sententia est = Oratrices ipsas ab onere implemēti Legati hujusmodi trium Missarum qualibet hebdomada, prout ab obligatione celebrare faciendi Missas decursas, & non celebratas in numero 3299, stante earum impotentia prorsus absolvendas esse, dummodo (quoad vixerint) celebrare faciant intuitu hujus Legati Missam unam quolibet mense.

Quoad primam reductionis Missarum instantiam. Licet non constet de annuo Reditu Prædiorum trans Eridanum, in genere tamen refert Episcopus = modia prædicta 18. Terræ ultimo loco subrogata, non sufficere oneri d. perpetui Legati = Æqua idcirco videri posset petita Missarum reductio. Ubi enim assignati Fundi Reditus impares sunt oneri, nilque aliunde hæredes habent, & suppleant, tunc sive assignatio fuerit demonstrativa, sive taxativa, qualis ex relatione Episcopi videtur illa, de qua agitur, rescribere consuevit Sacra Congregatio pro reductione, ut in Ifernien. 26. Novembris 1723., in S. Severinæ 13. Junii 1725., & in Tranen. 22. Novembris 1738.

Præsumpta accedit Testatorum voluntas. Præ omnibus consultum voluit Catharina Borcone per universalem institutionem Viro, & communibus Descendentibus, deindeque hebdomadalia Sacra demandavit. Hoc ipsum fecit Vincentius Bazzano, dum tertio insuper gravavit Sacro Franciscum Nicolaum ejus filium, cui pinguem relinquebat hæreditatem. Si uterque autem prævidisset, fore ut integrum Patrimonium absque ulla eorum Neptum culpa disperderetur, aut plium non reliquissent Legatum, aut minorem Missarum numerum demandassent. Quanti autem facienda sit præsumpta hæc Testatorum voluntas, ut Missarum onus ad vitam pauperum hæredum minuat, in simillimis terminis probat Card. de Luc. de Testam. disc. 72. num. 15. & seq. Maxime, quia Prædia ultimo loco in Fundum pii Legati subrogata, non hæreditario Patris jure possident Oratrices, sed = proveniunt a juribus quæ earum Amitæ.

Advertendum tamen est, novissimam dd. Prædiorum subrogationem a nemine probatam fuisse, nec probari forsitan posse. Affecta enim sunt Prædia illa contermini Possessoris prætensionis, ob quam = Supplicantium Pater nunquam approbationem subrogationis hujusmodi petiit.

sciens ad se non pertinere d. Modia = ut hisce verbis refert Episcopus. Si certum igitur Legato pio non præstant Fundum, & impares sunt illorum Reditus oneri, consulendum potius videretur perpetuæ Missarum celebrationi ex Domo per primum hæredem subrogata, quæ dubio procul cum illarum onere in hodiernum possessorem transit. Hæc potius, quam illa attendi debet subrogatio, quum facultas subrogandi data fuerit primo hæredi personalibus verbis. Ita Episcopus = facultate concessa EJUS MARITO Vincentio Bernardino Bazzano Fundum alterum ad ejus libitum substituendi.

Quo vero ad absolutionem a Missis non celebratis, EE. Vestrarum indulgentiam mereri videntur Oratrices ob gravem earum paupertatem, de qua luculentissimum testimonium perhibet Episcopus. Frustra enim ad celebrationem damnarentur Missarum, quam impossibile fere reddit inopia. Neque damnari ad eam posse videtur Possessor Domus, dum illam bona novissimæ subrogationis fide prætermisit.

Dubia sunt.

- I. *An, & quomodo sit locus reductioni Missarum in casu &c.*
- II. *An sit consulendum Sanctissimo pro absolutione in casu &c.*

125

*Die Sabbathi 28. Julii 1787. in Pala-
latio Apostolico Quirinali erit Sacra
Congregatio Concilij, in qua, præter
alia, proponuntur infra scripta Dubia,
juxta morem ejusdem Sacræ Congre-
gationis de jure resolvenda.*

I Ndecisæ remanserunt in superiori Congregatione diei 7.
labentis Julii binæ sequentes Causæ.

P ARMEN. BENEFICII.

*An, & quomodo sit standum, vel recedendum a decisis in
casu &c.*

*Sess 22. cap 6.,
& Sess. 25. cap.
4. de Reform.*

*Attentis peculiaribus facti circumstantiis, prævio
recessu a decisis, Beneficium esse erigendum juxta
foundationem Hieronymi.*

C ASALEN. REDUCTIONIS MISSARUM.

*I. An, & quomodo sit locus reductioni Missarum in ca-
su &c.*

*Sess 25. cap. 4.
de Reform.*

*II. An sit consulendum Sanctissimo pro absolute in ca-
su &c.*

Dilata, & scribatur Episcopo juxta mentem.

T UDERTINA REDDITIONIS RATIONIS. Duo
in hac Causa proposita fuerunt Dubia in Congrega-
tione diei 21. elapsi Aprilis, primum = *An constet de ad-
ministratioe exercita per Archipresbyterum Philippum Do-
minici, ac Priorem Bernardinum Laurenti, ita ut sit lo-
cus redditioni rationis in casu &c.* = & secundum = *An,
& a quo tempore sustineantur gravatorie in casu &c.* =
Horum alterum resolutum fuit per Rescriptum = *Affir-
ma-*

*Sess 22. cap. 9.
de Reform.*

*negative pro Negotiis Confraternitatum ab unoquoque gestis
infra terminum ab Episcopo præfinitum = & alterum
per Rescriptum = Negative = De viribus modo utriusque
Rescripti quæritur sub respectivo Dubio =
An sit standum, vel recedendum a decisio in casu &c.*

Ad primum in decisio, & amplius.

Ad secundum in decisio, & amplius.

*Sess. 14. cap. 7.
de Reform.*

SABINEN. IRREGULARITATIS. Post quinquennalem contumaciam dispensationem postulavit Sacerdos Franciscus Serafini ab irregularitate, in quam ob patratum homicidium inciderat. Sed proposito in Congregatione diei 17. Junii elapsi anni Dubio = *An sit consulendum Sanctissimo pro gratia dispensationis in casu &c.* = EE. Vestrae rescripserunt = *Negative*, & expectet = Pro eadem nunc supplicat gratia, eique impense Eius Episcopus favet. Refert sane, quod Orator = *duplici postquam fuit vulnere confossus, fere ad propriam defensionem sanguinem sui aggressoris effudit* = quodque = *peractis Exercitiis spiritualibus per mensem, veniam tandem obtinuerit.* & interim, universo Moriconis Populo attestante, morum præstantiæ laudabile specimen dedit, quam modo etiam pari constantia servat = Atque hinc concludit = *Huic igitur Presbytero, qui novus factus est homo, & quem paupertas, ac fere egestas summopere urget, dispensationem ab irregularitate elargiendum esse censerem, præsertim cum septem jam effluxerint anni a die patratæ criminis.*

Qui per industriam occiderit proximum suum, & per insidias, ab Altari avelli debet. Ita Sac. Concilium Tridentinum Sess. 14. cap. 7. de Reform. Dedecet enim, ut Sacratissimum Christi Sanguinem contrectet, qui alienum ex proposito effudit. Quoties tamen de Sacerdote agitur homicida, cui aliqua sit vel propriæ defensionis, vel fortuiti casus excusatio, dispensare solet Sacra hæc Congregatio post justam moram, & constantem vitæ emendationem ab irregularitate, ut in Nullius Provinciæ Compostellanæ 2. Octobris 1723., in Montis Falisci Irregularitatis 28. Januarii 1741., & in Murana Irregularitatis 12. Martii 1763. Eandemque indulgentiam cum
pro

promovendo ad Sacros Ordines quandoque adhibuit, ut
in *Aversana Irregularitatis* 2. Augusti 1755.

Justæ autem in præsentī casu concurrere videntur dispen-
sandi causæ. Homicidium Seraphinus patravit = fere ad
propriam defensionem = Vitam emendavit, ac novus fa-
ctus est homo = Fiscum composuit. Septem elapsi sunt
anni a die patrati criminis. Et per integrum annum gra-
tiam expectavit. Moriconis autem Populus rogat, ut et
etiam celebrare liceat in Loco commissi delicti. Non
abundat enim Oppidum Sacerdotibus.

Quæritur itaque.

An sit standum, vel recedendum a decisīs in casu hōc.

In decisīs.

A PRUTINA. Tria ab EE. Patribus in Congregatione
dlei 19. elapsi Maii quæsitā fuerunt, I. *An substitu-
tiones Piorum Locorum ordinatæ in casu hereditatis repu-
diatæ, sustineantur post obitum heredis acceptantis in ca-
su hōc.* = II. *An prohibitio cædendi, vendendi, & hypo-
thecandi primo heredi facta, servanda sit ab ulterioribus
heredibus in casu hōc.* = III. *An onus annuæ celebrationis
Missarum primo heredi injunctum, transeat ad ejus Suc-
cessores in casu hōc.* = Ad primum responderunt = *Nega-
tive* = Ad secundum, & tertium = *Affirmative* = De una
queritur Sacerdos Carolus Piccioni secundi Dubli reso-
lutione, ac EE. Vestras pro illius declaratione exorat.

Perpetua, inquit, prohibitio sit vendendi, & hypothe-
candi; non item *indistincte* prohibitio cædendi. Heredi
siquidem interdixit Testator = *che non possa tagliare cosa
di fondo* = seu, quod idem est, arbores fructiferas, quæ
pars sunt, & accessiones Fundi, *Text. in Leg. Fundi* 8.
*ff. Quib. mod. ususfr., Niger. de subhast. cap. 15. §. 1.
num. 12., Polit. de nov. oper. nunciat. quæst. 8. num. 1., &
seqq. tom. 5.* Sub hac ergo prohibitionē non veniunt ar-
bores corruptæ, & cæduæ. Aliæ enim ex his in ipsis
Benefici Bonis cædi valent, ut novæ substituantur, *Re-
doan. de reb. Eccles. oon alien. quæst. 79. cap. 7. num. 13.,
Corbul. de caus. privat. ob rei deter. num. 28. vers. ideo
quod supra dictum est.* Aliæ quum = *sint in fructu, ut
scilicet quæ soleant excidi ad usum quempiam, lignandi,*
vel

*Sess. 25. cap. 4.
de Reform.*

vel ædificandi gratia, ideo ii, ad quos fructus pertinent, vel integre, vel pro parte poterunt excidere in usum, in quem solent impendi = ut per hæc verba monet Tiraquell. de Retract. convent. §. 3. gloss. unic. num. 25. . Idque licet etiam Beneficiato, qui reliquis antecellit usufructuariis, ac potiora habet jura, Lotter de Re Benefic. lib. 1. quæst. 3. num. 13. , & seq. . Cujus tamen qualitatibus sint arbores in hereditariis Andreæ Prosperi Bonis existentes, igno-
ratur.

Quæritur ergo ?

An, & quomodo sit standum, vel recedendum a decisis quoad secundum Dubium in casu &c.

Ad Secretarium ad mentem.

Sess. 22. cap. 9.
de Reform.

FOROLIVIEN. . Ex viginti hujus Causæ Dubiis, jam a Sacra Congregatione resolutis, ad novum dumtaxat examen redit primum, quod ita erat in origine conceptum = An claves aperientes Ribaltas exterius claudentes Urnam, in qua Sacrum Divi Peregrini Latiosi Corpora asservatur in Ecclesia Patrum Servorum B. M. Virginis Forolivii, retinendæ sint ab iisdem Patribus, seu potius Communitati competat jus retinendi alteram ex illis in casu &c. = Responsum ad hoc Dubium fuit die 11. Septembris 1784. = Negative ad primam portem; affirmative a secundam = Quærentibus deinde PP. Servitis in secunda propositione diei 7. Maii sequentis anni 1785. = An sit standum, vel recedendum a decisis = res in ancipiti remant sit per Rescriptum = iterum proponatur = At die 21. Januarii elapsi anni revocatoria prodiit resolutio = recedendum a decisis = Acri nunc utriusque Partis contentione redintegratur certamen.

Vindicare nititur Forolivienſis Communitas jus retinendi alteram ex clavibus aperientibus Ribaltas exteriores Urnæ, in qua Sacrum Divi Peregrini Corpus servatur, tum ex Patronatu Sacelli eidem Sancto dicati, cum ex consuetudine. Hæc sunt prætensi Jurispatronatus probationes. Iterata ipsius Communitatis enunciativa de ædificato propriis sumptibus Sacello, in duplici emissa supplici Libello, quem Sacræ Rituum Congregationi, & san. mem. Benedicto XIII. porrexit: Ædificandi mandatum,

rum, dimensiones, & sumptus in ejus Libris relati :
 Expensæ canonizationis Divi Peregrini : Onus manu-
 rentionis Sacelli per Administratores Capitalium canoni-
 zationis assumptum : Publici Stemmatis existentia in
 splendidiori illius loco : Sacrarum Functionum directio,
 & oblationum administratio : Ac licentia tandem data Vi-
 viano Bonaccorsi de nova construenda Urna procurato-
 rio nomine Communitatis.

Ex his omnibus Patronatum desumit Communitas ex funda-
 tione, & dotatione, deindeque concludit, nedum ei = in
 sequelam Jurispatronatus deberi retentionem clavium Ec-
 clesiæ Patronalis = sed clavium etiam = SS. Reliquiarum,
 Imaginum, Oblationum, & Elæmosynarum, quæ ipsis
 Imaginibus fiunt = ut inquit Fagn. de Jurepatr. part. 1.
 can. 4. cas. 6. num. 6. Canonicae enim non vetant Leges,
 quin unam, vel plures SS. Reliquiarum claves Patroni
 laici retineant, Monacell. Form. legal. part. 1. form. 5.
 num. 39., Ross. de Sodalit. quæst. 20. num. 2., Torr. de
 pact. futur. success. lib. 3. cap. 1, num. 318., & Barbos. in
 Summ. Apost. Dec. collect. 646. num. 9.

Plura hinc addit de consuetudine, ex qua jus etiam Patro-
 nis laicis quæritur retinendi SS. Reliquiarum claves; ut
 notat Folium diei 11. Septembris 1784., ac tradunt Pax
 Jordan. elucubrat. div. lib. 7. tit. 1. num. 129. tom. 2. Scar-
 phant. ad Ceccoper. Elucubr. Can. lib. 3. tit. 12., & Card.
 de Luc. in Miscell. disc. 35. num. 10. Maxime si de Reli-
 quiis agatur Patroni Civitatis, ut est Divus Peregrinus,
 Pax Jordan. loc. cit. vers. sed in his. Boss. de Sodalit. d.
 quæst. 20. num. 2. Primum consuetudinis argumentum est
 enunciativa ipsius Communitatis. In Comitibus enim an-
 ni 1645. conquesti fuerunt Consilarii de tentata eorum
 clavis usurpatione. Facultas accedit, data Medico Anto-
 nio Laziosi, retinendi eam clavem nomine Communita-
 tis. Bini rursus canonizationis, alique accedunt Testes,
 de perpetua illius existentia apud Communitatem depo-
 nentes. Sacrae item annorum 1607., & 1713. Visitatio-
 nes, in quibus clavem illam adhibuerunt Episcopi. Ac
 similis tandem casus anni 1671., quo clar. mem. Cardi-
 nalis Raddus Æmiliæ Legatus ad invisendum S. Peregrini
 Corpus eandem a Communitate postulavit clavem = per
 non pregiudicare al possesso, in cui si trova il Pubblico di
 far aprire, e serrar la Ferrata = Ad hanc autem confir-
 mandam observantiam, plura memorat Communitas alia-
 rum Civitatum Status Ecclesiastici exempla.

Tangit quidem hujusmodi observantia clavem, quæ ferream antiquæ Urnæ cratem referabat; sed Testibus probat Communitas, eodem loco esse ligneas novæ Urnæ Ribaltas, ac erat ferrea crates, æque scilicet per eas exteriorem Urnæ partem custodiri. Si enlm Communitatis clavis ad interiorem pertinuisset partem, in qua Sacra Divi Peregrini Lipsana servantur, jam inutile fuisset ferrum; quum perpetuo occlusus, sigillisque munitus sit Sarcophagus. Verisimillimum ergo, inquit Communitas, quod exteriorem ad invisendam interiorem referaret Custodiam. Atque hinc concludit, permittendam sibi esse clavem, quæ diversa sit ab illa, quam habet PP, Servitæ, idonea tamen ad utramque referendam interiorem, & exteriorem Ribaltam.

Despicienda autem non sunt, quæ alia ex parte deducuntur. Expressa Communitati adversatur Sacræ Congregationis Episcoporum, & Regularium Lex, quam refert *Pignatell. consult. 50. num. 7. tom. 1.*, quod nempe = *Claves Reliquiarum, quæ sunt in Ecclesiis Regularium, non debent remanere apud Seculares, licet Dominos Cappellarum, ubi custodiuntur* = Una huic Legi est limitatio, si = *Laici ex consuetudine Claves retinerent per modum simplicis custodiæ, & assistentiæ* = ut per hæc verba, notat *Scarphant. ad Ceccoper. elucubr. Can. lib. 3. tit. 12.* Prætersum ergo Cappellæ S. Peregrini Juspatronatus nullum Communitati tribuere valet jus retinendi illius Sarcophagi claves, quæ Laicis omnibus Cappellarum dominis indefinite prohibentur; sed una ei prodesse posset legitima consuetudo, quæ exteriores respiceret Ribaltas.

Pluribus tamen PP. Servitæ & Patronarum, & consuetudinem excludunt. Ex duplici, ut diximus, titulo Patronatum Cappellæ S. Peregrini desumit Communitas, ex *foundatione* scilicet, & *dotatione*. Valde adversus priorem *foundationis* titulum urget, quod constructa fuerit Cappella ex liberalibus Forolivienfium Civium elemosynis, ut Communitas ipsa fatetur. Quæri profecto non potuit Communitati ex alienis largitionibus Juspatronatus, quod nec ipsis Largitoribus Jura permittunt, *Vivian. de Jurepatr. art. 1. lib. 1. cap. 2. num. 58.*, *Panimoll. decis. 9. num. 12. & seqq.*, & *Rot. in Æfina Manutentionis super bono jure 11. Junii 1781. §. 4. coram R. P. D. Flangini*, quæ in simillimo casu definivit = *Nullum Communitati (Moscianni) quæsitum esse Ædiculæ Juspatronatus: Nam qui Ecclesiam, seu Cappellam ædificat piis oblationibus non suis, sed alienis, is de Ecclesiastica pecu-*

culis ædificat , proptereaue ex ea constructione in illa Ecclesia , in illa Cappella nullum prorsus Juspatronatus eidem acquiritur .

Facile hinc intelligitur , quo se referant mandatum ædificandi , dimensiones , sumptus , Sacrarum Functionum directio , oblationum administratio , quæ in signum Jurispatronatus Communitas extollit; simplicem scilicet innuunt eleemosynarum curam pro recta illarum erogatione . Supplicum vero Libellorum enunciativæ de constructa Communitatis sumptibus Cappella , & licentia data Viviano Bonaccorsi de construenda ipsius Communitatis nomine nova Urna , probare nequeunt Juspatronatus ex fundatione favore ejusdem Communitatis , a qua profiscuntur *Surd. decis. 104. num. 2. & 3. , & Rot. cor. Ansfald. decij. 262. num. 31.*

Traduci item non posse videntur ad *dotationem* Sacelli onus ejus manutentionis per Administratores Capitalium canonizationis assumptum , ac ipsius canonizationis expensæ . Nil enim horum tribui valet Communitati , sed piis Fidelium eleemosynis, ex quibus Capitalia illa , & expensæ expletæ fuerunt . Si quid vero Communitas rependit pro canonizatione , non acquirendi Juspatronatus animo , sed ex mera erga Sanctum Peregrinum devotione contribuisset, censetur . Publici tandem Stemmatis existentia in Sacello ad simplicem potius referri debet Communitatis honorem , quam ad ejus Patronatum , de quo aliunde neque *ex fundatione* , neque *ex dotatione* constat , *Rot. in cit. Æsna Manutentionis §. 4. coram Flangini .*

Post prætensum Communitatis Patronatum transeunt PP. Servitæ ad consuetudinem , quæ una ex limitatione Decreti Sacræ Congregationis Episcoporum , & Regularium ei prodesse posset . Ultro siquidem fatetur Communitas , controversam non habuisse clavem ab anno 1744., quo nova constructa fuit Urna, ad annum 1774. quo instituta fuit lis . Novissima igitur hæc *triginta* annorum consuetudo PP. Servitis favet . Quoad antiquiora vero tempora non parum quoque eis favent Acta translationis Sacri Corporis a veteri ad novum Sacellum , aliaque solemnis ejus recognitionis expletæ anno 1755., nam solæ in utroque actu adhibitæ fuerunt illorum claves ad exteriorem referendam Urnam . Solemnis quoque urget depositio alterius ex Testibus canonizationis qui hoc ipsum de visu deposuit ; aliorumque urgent Testium dicta .

Singula tandem expendunt Patres contrariæ consuetudinis argumenta, atque ex ipsis Communitatis juribus demonstrant, permissam eidumtaxat fuisse alteram ex clavibus interioris Urnæ, ut cum aliis etiam Devotis servatum fuit, numquam vero alteram exterioris Custodiæ, quam vocant *Ribalta*; quum absurdum esset, ut in frequentibus ejus relevationis actibus quæritari deberet illius clavis.

Resumpto igitur Folio diei 11. Septembris 1784., respondere dignentur EE. Vestræ.

An sit standum in primo, vel secundo loco decisio quoad primum Dubium in casu &c.

In secundo loco decisio, & amplius.

*Sess. 22. cap. 6.
& Sess. 25. cap.
4. de Reform.*

BONONIEN. COMMUTATIONIS VOLUNTATIS, ET TRANSACTIONIS. Ad primum hujus Causæ Dubium = *An sit locus commutationi voluntatis, ita ut sit confirmanda Transactio in casu &c.* = responderunt EE. Vestræ sub die 17. Junii superioris anni = *Affirmative, dempta suppressione tertiæ Mansionariæ* = Ad secundum vero = *An, quomodo, & a quibus subeundæ sint expensæ pro consicienda Transactioe, ac obtinenda voluntatis commutatione usque ad plenam illius executionem in casu &c.* = rescripserunt = *expensas omnes subeundas ex fructibus decursis, & deinde a Beneficiis erigendis prout de Jure* = Ab utroque nunc Transigentes provocant Rescripto.

Quoad primum, extenuare student annuos Canonicatus, & Mansionariarum Reditus arithmetica demonstratione. Dos, inquiunt, Canonicatus librarum est 11000., seu scutorum 2200., & consistit in Prædio valoris librarum 2039., ac pro reliqua summa in tot Domibus. Ducto autem respectu Prædii calculo ad taxam legalem scutorum quatuor in singula centum, & scutorum duorum quoad Domos, annuus emergit Reditus scut. 51. 24., ex quibus detracta Missarum eleemosyna, aliisque oneribus, vix reliqua sunt Canonico scuta 13., & obol. 76. Eademque calculandi ratione annum cujusque Mansionariæ Reditum statuunt in scutis triginta, seu detractis oneribus, in scutis 14. 40.

Atque hinc concludunt, quod attenta hujusmodi Redituum insufficientia pro decenti Mansionariorum, & Canonici manutentione, necessaria sit tertiæ Mansionariæ suppressio ad formam Transactionis, ita ut justa concurrat

commutandæ voluntatis causa, *Barbos. de Offic. , & postest. Episc. , part. 3. alleg. 66. num. 15. Farg. de Jurepatr. part. 5. can. 9. cas. 1. num. 19. , Ceccoper. elucubrat. Can. lib. 3. tit. 3. num. 65. , Amostaz. de Caus. Pii cap. 14. num. 32. , & Sac. hæc Congregatio in Clusina Commutationis Beneficii 31. Julii 1751. Neque supplementum esse , ajunt , ex reliquis hereditariis Bonis , propterea quod Dotes Canoniciatus , & Mansionariarum assignatæ sunt *taxative* , in certa scilicet summa librarum 11000. pro Canonatu , & librarum 5000. pro qualibet Mansionaria , *Benedict. XIV. de Synod. Diæces. lib. 13. cap. ult. num. 32. , & Sac. Congregatio in Nepestina Reductionis Missarum 15. Februarii 1772. .**

Quo vero ad secundum Rescriptum , relicere conantur Oratores in erigenda Beneficia onus expensarum Transactionis ad levandam benemeritam Testatoris Viduam . Quanti autem facienda sint , quæ fusiori calamo dicturi erunt , assueta maturitate Eminentissimi Patres dijudicabunt . Prætereundum tamen non est , quod posita etiam asserta Redituum tenuitate , præmatura forsitan censeri debet tertiæ Mansionariæ suppressio donec non constituerit , nullos esse Sacerdotes , qui tenues optent Præbendas , quodque agit Vidua de lucro captando , dum expensarum Transactionis onus recusat .

Respondere igitur dignentur Eminentissimi Patres ad primum , & secundum Dubium =

An sit standum , vel recedendum a decis. in casu &c.

Non proposita cum sequentibus .

ALEXANDRINA . Sacerdos Stephanus Joseph Chiodi hæredem instituit anno 1749. Animam suam , mandavitque erectionem simplicis Beneficii in Parochiali Ecclesia S. Laurentii Oppidi Gamalerii , quod sua primum nominatione detulit Bernardino Rescia ejus ex Sorore nepoti , deindeque a reliquis Sororum Descendentibus masculis , & fæminis ex ordine conferri voluit . Hæc autem Beneficiato imposuit onera . Quotidianum Sacrum cum manuali eleemosyna solidorum 13. , & denariorum 4. monetæ Pedemontanæ , seu *Julii unius cum triente* monetæ Romanæ . Constructio Sacelli sub invocatione Sancti Stephani , ejusque dotatio . Ac tot ex reliquis Reditibus Defunctorum Officia , in quibus solemnem canere deberet Missam Archipresbyter Loci cum solita eleemosyna ;

Sess. 25. cap. 4. de Reform.

na ; ceterique interessentes Presbyteri Sacrum cum manuali .

Post diuturnam hujusce voluntatis executionem duo nunc Sacerdos Rescia postulat , mercedem nempe laborum , quos tot annorum spatium in recta Bonorum Beneficii administratione , & in ædificatione Cappellæ impendit , ac reductionem Missarum ad taxam perpetuæ . Utrique instantiæ favet Episcopus . Oratoris diligentiam in curandis Beneficii Bonis commendat , ac æquitati consonum censet , aliquam ei = *pro laboribus , incommodis , & impensis factis compensationem tribuere , Fundatoris avunculi mentem benigne interpretando , qui si futuros eventus prævidere potuisset , pie credendum est , æquius Beneficiario Nepoti , eique vel maxime fortunæ Bonis parum iustru-cto fuisse consulturum* = Quid in hanc causam decerni posset , exemplo ostendit Villici . cui in ea Regione annua præstantur Frumenti modia duodecim , quæ valorem scutorum quatuor attingunt ; sed minorem arbitratur taxandam esse summam = *quia tot annorum decursu Orator ejusmodi compensationem , ut ut æquam pro multiplicatis Fundatoris Animæ , cura & labore suo , suffagiis , sibi assignari nusquam antea petiit* = .

Quo vero ad reductionem Missarum , æquum pariter dicit = *Beneficiarium , aliis gravatum oneribus , nec nisi cum impendio in Beneficii possessionem immissum , aliquid amplius ex ejusdem Beneficii fructibus sibi sumere , quam simplicem , seu manualement Missæ stipem , qualem alter quivis Sacerdos vel ex Legato , vel ex Fidelium oblatione perciperet* = Similes fecisse affirmat Missarum reductiones ad taxam perpetuæ juliorum duorum ex quinquennali Indulto San. Mem. Clementis XIII. , ac liquidata Redituum Beneficii summa , realibus detractis oneribus in annuis libris 329. , seu scutis 65. , & ob. 80. , concludit , quod = *posita moderatione , quam Orator postulat , superessent Missæ 329. circiter quotannis pro Fundatoris Anima celebrandæ* = .

Petitæ laborum compensationi exploratissima resistit Juris dispositio . Comparatur enim Beneficiatus usufructuario , Cap. Præsenti 9. de Offic. Ordinar. , & Cap. Si quis 6. de Pecul. Cleric. , ejusque instar administrare tenetur Beneficii Bona absque mercede , Lotter. de Re Benefic. lib. 1. quæst. 3. num. 12. Si proprii ergo Beneficii Bona Sacerdos Rescia curavit , suo quidem muneri satisfecit , nec quicquam pro impensis laboribus consequi debet .

Neque Oratoris cura , & sollicitudo pro constructione Sacel-
li,

li, & jusque instructione, & dotatione compensationem merentur. Hæc namque onera infixa fuerunt Beneficio, ejusque partem ex voluntate Testatoris constituiebant. Dum ea igitur per acceptationem Beneficii assumpsit Orator, jam ex ipsa Beneficii possessione congruam habuit compensationem, nec aliam pro illorum adimplemento consequi debet mercedem, *Rot. post Zacch. de Salar. dec. 1. num. 16. & seq.* Maxime, quia suæ forsan obligationis conscius, diuturno triginta annorum spatio tacuit, nilque unquam pro administratione postulavit. Quanti siquidem facienda sit hujusmodi observantia dispositioni Juris consentanea, opportune docent *Abb. in Cap. Auditis num. 15. de Præscript. Gratian. discept. 546. num. 48. Valent. de Re Eccles. discept. 2. num. 53.*

Missarum quoque reductioni expressa adversatur Testatoris voluntas. Illarum enim numerum, ac eleemosynam statuit; neque imminuti sunt Beneficii fructus, unde justa de causa reducantur, *Monacell. Formul. legal. 19. tit. 20. part. 1. num. 25. & Sac. hæc Congregatio in Senogallien. Reductionis 10. Maii 1783.* Perpetuitas Legati eleemosynam exigeret ad taxam perpetuæ juxta notissima Urbani VIII., & Innocentii XII. Decreta, & Concilium Romanum Benedicti XIII., sed ejus obstat acceptatio, & longæva triginta annorum executio, *Sac. Congregatio in Anagnina Reductionis Missarum 9. Aprilis 1783.*

Recte tamen Episcopus monet, nullos pene esse Sacerdotes, qui Sacrum pro simplici manuali celebrare, ac Defunctorum Officium rectare velint: Hæc sunt ejus verba = *Ex eo, quod superfuit, curavit (Orator) ab aliis Sacerdotibus Missas celebrari, & a Parocho Officia, Missasque de Requiem decantari, quibus ipse quidem interfuit cum quibusdam Laicis, ut plurimum pueris, ipsius hortatu convenientibus, raro tamen Loci Presbyteri, quos frustra Testator sibi blanditus est, sola proposita Missæ stipe ad hujusmodi supererogationis opus pro Festis diebus exemplandum properaturos =.*

Quo igitur ab EE. Vestris queruntur,

I. An, a quo tempore, & in qua summa sit locus compensationi in casu &c.

II. An, & quomodo sit locus reductioni Missarum in casu &c.

PLACENTINA JUBILATIONIS. Post exactum quædragenarium servitium Chori, jubilationis indultum postulat Comes Christopharus Nicelli Placentinæ Cathedralis.

Sess. 24. cap. 12. de Reform.

dralis Canonicus annorum 70. Continuum affirmat Episcopus diurnum ejus servitium, non ita tamen nocturnum. Ducto enim punctatofarum calculo, ad trigefimum quartum ascendunt numerum in singulos annos. His non obstantibus fallentis, libenter petitiæ jubilationi assentitur Capitulum, ingenueque fatetur Episcopus = *Gratiæ largitionem admodum gratam, & mihi futuram. Nam præterquamquod Orator ante annum 1746. huic Ecclesiæ tanquam Coadjutor per quinquennium absque ulla fallentia laudabiliter deservivit diu noctuque, Vlr est optimis moribus præditus, veraque pietate, religione, atque integritate præfulgens* =

Et si Sac. Concilium Tridentinum Sess. 24. cap. 12. de Reformat. improbare videatur Canonicorum exemptiones a Choralis servitio, eas tamen tolerandas esse rescripsit Gregorius XIII. in Causa Compostellana post servitium quadragenarium, juxta Cap. unic. de Cleric. non residentibus in sexto, ab eoque tempore Sac. hæc Congregatio jubilationis indultum concedere consuevit, ut in Civitatis Castellane 20. Septembris 1766. At continuo deficiente servitio, non negavit modo, sed concessum etiam indultum rescidit, ut in Constantien. 4. Maii 1737.

Juxta constantem hanc Sac. Congregationis praxim, concedenda non esset jubilationis Oratori, qui sæpe in nocturno servitio defecit. Ex pluribus tamen EE. Vestrarum indulgentiam mereri videtur. Nocturnæ siquidem ejus fallentiæ a quinquennali compensantur servitio, quod diu noctuque ante annum 1746. tanquam Coadjutor præstitit. Non raro enim Sac. hæc Congregatio jubilationis indultum per conjunctionem temporum concessit. Ita in Bergomen. Jubilationis proposita die 4. Julii, & resoluta die 8. Augusti 1716. lib. Decretorum 66., & in Asten. Jubilationis 26. Augusti 1780. Consensus accedit Capituli, qui proniorem reddidit Sac. Congregationem ad concedendam jubilationis gratiam in Civitatis Plebis Jubilationis 23. Novembris 1782. Senilis insuper Oratoris ætas, optimique ejus mores. Ac enixa tandem Episcopi vota, quæ plurimi Sac. Congregatio in gravioribus etiam negotiis facere consuevit, ac præsertim in Panormitana, relata in Folio diei 23. Martii, ac resoluta die 27. Aprilis 1765.

Dubium est

An sit concedendum indultum jubilationis in casu &c.

*Die Sabbathi 18. Augusti 1787. in Pala-
tio Apostolico Quirinali erit Sacra Con-
gregatio Concilij , in qua præter alia
proponentur infra scripta Dubia, juxta
morem ejusdem Sacræ Congregationis
de jure resolvenda.*

P Riores tres sequentes Causæ ex præcedenti superfue-
runt Folio .

*Sess. 22. cap. 6.
Sess. 25. cap. 4.
de Reform.*

B ONONIEN. COMMUTATIONIS VOLUNTA-
TIS .

An sit standum , vel recedendum a decisis in casu &c.

Ad I. , & II. In Decisis :

A LEXANDRINA :

I. *An , a quo tempore , & in qua summa sit locus compensa-
tioni in casu &c.*

*Sess. 25. cap. 4.
de Reform.*

II. *An, & quomodo sit locus reductioni Missarum in casu &c.*

Ad I. Negativè in omnibus .

Ad II. Affirmativè ad Taxam perpetuæ .

P LACENTINA JUBILATIONIS :

An sit concedendum Indultum jubilationis in casu &c.

*Sess. 24. cap. 12.
de Reform.*

Affirmativè .

Sefs. 14. cap. 2.,
& 7. Sefs. 21.
cap. 2. Sefs. 23.
cap. 14. de Ref.

VISEN. DISPENSATIONIS AB IRREGULARI-
TATE. Relata fuit Causa ista in Folio diei 11. Sep-
tembris 1784. sub Dubio = *An sit locus dispensationi in ca-
su &c.* = prodiitque in sequenti Congregatione Rescri-
ptum = *Negative* = Triennio elapso, Romam Orator ve-
nit, iterumque EE. Vestras rogat pro dispensatione.
Tres sunt irregularitatis, & suspensionis, de quibus
agitur, causæ. Pugnavit Orator in bello: Sacerdotium
per saltum, omisso Subdiaconatu, & Diaconatu, emen-
titisque sui Ordinarii Litteris suscepit: Idque absque Pa-
trimonio Sacro. Quid de tribus hisce criminibus Cano-
nica disponant Jura, fuse lateque refert Folium 11. Sep-
tembris 1784. Constanti tamen animo in novissimis Pre-
cibus sub promissione solemnisi juramenti affirmat Ora-
tor, nunquam se Sacrum celebrasse, quod absque inex-
cusabili obreptionis vitio asserere non posset, Sacroque
Patrimonio provisum esse, de quo testatur etiam Episco-
pus.

Ex prima dumtaxat causa inducta est irregularitas, quum
inverisimile sit, pugnantem in bello neminem occidisse,
vel mutilasse: ex reliquis suspensio. In simplicem profecto
suspensionem incidit promotus ad Sacros Ordines per
saltum, dummodo non celebraverit Sacra, ut nunquam
celebrasse asserit Orator, *Sacrum Concil. Triden. Sefs. 23.
cap. 14. de Reform.* In suspensionem ordinatus cum falsis
Ordinari Litteris, *Sefs. 14. cap. 2.* In suspensionem ordi-
natus absque Patrimonio Sacro, *Sefs. 21. cap. 2.* Missis
igitur, quæ respectu ad suspensionem in præterito Fo-
lio notantur. benignè EE. Vestræ quoad irregularitatem
advertere dignentur, novem ab assumpto Sacerdotio ela-
pso esse annos: non dubia resipiscentiæ signa Oratorem
dedisse: Sanctuaria Urbis peregrinatum esse; ipsumque
pro eo Episcopum in tertiis Testimonialibus in hæc verba
orare = *super qua (dispensatione) Nos etiam Sacram hanc
Concilii Congregationem oramus, & enixe supplicamus =*
Similem aliis, qui bella gesserunt, dispensationem indulsit
Sacra Congregatio in Zagabrien. *Dispensationis super ir-
regularitate 7. Novembris 1685. lib. 35. Decretor. pag. 451.
& in Salisburgen. Irregularitatis 14. Maii 1689. lib. 39.
Decret. pag. 161.* Eandemque indulgentiam in diversis irre-
gularitatibus post diuturnam poenitentiam adhibuit in
Senogallien. *Irregularitatis 18. Junii 1785.*, ad effusas
præsertim Episcopi preces, ut in *Consentina Irregulari-
tatis 20. Martii elapsi anni.*

Resumpto igitur Folio 11. Septembris 1784., dignentur

Emi Patres decernere

Au sit standum, vel recedendum a decisio in casu &c.

Expectet.

FIRMANA ERECTIONIS. Ad præcidendas lites, quæ diu multumque inter Collegiatas Ecclesias S. Donati, ac SS. Petri, & Pauli Montis Ulmi, earumque Parochos maximo cum scandalo fuerant, de uno alteri uniendo Capitulo deliberarunt Capitulares, initamque *Sanctissimus Dominus Noster* Concordiam labente anno 1778. *Motu proprio* confirmavit. Hæ autem præcipuæ fuerunt unionis leges. Qui Parochus, seu Archipresbyter erat S. Donati, factus est Præpositus, ac prima Dignitas Sanctorum Petri, & Pauli cum integra Animarum cura, & onere retinendi = *ultra proprios Coadjutores, quos pro exercitio Curæ hujusmodi de præsentī habet, alium Prebbyterum, Vicarium nuncupandum, ab Ordinario Locī prius examinandum, & ad hujusmodi Curam exercendam approbandum* = eique hac de causa addicta fuit = *la Casa, o Case Parochiali de' SS. Pietro, e Paolo con Orto, ed altri Comunali annessi* = nec non = *annua scuta viginti supra alios Beneficiatos* = ac tandem = *le Decime tutte, Fuenerali, ed altri soliti incerti appartenenti alla Chiesa, e Capitolo de' SS. Pietro, e Paolo* = Parochus vero SS. Petri, & Pauli, qui Præposituram obtinuerat, secundam Archidiaconatus Dignitatem sine Cura occupavit. Proprii utrique relictī fuerunt Reditus per hæc verba = *Il Signor Preposto Rioli da denominarsi Arcidiacono debba rimanere nel suo pieno possesso di quanto gli viene assegnato nelle Bolle di erezione, e Coadjutoria, e lo stesso s'intenda de i Beni spettanti al Signor Arciprete* =.

*Sess. 21. cap. 4.
& Sess. 24. cap.
15. de Reform.*

In exequutionem igitur Pontificii *Motus proprii* omnia Archiepiscopus per decretum Sacræ Visitationis delevit Parochialia signa, omnesque Parochiales functiones in Ecclesia S. Donati interdixit, jamque optata pax sub uno Parocho restituta videbatur. Quum primum vero ad Præposituram ascendit Sacerdos Nicolaus Barba, queri apud EE. Vestras ceperunt Oppidani, quod Coadjutorum numerum in *Motu proprio* præfinitum non retineret, vixque unius quandoque, & alterius Canonici operaretur. Contrarium tamen Firmanus retulit Antistes

die 7. Septembris elapsi anni, conclusitque = *nihil esse*, quod rectam Animarum curam dedeceat, quodque idcirco ullam provisionem reposcat = Proponi debuisset. Causa in hoc Sacro Consequenti ex Rescripto diei 9. ejusdem mensis = Ponatur in Folio, ac disputetur Dubium = *An Coadjutores Præpositi possint esse Canonici Chori servitio addicti* = Sed ea usque adhuc suspensa, gravior cum Præposito orta est controversia.

Ad deponendum Coadjutorum onus, Sanctissimum rogavit, ut binas erigere dignaretur perpetuas Vicarias, alteram per suppressionem Canoniciatus de suo Jurepatronatu in Ecclesia Sancti Donati, & alteram in Ecclesia Sancti Augustini per suppressionem Capellanix erectæ in suburbana Ecclesia Sanctæ Mariæ del Paradiso de Jurepatronatu Communitatis. Instantiam, audito Archiepiscopo, ad Sacram hanc Congregationem remisit Emissus Pro-Datarius pro voto. Hæc vero Archiepiscopus, inauditis contra mandata interesse habentibus, post mensem ab altera Informatione, ad Sac. Congregationem data, die scilicet 26. Octobris, ad Emissum Pro-Datarium retulerat. Advertisse, aiebat, in Sacra Visitatione = *con mio rincrescimento, che per gli accennati motivi non erano le Anime assistite a sufficienza* = neque per erectionem suburbanæ Parochiæ in Ecclesia S. Mariæ di Passigliano amotum fuisse = *il preciso bisogno, che tutt' ora vi è di maggiori provvedimenti* = Valde idcirco Vicariorum erectionem commendabat, nullique per suppressionem Canoniciatus, & Capellanix præjudicium irrogari arbitrabatur. Alter enim ad ipsum pertinet Oratorem = *e non si fa alcun danno al Capitolo colla soppressione di questo Canonicato; poiche vi rimangono ventisette Soggetti al servizio del Coro* =, & altera cum majori Communitatis decore in perpetuam erigeretur Vicariam = *giacche la nomina ad una Vicaria Curata è più valutabile di quella di una semplice Cappellania* =.

Pro erigenda Vicaria S. Donati sufficientes dicebat Reditus Canoniciatus in annua summa scutorum 150. = *uniti agli emolumenti minori di Stola* = levique immutatione adimpleri per Vicarium posse, quæ Canonico incumbunt. Audire tenetur Canonicus Sacramentales Confessiones, ac hebdomadales celebrare Missas quinque, comprehensis diebus Festis, Sanctorum præsertim Philippi Neri, & Donati, cum anniversario Fundatoris die. Quoad celebrationem igitur Missarum proponebat = *o sostituire* die-

[diebus Festis] *la Messa Parochiale, o differirne la celebrazione ad altro giorno susseguente* = . Reliqua enim onera commodè etiam Vicarius adimplere potest . Quo vero ad Vicariam S. Augustini , satis pro Congrua Vicarii esse autumabat Capellanix fructus in annuis scutis 70. ; cum aliis scutis 30. a Præposito oblati = *e ciò, che può ri sultare dagli emolumenti della Stola* = nullamque esse , si celebrationis locum excipias , immutationem onerum . Ad bina Cappellanus tenetur hebdomadalia Sacra , alterum Feria tertia , & alterum die Sabbathi . Hæc Vicarius quoque S. Augustini celebrare posset ; quum diebus tantum Festis offerre debeat Parochus Missam pro Populo . Atque hinc concludebat Archiepiscopus = *assicuro in Domino l' E. V. , che non v'è altro mezzo , e rimedio per riparare al disordine spirituale di quelle Anime , se non se la progettata erezione delle due Vicariæ* = Pro prætensa itaque Vicariarum erectione certat Præpositus , acriterque ei obstant Communitas , & Capitulum Montis Ulmi , licet nondum eorum alterum jura sua deduxerit .

Quemadmodum uniri valent Parochiæ ex necessitate , *Cap. Exposuisti de Præben. ,* ita ex eadem causa dissolvi , ut aliæ erigantur , *Cap. Ad audientiam .3 de Eccles. ædifican.* Potissima autem erectionis Vicariarum ratio in angustia constituitur Ecclesiæ SS. Petri , & Pauli , in qua Periti Geometræ judicio vix ex quatuor mille Parochianis stare possunt recti 1890. , ac genibus innixi nongenti . Cogitatum quidem fuit de ea amplianda ; sed prægravi scutorum septem millium sumptu , de quo accuratè retulit Architectus Capituli , neglectum est Opus . Aliter ergo spiritali Parochianorum bono ex sententia Archiepiscopi consuli nequit , quam per erectionem Vicariarum . Eam autem faciendam esse contendit Præpositus per suppressionem Canonatus , & Capellanix , nec quicquam aliud ultra annuam summam scutorum 30. detrahi posse ex fructibus Præposituræ , qui testimonio Archiepiscopi , tum certi , cum incerti , annua non excedunt scuta 197 .

Maximam rei difficultatem ingerit interesse habentium dissensus . Ad eam igitur solvendam hæc Præpositus habet . Nulli , inquit , per suppressionem Canonatus infertur præjudicium , quum de suo sit Jurepatronatu , & ad quinquennium vacet ex Rescripto *Sanctissimi* , ut ejus fructus pro ædificio Ecclesiæ cumulentur . Decrescit quidem Canoniceorum numerus ; sed reliqui sunt pro Choralis servitio viginti septem ; Intacta vero erunt illius onera = *non so.*

solo per rapporto all' obbligo di confessare , cui dà ragione saranno tenuti li Vicarij , ma ache in ordine alli pesti di cinque Messe per Settimana , che il Testatore prescrive = ut per hæc verba moner Archiepiscopus .

Neque per suppressionem Capellanix detrimentum ullum Communitati . Honorificentius enim habebit Juspatronatus perpetuæ Vicariæ , cui ampliores etiam erunt Reditus . Levis autem onerum immutatio , quam proponit Archiepiscopus . Si utriusque ergo Beneficii suppressio nullum affert interesse habentibus damnum , ac utilis contra est universo Populo , jam in sensu Præpositi irrationabilis est illorum contradictio , eorumque consensus ab EE. VV. suppleri potest , Cap. *Ad audientiam in fin. de Eccles. ædifican.* , Barbos. *de Potest. Episc. part. 3. allegat. 83. num. 6.* , Lotter. *de Re Benefic. lib. 1. quæst. 28. numer. 10.* Maxime , quia præsumpta accedit Fundatorum voluntas . Facile enim , si viverent , necessariæ eorum voluntatis commutationi in præmissis circumstantiis assentirentur , Cap. *Pervenit de Jurepatr.* , & *Clement. Quia contingit de Religios. Domib.* , Amost. *de Caus. Piiis lib. 1. cap. 14. num. 12.* Plura tandem addit Præpositus de suorum Redituum tenuitate , ut ampliandæ Ecclesiæ onus a se abiciat .

Animadversione tamen digna sunt , quæ ad impediendam Vicariarum erectionem Communitas deducit , ac deducere potest Capitulum . Præ omnibus miratur Communitas , quod eadem ipsa SS. Petri , & Pauli Ecclesia , quam utrique Parochi , & Capitulares transigentes ad universum excipiendum Populum idoneam censuerunt , talis amplius non sit post paucos annos a Paræciarum unione . Reque vera nil Archiepiscopus de illius angustia ad Sacram hanc Congregationem retulit die 7. Septembris elapsi anni , licet opportuna esset occasio , expressisque verbis testatus fuit = *nihil esse , quod rectam Animarum curam dedecet , quodque idcirco ullam provisionem reposcat* = Non immerito insuper advertit , unam e duabus , ad removendam litium , dissensionum , & scandali causam , constitutam fuisse Parochiam ; non duas modo , sed tres , & si altera addatur S. Mariæ di *Pacigliano* , quatuor vix pacatis animis constitui velle .

Talis de cetero non est angustia Ecclesiæ SS. Petri , & Pauli , ut petitam Vicariarum erectionem suadeat . Commode siquidem in ea , Geometrix judicio , stare possunt = *in ginocchio Persone novecento circa* = Angusta autem di-

cl nequit Ecclesia, quæ quartam fere capit Populi partem, quum non omnes ibi eodem tempore conveniant. Aliæ profectò in Oppido Montis Ulmi frequentantur Ecclesiæ, ac illa præsertim S. Donati, in qua, ut plures deponunt Testes = *ogni giorno festivo da due Sacerdoti ivi addetti si tiene occupato il Popolo per buona parte della mattina in molte opere di pietà, e segnatamente nella spiegazione del Vangelo* = Et hac de causa Ecclesia SS. Petri, & Pauli in qualibet etiam extraordinaria solemnitate dimidio vacua esse consuevit, ut aliorum testimonio probat Communitas. At posita etiam illius angustia, haud inde tamen sequitur, quod dividenda sit Parochia, quum = *per novam ædificationem, aut ampliationem Ecclesiæ possit his difficultatibus occurrere* = ut monet Lotter. de Re Benefic. lib. 1. quæst. 28. nùm. 29. & seqq.

Facillima autem esset d. Ecclesiæ ampliatio, si fieret, juxta Populi vota, in eadem Area, ut referunt Periti Architecti, & ichnographica pandit eorum descriptio, neque opus esset, ut publica etiam ad mentem Præpositi occuparetur Platea. Nec multum fortasse, si credendum est assertioni Communitatis, laborandum pro necessario sumptu. Existit vacui Canonicatus cumulus. Scuta 300. offert Jacobus Costa: Redundantes ejus Reditus per annos quindecim despondit Societas SS. Sacramenti, & scuta quingenta Societas SS. Salvatoris, pluraque ex conventionem inita cum ejus Decessore habet Præpositus Cæmenta, ultra summam scutorum 160., quam consequutus per concordiam fuit anno 1780. ab ejus hæreditate.

Licet vero iusta concurreret erigendarum Vicariorum causa, fieri tamen deberet erectio, non per suppressionem Canonicatus, & Capellanix, sed ex fructibus Præposituræ, ut disponit *Alexander III. in Cap. Ad audientiam de Eccles. ædifican., & Sac. Concilium Tridentin. Sess. 21. cap. 4. de Reform.* Reipsa enim fructus isti annuam attingunt summam scutorum 700. Num vero utriusque Paræclæ S. Donati, & SS. Petri, & Pauli Bona in uno coahærent Præposito, exploratum non est. Juxta unionis Bullam assumere debuissent Parochi primas Capituli Dignitates cum respectivis eorum Reditibus. Periti autem, qui de Præposituræ fructibus retulerunt, Bonorum unionem supponunt.

Ex his concludit Communitas, vel nullam esse erectionis Vicariarum necessitatem, vel eam ex fructibus Præpositu-

turæ fieri debere . Ab omni præterea Jure alienam dicitur Canonicatus , & Capellanix suppressionem absque consensu , immo cum aperto interesse habentium dissensu . Statim quoad Canonicatum pro legitimo haberi non debet consensus Præpositi . Derivant Canonicatus unitæ Ecclesiæ S. Donati a Capellaniis in ea erectis a Donato Orsetti , quarum collatio pertinebat ad illius Plebanum , cujus jura translata sunt in Præpositum , reservato Concapellanis , nunc Canonicis jure collativo , quatenus intra mensem non nominasset . Pro hoc igitur Concanonicorum interesse , ipsorum etiam requireretur consensus *Laurenn. in Jus Canon. quæst. 922. , & 954. tom. 3.*

Valdeque urget universi Capituli dissensus ; nam expresse prohibet *Sacrum Concilium Tridentinum Sess. 24. cap. 15. de Reform. ,* ne fiant in Capitulo absque ejus consensu suppressiones , *Leurenn. in Jus Canon. quæst. 970. num. 1. tom. 3.* Nec sine ratione dissentit . Quo major enim est Canonicorum numerus , eo levius est singulorum servitium . Potissimum , quia jus ad integrum Canonicorum numerum quæsit ex contractu , auctoritate Apostolica confirmato , qui absque ejus consensu dissolvi non potest *Text. in Leg. Sicut Cod. de Act. & obligat.*

Quo vero ad Capellaniam de Jurepatronatu Communitatis , exploratissimum Communitas deducit Canonici Juris interdictum , ne Beneficia de Jurepatronatu Laicorum , iis dissentientibus supprimantur , *Sac. Conc. Trident. Sess. 24. cap. 15. , Rigan. ad Regul. Cancell. 22. num. 49. tom. 2. , & Piton. de controuv. Patron. allegat. 47. n. 45.* Ac duplicem præ ceteris affert proprii dissensus rationem , alteram scilicet , quod per suppressionem Capellanix decrederet contra intentionem Fundatoris cultus B. M. Virginis del Paradiso , & alteram , quod per erectionem perpetuæ Vicariæ Curatæ libertatem amitteret nominandi simplices Clericos , ut pauperioribus succurrat Familiis . Eligi namque deberet Vicarius per examen , *Barbos. de Episcop. allegat. 60. num. 19. part. 3.*

Quatenus tamen erectionem Vicariarum demandare placeat , ex se ipsis decernere poterunt Eminentissimi Patres , nummodus ab Archiepiscopo propositus moderationem aliquam mereatur . Præ cæteris tamen permittenda potius videretur Vicario S. Donati ferialibus diebus Sacrorum celebratio , quæ ex foundatione Canonicatus fieri debet diebus Festis . quam Missæ Parochialis applicatio . Nimis enim

enim sollicita est Ecclesia de festivo Parochi Sacrificio pro Populo.

Quæritur itaque.

An sit consulendum Sanctissimo pro Gratia suppressionis vacantis Canonatus, & Capellanæ, & respectivæ erectionis duarum Vicariarum in casu &c.

Negative in omnibus, & amplius; nec non ad mentem. Mens est, quod Archiepiscopus cogat Præpositum Barba ad redditionem rationis cum interventu Deputatorum interesse habentium.

DERTHONEN. TRANSACTIONIS. Ob scissam EE. Patrum suffragia resolutum non fuit in Congregatione diei 10. Septembris 1785. originarium hujus Causæ Dubium = *An sit sustinenda Transactio, seu conventio inita de anno 1769. in casu &c.* = Sed in repropotione diei 20. Maii elapsi anni prodiit Rescriptum = *Affirmative* = Iterum nunc ad instantiam Sacerdotis Bartholomæi Cavalli Archipresbyteri S. Caloceri examini sublicitur Causa.

Sess. 6. cap. 4. de Reform. sess. 25. cap. 13. de Regular. , & cap. 6. de Reform.

Impensis hic viribus Transactionem impugnat ex defectu consensus, utilitatis, & causæ. Defecisse ait consensum Cleri, idque satis esse ad irritandum contractum Parochi, *Clement. 6. de Reb. Eccles. alienan. vel non, & Cap. Tua de his, quæ sunt a Prælat. , Leuren. Jus Canon. lib. 3. tit. 10. tom. 3. eodem tit. .* Læsam insuper autumat Ecclesiam S. Caloceri, eo quod præter facultatem benedicendi Fontem die Sabbathi Pentecostes, & administrandi Sacramenta secularibus Regularium Famulis, reliqua omnia Parochialia jura, & Functiones privative addictæ fuerunt Sacerdoti Petro Antonio Robotti Archipresbytero S. Joannis Baptistæ. Læsiva enim est Transactio, per quam plus uni, quam alteri tribuitur, *Card. de Luc. de Paroch. discurs. 26. n. 4. , & seqq. .*

Enixe demum suadere nititur, transigendi causam erroneam fuisse. Observantia siquidem, ex qua universa sibi Parochialia vindicabat jura, supposita fuit corruptela, utpote contraria Provincialibus, ac Diæcesanis Legibus, quæ potissima jura benedicendi Fontem, distribuendi Oleum Sacrum, & antepulsandi Campanas in Sabbato Majoris Hebdomadæ, addicunt Matrîci, qualis est Ecclesia S. Joannis Baptistæ. Hoc, inquit, suppositum erroneum

est; quum Ecclesia illa impropria polleat Matricitate, ac memoratæ Leges, quæ inter impropriam, & propriam non distinguunt Matricem, intelligendæ sint de propria, cui dumtaxat competit illorum jurium privativa, ut de benedictione Fontis est *Gloss. in Clement. 1. vers. Deputati de Baptism.*; *Ursaya discept. 13. num. 14. tom. 5. part. 2.*, *Franc. de Eccles. Cathedral. cap. 15. num. 168.* Impropria enim Matricitas subjectionem non inducit, *Pignatell. consult. 109. nu. 2. tom. 9.*, & *Rot. in Cassanen. Jurium Parochialium, & Præeminentiarum 6. Junii 1707.* §. *Et licet coram Caffarellio.* Plures hinc annosos producit Testes, qui de auditu etiam ab eorum Majoribus affirmant, universas semper Parochiales Functiones in Ecclesia S. Caloceri factas fuisse, ac sub ipsorum fide immemorabilem jactat, legitimamque observantiam, quæ posita, finalis corrumpit Transactionis causa.

Sedulo autem ponderanda sunt, quæ summam Archipresbyter Robotti ex præteritis suis scriptis Innuit. Res porro est de Concordia ad supprimendas lites inita, ac per Decretum Episcopi confirmata. De Concordia rursus, cui pacifica triennalis observantia, ac duplex Bobiensis Delegati, & Metropolitani Sententia majorem vim addiderunt. Ac de Concordia tandem, quæ justæ causæ innixa est, minimeque dubiam præferre videtur æquitatem. Ambo siquidem Archipresbyteri litigantes facti fuerant in Synodis, Visitationibus, & Registris, jus distribuendi Sacrum Oleum, benedicendi Fontem, & antepulsandi Campanas competere Ecclesiæ S. Joannis. Hujus tamen Ecclesiæ Archipresbyter cessit alteri S. Caloceri nedum facultatem benedicendi Fontem in Sabbatho Pentecostes, & administrandi Sacramenta Famulis Regularium, sed alteram etiam induendi Pluvialem in Congregationibus Synodalibus.

Singillatim deinde probat Robottus privativam distribuendi Sacrum Oleum ex circularibus Episcopi Litteris; nec non benedicendi Fontem in utroque Sabbatho Sancto ex Plebana Ecclesiæ S. Joannis Baptistæ qualitate, Conciliisque Provincialibus; antepulsandi Campanas ex majori ipsius Ecclesiæ Dignitate, seu impropria matricitate. Negat postremo, finalem Concordiæ causam fuisse illegitimam Archipresbyteri Cavalli observantiam, quum principalis illius finis fuerit gliscentium litium compositio. Satis de cetero non videntur ad probandam immemorabilem observantiam extrajudiciales Testes ab Archipresbytero Cavalli producti, in concursu præsertim

Synodi, Visitationum, & circularium Litterarum Epit-
 copi, ex quibus contrarium liquet :
 Respondere igitur dignentur EE. Vestræ.
An sit standum, vel recedendum a decisio in casu &c.

In Decisio, & amplius.

F AVENTINA EMPHYTEUSIS. Balthassar Carne- *Sess. 25. cap. 11.*
 vali, tanquam Rector Beneficii erecti ad Altare S. *de Reform.*
 Antonii de Padua in Parochiali Ecclesia S. Joannis Bapti-
 stæ Terræ Fusignani, concessit anno 1675. ad tertiam
 generationem masculinam, & fæmininam Ioanni Albani
 pro annuo canone scutorum sex Prædium nuncupatum
il Predazzo tornaturarum sexdecim, quod præ sterilitate,
 ac inundantibus vicini Lacus aquis, vix erat valoris scuto-
 rum centum, annuosque reddebat fructus trium scuto-
 rum, aut quatuor. Concessionem probavit san. mem.
 Clemens X. sub lege = *ut finita, & quomodolibet defi-*
ciente tertia generatione huiusmodi, prædictum Terræ
petium cum suis membris, juribus, & pertinentiis univer-
sis, nec non melioramentis, desuper pro tempore quomo-
dolibet factis, ad d. Altare, seu Beneficium pleno jure,
atque omnino libere revertatur, illique cedat absque eo
quod renovatio concessionis huiusmodi a quoquam sub quo-
vis prætextu, seu ex quacumque causa peti, vel præten-
di possit.

Extincta anno 1707. Descendentia Ioannis Albani, investi-
 turam sine Beneplacito Apostolico renovavit Rector Bar-
 tholomæus Randi favore Josephi Rasponi pro annuo ca-
 none scutorum novem, eamque nuper sub reservatio-
 ne Beneplaciti Apostolici in perpetuam immutavit an-
 no 1783. hodiernus Rector Jo. Gajani favore Raphaelis,
 & Obiti Rasponi pro annuo canone scutorum quindecim.
 At pænitentia ductus, nullam apud EE. Vestras
 utramque investituram dixit, ejusque instantiæ Faventi-
 nus favet Episcopus per hæc verba = *Agit, ut mihi vi-*
detur, solidis adeo rationibus, ut pro rescissione, & nul-
litate investituræ anni 1707., & Instrumenti 1783. ex ha-
tenus hinc inde deductis, & attentis Juris, factique par-
ticularibus circumstantiis luculentissime ab Oratore expo-

fitis, standum esse, & a Principis Sacratissimi providentia, atque EE. VV. benignitate summa, Oratoris etiam conscientiae consulendum esse juxta petita minime dubitem = Sub primo igitur ex infra scriptis Dubiis quaeritur de nullitate investiturae anni 1707., ac fructuum restitutione. De approbatione perpetuae investiturae anni 1783. in secundo.

Ad protuendam investituram anni 1707., expressam urgent Rasponii limitationem *Extravagantis Ambitosae de Reb. Eccl. non alienan.*, in qua universae Bonorum Ecclesiae alienationes sine Beneplacito Apostolico prohibentur = *præterquam de Rebus, & Bonis in Emphyteusim ab antiquo concedi solitis* = quam limitationem exornant *Piton. discept. Ecclesiast. 131. num. 23.*, & *Fulgin. de Contract. emphyteut. quæst. 9. num. 1.* Solitum autem concedendi Prædium *il Predazzo* in emphyteusim ad tertiam generationem desumit ex solemnī investitura anni 1675. favore Joannis Albani. Quamvis enim ad constituendum hujusmodi solitum duæ saltem requirantur emphyteuticæ concessionēs per quadraginta annos observatæ, *Petra ad Constit. Ambitosæ sect. 2. num. 52.*, & 53. tom. 5., hoc tamen procedit in minus solemnibus investituris; Nam una omnino sufficit, si cum Beneplacito Apostolico expleta fuerit, *Card. de Luc. de Emphyt. disc. 53. sub num. 7. §. Hinc proinde*, *Fulgin. de Contr. emphyt. quæst. 9. num. 2.*, *Piton. discept. Eccles. 153. num. 2.*

Admittunt Rasponii nullitatem secundæ investituræ, quæ Beneplacito careat Apostolico, & a prima in substantiis libus discrepet, juxta receptissimam sententiam *Petræ incit. sect. 2. num. 54.*, *Turricell. de Reb. Eccl. non alien. cap. 15. num. 18.*, & *seqq.*, & *Rot. in Romana Mantentionis 22. Martii 1776. §. 9. in fin. coram Eñno Hertzan*. Si quæ tamen in secunda ipsorum investitura anni 1707. immutatio fuit primæ, favorem, inquit, respicit Beneficii, ut augmentum canonis a scutis sex ad novem, & assumptio communitativorum onerum, magisque contractus validitatem confirmat, *Fulgin. de Contract. emphyt. quæst. 9. num. 5.*, *Mascard. de Probat. concl. 75. num. 9.* Neque eos turbat amplissima illa Clementis X. prohibitio renovandi primævam investituram. Octogenariam enim opponunt observantiam, aliudque ex ea Apostolicum Beneplacitum præsumunt.

Transeunt post hæc ad secundam primi Dubii partem, nullamque sibi esse contendunt obligationem restituendi fructus, tum quia bona possederunt fide Prædium in emphy-

emphyteusim concedi solitum, *Text. in Leg. Bonæ* 48. ff. de acquir. rer. domin.; tum quia eos fere omnes ex propriis perceperunt melioramentis, *Monoch. de recuperan. possess. Remed.* 15. num. 610., & seq., *Molin. de Contract. disp.* 455. in fin., At posita etiã restituendi obligatione, non immerito forsan *ex Jure* addunt, dimetiendam esse hujusmodi restitutionem, non ab anno 1707., quo expleta fuit investitura, sed ab anno 1760., quo Rector Gajani actor Beneficiũ obtinuit, ad effectum tamen compensandi cum melioramentis; *Ricc. in Prax. Archiep. tit. de Reb. Eccles. non alien. dec.* 18., *Fulgin. de Contr. Emphyt. quæst.* 22. num. 4.

Quoad secundum Dubium vero, permissam dicunt Rasponii perpetuam Bonorum Ecclesiæ emphyteusim in §. *Licentiam Auth. de alienat.*, & *Emphyteut.*, iustoque canone expletam fuisse illam anni 1783., quum annua summa scutorum 15. medietatem excedat ejus, quod ob illorum melioramenta additum est antiquo Prædii Reditui, ut sequendo normam §. *Licentiam*, per comparationem antiqui, & moderni Prædii demonstrant. *Clementinam* autem Legem devolutionis melioramentorum ad Beneficiũ, de parvis tantum, non de insignibus intelligunt melioramentis, ad tradita per *Pacion. de Locat. cap.* 34. §. 2. num. 15., & seq. *Card. de Luc. de Emphyt. disc.* 31. num. 4., & *Rot. in Bononien. Devolutionis* 28. Junii 1776. §. *fin. cor. Rñõ Origo.*, pluribusque insignia controversi Prædii melioramenta demonstrant.

His omnibus Rector Gajani urgentissima opponit argumenta. Nullam dicit investituram anni 1707. ob substantialem primævæ investituræ immutationem. Data siquidem fuit investitura anni 1675. = Joanni Albani ad tertiam generationem = illa vero anno 1707. = Josepho de Rasponibus, ejusque Filiis &c. usque ad IPSIUS tertiam generationem = Una ergo ampliata fuit generatio, quum juxta distinctionem *Bartol. in Auth. Si quas ruinas Cod. de Sacros. Eccles.*, generationes incipiunt a primo Acquirente, ubi indefinitis adjectæ sunt verbis; ab ejus Filiis vero, si a relativa illa pendeant dictione = *ipsum* = Ita *Fulgin. de Contract. Emphyt. quæst.* 2. num. 1., *Ferrar. Biblioth. Canon. verb. Emphyteusis art.* 1. num. 54., & seq., & *Rot. in Melevitana Associationis* 12. Martii currentis Anni §. 7. cor. *Despuig.*

Hujusmodi autem generationum ampliatio substantiam tangit Contractus, ejusque nullitatem inducit, *Fulgin. de var. caducit. quæst.* 1. num. 48., *Pacion. de Locat. cap.* 14.

§. 4. num. 18. . Neque sustineri posse videtur investitura anni 1707. ad utilem usque generationem Nepotum primi Acquirentis, rejecta inutili. Regula siquidem = *utile per inutile non vitiatur* = locum non habet in emphyteusi cum substantiali pactorum immutatione renovata. Hæc namque, ut tradit *Petra ad Constit. Ambitosæ sect. 1. num. 55. & seq. tom. 5.*, in totum corrumpitur, & vitiatur. Quin prodesse Rasponibus valeat præsumptum Apostolicum Beneplacitum. Ad hanc enim inducendam præsumptionem completissima requiritur centenaria, *Petra ad Const. S. Leonis Magni incipien. Occasio sect. 1. num. 58. tom. 1.* Plura hinc addit Rector de restitutione fructuum. Sed in casu etiam nullitatis investituræ anni 1707. fortasse in id. EE. VV. indulgentiam merentur Rasponii ob bonam fidem, qua investituram Prædii locari soliti absque Beneplacito Apostolico acceperunt. Facile eam porro validam credere potuerunt, dum formali opus est articuli discussione, ut rescindatur.

Præ ceteris tandem notandum est quoad secundum *Dubium*, quod Prædium *il Predazzo* non nudum, & sterile, ut in prima concessione, sed erat anno 1783. = *arativo, vitato* = & in hoc statu, quicquid dicant Rasponii, ex amplissima *Glementina Lege* ad Beneficium reverti debuisset. Nec valide ergo in perpetuam concedi poterat emphyteusim, nec ulla esse videtur ratio, cur talis approbetur Contractus. Nunquam enim perpetua Bonorum Ecclesiæ emphyteusis conceditur, nisi de re agatur sterili, vel facilis diminutionis fructuum, & magna sit illius utilitas, ut monet *Petra ad Constit. Ambitosæ sect. 1. num. 20. tom. 5.*

Hæc duo igitur ab EE. Vestrīs quærentur.

- I. *An constet de nullitate investituræ anni 1707. ita ut sint restituendi fructus ab eodem anno in casu &c.*
- II. *An sit concedendum Beneplacitum Apostolicum pro approbatione perpetuæ investituræ in casu &c.*

Ad I. Neminem esse molestandum pro Investitura Anni 1707. jam expirata in tertia generatione.

Ad II. Negative, & amplius.

BRICTINORIEN. Actum primum sub tribus *Dubiis* de *Sess. 7. cap. 7.*,
 hac Causa fuit in Congregatione diei 14. Decem- & *Sess. 24. cap.*
bris 1782., sed indecisa remansit per Rescriptum = *Dila-* 23. *de Reform.*
ta, & *ad mentem* = & mens fuit, ut plura Episcopo Ari-
 minensi disquirenda committerentur *juxta Votum R. P. D.*
Secretarii. Quarto deinde addito *Dubio*, quæsitum fuit
 in Congregatione diei 26. Novembris 1785., I. *An su-*
sineantur Litteræ Apostolicæ = II. *An, & in qua summa sit*
assignanda Congrua Archipresbitero = III. *An, & cujus*
sumptibus faciendæ sint reaptationes, nec non Sacræ su-
pellestiles in Parochiali Ecclesia S. Donati, tam de tem-
pore præsentis, quam de futuro = IV. *An sit locus appro-*
bationi Concordiæ inter Mensam Episcopalem Briclinorii,
& Parochianos Polentæ in Casu &c. = iterumque dilatum
 fuit judicium ad sequentem Congregationem diei 10.
 Decembris, in qua hæc prodierunt Rescripta. Ad I. *Af-*
firmativè. Ad II. *Affirmativè in annuis scutis 17. ab Epi-*
scopo præstandis. Ad III. *Quoad restaurationem Ecclesiæ*
pro tempore præterito spectare ad Episcopum, quo vero
ad futurum, ordinarias spectare ad Parochum, extraor-
dinarias ad Episcopum; Et quoad Sacras supellestiles, tam
pro tempore præterito, quam pro futuro spectare ad Pa-
rochum. Ad IV. *Negativè, & amplius*. Huic non acquie-
 scens judicio Promotor Fiscalis Curiae Briclinorii, su-
 per tribus prioribus novum tentat suorum Jurium expe-
 rimentum.

Frustra quærit Promotor Fiscalis = *An sit standum, vel re-*
cedendum à Decisis quoad primum Dubium, juxta ejus
 vota resolutum, dum resolutioni Archipresbiter Calan-
 dri acquiescit. Quo verò ad *secundum*, contra relatio-
 nem Episcopi Ariminensis consuetudinem impugnat
 taxandi Fructus quorumcumque Bonorum in univer-
 sa Provincia Romandiola ad rationem scutorum trium,
 cumulatque plena manu *Sacræ Rotæ Decisionibus*, di-
 versam in ea Provincia probat consuetudinem juxta
 Taxam legalem. Observari tamen decet, quod Ari-
 minensis Antistes de priori testatur consuetudine = *dem-*
ptis expensis, & parte Colonica = de quibus cum nul-
 la habeatur ratio in allegatis *Decisionibus*, inapplica-
 bilis fortasse erit earum auctoritas. Urget rursus, in
 Congruam conferri etiam debere Incerta Stolæ, &
 Altaris ex notissima *Constitut. ad Exequendam S. Pii V.*
 Ultra tamen ea, quæ in id prostant in *Foliis 14. Decem-*
bris 1782., & 26. Novembris 1785., Curiae Episcopali
 communis *Doctorum, & Sacræ hujus Congregationis*
 obstat

obstat distinctio, quod scilicet in Congruam imputentur incerta Emolumenta, quæ moralem habent certitudinem, non autem eventualia, quæ a Sacramentorum administratione obveniunt, quæque dependent à labore personali, ut sunt eleemosynæ Altaris, & Funerum, *Benedict. XIV. quæst. Canon. 255. §. Fundamenta vers. finem, Barbosa Jur. Ecclesiæ lib. 3. cap. 6. num. 43., Pirringh. in Jus Canonic. tit. 5. de præben. sect. 1. num. 44. tom. 3., & Sac. hæc Congregatio in Assisien. Congruæ 9. Septembris 1786., resoluta die 3. Februarii currentis Anni.*

Ad tertium quod attinet, animadvertit Promotor Fiscalis, Ædificiorum restaurationes tum præteritas, cum futuras, tam ordinarias, quam extraordinarias Archipresbitero Milandri incumbere. Quoad præteritas enim, quum putaverit Ariminensis Antistes, processisse damna eorum culpa = *qui postremis hisce Annis manutentionis onus ferentes, illudque negligentes passi sunt, deteriorationes in dies magis augeri* = hinc desumit, Archipresbiterum Milandri alterum ex Rectoribus fuisse, *qui postremis hisce Annis, & Paræciam retinuit, & restaurationem neglexit.* Quo vero ad futuras, hujusmodi onere Rectores, Bonorum Ecclesiæ Reditus percipientes, gravari sustinet *ex reg. Text. in cap. 1., & 4. de Ecclesiæ Ædifican., & S. Concil. Tridentin. Sess. 21. cap. 7. de Reformat.* Sedulo tamen notandum erit, quod in generica Episcopi Ariminensis relatione nulla sit mentio de Archipresbitero Milandri; ita ut culpa neglectæ restorationis, quin ad precedentes potius Rectores, ad eum necessario sit referenda. Utrum verò futuris, & extraordinariis etiam restorationibus Rector Milandri, qui excepta Congrua, nil aliud consequitur ex Ecclesiæ Redibus, gravari debeat, resumptis præcitatis *Foliis diei 14. Decembris 1782., & 26. Novembris 1785., assueta EE. Vestræ maturitate judicabunt.*

Dubium est. *An sit standum, vel recedendum à Decisis sub die 10. Decembris quoad primum, secundum, & tertium Dubium in casu &c.*

Non proposita cum sequenti.

PARMEN. JUBILATIONIS. Antonius Boscoli Parmen- *Sess. 24. cap. 12. de Reform.*
 sis Cathedralis Canonicus annorum 60., quadragenario

expleto servitio, jubilationis indultum ab hac Sacra Congregatione postulavit. Instantiam in sua Relatione Episcopus, in eorum animadversionibus Canonici reprobarunt, proditque die 9. Septembris elapsi anni 1786 Rescriptum = *Ponatur in Folio, præfixo termino Capitulum ad deducendum jura sua in Sac. Congregatione, præsertim super qualitate, & modo præstandi chorale servitium =* A judiciali tamen abhorrens contentione, declaravit Capitulum = *d'eseguire quanto dalla Sagra Congregatione verrà sù tale affare stabilito, e decretato =* ideoque necesse est, ut Causa ex officio proponatur.

Hæc Episcopus, cui adhærebant Canonici, retulerat; chorale scilicet Parmensis Cathedralis servitium nullius esse laboris = *immo jucundissime absolvi =* Vix enim Canonici = *nudam, & simplicem corporalem præsentiam exhibent Missæ Conventuali, & Vesperis =* quarum alia est quotidiana, aliæ Festivæ; idque præstant = *quod agi, & præstari solet a quolibet simplici Fidei, qui se confert quotidie ad Ecclesiam, ut Missam audiat, & diebus Festis ad horas quoque vespertas intervenit =* Canonicos rursus = *si infirmitate quadam laborent, aut senectutis morbo Domi detineantur, iisdem emolumentis, & prærogativis perfrui, ac si personliter interessent =* ac nullum tandem esse exemplum = *alicui Canonico Parmensis Ecclesiæ unquam jubilationis beneficium concessum fuisse.*

Licet Gregorius XIII. rigorem temperaverit Sacri Concilii Tridentini *Sess. 24. cap. 12. de Reform.*, ac jubilationis indultum post quadragenarium Chori servitium permiserit, nunquam tamen Sacra hæc Congregatio Gratiam concessit, nisi assiduum, laboriosumque servitium, & grandæva concurreret ætas, ut in *Asten. Jubilationis 26. Augusti 1780.* Nedum vero, ex rationibus per Episcopum adductis, leve fuit quadragenarium Canonici Boscoli servitium, sed *jucundissimum*; ac tanta non est sexagenaria ejus ætas, ut immunis fiat a nuda, & simplici corporali præsentia Missæ Conventuali, & Vesperis, & ab illis pietatis actibus, qui a quolibet simplici Fidei fieri solent.

Negativa accedit Parmensis Capituli consuetudo de nunquam concessio alicui Canonico jubilationis indulto. In his sane terminis Gratiam denegavit Sacra Congregatio die 17. Aprilis 1666. Canonico Cathedralis Ecclesiæ Cl-

Die Sabbathi 15. Septembris 1787. in Palatio Apostolico Quirinali erit Sacra Congregatio Concilij, in qua, præter alia, proponentur infrascripta Dubia, juxta morem ejusdem Sacræ Congregationis de jure resolvenda.

BRICTINORIEN.

An sit standum, vel recedendum a decisis sub die 10. Decembris quoad primum, secundum, & tertium Dubium in casu &c.

*Sess. 7. cap. 7., &
Sess. 24. cap. 13.
de Reform.*

Ad I. II., & III. In decisis, & amplius.

PARMEN. JUBILATIONIS :

An sit concedendum Indultum jubilationis in casu &c.

*Sess. 24. cap. 12.
de Reform.*

Affirmativè.

FERRARIEN. SUBSIDIORUM DOTALIUM. Duo in Testamento, tria in Codicillis anni 1632. dotalia subsidia scutorum 18., & ob 18. pro quolibet in singulos annos reliquit Canonicus Marcus Antonius Freguglia. Quatuor a Testatore descendentes, & hodierno Collatori conjunctæ Puellæ Sac. huic Congregationi supplica-

*Sess. 22. cap. 6.
de Reform.*

runt pro Dotium cumulo. Actum hac de re die 26. Januarii 1782. sub Dubio = *An, & in qua summa sit locus præstationis Subsidiarum Dotalium* = prodiitque Rescriptum = *Affirmative*, quoad *Theresiam nempe, Marianam, & Barbaram pro scutis tercentum pro unaquaque; Elisabeth vero supplicet suis loco, & tempore* = Potissima hujus diversitatis ratio fuit, quod priores tres Puellæ grandiores essent ætate. Ad justam igitur Elisabeth perventa ætatem induendi religiosum Habitum inter Benedictinas Moniales S. Silvestri Ferrariæ, iterum EE. Vestrarum clementiam implorat pro cumulo scutorum 513., & ob. 63., scutorum nempe 363. 63. pro spiritali Dote, & scutorum 150. pro fundo Livelli.

Confirmat Eñus Archiepiscopus quantitatem Dotis, & Livelli: Testatori conjunctam refert Oratricem in quinto gradu, eique Collatorem Dotium, cui proximior est, gratiam optare: Uno huic gratiæ impedimento esse tres alios demandatos cumulos, qui non prius, quam anno 1798. confecti erunt: Assentiri Moniales solutioni Dotis, & Livelli post eum annum, quatenus in id EE. Vestræ dispensationem indulgeant. Atque ex his concludit quod = *Cum Monasterium abundet Reditibus, & careat æquo Monialium numero, iniquum non videretur petitam gratiam concedere, addita quoad Livellum ea lege, quam EE. Vestræ humaniorem reputabunt pro indigentis ejusdem Elisabeth Oratricis, cui interim consultum sit oportet, ab ipso Monasterio, antequam perveniat annus 1798.*

Subsidiarum Dotalium cumulam suadere videntur Oratricis paupertas; geminata ejus Testatori, & Collatori conjunctio; justa ad assumendum religiosum Habitum ætas; exemplum Aloysiæ Freguglia, cui Sa. Me. Clemens XIII. cumulum scutorum 600. ex iisdem dotalibus subsidii concessit; ac recentior aliarum trium Con sanguinearum exemplum. Sæpe enim Sacra hæc Congregatio hujusmodi cumulos ob præsumptam Testatoris voluntatem indulgit. Ita præ ceteris in *Ferrarien. Reductionis, & Subsidiarum Dotalium. diei 19. Junii 1717.*, in qua ad Dubium = *An, & pro qua summa Oratricibus sint assignanda Subsidia Dotalia, de quibus agitur, in casu &c.* = rescriptum fuit favore quatuor Puellarum de agnatione Testatoris pro decem annuis subsidii pro quolibet, ut *ex lib. 67. Decretor. pag. 249.* Neque Ora-

trici forsan obest, quod dotalia subsidia, tribus illis Consanguineis novissime concessa, non exceſſerint summam scutorum 300. pro qualibet, longeque minora fuerint subsidio scutorum 513., quod pro spirituali Dote, & Livello Oratrix postulat. Hæc namque inter utrumque casum notari posset differentia, quod res esset in uno de tribus temporalibus Dotibus, de una in altero agitur spirituali Dote, quæ majorem semper indulgentiam promeruit.

Plurimi insuper facienda sunt enixa Collatoris vota. Facultatem enim habet a Testatore distribuendi pro ejus arbitrio annua hæc subsidia uni, vel pluribus Puellis. Qui hac sane pollet erga extraneas Puellas facultate, EE. Vestrarum indulgentiam pro Consanguinea mereri videtur. Præjudicio quidem est flagitatus cumulus extraneis Puellis a Testatore contemplatis; sed non raro Consanguinearum favore neglectum fuit incertum illarum interesse, ut in citatis Sacræ Congregationis Resolutionibus. Dubitari posset, num in eo Oratrix constituta sit consanguinitatis gradu, ut negligi ejus favore valeant extraneæ. In quinto enim est a Testatore. Hæc in *Veliterna Subsidiorum Dotium* 8. Junii 1771. proponebatur distinctio. Vel de expressa agitur, vel de tacita Consanguinearum vocatione. In primo casu protrahitur consanguinitas ad decimum gradum; in altero, in quo versamur, ad quartum. Hac tamen neglecta distinctione, passim Sacra Congregatio ultra quartum consanguinitatis gradum indulgentiam adhibuit, ut in *Romana, seu Sabinen. Subsidii Dotialis* diei 24. Aprilis 1717., de qua in lib. 67. Decretor. pag. 149., & in *Romana, seu Sabinen. Subsidiorum Dotium* 27. Martii 1762.

Hæc quoad cumulum subsidiorum. Quo vero ad solutionem spiritualis Dotis post annum 1798., obstat Decretum Sacræ Congregationis Episcoporum, & Regularium in *Asculana* 16. Januarii 1730., de quo *Ferraris in Biblioth. verb. Moniales* art. 2. num. 24. Ejus namque virtute deponenda est Dos favore Monasterii ante professionem. Choralium tamen necessitas, ac Monasterii divitiæ, de quibus testatur Archiepiscopus, æquam in id reſidunt dispensationem. His porro concurrentibus, admittæ quandoque ad professionem fuerunt Moniales absque Dote, ut de Conversis decrevit laudata Episcoporum, & Regularium Congregatio die 20. Martii 1594., teste

Ferrar. in Biblioth. sub cit. verb. Moniales art. 2. num. 12.
Eademque necessitatis, ac opulentiae Monasterii ratio
suadet, ut investimentum pro Livello usque ad solutio-
nem cumuli eidem Monasterio permittatur.

Deliberandum itaque proponitur.

- I. *An, & in qua summa, & a quo tempore sit locus præ-
stationi Subsidiorum Dotialium in casu &c.*
Et quatenus affirmative.
- II. *An sit consulendum Sanctissimo pro dispensatione in ca-
su &c.*
- III. *An; & quomodo providendum sit quoad annum Livet-
lum in casu &c.*

Ad I. Affirmative pro cumulo Dotis in summa scuto-
rum 363. 63. post expletum cumulum aliarum Do-
tium præcedenter promissarum.

Ad II. Affirmative:

Ad III. Negative.

*Sess. 21., & 22.
utrobique cap. 3.
de Reform.*

I MOLEN. DISTRIBUTIONUM. Relata fuit Causa.
Ista in Folio 9. Maii 1772. sub quatuor Dubiis. I. *An,
quomodo, & in qua quantitate Archidiaconus, & Archi-
presbyter Collegiatae SS. Petronii, & Prosperi participare
debeant de distributionibus quotidianis* = II. *An, & de
quibus emolumentis Missarum, aliorumque Legatorum
participare etiam debeant Archidiaconus, & Archipresby-
ter* = III. *An idem Archidiaconus, & Archipresbyter vo-
cem activam, & passivam in Actibus Capitularibus factis, &
faciendis habere debeant* = IV. *An extractio Canonici Ver-
licchi ad Beneficium simplex S. Francisci a Paula, facta
exclusis Archidiacono, & Archipresbytero, sit valida, vel
potius nulla* = Hæc autem in sequenti Congregatione
diei 30. ejusdem mensis prædierunt Rescripta. Ad pri-
mum = Iterum proponatur = Ad secundum = Dilata, &
scribatur Episcopo juxta instructionem = quod referret
nempe, an Missarum, & Legatorum emolumenta ex
Capitulari, & communi, vel ex alia desumerentur Mas-
sa: an inter præsentis fieret illorum distributio: a qui-
bus eorundem Legatorum onera adimplerentur: & an
ulla post erectum Archidiaconatum, & Archipresbyte-
ratum relicta essent Legata. Ad tertium = Negative quoad

ea, quæ respiciunt *Massam Capitularem*, in reliquis affirmative = Ad quartum = *Dilata*, & repropnatur; citato etiam *Sacerdote Brighani* = qui Beneficium ob aliam extractionis nullitatem a *Dataria* impetraverat.

His omnibus per Episcopum expositis, quæ secundum respiciebant *Dubium*, ac vocato quoad quartum impetratore *Brighani*, repropofita fuit *Causa* die 8. Maii, seq. anni 1773., quinto superaddito *Dubio* = *An supplicationes favore Brighani signatæ, & præsentatæ sint relaxandæ* = rescriptitque *Sacra Congregatio* ad primum = *Affirmative*, & participare debere juxta ratam, quam conferunt = Ad secundum = *Negative* juxta votum *Episcopi* quoad *Legata præexistentia ante erectionem Collegiatæ* = Ad tertium = *In decisis*, & amplius = Ad quartum = *Affirmative ad primam partem*, *negative ad secundam* = Ad quintum = *Negative*, = Post diuturnum tresdecim annorum silentium impetrarunt *Archidiaconus*, & *Archipresbyter* ab *Emo Carandini*, jam *Sacræ Congregationis* a *Secretis*, licentiam redeundi quoad primum, & secundum, & ab *R. P. D. Auditore SSmi* quoad tertium, cum clausula amplius resolutum, acriterque modo pro recessu a *decisis* contendunt.

Quod attinet ad primum super quotidianis distributionibus: Parem vindicare conantur distributionum participationem ex *Jure*, ex *Lege Foundationis*, & consuetudine. Ex *Jure*, quia unum cum reliquis *Canonicis* constituunt corpus, Idemque cum illis præstant servitium, cujus ratione quotidianæ debentur distributiones; *Text. in Cap. unic. de Cleric. non residen. in 6.*, *Card. de Luc. de Canonic. disc. 16. n. 6.*, *Panimoll. decis. 20. adnot. 3. n. 21.* Ex *Lege Foundationis*, quia utraque eorum *Dignitas* instituta fuit sub conditione, quod = *debbano, & possano partecipare de' frutti delle distribuzioni* = ac rursus = *si ano ammessi alla partecipazione delle quotidiane distribuzioni* = . Quæ quidem lex diligenter servari debet per *Text. in Cap. 1. & 3. de Pact. in 6.*, *Piton. discept. Eccles. 25. n. 9.* Ex consuetudine, quia *Sacra hæc Congregatio* declaravit anno 1761. in *Imolen. Distributionum* 30. Maii, & 29. Augusti, æquales *Archidiaconum* distributiones, ut usque tunc servatum fuerat, percipere debere, & quia semel deinde, & iterum facti sunt in eorum *Allegationibus* *Canonici* coram *A. C. Simonetto*, & *Emo Antamoro*, dum in iisdem *A. C.* *Subsellis* meritissime sedebat, reipsa

Archidiaconum, & Archipresbyterum quotidianas distributiones ex Massa communi ad annum usque 1770. lucratos fuisse.

Hanc insuper distributionum æqualitatem desumunt ex Literis Apostolicis, quibus San. Mem. Benedictus XIV. unam e duabus Collegiatam SS. Petronii, & Prosperi erexit. Jussit siquidem Summus ille Pontifex, ut post expletam Capitularium reductionem ad designatum Præpositi, Prioris, duodecim Canonorum, & octo Mansionariorum numerum, Archidiaconus, & Archipresbyter tertiam eorum Redituum partem, reliqui Capitulares dimidiam in usum distributionum conferrent, utque portiones istæ dividerentur = *inter interessentes juxta illorum, & cujuslibet illorum interessentiam proportionabiliter* = . Ita autem Archidiaconus, & Archipresbyter verbum illud *proportionabiliter* interpretantur, ut geometricam non inducat proportionem ad collatas Redituum partes, sed arithmeticam interessentiæ; nam = *illud proportionabiliter potest etiam ita accipi, ut attendatur qualitas Personarum, inter quas debent dividi distributiones &c. vel proportio interessentiæ* = , ut observat Monet. de Distribut. quotid. part. 2. quæst. 4. sub num. 5. vers. *Licet vero*. Eoque magis interessentiæ proportionem servandam esse autumant, quia ipsorum alter scuta 150.; alter scuta 200. in communem Massam contulerunt, & quia participes asserunt Canonicos portionis, quam ipsi in usum distributionum dimittunt.

Gravia tamen sunt, quæ ad hæc reponunt Canonici. Archidiaconalis, inquiunt, & Archipresbyteralis Præbenda distincta est a Massa Capitulari, quum utraque peculiare habeat Fundos. Ideoque tertia Redituum pars, quæ in usum distributionum ex Præbendis illis detrahitur, vel ab ipsis Archidiacono, & Archipresbytero interessentibus absque aliorum Capitularium participatione lucratur, vel in pænam eorum negligentiae, si Choro non intersint, *Fabricæ Ecclesiæ, aut alteri Pio Loco* applicari debet, ex dispositione S. Concilii Tridentini Sess. 22. cap. 3. de Reform. Reque vera ex depositione Ratiocinatoris Capituli, aliorumque Testium constat, ab anno 1769., quo expleta fuit Capitularium reductio, usque ad hæc tempora, neque Archidiaconum, & Archipresbyterum de distributionibus Massæ Capitularis, neque Canonicos de distributionibus Archidiaconalis, & Archipresbyteralis Præbendæ participasse.

Si ergo distinctæ sunt hujusmodi Præbendæ a Massa Capitulari, earumque distributiones distinctæ, jam nulla esse videtur ratio, cur una cum altera confundi debeat distributionum Massa, ac par illis tribuatur portio, qui minus in distributiones conferunt, *Fagnan. in Cap. Quia nonnulli de Cleric. non residen. lib. 3. cap. 3. num. 21., & seqq., Passerin. in Cap. Consuetudinem de Cleric. non residen. in 6. regul. 4. sub num. 87. tom. 2., Garz. de Benefic. part. 3, cap. 2. num. 464., & seq., Monet. de distribut. quotid. part. 3. quæst. 6. num. 29.* Merito hinc intelligendum esse ajunt Canonici de geometrica immissarum portionum proportionem adverbium illud *proportionabiliter*, quo post *Sacrum Concilium Trident. Sess. 21. cap. 3. de Reform.* usus est in Apostolicis suis Litteris Benedictus XIV. Hæc namque verior est Canonistarum sententia, justitiæ distributiivæ innixa, de qua *Gallemart. ad d. Sess. 21. num. 8. verb. proportionabiliter, Barbos. de Canonic., & Dignit. cap. 21. num. 25., Pignatell. Consult. Canon. 134. tom. 9. num. 35.*

Lex, subdunt Canonici, de quotidianis lucrandis distributionibus, a Fundatoribus Archidiaconatus, & Archipresbyteratus dicta, neque a Clemente XII., qui suppressas S. Mariæ, & S. Jacobi Collegiatus erexit, neque a Benedicto XIV., qui unam SS. Petronii, & Prosperi Collegiatam instituit, probata fuit. Nec de cetero intelligenda est de distributionibus Massæ Capitularis, in qua Archidiaconus, & Archipresbyter partem non habent, sed de illis respectivæ eorum Præbendæ. Quæ vero Archidiaconus contulit scuta 150., & Archipresbyter scuta 200., non in Capitularem contulerunt Massam, sed alter = *per la spesa dell' erezione dell' insigne Collegiata di S. Giacomo* = alter = *per la spesa della nuova Bolla di unione dei due Capitoli* = Observantia tandem, cui uterque insistit, anterior fuit executioni Bullæ unionis. Capitularium enim reductio expleta fuit labente an. 1769. Ea vero, quæ gesta fuerunt in hac Sacra Congregatione, & coram A.C., vel epocham habent sequentis anni 1770., vel longe anteriorem anni 1761.

Transiunt Archidiaconus, & Archipresbyter ad *secundum Dubium*, ad emolumenta scilicet Missarum, & Legatorum; ac distinguentes inter Massam Capitularem, & Ecclesiæ, hanc unam destinatam dicunt pro illius servitio, quod eque ipsi, ac reliqui Canonici ad formam Bul-

læ unionis præstant. Iterumque hic urgent legem Fundationis eorum respectivæ Præbendæ, ac diuturnam ad emolumentorum comparticipationem, de qua bini deposuerunt Sacerdotes anno 1771. . At duplicis Massæ distinctio exclusa fuit in secunda informatione ab Episcopo, qui præ ceteris retulit = *emolumenta Missarum, & Legatorum non ex Massa distributionum, aut ex aliqua alia particulari, sed ex unica Massa Capitulari detrahi* = . Idque sciet etiam a Bulla unionis, in qua assignantur emolumenta illa pro dote Præposituræ, Canonatuum, & Mansionariarum; exclusis Archidiacono, & Archipresbytero, qui distinctas habent Præbendas. Ea vero quoad legem fundationis, & consuetudinem recurrunt, quæ in primo Dubio dicta sunt.

Ad tertium denique advertendum est, quod licet in Bulla unionis tribuatur Archidiacono, & Archipresbytero vox activa, & passiva, commode tamen hæc referri valet ad actus, qui Capitularem non tangunt Massam, de qua illi non participant. Ita in simillimis fere terminis definivit Sacra Congregatio in *Tolentina Archipresbyteratus* 1. Februarii 1766., in qua ad III. Dubium = *An Archipresbyter possit intervenire, & habere suffragium in Capitulis, seu resolutionibus Capitularibus faciendis super dictis Bonis, & juribus* = respondit = *Negative, & amplius* = . Sedulamque animadversionem meretur, non controversas resolutiones ad IV., & V. Dubium præjudiciales esse tertio. Quærebatur enim in illis de nullitate extractionis Canonici Verlicchi ad Beneficium simplex S. Francisci a Paula, factæ absque interventu, & voto Archidiaconi, & Archipresbyteri, ac de relaxatione Litterarum Apostolicarum favore impetratoris Brignani; & quia jus nominandi privative pertinebat ad Capitulum, Sacra Congregatio in secunda propositione anni 1773. *Negative* ad utrumque respondit.

Quæritur itaque. *An sit standum, vel recedendum a decis. quoad I. II., & III. Dubium in casu &c.*

Ad I. II., & III. In decis., & amplius.

FERRARIEN. Romanus Boari legavit anno 1678. Jo- Sess. 25. cap. 5.
 anni ejus Fratri Nemus pro omni, & toto eo, quod & II. de Reform.
 ab ipsius hereditate prætereundum posset, iussitque sub ca-
 ducitatis pæna, ut Legatum hoc infra mensem ab ejus
 obitu acceptum ferret. Filios, quos sperabat, masculos
 in reliquis omnibus Bonis, fæminas in illorum medietate
 heredes instituit. His deficientibus, natu majorem
 vocavit Joannis Filium, qui vigesimum quintum attigis-
 set annum, eique ceteros illius Filios, & Descendentes,
 servata majoris ætatis prærogativa, substituit. Quæ-
 dam suis, vel Fratris existentibus Filiis, plura in eorum
 defectum Pia Legata ex universa hereditate reliquit.

Religi ab ipsis mandavit intra triennium a suo obitu in Ora-
 torio nuncupato *di Marrara* Sacellum Sanctissimæ An-
 nuntiatae, ubi singulis diebus Dominicis celebrari debe-
 ret Sacrum, vel novum in honorem Sanctissimæ An-
 nuntiatae, & S. Josephi Oratorium, si neque Sacellum
 illud, neque Sacrorum celebratio in existente Oratorii
 Madrariæ Sacello permetteretur; præcepitque, in casu
 quod nec etiam novum construi posset Oratorium, ut
 ejus dos cum eodem Sacrorum onere traderetur Capel-
 lano S. Nicolai in *Monasteriolo*. Iis vero deficientibus,
 hereditatem voluit sub perpetua administratione, depu-
 tavitque in administratores Angelum Cavallini, & Joan-
 nem Franciscum Algarotti, eorumque Filios, & De-
 scendentes, quorum ultimo potestatem fecit nominandi
 alium Administratorem = *di buona vita, e fama, ido-
 neo, e capace*.

In hoc postremo, qui jamdiu evenit, administrationis casu
 legem Administratoribus dedit, ut annuis pro eorum
 stipendio retentis scutis 40., reliquos omnes erogarent
 Reditus I. In construendo, & dotando SSmæ Annun-
 tiatae Sacello, vel Oratorio. II. In amplianda, cum casus
 exigeret, Parochiali Ecclesia Villæ S. Nicolai, seu = *un
 capo della medesima Chiesa di larghezza piedi dodici, cioè
 quella parte, ov' è sepolta sua Madre, e Fratello, e do-
 ve dice voler esser sepolto esso Signor Testatore* = III. in ce-
 lebrationem Officii Defunctorum, Sacrorumque vigin-
 ti = *Nella Chiesa di S. Nicolò ogni anno nel Meje di Mag-
 gio, o di Settembre* = IV. in perpetuam subministratio-
 nem = *di pane, vino, legna, e companatico a quelli RR.
 PP. Cappuccini, che per viaggio, o transito si fermeranno
 all'Ospizio di Marrara* = V. in annuam solutionem scuto-
 rum decem Capellano Ecclesiæ S. Nicolai pro duodecim
 Missis quolibet mense. Ac VI. tandem = *in maritar*

Donzelle, ed in altre Opere pie per l'Anima del detto Sig. Testatore.

Testatore a bsque Filiis defuncto, universam occupavit hereditatem Joannes ejus Frater, licet Filiis etiam destitutus, suaque auctoritate Cavallinum, & Algarottum administratione privavit. Alios hinc decedens nominavit administratores, Carolum nempe Masi ejus Medicum, & testamentarium testem, & Matthiam Manzali confidicum, & Notarium, qui ejus Testamentum rogavit. Administrationis cessionem a Masio extorsit Manzalius, sibi que Ludovicum ejus filium in coadministratorem assumpsit. Animum deinde ad perpetuam hereditariorum Bonorum emphyteusim, quam vocant *Livellum*, convertit. Spe tamen frustratus sub cl. me. Cardinali Tarusio Ferrariensi Archiepiscopo, Sacram hanc adiit Congregationem anno 1698., Archiepiscopali Sede vacante, retulitque juxta mandata Vicarius Capitularis, majorem omnium esse illius oblationem ad formam transmissæ Peritiæ. Evecto interim ad Archiepiscopatum clar. mem. Cardinali Paulutio, rescripsit Sacra Congregatio sub die 30. Maii seq. anni 1699. = *Audiat Eminentissimus Archiepiscopus* = qui tamen ad obitum usque a referendo abstinuit.

Animo non cecidit Manzalius, iterumque rei periculum fecit sub cl. mem. Cardinali de Verme illius successore, obtinuitque anno 1703. ab ejus Vicario Generali, Sacra inconsulta Congregatione, tamdiu flagitatum *Livellum* = *per se, suoi Figli, Discendenti in infinito, ed Eredi di qualsivoglia sorte* = pro annuo canone scutorum 180., ex quibus, detracta summa scutorum 40. pro administratione, & scutorum 30. pro nonnullis alertis creditis, & meliorationibus, eroganda erant reliqua scuta 110. in Pia Opera per Testatorem demandata. Hoc igitur emphyteutico titulo octoginta annis retinuerunt Manzali hereditaria Romani Boarii Bona, quorum Reditus, ut hodiernus refert Archiepiscopus = *prætergrediuntur annuam summam scutorum 575.* = Quum autem majori ex parte Pia Opera negligenter, interpellati fuerunt anno 1783. pro redditione rationis a Curia Archiepiscopati, reque, ut exposita est, cognita, ab EE. Vestrīs postularunt S. Nicolai, & Madrariæ Populi, ut rescissa investitura anni 1703. mandare dignarentur Archiepiscopo deputationem administratorum, qui voluntatem Romani Boarii exequerentur.

Omnia in sua informatione confirmat Archiepiscopus, ar-

duumque censet = *emphyteusim*, nullo modo, & jure
Piis Operibus utilem, tueri posse = & ita concludit = si
 unquam judicabitur *emphyteusis irrita*, & *inanis*, meum
 consilium, ab EE. Vestrarum sapientia comprobandum, erit
 de eligendis duabus Personis a Romano Boari in Testamen-
 to præscriptis, qui Bona perpetuo administrarent, sibi que
 retenta ex Reditibus annua summa scutorum 40., quid-
 quid reliquum erit in *Piis Operibus*, atque *eleemosynis*
 vertatur, juxta legem a Testatore traditam = Ob diutur-
 nam itaque contumaciam, in qua adhuc Ludovicus, &
 alii de Manzalis, hodierni Bonorum possessores persi-
 stunt, quærent modo Parochi Madratæ, & S. Nico-
 lai suorum Parochianorum nomine de viribus *emphyteu-
 sis*, adimplemento Piorum Operum, restitutione fru-
 ctuum, & a quibus faciendæ sint expensæ Litis.

Nullam dicunt investituram anni 1703. ob falsitatem tituli,
 ex quo illam Manzalius obtinuit, ob defectum scilicet
 legitimæ administrationis hereditatis Boari. Ejus nam-
 que deputatio in administratorem irrita fuit, tum quia
 facta a Joanne Boario, qui potestatem non habebat de-
 putandi alios in locum Cavallini, & Algarotti contra
 expressam Fratris voluntatem, per *Text. in Cap. Nemo
 potest 79. de Regul. Jur. in sexto*; tum quia facta in Te-
 stamento, quod Manzalius ipse rogaverat, *Text. in Leg.
 Senatus Consulto 3. Cod. de his, qui sibi adscrib. in Te-
 stam.* At graviora sunt intrinseca vitia. Alienata fuerunt
 per contractum perpetuæ *emphyteusis* Bona in pios usus
 destinata absque Beneplacito Apostolico, quod valide
 fieri non poterat, *Antonell. de Regim. Eccles. lib. 1. cap.
 4. num. 15.*, *Lauren. For. Eccles. lib. 2. tit. 2. quæst.
 156. num. 2. tom. 2.*, *Navar. de privil. miserabil. person.
 privil. 130. num. 2.* quodque magis est, alienata fuerunt
 ordinaria Archiepiscopi auctoritate postquam res delata
 erat ad Sacram hanc Congregationem, contra disposi-
 tionem *Text. in Cap. Studuisti 2. de Offic. Legat. quem
 ibi exprimat Fagnan. num. 1. & seqq. lib. 1. Barbos. de
 Potest. Episc. part. 3. alleg. 93. num. 8.*, *Leuren. For.
 Eccles. lib. 2. tit. 2. quæst. 125. num. 3. tom. 2.*

Per concessionem rursus *emphyteusis* derogata quodammo-
 do fuit Testatoris voluntas. Perpetuam enim demanda-
 vit nedum Piorum Operum, sed Bonorum etiam admi-
 nistrationem, ex qua uberior illorum Reditus fieret. Po-
 testatem autem non habent Episcopi commutandi De-
 functorum voluntates ad tradita per *Fagnan. in Cap. Nos
 quidem num. 36. & 40. de Testam. lib. 3.*, Monet, de
 com-

commut. ultim. volunt. cap. 5. num. 144., sed adeundus est Summus Pontifex, *Amoſtaſ. de Caus. Piiſ lib. 1. cap. 14. ſub num. 12.*, *Carpan. de Execut. Teſtam. lib. 3. cap. 4. num. 5.*, & 15. Nedom præterea Piiſ Operibus inutilis, ſed valde etiam conceſſio illa exitioſa fuit. Conſtitutus fuit Canon pro Prædiis ruſticis ad rationem ſcutorum trium in ſingula centum, dum æquam ſemper cenſuit Sacra Rota = *in feraciſſimo Ferrariæ Territorio taxam ſcutorum quinque in ſingula centum* = ut antiquioribus omiſſis Deciſionibus, videre eſt *in Ferrarien. Pecuniaria ſuper creditis 30. Martii 1781. §. 16. coram bon. mem. Ratta*, maximoque Piorum Operum damno habita fuit ratio æſtimationis Bonorum in ſumma ſcutorum 7533. 18. 5., quam ipſemet Manzalius curaverat.

Quantum in ſtatuendo canonē parcus Manzalius fuit, tantum fuit in detractiōibus liberalis. Annuam ſibi tanquam adminiſtratori attribuit ſummam ſcutorum 40., licet Bonorum adminiſtratio per emphyteuſim ceſſaret, ac una, minoris forſan incommodi, ſuper eſſet Piorum Operum cura. Annua item detraxit ſcuta 30. pro fructibus ſcutorum 1262., quæ in Prædiorum meliorationes impendiſſe affirmabat, licet facta præſumeretur huiſmodi impenſa ex fructibus Bonorum adminiſtratorum, de quibus rationem non reddiderat. Ac certam poſtremo detraxit ſummam ſcutorum 40. pro Cappuccinorum hoſpitio, pro quo vix annua ſcuta tria, aut quatuor impendere conſuevit. Sub hiſce pernicioſis conditionibus ſtipulata fuit emphyteuſis favore Manzalii, qui neque tanquam aſſertus adminiſtrator, ſuper Bonis adminiſtratis contrahere poterat, *Text. in Leg. 5. ff. de auctorit. Tutor., & Leg. 34. ff. de contrah. empt.*.

Unicum Manzaliis præſidium eſſe videtur in diuturna octoginta annorum obſervantia. Sedulo tamen notandum eſt, Beneplacitum Apoſtolicum in alienationibus Bonorum Eccleſiæ, aut Pii Operis non præſumi, quam per completam centenariam. Maxime, quia ex ipſo inveſtituræ Inſtrumento apparet, initum fuiſſe contractum ordinaria Archiepiſcopi auctoritate. *Cujuſcumque enim temporis intervallum tanti non eſt, ut præſumamus id geſtum, quod revera geſtum minime fuiſſe demonſtrat Inſtrumentum ipſum* = ut per hæc verba monet Rota *in Romana Salviani ſuper Nullitate Mandati Procuræ 25. Junii 1773. §. 6. cor. Litta*.

Pertinent hæc ad primum Dubium. Quo vero ad ſecundum, facil-

facillima erit ejus resolutio, si nullam EE. Vestrae investituram dijudicabunt. Pia enim Opera, quæ per hujusmodi investituram adimpleta non sunt, ad observantiam revocari debent ad formam Testamenti Romani Boarii, idque committendum videtur Descendentibus Cavallini, & Algarotti, si qui sunt, vel alijs administratoribus per Archiepiscopum deputandis; quum Piarum omnium Causarum executores sint Episcopi, *Text. in Cap. Tua nobis de Testam., Sac. Concilium Tridentinum sess. 22. cap. 8. de Reform., & Rot. in Barchinonen. Causæ Pie 4. Maii 1742. §. 6. cor. Nunez.*

A primo etiam Dubio pendet resolutio *tertiæ*. Ob malam enim fidem, qua emphyteusis contractus sine Apostolico Beneplacito, ac in manifestum Piorum Operum detrimentum initus fuit, Bonorum etiam fructus ab initio restitui debere videntur, *Turricell. de Reb. Eccles. non alienan. cap. 27. §. 1. num. 8., & Rot. in Romana, seu Asculana Nullitatis Contractus 29. Aprilis 1771. §. 11. coram Reverendissimo Origo*, Neque impugnare forsitan poterunt hodierni Bonorum Possessores hereditariam primi acquirentis qualitatem. Sive ejus porro sint Filii, sive Nepotes, censentur hæredes, juxta novissimam Sacrae Rotæ sententiam in *Firmana Detractionum 11. Martii 1776. coram Reverendissimo Origo, & in Ariminen. Fideicommissi Bandi de Bandis super cauthela Angeli 10. Martii 1780. coram Sentmanat*. Ad quartum denique sustinent Parochi, subeundas esse expensas litis ab hereditate Boari, seu a Pii Operibus, quorum jura tuentur. Æquum namque non est, ut illas de proprio subeant, qui nullum ex lite compendium habent, *Bellet. disquis. Cleric. de Clericor. debit. §. 3. num. 40., & seq. Antonell. de jur., & oner. Clericor. lib. 2. part. 6. cap. 12. num. 2.*

Ad hæc fortasse advertentes, iteratas Manzalil postularunt, & obtinuerunt dilationes, magisque præcisum a Parochis Madrariæ, & S. Nicolai flagitarunt Mandatum Procuræ, quod Parochianorum nomine exhibent. Contrarium vero Decretum passi cum facultate deducendi eorum jura in Sacra Congregatione, *non retardata propositione Causæ*, iterum modo, ut aliam consequantur dilationem, de Personarum legitimatione agunt. Parochos pro Pii Operibus proprio nomine agere posse faterentur populari actione, sed hoc in Mandato Procuræ notant, quod datum non sit proprio eorum nomine, sed

respectivi ipsorum Gregis absque delegatione. Advertendum tamen est, legitimos Piorum Legatorum, quæ Parochialibus Ecclesiis, vel pauperibus Parochianis relicta sunt, administratores esse Parochos, ideoque illorum nomine in judicio stare posse, *Ceccoper. lucubr. canon. lib. 3. tit. 12. num. 17.*, *Amostaz. de Caus. Pii lib. 5. cap. 6. num. 70.*, & *seq.*, *Crisp. Visit. Pastor. part. 2. §. 13. num. 10.*

Respondere igitur dignentur EE. Patres.

- I. *An, & quomodo sustineatur Instrumentum emphyteusis, sive usus in casu &c.*
- II. *An, & quomodo sint adimplenda Pia Opera ordinata a Romano Boari in casu &c.*
- III. *An, & quomodo sit providendum quoad præteritum in casu &c.*
- IV. *An, & cujus sumptu sint faciendæ expensæ præsentis litis favore Operis Pii in casu &c.*

Ad I. Negative.

Ad II. Affirmative juxta votum Eminentissimi Archiepiscopi.

Ad III. Affirmative juxta liquidationem faciendam ab Eminentissimo Archiepiscopo.

Ad IV. Affirmative sumptibus Operis Pii.

*Sess. 25. cap. 4.
& 11. de Re-
form.*

CAMERINEN. : Beneficio simplici, in suburbana S. Felicis Martyris Camerini Ecclesia erecto, alia diversis temporibus unita fuerant simplicia pariter tenuissimi Reditus Beneficia octo. Onus ei est annui Sacri, ac manutentionis Sacrarum Supellectilium. Hæc vero unitis Beneficiis incumbunt. Annum quoque Sacrum Beneficio S. Blasii: menstruum Beneficio S. Apolloniæ: tot Sacra, quot Reditus, quinque aliis Beneficiis S. Mariæ Magdalensæ, S. Martini, S. Catharinæ SS. Joannis, Hieronymi, & Ansovini, & Sanctissimi Crucifixi; idque ex Decreto edito a Camerinensi Episcopo

vigore facultatum Sacrae Congregationis anno 1707. Nullum octavo SS. Simonis, & Judæ Beneficio onus præ maxima Reditus tenuitate.

Reductionem ad annuas Missas decem novem ab hac Sacra Congregatione obtinuit anno 1659. Sacerdos Perotius Parozzi pro quatuor unitis Beneficiis S. Blaui, SS. Simonis, & Judæ, S. Appolloniæ, & S. Mariæ Magdalænæ; aliamque reductionem ad manualement impetravit anno 1706. Sacerdos Carolus Antonius Pizzicanti tum pro d. Beneficio S. Mariæ Magdalænæ, cum pro reliquis Beneficiis S. Catharinæ, S. Martini, SS. Joannis, Hieronymi, & Ansovini, & Sanctissimi Crucifixi. Sacerdos tandem Perfectus Perfetti Congregationis Oratorii S. Philippi Nerii, hodiernus Beneficiorum possessor, duo a Sacra Congregatione postulavit anno 1781., facultatem scilicet alienandi inter se diffita illorum Prædiola ad effectum investiendi pretium in uno, vel pluribus unitis Prædiis, ac reductionem Missarum omnium ad certum annum numerum, ne gravi cum incommodo investigare cogatur pretia Frugum, quæ ex Prædiis colliguntur, ut pro intranti quantitate celebret Sacra; prodiitque Rescriptum = *Episcopo pro informatione, & voto, prævia Edictorum affixione, & referat, num adsit occasio investiendi pretium in Bonis stabilibus cum evidenti utilitate Beneficii. Quo vero ad reductionem, interim servetur illa, quæ Canonico Pizzicanti fuit concessa.*

Utrique instantiæ favebat in prima informatione Episcopus. Sed iterum a Sacra Congregatione requisitus, ut transmitteret unionis, ac reductionum Decreta, & oblationes, utque referret de annuo Reditu, & oneribus cujusque Beneficii, omnia in secunda informatione adimplevit, resque ex posteriori Rescripto agenda erat in Folio. Variavit tamen Perfectus primam instantiam, ac facultatem petiit investiendi Prædiolorum pretium in tot Censibus, aut Cambiis cum Locis Piiis, vel Comunitatibus Status Ecclesiastici, ejusque novæ petitioni pro Censibus annuendum censuit in tertia informatione Episcopus, eo quod = *investimentum in Censibus cum Locis Piiis, vel Communitatibus Status Ecclesiastici æquè tutum videtur, atque fructiferum, ac si in aliis Terrenis investiretur* = addiditque, parendo mandatis = *quod cum Beneficia prædicta non sint de Jure patronatu alicujus Personæ,*

sed liberae collationis, nullus est, qui interesse habeat, aut habere possit in re; de qua agitur; unde & neminem audire potui = Duo igitur sub infrascriptis Dubiis ab EE. Vestris quærentur; num concedenda sit facultas alienandi Prædiola, de quibus agitur, & investiendi pretium in Cambiis, aut Censibus; & num sit locus reductioni Missarum.

Duo potissimum quoad alienationem Bonorum spectanda sunt, necessitas, & utilitas, *Petra ad Constit. Ambitiosæ per tot. de Reb. Eccles. non alienan. tom. 5. Utrumque in nostro themate concurrit. Prædiola enim, quæ huc illuc Beneficium possidet, nec facile locari, nec eum reddere valent fructum, qui ex unico, vel pluribus unitis Prædiis consequi poterit. In his sane terminis alienationem permittit Innocentius III. in Cap. Cum Apostolica 7. de his, quæ fiunt a Prælat. sine consens. Capit., ac probant Pignatell. consult. 95. num. 35. tom. 6., Schmier Jurispr. Canonica civil. lib. 3. tract. 1. part. 2. cap. 4. sect. 3. §. 1., Schmalzgrueber cons. 91. §. 14., Layman. lib. 3. tract. 4. cap. 10. num. 3.*

Tota igitur difficultas versatur circa investimentum pretii. Permitti quidem non debent Cambia, quum species sint mercaturæ, quæ Clericis, & Ecclesiæ interdicta est in *Cap. fin. de vit., & honest. Clericor.*; quod exornant *de Grass. de effect. Clericat. effect. 6. num. 1., & Card. de Luc. de Camb. disc. 18. num. 4. Censibus vero, licet æquiparentur stabilibus, eorumque nomine veniant, Cenc. de Cens. quæst. 30. num. 6., Barbosa de Episcop. alleg. 95. num. 45., Card. de Luc. de Cens. disc. 17. num. 2., idoneum tamen pro Beneficio non videntur investimentum quod juxta Decreta de celebratione Missarum, auctoritate Urbani VII. impressa anno 1625., fieri debet = in Bona stabilia fructifera vera, non autem ficta, ut sunt Censibus = ut per hæc verba monet Card. de Luc. ad Sac. Conc. Trident. disc. 21. num. 9.*

Maxime, quia faciendum est pro celebratione Missarum, quibus singula fere Beneficia gravantur. Sæpe enim vetuit Sacra Congregatio hujusmodi investimenta in Censibus, qui pluribus de causis deficere possunt. In *Fundana 28. Februarii 1654. tom. 19. Decretor. pag. 319. a terg. per modum Legis statuit = Censibus non reputari Bona stabilia ad effectum investiendi pro celebratione Missarum = Et in Firmana Oneris Missarum 23. Junii 1764., licet*

licet Testator jussisset = *che i suoi Nipoti debbano mettere a Censo scudi 500. presso idonea Persona ad effetto, che colli frutti di quelli si mantenga un Cappellano, che celebri ogni giorno* = proposito tamen Dubio = *An, & quomodo Fundus Capellaniæ quotidianæ sit constituendus in Bonis stabilibus valoris scutorum 500., sive in Censibus in Casu &c.* = Sacra Congregatio respondit = *Affirmative, & constituendum esse Fundum Capellaniæ in Bonis stabilibus* = Neque urget, quod fundi Beneficiorum S. Apolloniæ, & S. Mariæ Magdaleniæ, ac in parte etiam fundi Beneficiorum S. Felicis, SSm̃i Crucifixi, & SS. Joannis, Hieronymi, & Ansovini consistant in Censibus. Aliud enim est jam existentes pro fundis Beneficiorum servare Census, aliud de novo creare.

Annuit quandoque pro investimento in Censibus; sed hoc fecit ob defectum alterius investimenti, ut in *Neapolitana 3. Augusti 1658. lib. Decret. 21. pag. 337. a terg.*, ac idonea etiam præscripta fidejussione, ut in *Tarentina 3. Augusti 1671. lib. Decret. 27. pag. 174.* In casu autem nostro non constat de præsentis Stabilitum defectu, neque necessitas urget, ut statim vendantur Prædiola, quæ idonei Beneficiorum fundi ab immemorabili tempore fuerunt.

Quo vero ad constitutionem certi Missarum numeri, verum omnino non est incommodum investigandi pretiarum, quæ ex Prædiolis colliguntur, ad dimetiendam manualet. Prædiola enim illa certum quodammodo, juxta notulam ab Episcopo transmissam, habent Reditum. Nulla ergo videtur ratio, cur post iteratas Missarum reductiones annorum 1659., & 1706., tertio nunc ad certum numerum reducantur. Maxime, quia major, vel minor illorum numerus a futuro pendet investimento, de quo in primo Dubio. Quatenus tamen EE. Vestræ indulgere velint Oratori, noscant oportet ex prædicta notula cujusque Beneficii Reditus, ut Missarum numerum taxare valeant. *Beneficium S. Felicis* annum reddit scutum unum, & ob. 50, Alterum S. Apolloniæ sc. 3. Tertium S. M. Magdaleniæ obolos 96. *Quartum* S. Blasii obolos 50. *Quintum* SS. Simonis, & Judæ ob. 20. *Sextum* S. Martini scuta 3. 20. *Septimum* S. Catharinæ scuta 2. 50., ex quibus detrahendi sunt ob. 96. pro fructibus passivi Censu in sorte scutorum 24., impositi anno 1783. de licentia Sacræ Congregationis, & scutum unum, quod singulis annis deponitur pro illius extinctione. *Octavum* SSm̃i Crucifixi scuta 2. 13. 3. Et

Nonum SS. Joannis , Hieronymi , & Anselvini scuta 3. 11. 1.

Dubia sunt .

- I. *An concedenda sit facultas alienandi Prædiola , de quibus agitur , & quomodo investiendum sit eorum pretium in casu &c.*
- II. *An , & quomodo sit locus reductioni Missarum in casu &c.*

Non proposita cum sequentibus .

Sess. 22. Decret. de observan., & evit. in celebrat. Miss. & Sess. 24. cap. 12. de Reform.

URBEVETANA. Ex pluribus Capellanis , qui in Cathedrali erant Urbevetana Ecclesia , duodecim anno 1498. Beneficiatos constituit Cardinalis Valentinus Apostolicæ Sedis Legatus . Pluribus injunctis Sacris , & Anniversariis , participes eos voluit communis Massæ , ex cumulo fructuum suppressarum Capellaniarum confectæ , quæ nomen illis dedit *Beneficiatorum de Massa* . Jamdudum singulis Sabbathis in honorem Beatæ Mariæ Virginis , quæ dicitur *de S. Britio* , canebatur Missa , quæ in antiquissimis Constitutionibus Capituli , anno 1332. ab Episcopo Tramo evulgatis , conventualis nuncupatur , ac pro conventuali habendam esse præcipitur . Hanc igitur Missam ab erectione Beneficiorum celebrarunt Beneficiati ; sed eam semper sub conditione applicarunt , quatenus nempe pro Benefactoribus celebrari deberet , ut iterum anno 1727. Episcopus Elisei decrevit .

Ad sedandos conscientiae stimulos , ab EE. Vestris quærunthodierni Beneficiati , num ultra communem Missam conventualem , eam quoque , quam in honorem B. Mariæ Virginis canunt , pro Benefactoribus applicare teneantur . Hodiernus Eñus Episcopus neque liberæ applicationi obesse censet Constitutiones anni 1332. , eo quod = ab aliis fortasse Presbyteris , seu probabilius ab aliis de Capitulo , non tamen a Beneficiatis hæc Missa canebatur ; cum Beneficiatorum erectio sit longe posterior = neque Decretum anni 1727. , cujus respectu hæc habet = *Hujusce Decreti , causam ignoro , rationem tamen non video .*

Onus enim Missæ conventualis, quod omnibus de Capitulo inest, & cui omnes, ut dixi interesse debent, Beneficiatis tantummodo impositum esse agnosco. Forsan hanc quoque Missam conventualem noluit Episcopus Elisei, præter aliam de feria, vel de festo occurrente, quam omnes tum Canonici, tum Beneficiati post tertiam canere per tur- num solent = Ideoque consultum putat = Beneficiatorum serenitati, si firma remanente celebratione cum cantu, de- claratio prodeat, qua Beneficiati ab applicatione Missæ de Beata Virgine eximantur.

Quænam fuerit hujusce Missæ origo, ignoratur. Verifi- mile tamen est, aliquam piam habuisse foundationem. Præteriri ergo non posse videtur illius applicatio pro Be- nefactoribus, quorum memoria fundamentum est Missæ conventualis. Ex hoc, inquit *Benedictus XIV. in Con- stitutione Cum semper oblatas*, quod Benefactorum nomi- na in oblivionem venerunt, non idcirco deserere fas est usum, & disciplinam orandi pro his, & Sacrificium Mis- sæ pro illis offerendi. Atque inde præceptum applicandi Missam conventualem pro Benefactoribus in genere origi- nem, & rationem desumit. Antiquissimæ accedunt Con- stitutiones anni 1332., & Decretum anni 1727., in qui- bus eadem Missa inter conventuales numeratur. Quanti enim æstimandæ sint Episcopales illæ Sanctiones, probat *Pignatell. consult. canon. 109. num. 10. tom. 9.*

Advertendum tamen est, nullam in Bulla erectionis Bene- ficiatorum neque de Missa B. Mariæ Virginis, neque de illius applicatione pro Benefactoribus mentionem fieri. Novum ergo imponi non posse videtur onus in ea non expressum, *Corrad. in Prax. Benefic. lib. 2. cap. 10. num. 150., Pignatell. consult. Canon. 111. num. 9. tom. 9., & Sac. hæc Congregatio in Tudertina Capellanix 12, Martii 1718., novamque idcirco Episcopi Elisei legem attendendam non esse, ut Sacra hæc declaravit Congre- gatio in Montis Falisci diei 31. Maii 1721., in qua per Rescriptum = Clericum Ferdinandum Scaglione teneri ad onera tantum præscripta a Testatrice = abrogata fue- runt onera contra foundationem Beneficii imposita ab Or- dinario, licet nonaginta annorum spatium adimplera.*

Licet vero induci consuetudine valeat obligatio celebrandi plures Missas conventuales, ut statuit *Benedictus XIV. in cit. Constit. Cum semper oblatas*, aut nulla tamen est in casu nostro consuetudo applicandi Missam de B. Mariæ Virgine pro Benefactoribus, aut talis fortasse censeri non debet, qualem summus ille Pontifex requirit. De
con-

consuetudine, Eñus inquit Episcopus, non constat quoad applicationem Missæ de B. Maria Virgine, quin immo vel nunquam applicatam, vel sub conditione tantum applicatam fuisse deprehenditur.

Favere etiam Oratoribus videtur Redituum tenuitas, quæ præsumptionem liberæ applicationis inducit, quum justa inter emolumentum, & onus esse debeat proportio, *Card. de Luc. de Fideicomm. disc. 195. num. 9.* Quatenus autem responsuræ sint EE. Vestræ pro exclusionem applicationis, servanda erit Missæ celebratio, quia onus celebrandi distinctum est ab onere applicandi, *Rot. cor. Tanar. decis. 133. num. 14.*

Dignentur itaque EE. Patres decernere.

An Beneficiati Ecclesiæ Cathedralis Urbis Veteris nuncupati de Massa teneantur applicare pro Benefactoribus in genere Missam Beatæ Virginis de S. Britio, quam singulis Sabbathis canunt ad ejus Altare in casu &c.

*Sess. 25. cap. 4.
de Reform.*

MATHELICIEN. SUSPENSIONIS ONERIS MISSARUM. Reductionem ab hac Sacra Congregatione postulavit Sacerdos Petrus Matthæus Bassi Missarum 150., quas uti Rector Capellaniæ, jamdiu in Ecclesia SS. Suffragii Mathelicæ a Magdalena Piloni erectæ, singulis annis celebrare tenebatur, triplicemque afferebat causam, grandævæ scilicet ejus ætatis annorum 84., paupertatis, ac necessitatis restaurandi binas Capellaniæ Domunculas, quod præ tenui ipsius Capellaniæ Reditu fieri non poterat. Quum tamen Sacra Congregatio ab Episcopo accepisset, satis amplo Oratorem frui alimenterum Legato a Fratribus de Paganellis, ejusque culpa Domunculas, ob non factas opportunis temporibus restauraciones, in deterius abiisse, merito hinc die 8. Maii 1784. rescripsit = *Lectum*, & Episcopus cogat Oratorem ad restaurandas Domos = Instantiam renovavit Clericus Aloysius Bassi, qui per renunciationem Patru Capellaniæ obtinuit, sed iterum atque iterum rejectus fuit, edito tandem sub die 15. Januarii seq. anni 1785. Rescripto = *In decretis*, & preces amplius non recipiantur = Tertio nunc, obtenta venia, EE. Vestrarum cle-

mentiam implorat pro temporaria Missarum suspensione .

Hodiernus Fabriani , & Mathelicæ Episcopus refert , taxative pro dote Capellanix assignatas fuisse = *la Possessione in Contrada = Cappuccini = e le due Case unite , che abito , così pure li Castagneti* : Parum , aut nihil pauperem Oratorem sperare posse ex hæreditate defuncti Patruï (cujus tamen vires ignorantur) nam licet cum tribus ejus Fratribus heres sit proprietarius , libera tamen pollet alienandi facultate Maria Nicola Bassi Testatoris Soror , & usufructuaria : Domorum restaurationes , Peritorum judicio , cum impensa scutorum 35. absolvi posse . Et per hæc tandem verba concludit = *Fatta insuper animadversione super populatione Civitatis Mathelicæ , observo , eandem esse pergrandem , & dietim augeri ex Mercatura , quæ viget , & floret in ea , & inde Locationes Domorum certas , & perutiles esse in posterum quoque confido . Quamobrem , mea quidem Sententia , approbanda est , & admittenda Domorum refectio , & attenta paupertate Oratoris , nec non bene perpensa enunciata dispositione Petri Matthæi Bassi ejus Patruï , ea , qua decet , reverentia dico , concedendam esse petitam reductionem Missarum .*

Necessitas restaurandi Domo ex relationibus Peritorum , & Episcopi urget . Impares ad id sunt vires Oratoris , qui gravi laborat paupertate , impares Capellanix Reditus , qui vix annuam scutor. 28. 59 $\frac{1}{2}$ summam attingunt , sed detractis scutis 15. pro Missis 150. , sc. 1. 50. pro taxa Utenfilium , obolis 45. pro Collectis , & scutis 3. pro cultura Prædii rustici , vix annua pro Capellano supersunt scuta 8. 64. $\frac{1}{2}$, ex quibus confici nequit prompta restauratio , qua Domus indigent . Æqua igitur videri poterit , juxta sententiam Episcopi , Oratoris instantia . Ubi alius enim pro reparandis Beneficii Bonis deficit modus , ultimum remedium est Missarum suspensio , aut diminutio , *Amostaz. de Caus. Pii lib. 1. cap. 14. num. 36. , & seq. , Brasch. de libert. Eccles. tom. 3. cap. 24. num. 20. , & Sacra Congregatio in Cornetana Oneris Missarum 8. Maii 1784. , in qua ad Dubium = An , & quomodo sit providendum = responsum fuit = Quoad præteritum , ad D. Secretarium cum SSmo . Quo vero ad futurum , scribatur Episcopo juxta mentem , & mens est , quod celebretur Missa una quolibet mense ad sexennium , & Episcopus , computata eleemosyna Missæ manualis , assignet Beneficiato ex fructibus Præbendæ quantum deerit ad complementum*

mentum *taxæ Patrimonii Sacri* ; quod autem supererit ,
impendat in *restorationem Domorum Beneficii = & in Ca-*
merinen. Suspensionis Oneris Missarum 12. Martii 1785.

Adverendum tamen est , actionem habere Oratorem pro
refectione damnorum adversus hereditatem Patruī , cu-
jus culpa Domorum deteriorationes obvenērunt . Incom-
perta quidem est illius hereditatis vis , sed par in dubio
censeri debet solutioni Debiti , quod posteriora heredis
usufructuariæ , & proprietariorum jura vincit . Delibe-
rent ergo EE. Vestræ , num cogendus sit Orator ad per-
sequendam Patruī hereditatem , vel restaurandas Domos
ex Reditibus Capellaniæ , seu aliqua potius indulgenda
sit Missarum suspensio cum obligatione redintegrandi il-
larum numerum ex portione Bonorum , quæ Oratori ex
hereditate Patruī post obitum usufructuariæ obventura
erunt .

Dubium est .

An , & quomodo sit locus suspensioni Missarum in casu &c.

*Sess. 25. cap. 4.
de Reform.*

LUNEN. SARZANEN. Capellaniam possidet Sacer-
dos Franciscus Raggi in Ecclesia S. Andreae Carariæ
ad Altare S. Crucifixi , cui ex antiquissima Scipionis Pel-
legrini fundatione onus erat quotidiani Sacri , & assi-
stendi Divinis Officiis , quæ in eadem Ecclesia celebran-
tur , annuus vero Reditus scutorum Januensium 40. , quæ
summam scutorum 24. monetæ Romanæ constituunt .
Quum tenuis igitur esset eleemosyna obolorum sex cum
dimidio pro quolibet Sacro , eam hodiernus Episcopus
ex generalibus Sacræ hujus Congregationis facultatibus
ad manualet obolorum 12. reduxit . Erecta nuper in
Collegiatam Ecclesia , evasit Orator ex Capellano Man-
sionarius cum onere assistendi Choro , aliamque idcirco
ab EE. Vestrīs petiit Missarum reductionem . Sed con-
trarium passus Rescriptum = *Orator gaudeat reductione* .
jam obtenta ad manualet = instantiam renovat . Hæc au-
tem refert Episcopus = *Cum (præter Sacra) quæ super-*
sunt onera taxative concepta , Reditibus sint imparia , nec
Orator , utpote Mansionarius , Choro , & Ecclesiæ , in
Collegiatam nuper erectæ , servitio addictus , ab hujusmo-
di

di onere a Testatore imposito dispensari expedit, nec valet reluctantis interesse habentibus &c. idcirco censerem, ab EE. Vestris benigne indulgeri posse, taxata eleemosyna saltem ad rationem perpetuæ, consentientibus in hoc Capellaniæ Patronis.

Statuit quidem *Sacrum Concilium Tridentinum Sess. 25. cap. 4. de Reform.* adimpleri debere pia Missarum relicta, ut Testatores voluerint, sed illorum reductionem implicite permittit, si peculiares urgeant circumstantiæ. Reque vera non raro Sacra Congregatio, sive ob imminutos Reditus, sive ob aucta rerum pretia, hujusmodi reductionem concessit, ac præsertim in *Bracharen. 11. Septembris 1717. lib. 67. Decretor. pag. 373.*, in qua reduxit etiam servitium Chori, in *Aquen. 19. Decembris 1772.*, & in *Senogallien. Reductionis 10. Maii 1783.* Æqua hinc fuit reductio, quam Episcopus explevit ad manualementem, quam valde nostris temporibus tenuis esset eleemosyna obolorum sex cum dimidio a Fundatore præfinita. Eademque ratione æquæ videtur ulterior reductio ob auctum post erectionem Collegiatiæ servitium per assistentiam Choro. Haud enim manualis eleemosyna utrique respondet oneri Missarum, & Chori, contra regulam, de qua *Card. de Luc. de Fideicommi. disc. 195. num. 9.* Et quamvis cum eodem Reditu Capellanum obligaverit Fundator tum ad quotidianum Sacrum, cum = *ad assistere alli Divini Officij, che in detta Chiesa celebrano* = & cum his oneribus Capellaniam acceperit Orator, fortasse tamen prisca illa Officia per recentem Collegiatiæ erectionem, & chorale servitium graviora evaserunt, ac majus idcirco merentur emolumentum. Verba enim illa = *assistere alli Divini Officij* = intelligenda sunt juxta subjectam materiam, ita ut si fuerint apposta in fundatione Cappellæ erectæ intra Ecclesiam, in qua horæ Canonice non recitantur, tunc non important servitium Chori, sed sunt referenda ad celebrationem Divinorum extra Chorum = Verba sunt *Fagnani in Cap. 1. de ætat., & qualit., & ordin. præfic. num. 105. lib. 1.*

Quatenus vero indulgendum sit Oratori, quærendum erit, num reduci potius debeat servitium Chori, quam Missarum numerus. Ex urgentissima illa ratione, quod meliora sint Sacrificia, affirmativam Sententiam tenent *Fagnan. in Cap. Ex parte de Constit. num. 34., Garz. de Benefic. part. 7. cap. 1. num. 126., & Benedict. XIV. de Synod. Diæces. lib. 13. num. 23.* Contrarium ob interesse habentium reluctantiæ sentit Episcopus, nec desunt

reductionis potius Missarum, quam Chori exempla, ut in *Florentina Reductionis Missarum* 13. Julii 1776. Iterumque quærendum, num servanda sit Missarum reductio ad manualementem, vel concedenda potius ad perpetuam, ut censet Episcopus. Perpetui autem Legati qualitas, tenuisque Capellanæ Reditus suadent, ut ad perpetuam potius fiat, ut in *Nepeſina Reductionis On-erum* 24. Julii 1734., & in cit. *Aquen.* 19. Decembris 1772. Hoc tamen Eminentissimi Patres advertant, quod neque de legibus constat erectionis Collegiatæ, neque de qualitate choralis servitii, diurnum ne sit, an festivum. Fortasse enim despondit Orator servitium Chori, ultroque novum hoc onus, illudque leve, accepit. Si ita est, absurda videri posset ulterior Missarum reductio in compensationem servitii, quod semel assumpsit, *Cap. Quod semel* 21. de regulis Jur. in sexto.

An, & quomodo sit locus reductioni onerum in casu &c.

Die Sabbathi 24. Novembris 1787. in Palatio Apostolico Vaticano erit Sacra Congregatio Concilij, in qua, præter alia, proponentur infrascripta Dubia, juxta morem ejusdem Sacræ Congregationis de jure resolvenda.

QUatuor cum reliquis EE. Vestrarum judicio subiiciuntur Causæ, quæ ob negotiorum multitudinem proponi non potuerunt in novissima Congregatione diei 15. elapsi Septembris. Consulere igitur dignentur præcedens Folium, ut eas modo expediant.

CAMERINEN.

- I. *An concedenda sit facultas alienandi Prædiola, de quibus agitur, & quomodo investiendum sit eorum pretium in casu &c.*
- II. *An, & quomodo sit locus reductioni Missarum in casu &c.*

Sess. 25. cap. 4. & 11. de Reform.

Ad I. Affirmativè prævia affixione Edictorum favore majoris Oblitoris, & pretium esse investiendum in Bonis stabilibus, & in eorum defectum etiam in Censibus cum Locis Piis, & Communitatibus. Ad II. Dilata, & habebitur ratio sequito investimento.

URBEVETANA.

An Beneficiati Ecclesiæ Cathedralis Urbis Veteris, nuncupati de Massa, teneantur applicare pro Benefactoribus in genere Missam B. Virginis de S. Britio, quam singulis Sabbathis canunt ad ejus Altare in casu &c.

Sess. 22. Decret. de observan. & evitan. in celebr. Miss. & Sess. 24. cap. 12. de Reform.

Negative juxta votum Eminentissimi Episcopi, & sufficere commemorationem generalem pro Benefactoribus.

Sess. 25. cap. 4.
de Reform.

MATHELICEN. SUSPENSIONIS ONERIS MIS-
SARUM. Ut Clericus Aloysius Bassi obicem remo-
veat existentis hereditatis Patruī, cujus culpa Beneficii
Prædia in deterius abierunt, ex Testibus probat, nil
aliud ejus amitam Mariam, heredem usufructuariam pos-
sidere, præter Domum habitationis, paucis Mobilibus
Instructam, ac binos Censūs in sorte scutorum 65., adeo-
que in gravissima octoginta annorum ætate pauperem es-
se, ut quædam aliā ad ducendam vitam distraxerit Bona,
ac venditura erit reliqua, si paucis adhuc annis supervi-
vat. Persequi ergo non posse ait Infelicissimam Senem,
quin eam cogat ad extremam mendicitatem, sibi que vires
deesse ad agendam litem, quam neque urgens reparatio-
num necessitas pateretur. Ex aliis Testibus vero auctam
probat hujusmodi necessitatem in scutis quatuor, eo
quod = *La Capanna esistente nella Possessione &c. la qua-
levà unita alla Cappellania, è cadente, e minaccia evi-
dente rovina, in guisa che detta Capanna è ora affatto in-
servibile.*

An, & quomodo sit locus suspensioni Missarum in casu &c.

Affirmative ad quadriennium celebratis Missis quin-
quaginta in singulos annos, & facta obligatione
per Beneficiatū celebrandi Missas omittas post
obitum Mariæ Bassi ex Bonis hæreditatis Patruī
ad ipsum deferendis.

Sess. 25. cap. 4.
de Reform.

LUNEN. SARZANEN.

An, & quomodo sit locus reductioni onerum in casu &c.

Negative.

VISEN. DISPENSATIONIS. Matrimonium anno 1784. per Procuratorem contraxit Franciscus de Paula Cardozo Visensis cum Anna Elisabeth de Mello ex Opido Travanca. Paucis mensibus in materna Domo supervixit Sponsa, eamque semel adiit Sponsus, ut de modo ac tempore migrandi in Domum suam conveniret, iterumque ut gravi morbo laborantem inviseret. Post illius obitum adamare cepit germanam ipsius sororem Mariam Ritam, adeoque frequenter cum ea conversatus est, ut copulæ suspicio percrebuerit. Ut infamatæ igitur nuberet Puellæ, dispensationem a Dataria Apostolica super primo publicæ honestatis gradu postulavit. Re autem ad Sac. hanc Congregationem remissa, sollemnis, Ea jubente, confectus est a Visensi Episcopo Processus super non consummatione Matrimonii cum Anna Elisabeth, ejusque Sororis diffamatione, cujus hæc est summa.

Præ omnibus juravit Cardotius, nunquam se defunctam Conjugem cognovisse. Ejus dictum sub formali examine confirmarunt Francisca Bernarda Defunctæ mater, Eleonora Rita soror, & Clara Elisabeth amita. Una enim voce deposuerunt, nullam omnino nec in primo, nec in secundo illius accessu ad Sponsam, occasionem consumandi Matrimonium fuisse: Eam semper coram omnibus alloquantum esse; seorsim ab ea dormiisse; adeoque se in reliquis gessisse, ac si ejus Vir non esset. Hæc sunt verba Matris, cui in omnibus consonant Soror, & Amita = *soltanto per una unica volta portossi il Giustificante (Cardotius nempe) in questa stessa Casa a trattare negozio confacente alla gita della stessa sua Figlia alla di lui Casa di Viseu; e si diportò in questa stessa venuta come se non fosse stata ancora maritato, e congiunto in matrimonio colla medesima sua Figlia, lo che sa, per esser stata sempre in compagnia di essa in tutte le occasioni, in cui li medesimi si parlarono, e la medesima sua Figlia dormiva in compagnia di essa Deponente, e di tutte le sue Sorelle, e di una sua Zia in una Casa separata, che ha a tal'effetto; ed essendo avvenuto, che la medesima sua Figlia si ammalasse gravemente, del qual male morì, essendo già quasi al fine della medesima malattia; venne anche il Giustificante a visitarla, diportandosi sempre con tutta la pulizia, e come se non fossero stati congiunti in matrimonio, e lo sa con tutta la certezza, e così lo depone sotto il giuramento, che il Giustificante non consumò il Matrimonio colla d. sua Figlia.*

Hoc ipsum dixerunt reliqui judiciales Testes, Francisca nem-

*Sess. 24. cap. 3.
de Reform. Ma-
trim.*

nempe de Almeida famula, & Emanuel Ribeiro Procurator Domus de Mello, ac Emanuel de Almeida Osorio Pàrochus Ecclesiæ de Travanca; eorumque omnium depositiones aliunde etiam comprobavit Judex delegatus qui hæc refert = *Dopo esaminati li Testimonj io presi altresì informazione particolare sopra il contenuto della istanza del Giustificante, e la trovai appieno conforme colle deposizioni delli medesimi Testimonj, e costante l'esser morta Donna Isabella, o sia Elisabetta di Mello &c. senza avere consumato il matrimonio &c.; e che nella infermità, e presso a morte diceva, avere particolar piacere di non aver consumato lo stesso matrimonio, perchè moriva senza sapere lo che fosse l'esser maritata* = De publica vero Mariæ Ritæ diffamatione alii quatuor deposuerunt Testes, eademque opinione addiderunt = *che la detta Donna Maria Rita ha delli Parenti distinti, ed onorati, li quali concependo qualche disgusto, ove non si effettuò il riferito matrimonio, potranno in qualche maniera vendicarsi del Giustificante.*

Utroque attento Examine, expeditæ fuerunt de mandato Episcopi Testimoniales super uno publicæ honestatis impedimento, ac respectiva diffamatione in hæc verba = *Notum facio, et attestor, Franciscum de Paula Cardozo &c. nullum aliud impedimentum, nisi publicæ honestatis habere ad matrimonium contrahendum cum Domina Maria Rita de Mello &c. idque provenire ex matrimonio rato, nec consumato, Auctoritate ordinaria, & per Procuratorem contracto cum D. Anna Elisabetha de Mello &c. Item præd. Annam maligna febris occubuisse, quin propter id, obque Locorum distantiam se conjunxerint, nec matrimonium consumaverint &c. Denique prædictam Mariam cum eodem Francisco jam pati infamiam, quod ipse eam frequenter visitaverit, & eam esse sanguine conjunctam cum Familiis nobilissimis, præd. infamiam ægerrime laturis, & facile vindicaturis, nisi matrimonium DEO ACCEPTISSIMUM contraxerint* = Atque hinc quæritur, cum constet de matrimonio rato, & non consumato inter Franciscum, & Annam Elisabetham, seu de impedimento publicæ honestatis, & concedenda sit dispensatio

Præcipua confirmationis matrimonii præsumptio oritur ex cohabitatione, & concubitu, Cap. *Litteris de Præsumpt. Zacch. quæst. Medico Legal. lib. 4. tit. 2. quæst. 3. n. 12. & 14.* Paucis quidem diebus in primo accessu ad Domum

de Mello cohabitavit Franciscus cum Elisabetha, sed neque sub eodem dormiit Tecto, quum illa = *dormiva in una Casa separata* = neque concumbuit, dum semper, ut consueverat, dormitum ivit Elisabeth = *in compagnia di essa Deponente* (Matris nempe) *e di tutte le sue Sorelle*, e di una sua Zia = Solemne accedit ipsius Francisci iuramentum = *di avere contratto il Matrimonio*, ma *di non averlo consumato* = cui deferendum esse monet Gloss. in Can. Extraordinaria 11. caus. 35. quæst. 3. verb. Sacramentis; & Rot. post Zacch. quæst. Medico Legal. decis. 38. sub num. 14., quum de solo agatur ejus Animæ præjudicio. Pluresque accedunt Testes, ac morientis Elisabethæ confessio = *di non aver consumato lo stesso matrimonio* = quæ sincera de Jure præsumitur, Mascard. de Probat. conclus. 359. num. 28., & seq. In secundo autem accessu = *dicendum*, præsumptionem cohabitationis non deservire ad probandam commixtionem Viri, & Uxoris, stante impedimento infirmitatis, ut se non compatientis cum coitu = ut per hæc verba dixit Rot. post Zacch. Quæst. Medico Legal. in cit. dec. 38. n. 15.,

Quatenus igitur EE. Vestræ non consumatum censeant matrimonium Francisci cum Elisabetha, assueta decernent prudentia, & maturitate de Dispensatione. Nondum ex sponsalibus, sed ex matrimonio etiam rato, & non consumato impedimentum oritur publicæ honestatis, juxta Constitutionem Ad Romanum 62. S. Pii V., & resolutiones Sac. hujus Congregationis relatas a Corrad. in Prax. Dispens. lib. 8. cap. 7. num. 15., & 20. Hujusce impedimenti dispensatio minima reputatur a Reinfestuel. in Jus Canon. tom. 4. append. super impediment. § 3. de caus. num. 135. Facilius conceditur Viro, ut secundæ nubat Sorori, quam Mulieri, quæ alterum ducere velit Fratrem, Rigant, ad Regul. 49. Cancell. num. 43. Eoque magis si oritura sint scandala, Corrad. in Prax. Dispensat. lib. 8. cap. 7. num. 21. Eam Sacra Congregatio ob dubiam non consumationis probationem denegavit in Pennen. Dispensationis 29. Maii 1756., sed concedendam esse censuit in Gadicen. Dispensationis 12. Junii 1762., in qua consumatum non fuisse constabat matrimonium, similesque casui nostro concurrebant circumstantiæ. Proposito enim Dubio = *An sit consulendum Sanctissimo pro Dispensatione* = responsum fuit = *Attentis peculiaribus circumstantiis, consulendum esse Sanctissimo pro dispensatione super impedimento publicæ honestatis, & etiam affinitatis* =

tatis = Quod Rescriptum confirmatum fuit die 25. Septembris ejusdem anni.

Dubium est. *An constet de matrimonio rato, & non consumato, ita ut sit locus dispensationi in primo publicæ honestatis in casu &c.*

Affirmative in omnibus.

Sess. 24. cap. 12.
de Reform.

NARNIEN. SERVITII CHORI : Sub Judice adhuc remansit Causa ista in Congregatione diei 3. elapsi Martii per Rescriptum = *Dilata, & scribatur juxta mentem* = & mens fuit, quod referret Episcopus *de qualitate Collegiæ utriusque Ecclesiæ, & de Reditibus singulorum Canoniciatum*. Ut accuratius Sacram Congregationem de utraque re certiores redderet Episcopus, Canonicos interpellavit = *ut in Archivis Collegiatarum qualitatem earundem investigarent, ac insimul per juratas assignationes singulorum Canoniciatum Reditus patefacerent* = Negotio non defuerunt Canonici, concordibusque animis utriusque Collegiæ qualitatem ignorare dixerunt = *non costando loro da verun Documento, se la medesima sia eretta, o mere nuncupativa* = Hæc vero de singulorum Canoniciatum Reditibus per respectivam Status activi, & passivi exhibitionem sub juramento testati sunt.

Vix sibi superesse dixit Parochus Archipresbyter Ecclesiæ S. Michaelis Archangeli scuta 13. 15., detracta præcæteris oneribus eleemosyna Missarum pro Populo, altarum Missarum celebratione, & assistentia Missis cum cantu, & Choro diebus Festis. Majori ex parte reliqui Canonici minores oneribus asseruerunt eorum Canoniciatum Reditus, alii in scutis 2., alii 3., alii quatuor, vixque unus & alter superlucrare ait scutum unum, aut duo. Vicarius perpetuus rursus S. Nicolai, eadem fere, ac Parochus S. Michaelis Archangeli, facta onerum detractio, libera sibi attribuit scuta 4. 23., & alterius Capituli exemplum in detractioibus sectantes Canonici,

gradatim exitum a scuto uno ad 19. supra introitum even-
xerunt , uno excepto , qui lucrum factus est scuto-
rum 11. 40. , & altero , qui illud in majori admisit sum-
ma scutor. 14. 12.

Hæc vero Episcopus super utriusque Ecclesiæ qualitate, Re-
ditibulque Canonicatum ponderat . Certum in Episco-
pali Cancellaria non existere fatetur monumentum de col-
legiali dd. Ecclesiarum qualitate = *propter infortunia , ac*
præsertim ob passam a Militibus exteris depopulationem =
Eam tamen probat argumentis , quibus nonnulla addit
Jura . Collegiatam nuncupavit Ecclesiam S. Michaelis
Archangeli in Visitatione anni 1512. Narniensis Episco-
pus Romulus de Cæsis , vel Herulus potius de Her-
lis (utriusque enim nomen præfert Liberulus , ex quo
id desumitur) , decrevitque , ut tenerentur illius Cano-
nici = *singulis diebus Dominicis , & Festis de præcepto Of-*
ficium in Choro recitare , & Missam , & Vesperas canta-
re = Collegiatam pariter appellavit Episcopus Cæsius an-
no 1574. , dum ei in executionem Decretorum Visitato-
ris Apostolici univit = *omnes , & singulos Canonicatus ,*
& Præbendas Ecclesiæ S. Simeonis = Atque eam , ac al-
teram S. Nicolai pro Collegiatis habuerunt Episcopi suc-
cessores , ita ut hodierni Episcopi testimonio = *earum*
Canonici , uti tales , Synodis Diœcesanis semper interfue-
runt = In collegialitatis signum , prosequitur Episcopus ,
= *Ecclesia collegiata S. Michaelis Archangeli habet Digni-*
tatem Archipresbyteratus , quæ tamquam prima Dignitas ,
semper , & in omnibus mensibus reservata manet Sedi Apo-
stolicæ . Alterius vero Collegiatae S. Nicolai Animarum
cura habitualiter resedit penes Capitulum ejusdem , donec
de anno 1713. erecta fuerit Vicaria Curata perpetua , quæ
confertur ad Concursum = Atque his omnibus addit = *quod*
omnes Canonicatus , modernioribus temporibus instituti vel
in una , vel in altera ex dd. Ecclesiis Collegiatis , erecti
fuerunt formaliter in titulum auctoritate ordinaria , ex
quo , ni fallor , aliud insurgit indicium de vera Collegia-
litate . Alias enim majus viderentur quodammodo jus ha-
bere in iis Ecclesiis Canonici adjuncti , quam alii antiquio-
res Canonici Capitulares .

Ægre autem quoad Canonicatum Reditus tulisse ait, Epi-
scopus = *quod Canonici Stronconienses , quorum plures*
ordinati sunt ad titulum Canonicatus , & in verificatione
tituli ex attestationibus Capitularium probavere , Reditus
Canonicatum excedere taxam Synodalem , prout E. Vestra
recognoscere dignabitur ex authenticis Documentis humili-

ter hic exhibitis sub litt. E. , nunc ad opportunitatem , seu potius importunitatem eosdem Reditus adeo diminutos effingant , & onera tam magnopere exagerent , ut parum aut nihil sibi provenire concludant a servitio respectivæ Ecclesiæ , cui reperiuntur adscripti = Reque vera sub juramento testati fuerunt anno 1777. Canonici Ecclesiæ S. Nicolai = qualmente il Canonicato , che al presente si possiede dal Signor Canonico Pietro Egiddi in questa nostra Chiesa di S. Nicolò supera il fruttato sopra li quaranta scudi , ed in conseguenza è sufficiente per la congrua sostentazione del sud. Egiddi = eodemque anno Canonici S. Michaelis Archangeli , jurati pariter affirmarunt, annuos Canonici Petrucci Maffoli Reditus summam attingere , detractis oneribus, scut. 31. 70.

Quædam alia deinde de singulis Reditibus notat Episcopus = quum ad rigorosam (illorum) verificationem brevi temporis intervallo , & sine gravi impensa deveniri non posset = Ex authentico Documento probat , tales esse Archipresbyteratus S. Michaelis Reditus , ut in ejus renunciatione favore hodierni Possessoris , annua Renuncianti pensio Ducatorum triginta auri de Camera super illius fructibus reservata fuerit . Distinctis hinc calculis quoad ipsam S. Michaelis Collegiatam demonstrat , annua Archipresbytero scuta 43. 92. , Canonicis scuta 23. 24. 27. , & 31. respective superesse . Quo vero ad Collegiatam S. Nicolai , redundantes constituit Vicarii perpetui Reditus in annuis scutis 31. 60. , & gradatim a summa scutorum 13. ad scuta 36. , quos reliqui Canonici percipiunt , uno excepto , cui scuta dumtaxat supersunt 4. 79. Diversam autem hanc rationem ducit ob quædam deleta, & quædam alia imminuta onera .

Delenda esse censet ab utroque Statu passivo stipendia Exactorum , eo quod munia hæc per turnum exercent Canonici , ac ipsorum propterea introitum augeat emolumentum ; omnesque delendas esse partitas Missarum Conventualium , & assistentiæ reliquis Missis cum cantu , & Choro = giacchè tali assistenze non sono dovute ad altri , che alli Signori Canonici . Onde non è questa una partita , che diminuisca l'introito ; e qualora si volesse fissare l'emolumento dell'assistenze , che viene ad essere una specie di Distribuzioni , a partita d'esito , converrebbe poi riportare altrettanta somma a partita d'introito = Reducenda vero esse Missarum onera ad obolos 17. pro qualibet ad manua-
lem = mentre il di più si percepisce dalli Canonici in vigore del diritto da essi acquistato nella collazione dei rispettivi
Cano.

Canonicati, e perciò ogni ragione vuole, che abbia ad essere annoverato tra le rendite dei Canonicati.

Pro coronide tandem (in sua Informatione concludit) addendum censeo, quod quum ex Decreto istius Sacrae Congregationis edito die 4. Junii 1712. Canonicis utriusque Collegiatæ demandata fuerit celebratio, & applicatio Missæ Conventualis singulis diebus festis, vigore hujus Decreti compræbensa videtur etiam obligatio recitationis horarum diurnarum, tamquam Missæ Conventuali adnexarum juxta Rubricam, ita ut omnis dubitatio versari videatur circa solam recitationem Matutini tantummodo diebus festis, ex qua cognoscere nequeo, tantum oneris adiici Canonicis hujusmodi Collegiatarum, ut merito queri, & reclamare videantur, uique absurdum illud eveniat, quod numquam ne festis quidem diebus, solemnioribus exceptis, integrum recitari debeat Officium Divinum.

Dubia sunt

I. An Decreta Episcopi Narniensis lata in Visitatione dierum 18. Septembris 1780. & 21. Septembris 1783. sint exequenda in casu &c.

Et quatenus affirmativè.

II. An, & quomodo sit locus reductioni onerum in casu &c.

Dilata ad primam post Reges.

[Faint, illegible text in the margin]

BONONIEN. REDUCTIONIS SERVITII CHORI. *Seff. 25. cap. 4.*
Quæsitum in hac Causa fuit die 16. elapsi Junii = An, de Reform.

& quomodo sit locus reductioni oneris Chori = Ac EE.VV. responderunt = Negativè = Huic non acquiescens Rescripto, SANCTISSIMUM adiit Sacerdos Petrus Cofini, ac nedum denegatam choralis servitii reductionem, ad sexaginta anni dies, sed absolutionem etiam a non celebratis Missis 830. ab EO postulavit. Precibus vero ad Sacram hanc Congregationem remissis, ad examen redit emanata resolutio, & secundum super petita absolutione additur Dubium.

Afferit in novis precibus Orator, integros Beneficii Redi-

His demptis creditis, reliquam constituit hereditatem in li-
ris undecim, vel duodecim millibus, deindeque ad alias
detractiones descendit. Ex authenticis primū documen-
tis constare ait = quondam Franciscum Antonium Vigo
filium d. quondam Mariæ Catharinæ paucis ante ipsius obi-
tum mensibus tot Bona recensitæ hæreditatis alienasse pro
summa lirarum quinque millium supra centum = iterum-
que ex Testibus = quod Filio vix defuncto, dicta quondam
Maria Catharina eandem pecuniæ summam in duobus Sac-
culis repositam accepit = Rationem insuper habet funerum
Testatricis, Legati Missarum 1000., quas statim illa post
ejus obitum celebrari iussit, & alterius libellarum 100.,
Societati SSm̃i Nominis Jesu relictæ, quæ in unum =
exæquant summam lirarum mille = His addit Libellas 2664.,
quæ per Sententiam Judicis soluta fuerunt Creditoribus
hæreditatis, ductoque istarum detractio-
num calculo in Libellis 9064., vix Assen redigit = ad liras 2000., a
quibus tertia adhuc detrahenda est pars pro Legitima, d.
Annæ Mariæ debita =, & in hæc verba concludit = Evi-
dens ergo est, onus lirarum centum, annuatim relictum a
quondam Catharina Testatrice, longe superare vires here-
ditatis, quodque Anna Maria nepos, ac heres, & ora-
trix impendit triginta & amplius annorum spatio ad hu-
jusce Legati implementum, id omne profecto absumpit, quod
ipsa ab hereditate percipere potuit = sibi-que idcirco videri =
Legatum fuisse satis impletum, locumque esse petitiæ decla-
rationi.

Mandavit sane Testatrix. ut acquiri deberet ex hæredita-
riis creditis Prædium Givi, annuæque deinde Libellæ
centum pro totidem Missis ex ejus fructibus solverentur.
Nunquam id factum est; ideoque tenetur hæres Prædium
illud redimere, ac designatum Legati Fundum præstare,
§. Non solum 4. Instit. de Legat., & Leg. Non dubium
est 14. §. ult. ff. de Legat. 3. Legato imparem asserit Ora-
trix hæreditatem, pluresque ad eam minuendam propo-
nit detractio-
nes, de quibus in sua Informatione Archie-
piscopus. Ad EE. Vestras pertinet decernere, num ejus
naturæ sint hujusmodi detractio-
num probationes, qua-
les, in eversionem præsertim Legati Pii requiruntur,
undique scilicet concludentiissimæ, Covarr. in cap. si he-
redes sub num. 9. vers. sed etsi minime de Testam. Notan-
dum tamen est in Facto, summam illam libellarum 5100.,
pro totidem hæreditariis Bonis a Francisco Antonio Vi-
go Testatricis filio distractis, referri forsan debere ad alia
Bona præter descripta in Testamento, non item ad cre-
dita,

dita, quæ post illius obitum Testatrix uti vigentia reliquit. Hinc non in libellis tantum 2000., ut censet Archiepiscopus, sed in longe majori summa libellarum 7100. hæreditas constaret, quatenus reliquæ detractio- nes admittantur, vel in libellis saltem 4733. 33., si ter- tia illius pars Legitimæ titulo Oratrici tribuatur. Reli- qua autem hæc summa exuberaret ad constituendum Fun- dum annui fructus libellarum centum pro celebratione Missarum.

Sedulo præterea advertant Eñi Patres, nullum omnino ab Oratrice confectum fuisse Bonorum Avix inventarium. Hoc enim deficiente, non excusatur hæres ex insufficien- tia hæreditatis, integrumque præstare tenetur Legatum, ut sæpe desinivit Sac. Congregatio, ac præsertim in *Ca- merinen. Subsidii Dotalis* 27. Junii 1761. ad II. *Dub.*, & in *Burgen. Reduccionis* 15. Martii 1777. Descripsit quidem Maria Catharina Promptuarium, Mansiunculam, & Credita in Testamento, sed non inde sequi videretur, nec Mobilia, nec Aurum, nec Gemmas, nec Pecuniam relinquere potuisse. Illudque postremo negligi non debet, quod Legatum adimpleverit Oratrix spatio tri- ginta annorum, & ultra. Hoc utique tanto tempore non fecissent, nisi hereditatis vires sufficientes novisset, argumento *Legis 2. Cod. de Fideicomm.*

Quoties EE. VV. in adimplementum conveniant Legati, hoc etiam dignentur decernere, num cogi debeat Ora- trix ad illum ipsum præstandum Fundum, quem Testa- trix designavit. Apud eam fortasse est cum reliquis hæ- reditariis Bonis Francisci Antonii ejus Patris, cujus in hæreditate erat tempore conditi Testamenti. Si ita est, illum omnino tradere deberet, quum præstare teneatur hæres rem suam legatam, §. *Non solum Instit. lib. 2. tit. 20. de Legat.* Si in tertium vero transiit Possessorem, re- dimendus esset; non tamen = immenso, vel iniquo pretio = ut notat *Voet in Pandect. lib. 30. tit. un. de Legat., & Fideicomm. sub num. 26.*

Quæritur itaque

I. *An sit locus abolitioni Legati Missarum in casu &c.*

Et quatenus negativè.

II. *An, & quomodo sit constituendus illius Fundus in ca- su &c.*

Non proposita cum sequenti.

Sess. 25. cap. 4.
de Reform.

CASALEN. REDUCTIONIS MISSARUM. Hujus
Causæ speciem habent Emi Patres ex Folio diei 7.
elapsi Julii, Rescriptum ex sequenti diei 28. Ad Du-
bia enim I. *An, & quomodo sit locus reductioni Missa-
rum. II. An sit consulendum Sanctissimo pro absolutione.*
EE. Vestræ responderunt = *Dilata, & scribatur Episco-
po juxta mentem* = quod referret nempe, num pro adim-
plemento Missarum persequi posset Domus, in locum
primi Fundi subrogata. Mandatis igitur obsequendo,
rescribit Episcopus *Domum a Vincentio Bazzano subroga-
tam pro onere Legati, de quo agitur, & ab Innocentio Bot-
tacco jam possessam, persequi haud posse, neque ullam spem
adesse illam recuperandi, aut possessorem cogendi ad oneris
implementum. Nam post mortem Innocentii Bottacco Do-
mus illa per ejus Filium hæredem distracta fuit, deinde ad
alios acquirentes transiit, & ultimo loco per modernum
possessorem fere ex integro meliorata, seu potius reædifi-
cata fuit. Et si aliqua spes adesse recuperandi Domum,
vel cogendi modernum possessorem ad oneris implementum,
plures lites in variis laicis Tribunalibus instituere necessa-
rio foret, & Oratrices, quæ de paterno Patrimonio nihil
habent, graves necessarias expensas ferre minime possent* = .

Iterum ergo quæritur

- I. *An, & quomodo sit locus reductioni Missarum in casu &c.*
- II. *An sit consulendum SSmo pro absolutione in casu &c.*

Die Sabbathi 15. Decembris 1787. in Palatio Apostolico Vaticano erit Sacra Congregatio Concilij, in qua, præter alia, proponentur infrascripta Dubia, juxta morem ejusdem Sacræ Congregationis de jure resolvenda.

UNA, & altera ex sequentibus Causis proponi non poterunt in præcedenti Congregatione diei 24. Novembris. Eas igitur Eñi Patres cum reliquis definire dignentur.

JANUEN. LEGATI.

I. *An sit locus abolitioni Legati Missarum in casu &c.*

Et quatenus negative.

II, *An, & quomodo sit constituendus illius Fundus in casu &c.*

Sess. 25. cap. 4. de Reform.

Ad I. Negative.

Ad II. Affirmative ad formam Testamenti, sin minus in alio idoneo Fundo arbitrio Archiepiscopi.

CASALEN. REDUCTIONIS MISSARUM.

Sess. 25. cap. 4. de Reform.

I. *An, & quomodo sit locus reductioni Missarum in casu &c.*

II. *An sit consulendum Sanctissimo pro absolute in casu &c.*

Ad I. Affirmative juxta Votum Episcopi.

Ad II. Affirmative.

CALLIEN. SUBSIDIORUM DOTALIUM . Sodalitium est Callii sub titulo S. Mariæ de Misericordia , cuius Reditus in Brephotropium , Hospitium , Xenodochium , Eleemosynas , Dotes ex instituto , piisque dispositionibus erogantur . Annua ei sunt scuta quadringenta , eaque ex tribus Bonorum speciebus proveniunt , ex Bonis scilicet ipsius Sodalitii pro summa scutorum 240. , ex hæreditariis Bonis Hectoris Benedicti Felici pro summa scutorum 130. , aliisque Joannis Antonii Ranaldi pro reliquis scutis 30. Originarii Sodalitii Reditus in ea omnia converti debent charitatis , & misericordiæ opera , quorum paullo ante memini , ut narravit Clemens VII. in Brevi , quo erigi prohibuit Xenodochium in Ecclesiasticum Beneficium . Hæreditarii Hectoris Felici erogandi sunt ex pia illius dispositione = *nella pietà di sovvenire a poveri Religiosi Mendicanti , ed altri Poveri della Città , ed una rata ad arbitrio delli Signori dodici* (Conservatorum nempe) *in maritaggio di Zitelle &c. preferendo sempre , ed in ogni caso le povere , e gentil Donne per costituirgli la Dote di Maritaggio , o Monacazione* = Reliqui vero Reditus Ranaldi in spirituales tantum conferri possunt Dotes . Universa pia Opera duodecim administrare deberent Viri , sed vix septem sunt , vixque quatuor , aut quinque Consiliis intersunt .

Adum præ ceteris fuit in Consilio diei 25. Maii 1785. de constituenda Nobili Puellæ Annæ Biscaccianti insigni Dote , sive temporali , sive spiritali scutorum 600. ex nominibus Debitorum , quæ in summa scutorum 1788. Sodalitium habet , intra sexennium tamen solvenda . Alter ex quatuor congregatis Conservatoribus , Antonius nempe Brancuti , aperte protestatus fuit = *che non farò mai per concorrere , ma anzi di ricorso in caso &c.* = alter semel , & bis negativum dedit calculum ; reliqui duo suffragati sunt pro dotali subsidio . His deinde post dimissum Consilium accessit , qui contrarium tulerat suffragium , initoque fœdere , resolutionis sanationem ab Episcopo impetrarunt . Re autem ad Sac. hanc Congregationem per Anonymum delata , deceptum se in confirmanda Resolutione dicit Episcopus , tum quia = *unusquisque* (ex tribus illis Conservatoribus) *attestari non dubitat , se illi petitioni* (Dotalis subsidii) *nullimode adversatum fuisse , addebatque , quod si forte aliter factum videri posset , id errore potius , quam voluntate contigisse* = tum quia = *asseveranter mihi affirmarent omnes , liberam facultatem Sodalibus esse Nobili alicui Puellæ Dotem pro arbitrio conficiendi* = .

Præ ceteris hinc refert, quod = superiori tempore mos fuit Dotes non plus quinque in annum conferre, quarum quæque ex scutis 4. 44. 1. conficiebatur. His vero temporibus, & plures dari consuevit, & lautiores, ut non semel ad summam scutor. 200., aliquando etiam 300. nonnullæ pervenerint; quæ res, si ut ire cepit, procedat, dolendum quod nihil in posterum pecuniæ supererit, quæ in novas, & inopintas necessitates, easque urgentiores crogetur = Unum præterea, & alterum memorat calum, in quibus constituta semel fuit spiritualis Dos scutorum 200., iterumque ex Beneplacito Apostolico scutorum 300.. Et in hæc tandem verba prolixam suam Informationem concludit = Quærendum remanet, num etiam ex fructibus Societati propriis tanta pecuniæ summa Puellæ Biscaccianti in Dotem dari poterat, ut in matrimonium seculare collocetur &c.. Ego quidem etsi nec valde utile, nec satis æquum existimem, novam hanc, & insolitam viam aperire, quæ infirmi ordinis Hominibus non leve detrimentum importaret &c. tamen si rei familiaris aliquas angustias considero, in quibus hæc, de qua sæpe dixi, Familia versatur, si bonam fidem, qua confectum, & expeditum hoc totum negotium est, si Dotis possessionem, quam retinet Nobilis hæc Puella, si Dotem ipsam non ex numerata pecunia, sed ex difficilibus potius Debitorum nominibus constitutam, hæc omnia si considero, aliquam videntur mihi indulgentiam Vestram, Eñi Patres, poscere ac implorare.

Tribus igitur concordatis Dubiis, acriter hac de re contra Brancutium reliqui Conservatores contendunt. Liberum quoad primum iactant arbitrium assignandi Dotes in minori, vel majori quantitate juxta conditionem Puellarum, & Sodalitii vires; idque ex immemorabili consuetudine, de qua Clemens VII. in præcitato Brevi. Hanc autem probant consuetudinem ex diversis illis Dotibus scutorum quatuor, viginti, triginta, biscentum, tercentum, de quibus loquitur Episcopus. Usu etiam pro legitimis haberi ajunt Consilia, quibus tres aut quatuor intersunt Conservatores, pluraque in id ex Libris Consiliorum ab anno 1622. ad annum 1784. adducunt exempla, nec dubitandum affirmant de legitimis resolutionibus, ubi major interessentium pars convenerit, Scarfant. Lucubrat. Canon. lib. 4. tit. 2. num. 33. Ferrar. Biblioth. verb. Confraternitas art. 6. num. 23. Arbitrium tandem disponendi de Dotibus pro matrimoniis etiam carnalibus ex ipso desumunt Clementino Brevi, in quo mentio fit de Dotibus in genere, & ex dispositione Hætoris Felici, ex qua

CALLIEN. SUBSIDIORUM DOTA-
litium est Callii sub titulo S. Mariæ d-
cujus Reditus in Brephotropium , Hospi-
chium , Eleemosynas , Dotes ex institu-
tione erogantur. Annua ei sunt se-
ta , eaque ex tribus Bonorum speciebus
Bonis scilicet ipsius Sodalitii pro summa
ex hæreditariis Bonis Hectoris Benedicti
ma scutorum 130. , aliisque Joannis Ant-
reliquis scutis 30. Originarii Sodalitii Re-
nia converti debent charitatis , & miser-
quorum paullo ante memini , ut narrav-
in Brevi , quo erigi prohibuit Xenodoch-
sticum Beneficium . Hæreditarii Hectori
sunt ex pia illius dispositione *= nella piet-*
poveri Religiosi Mendicanti , ed altri Po-
ed una rata ad arbitrio delli Signori dodici
rum nempe) in maritaggio di Zitelle
sempre , ed in ogni caso le povere , e genti
stituirgli la Dote di Maritaggio , o Mona-
qui vero Reditus Ranaldi in spirituales
possunt Dotes . Universa pia Opera du-
strare deberent Viri , sed vix septem sun-
tuor , aut quinque Consiliis interfunt .

Actum præ ceteris fuit in Consilio diei 25.
constituenda Nobili Puellæ Annæ Bisc-
Dote , sive temporali , sive spirituali sc-
nominibus Debitorum , quæ in summa
Sodalitium habet , intra sexennium tamen-
ter ex quatuor congregatis Conservatori-
nempe Brancuti , aperte protestatus fuit
mai per concorrere , ma anzi di ricarso in co-
semel , & bis negativum dedit calculu-
suffragati sunt pro dotali subsidio . His
missum Consilium accessit , qui contrari-
fragium , initoque fædere , resolutionis
Episcopo impetrarunt . Re autem ad Sac-

15. Decembris 1787.

Præceteris hinc refert, quod = superiori tempore mos fuit
Dotes non plus quinque in annum conferre, quarum quæ-
que ex scutis 4. 44. 1. conficiebatur. His vero temporibus
& plures dari consuevit, & lautiores, ut non semel
summam scutor. 200, aliquando etiam 300, nonnullæ per-
norint, quæ res, si ut ire cepit, procedat, dolendum
quod nihil in posterum pecuniæ supererit, quæ in nova
& inopindtas necessitates, easque urgentiores erogetur.
Unum præterea, & alterum memorat calum, in quibus
constituta semel fuit spiritualis Dos scutorum 200
iterumque ex Beneplacito Apostolico scutorum 300.
In hæc tandem verba prolixam suam Informationem con-
cludit = Quærendum remanet, num etiam ex fructibus S-
cietati propriis tanta pecuniæ summa Puellæ Biscaccianti
Dotem dari poterat, ut in matrimonium seculare collo-
tur &c. . Ego quidem etsi nec valde utile, nec sa-
æquum existimem, novam hanc, & insolitam viam
aperire, quæ infirmi ordinis Hominibus non leve d-
trimentum importaret &c. tamen si rei familiaris a-
quas angustias considero, in quibus hæc, de qua sæp-
dixi, Familia versatur, si bonam fidem, qua confectum
& expeditum hoc totum negotium est, si Dotis posses-
sionem, quam retinet Nobilis hæc Puella, si Dotem ipsam
non ex numerata pecunia, sed ex difficilibus potius De-
torum nominibus constitutam, hæc omnia si considero, a-
quam videntur mihi indulgentiam Vestram, Eñi Patres, p-
scere ac implorare.

Tribus igitur concordatis Dubiis, acriter hac de re cont-
Brancutium reliqui Conservatores contendunt. Liberu
quoad primum iactant arbitrium assignandi Dotes in im-
nori, vel majori quantitate juxta conditionem Puellarum
& Sodalitii vires; idque ex immemorabili consuetudine
de qua Clemens VII. in præcitato Brevis. Hanc autem
probant consuetudinem ex diversis illis Dotibus scutorum
quatuor, viginti, triginta, biscentum, tercentum, &c.
quibus loquitur Episcopus. Usq. etiam pro legitimis hab-

spirituales, & temporales Dotes alternative permittuntur. Reditus enim hereditatis Ranaldi, quum spirituales tantum Dotes erogari debent, tenues sunt, vixque ad annua ascendunt scuta 30.

Absolutam hanc potestatem erogandi, majorem Redituum partem in Dotes præ viribus impugnat Brancutius. Præ omnibus enim ex instituto Sodalitii, ac dispositione præsertim Felici curandi sunt Projecti, Infirmi, Peregrini, Egeni. Quod reliquum est, converti valet in Dotes. Valde ergo, inquit, limitata est Conservatorum facultas quoad dotalia Subsidia, nec assuetam summam sc. 4p44. 1., seu florenorum decem pro quolibet excedere licet, juxta verba illa Statutorum Societatis = *ogn' anno due Doti a due Zitelle povere, ed oneste di fiorini dieci l'una* = Si quandoque vero Conservatores a consuetudine desciverunt, abusum appellat, & corruptelam, a qua Leges abhorrent, *Valent. de ultim. volunt. vot. 27. num. 136. part. 2.* Neque ad ampliandam eorum facultatem trahi posse ait dotalia illa Subsidia scut. 200., & 300., de quibus mentionem facit Episcopus. Alterum enim ex his constitutum fuit cum Beneplacito Apostolico, quod Collatorum potestatem excludit, *Rota coram Falconerio tit. de solut. decis. 26. num. 18.*, utrumque, ad differentiam controversi Subsidii, pro matrimonio fuit spirituali, pro quo major quandoque permittitur liberalitas. Tanti demum faciendam non esse concludit Nobilium Puellarum praelationem a Felicio demandatam, ut data censeatur Conservatoribus facultas decernendi illarum favore ampliores Dotes = *quæ* (ut inquit Episcopus) *infini ordinis Hominibus non leve detrimentum importaret.*

Ad secundum transeuntes Dubium; legitimam Conservatores dicunt resolutionem, per quam largita fuit Puellæ Biscaccianti Dos scutorum 600., quum major Suffragantium pars in eam convenerit. Licet namque protestatus fuisset Brancutius = *Che non sarò mai per concorrere* = afferendo tamen suffragio abstinuit, quod omnem in reliquis Conservatoribus decernendi potestatem consolidasse affirmant ex *Tamburr. de Jur. Abb. decis. 31. num. 3.* (qui loquitur de Capitularibus absentibus, non de interessentibus, & contradicentibus) Bonam insuper exaggerant fidem, qua expeditum asserunt negotium; nec non approbationem Episcopi; promissionem Dotis ex redundantibus Sodalitii creditis; ac laicalem ipsius Sodalitii qualitatem, quasi corrigi nequeat ejus factum ab Ecclesiastica Potestate.

Hæc vero Brancutius opponit. Negligi non posse ait suam pro-

protestationem, quum = protestationes, quæ fiunt ante electionem operantur, ut electio maneat in pendulo. Si enim convincuntur justæ, cassatur electio = ut per hæc verba monet Piton. discept. Eccles. 155. num. 56. tom. 4. Majam in asserta resolutione notat fidem ob extortam retradationem Conservatoris, qui negativum tulerat suffragium, falsamque narrationem, qua deceptus fuit Episcopus. Spectrum appellat credita, ex quibus promissa fuit Dos, quum teste Episcopo = ea exigere aut difficile admodum est, aut omnino desperatum = Sæpe pauperes alias Puellas ob defectum pecuniæ a dotalibus Subsidiis rejectas ostendit. Pauperum miseretur Infirmorum, quibus, eodem teste Episcopo = præter malum diversorium, pejoremque lectum nil ultra dari, præstarique solet = Neglectam probat necessariam urbanorum, & rusticorum Prædiorum reparationem, ac solutionem insignis debiti scutorum 755., quo Sodalitium gravatur. Falsum tandem inquit, quod exemptæ sint laicales Societates quoad administrationem ab Ecclesiastica Potestate. Contrarium enim declaravit Sacra hæc Congregatio in Nucérina Paganorum 23. Junii 1629. lib. 14. Decret. fol. 115. terg., in Perusina 2. Aprilis 1650. lib. 19. Decret. pag. 205.

Quoad tertium denique, subeundas esse contendunt Conservatores expensas litis a Sodalitio, de cujus libertate in collatione Dotum agitur. Quænam vero, reponit Brancutius, Sodalitio utilitas ex promissa Doté? In ejus immo vergit damnum ob excessivam quantitatem, totumque compendium est Puellæ Biscaccianti, cujus gratia litem agunt Conservatores.

Dubia sunt.

- I. An, & quomodo Conservatoribus Societatis S. Mariæ Misericordiæ liceat assignare Dotes favore pauperum Puellarum etiam Nobilium, & in qua summa in casu &c.
- II. An sustineatur assignatio Dotis facta à Conservatoribus dictæ Societatis favore Puellæ Biscaccianti in casu &c.
- III. An, & cujus sumptibus conficiendæ sint expensæ litis in casu &c.

Ad I. Dilata, & ad Eñum Antonellum cum Episcopo juxta mentem facto verbo cum SSmo.

Ad II. Negative, & amplius.

Ad III. Affirmative propriis sumptibus Conservatorum, qui liti consenserunt.

*Sess. 24. cap. 13.
de Reform.*

SUTRINA, SEU NEPESINA PAROCHIALIS. Duplex in hac Causa die 3. Februarii labentis anni propositum fuit Dubium; I. *An sit servanda unio exercitii Curæ Parochialis S. Mariæ in Cælum Assumptæ inter utrosque Parochos.* II. *An sit locus divisioni ejusdem exercitii pro æquali* = rescriptitque Sac. Congregatio ad primum = *Negative* = ad secundum = *Affirmative*, & ad mentem; quod uterque scilicet Parochus celebraret Missam pro Populo, & divisio non fieret per familias. Rectum EE. Vestrarum judicium accipit Archipresbyter Berti quoad primum Dubium, & ad celebrationem Missæ pro Populo, de qua in declaratione mentis ad secundum. De una queritur divisione Curæ pro æquali, rogatque, ut eam demandare dignentur Eñi Patres ad formam Concordiæ anni 1767., quæ jam Parochiales functiones inter unum, & alterum Parochum distribuit.

Concordiam illam, ait, in actu Visitationis probavit Sutrinus Episcopus, cui ex Sac. Concilio Tridentino sess. 24. cap. 13. *de Reform.* potestas erat dividendi exercitium Curæ Parochialis, & assignandi unicuique suum perpetuum, peculiaremque Parochum = confirmavitque divisionem in perpetuum expletam, ut innuere videntur verba illa = *ritrovandosi col TEMPO FUTURO la più estensione della Cura Rettorale; debbano esser salve le ragioni di d. estensione* = Nisi concludenter ergo Rector Silvestri majorem probet Curæ suæ extensionem, pro qua reservata fuerunt jura, servandam potius esse contendit jam expletam divisionem, quam novam ex integro fieri, quum approbari mereatur Concordia, ad componendas Parochorum dissensiones inita, nisi de illius injustitia doceatur, ut in similibus fere terminis censuit Sacra hæc Congregatio in *Derthonen. Transactionis* 10. Septembris 1785. *resoluta die 20. Maii 1786., iterumque di 18. Augusti labentis anni.*

Nedum autem, prosequitur Archipresbyter, injusta non demonstratur Concordia anni 1767., sed manifestam immo redolet æquitatem. Commodissima enim divisione determinata fuerunt Parochialia Territoria per Viam intersecantem Oppidum Trebonianum, nuncupatam *di mezzo*, quam exhibita monstrat Forma, ac dextera ipsius Oppidi pars versus Montem assignata fuit Rectori, sinistra, quæ vergit ad Lacum, Archipresbytero. Si recentibus credendum est Testibus, in eodem Parochiæ fuerant statu ante unionem, semperque idcirco benedicere

cere consuevit Archipresbyter in Sabbatho Sancto maioris hebdomadæ = *tutte le Case situate verso il Lago privatamente* = Rector vero = *l'altre Case posto verso il Monte* = Ex eo vero, quod amplior fuisset Parochia Archipresbyteri, fortasse evenit, ut unionis etiam tempore = *Tutte le Funzioni primarie, e solenni di Settimana Santa, di Pasqua, Natale, e simili sono state sempre di diritto, e si sono esercitate prelativamente, e pacificamente dall' Arciprete, senza la minima interruzione, e contrasto, anche dopo poste in comunione le Cure* = Eorumdem Testium sunt verba.

Nonnullas Rector proposuerat conjecturas, ut maiorem Parochiæ suæ extensionem, Concordiæque iniustitiam suaderet. Plura igitur ad eas diluendas differit Archipresbyter, illudque præ omnibus ponderandum obsecrat, num ad infringendam Concordiam, initam = *nella Sagra Visita, discusse tutte le differenze, avanti l'Illustrissimo Vescovo* = satis sint conjecturæ.

His perpensis, resumptoque Folio diei 20. Januarii labentis anni, respondere dignentur Eñi Patres.

An, & quomodo sit standum, vel recedendum a decisis quoad secundum Dubium in casu &c.

In decisis arbitrio Episcopi, & amplius.

URBINATEN. TRANSLATIONIS MISSARUM.
 Proposito in Congregatione diei 3. elapsi Martii Dubio = An, & quomodo sit locus translationi in casu &c. = Eñi Patres rescripserunt = Dilata, & scribatur juxta mentem, & mens est, quod Archiepiscopus referat, utrum translationi Missarum consentiat pro sua portione tertius
 Fra-

Ses 12. cap. 26.
 de Reform.

Frater Joannes Baptista : an Missæ inserviant Incolarum commodo , diebus præsertim Festis ; nec non de Loci distantia , & difficultate , ob quam non inveniuntur Sacerdotes ; & an Oratorium sub titulo S. Marinæ situm sit intra limites Paræciæ Montis Albani , ad quam transferri petitur celebratio Missarum = Ad hæc rescribens Archiepiscopus , nullum in Oratorio S. Mariæ adesse præmonet sepulcrum , jamque Benedictum , & Cosmam de Benedictis oratores ad redimendum Missarum onus , in divisione Bonorum Testatoris assumptum , certam pro unica vice Sacerdoti Michaeli Archangelo Cesaretti Montis Albani Parocho despondisse summam , alterum nempe scut. 140. , & alterum scut. 100. , dummodo Successorum etiam nomine celebrandi obligationem assumat . Immo addit , quod cum hæc paciscerentur = opportuna Archipresbytero Cesaretti arrisit occasio Prædium favore suæ Ecclesiæ occupandi ære alieno pergravatum , ideoque ad Creditorum dimissionem enunciata scuta 240. pensitanda Rector sese offert , qua providentia intercedente , oppositæ Ecclesiæ fructus augere studet .

His præmonitis , ita de reliquis refert , Oratorium prædictum in campestri loco situm , duos tantum habet propinquos Incolas Prædii di Cal Conte &c. Haud procul aliud quoque erectum reperitur Oratorium B. Virgini Mariæ dicatum , in quo frequenter Festis , aliisque feriatis diebus Sacrum peragitur , & Vicinorum ita commotitati consultum . E contra in Oratorio di Cal Conte ob Sacerdotum carentiam , aliisque in præcedenti mea facti expositione deductis rationibus , nonnisi cum difficultate , ne dicam impossibilitate , Legatum Canonici Josephi Benedetti in Sacello S. Marinæ adimpleri valet . In vasta hac montuosa , & alpestri agrorum Regione vix unus aliquando Presbyter ad Parochialia officia exercenda recensetur , cui festivis diebus proprias Oves verbo , ac Sacramentis refocillandi vires suppetunt , easque deserere nefas est &c. , & Canonicus Benedetti , horum conscius , Missas centum reliquit , nulla illis designata speciatim anni die , neque Joanni Baptistæ cordi est , in dicto Oratorio easdem jatis fieri , quin immo Benedicto , & Cosmæ Fratribus pro oneris translatione non adverjatur . Si id contingat , nulla injuria Testatori , immo suffragium ex Altari privilegiato in Montis Albani existente Templo , nullumque incommodum Vicinis inferitur . Expetitum igitur beneficium Oratoribus tribuendum esse videtur . Montis Albani demum Pa-
rocie

ræcia Sacello Sanctæ Marinæ milliariū intervallum vix adæquat .

Ad examen itaque redit dubium :

An , & quomodo sit locus translationi in casu &c.

Affirmative juxta Votum Archiepiscopi :

AUXIMANA CAPELLANIÆ : Duo in Congregatione diei 22. Martii 1755. proposita fuerunt Dubia ; *Sess. 25. cap. 5. de Reform.*

I. An Joachim Sebastiani , cui per Decretum factum die 15. Aprilis 1752. a Sacra Congregatione fuit concessa retentio Capellaniæ laicalis , de qua agitur , in statu laicali , possit illam retinere etiam in statu conjugali in casu &c. II. An durante linea dicti Sebastiani nominatio tam activa , quam passiva spectet ad eandem lineam in casu &c. = Dilata vero resolutione , ut perquireretur , num laicalis Capellaniæ qualitas in primo Dubio supposita , declarata fuisset a Sac. Congregatione , responsum fuit die 26. sequentis Aprilis ad primum = Pro gratia etiam in statu conjugali adimpletis oneribus ad formam Decreti = ad secundum = Recurrat in casibus particularibus.

Secundo inhærens Rescripto , gratiam postulat grandævus Joachim nominandi in Capellanum successorem Hieronymum ejus filium conjugatum , eique sub sive Plebani Offanæ Emus favet Episcopus . Hæc autem habet Plebanus = l'Oratore già settuagenario , e cadente , è degno della Grazia , che a sua consolazione , e a necessario sostentamento della Famiglia umilmente chiede . Gode questa della Nobiltà di quella Terra , e consiste in cinque Persone , comprese le due Mogli dei due sopranominati (Oratoris nempe , ejusque Filii Hieronymi) ed un'altro Figlio dell'Oratore di 14. anni , da cui e per la scarsezza dei talenti , e per l'impotenza di mantenersi agli studi fuor del Paese , non può sperarsi lo stato Sacerdotale . Può farsi ancora più numerosa per la sopravvenienza dell' Nipoti dell'Oratore , e non pertanto è sì povera nel suo sta-

202 15. Decembris 1787.
to, che vive tutta delle Rendite di tal Cappellania, non avendo di libero, quanto basti a vivere un mese.

Num res sit de Capellania mere laicali, judicare poterunt Eñi Patres ex hisce Fundatoris verbis = *dichiarando espressamente volere, ed intendere, che questa sua disposizione circa l'erezione di Cappellania non sia formale erezione di veruna Prebenda, o Beneficio, ma pura elemosina, che intende lasciare per l'Anima sua, de suoi &c.* = quibus prisca accedit resolutio Dubii, in quo laicalls illius qualitas supponebatur. Qualibet autem destituta est spiritualitate laicallis Capellania, & nedum a Laicis conjugatis, sed ab ipsis etiam Infantibus, & Foeminis retineri potest, *Rigant. ad Reg. 58. Cancell. num. 54., Pitron. allegat. 33. n. 1., & 2., & Sac. hæc Congregatio in Urbevetana 11. Decembris 1784.*

Fallit quidem hæc regula ubi expressa, vel tacita resistit Testatoris voluntas, *Rigant. loc. citat., Card. de Luca de Benefic. disc. 61. num. 4.* Haud enim repugnat, laicalem diversis respectibus esse Capellaniam, & quoad personas nominandas ecclesiasticam, *Cæs. de Grass. decis. 114. de Præben. per tot.* Sed hoc videndum, an versemur in terminis limitationis. In prima Oratoris nominatione legem dixit Testator, quod si in erigenda Capellania neque Sacerdos, neque in Sacris Ordinibus esset, Reditus omnes Plebanus Offanæ perciperet, ejusque favore studiorum causa erogaret; si ad Sacros vero Ordines ascendisset, eos ipse consequeretur, & per alium Capellanum onera adimpleret. Atque hinc addidit = *Morto poi, che sia il Signor Gioacchino Sebastiani primo Cappellano nominato, o pure non volendosi far Prete; o entrato in Sacris non volendo ritenere, ed eseritare detta Cappellania, si nomini il Cappellano Successore* = Quoties igitur ex hujusmodi dispositione volita censeretur ecclesiastica qualitas in Capellano statim concedi non deberet Capellania Laico conjugato contra iterata Sac. Congregationis Decreta in *Reatina Capellanæ 22. Septembris 1714., & 9. Februarii 1715. lib. 64. Decret. pag. 387., & in Balneoregien. 29. Julii 1775.*

Hæc tamen favore Oratoris, ejusque filii Hieronymi adverti possent. In eorum præsertim Familiæ commodum Capellaniam Fundavit Testator, quum dicitare solet, hereditatem suam in beneficium Consanguineorum (quales erant Sebastiani) cessuram fore. Jus eidem Familiæ reservavit nominandi Capellanum, ac verisimiliter etiam
ejus

ejus Conjugatos ad Capellaniam vocasset , si tantum decursu temporis non habere prævidisset = *quanto basti a vivere un mese* = Exemplo tandem est Gratia anni 1752. , cui addita fuit ulterioris indulgentiæ spes per Rescriptum = *Recurrat in casibus particularibus* = Dum hæc vero Eñi Patres advertunt , ponderare etiam dignentur , num petitam impediatur Gratiam existentia alterius cælibis Filii Oratoris , licet ob tarditatem ingenii , Familiæque paupertatem ascendere nequeat ad Sacerdotium .

Definiendum itaque est ab EE. Vestris .

An sit concedenda Joachimo Sebastiani facultas nominandi Hieronymum ejus filium conjugatum in Capellanum successorem in casu &c.

Affirmative prævia dimissione .

ALEXANDRINA . Antonius Buffa Gamalerii Parochus , Testamento erigi jussit anno 1687. in Parochiali sua Ecclesia laicale Beneficium , cum onere trium hebdomadalium Sacrorum ad Sacellum SS. Josephi , & Francisci de Paula hæredibus imperatum , eique in dotem assignavit Fundos modiorum 21. , & ultra , reservato suis Fratribus , eorumque Descendentibus activo Patronatu . Adeo tamen decursu temporis imminuti sunt Fundi , ut parum nunc modios novem excedant , reliquis a præterlabente Flumine Burmida paullatim ablati . Jamdiu hac de causa reducta fuerunt juxta illorum Reditus Sacra ad manualet ; sed quo tempore , & qua auctoritate , ignoratur . Vix enim hujusce reductionis mentio fit in libro onerum Missarum præd. Parochialis , cui adscriptus est annus 1731. .

Sess. 25. cap. 4. de Reform.

Presentatus nuper ad hoc Beneficium fuit adolescens Joseph Buffa , qui in Alexandrino degit Seminario . Eum vero a possessione terret tenuitas eleemosynæ ad manualet , quæ obulorum est 13. cum dimidio , oratque , ut ad julios duos augeatur . Assentiuntur Patroni . Vicarius favet Capitularis . *Beneficii* , inquit , *tenuis census est ; impensas non paucas postulat , antequam ad illud nominatus , ac presentatus possessionem ejus adipiscatur , nullum parit commodum possessori sive adhuc Clerico , sive*

jani Sacerdoti, ubi sit infirmus, aut aliter per se ipsum celebrare non valeat, eoque minus si ad illud præsentatus opus habeat, prout habet Orator, Beneficium adminiculo ad titulum sibi pro Ordinatione constituendum = His addit, quod facili negotio reductionem obtinisset Oratoris Decessor a defuncto Episcopo, cui ex Rescripto San. Mem. Clementis XIII., per organum Sacræ Congregationis expedito, facultas erat reducendi Missas ad Julios duos si eum rogasset; & ita concludit = æquum autem videtur, ut quod hic (a Familia Fundatoris extraneus) favore sui, ac suorum in Beneficio successorum a præfato Antistite Apostolico Delegato, forte quia Pontificii Indulti nescius, non obtinuit, hoc Orator a Familia Fundatoris descendens, ab illoque prædilectus, eoque magis propter tenues Parentum suorum fortunas Beneficii censu indigens ad partem Tituli, quo promoveatur ad Ordines, sibi constituendam assequatur = Indulgendum nec ne sit Oratori, sub infra scripto quæritur Dubio.

Regula in hac Sac. Congregatione invaluit, ut perpetua Missarum onera ante acceptationem ad taxam perpetuæ, post ad manualementem reducantur. Ita pluribus aliis collectis Responsis in Fanen. Reductionis Missarum 14. Februarii 1761. Quandoque tamen ab hac regula justis de causis discessit, ac post acceptationem etiam taxam perpetuæ amplexa est, ut in Albinganen. 12. Decembris 1778. in Anconitana Missarum 16. Martii, resoluta die 20. Aprilis 1782., in qua agebatur de perpetuo Missarum Legato, ab anno 1627. ad annum 1768. observato, & tamen proposito Dubio = An, & quomodo sit locus reductioni pro Missis futuris = Sacra Congregatio respondit = Affirmative juxta Votum Eminentissimi Episcopi = qui reductionem ad taxam perpetuæ ob. 17. $\frac{1}{2}$ ob imminutos Reditus proposuerat. Idemque observatum fuit in Parmen. 6. Maii elapsi auni ad I. Dubium.

Videndum itaque erit, num ob peremptos ultra medietatem Fundos Beneficii, locus potius sit in nostro themate limitationi; & an regula, quæ æquitatis plena est in simplicibus Missarum Legatis, in quibus ad solum suffragium Fundatores respiciunt, congrua etiam sit in Beneficiis, in quibus nedum suffragia, sed decentem etiam considerant Beneficiati exhibitionem, onerumque compensationem, ac diurnæ præsertim recitationis Officii, ut monent Amostaz. de Caus. Piis lib. 2. cap. 4. numer. 31., Piton. de contro. Patron. allegat. 67. num. 9. Quo vero ad non usum facultatis, qua Defunctus Episcopus

pus reductionem concedere potuisset, notandum est, delegatam potestatem reducendi onera Missarum ad ea non extendi, quæ ex contractu, vel quasi, ut sunt illa imposita in fundatione Beneficii, proficiscuntur. Exemplum forsan Indulgentiæ censuit olim Sacra Congregatio, hæc etiam onera sub datis facultatibus comprehendere, ut in *Ordinis B. M. V. de Mercede* 8. Julii 1724. lib. Decret. 74. pag. 226; & in *Congregationis S. Bernardi* 19. Augusti ejusdem anni ibid. pag. 341., contrarium tamen, antiquioribus, & recentioribus collectis ipsius Congregationis responsis docet *Benedict. XIV. de Synod. Diæces.* lib. 13. cap. ult. §. 26.

Sedulam postremo EE. Vestrarum animadversionem merentur Patronum consensus, ac Oratoris descendencia a Familia Fundatoris. Sæpe enim favore Beneficiati de Familia mutatus est celebrationis locus: sæpe concessum ut ante legitimam ætatem Beneficio frueretur: sæpe, ut Beneficii Reditus, suspensis Missarum oneribus, in levamen paupertatis converteretur, ut in *Asculana Dispensationis* 20. Maii elapsi anni. Atque in id expendi etiam debent postrema illa Vicarii Capitularis verba, quod Orator = *propter tenues Parentum suorum fortunas Beneficii censu indiget ad partem Tituli, quo promoveatur ad Ordines.*

Vestrum itaque erit, Eminentissimi Patres, decernere.
An sit locus reductioni elemosynæ Missarum ad julios duos pro qualibet in casu &c.

Non proposita cum sequentibus.

M ELEVITANA IRREGULARITATIS. Adeo vehementer Sacerdos Philippus Borg rixantem Philippum Hasciac ligno percussit, ut paullo post decesserit. Eum hac de causa in exilium ad sexennium egit Episcopus a Diæcesi, damnavitque ad refectionem damnorum, & interesse. Rem Occisor per solutionem scutorum 318. & tarenorum 9. Melitenis moneræ cum heredibus Occisi composuit, & in exilium abiit. Sacram hanc Congregationem post annum a patrato delicto rogavit pro dispensatione ab irregularitate. Quæ hætenus dicta sunt con-

Sess. 14. cap. 7. de Reform.

confirmavit Episcopus, retulitque, neque eum ex criminali inquisitione auctorem rixæ compertum fuisse, neque deliberatum occidendi animum habuisse, & in hæc conclusit verba = *Pars igitur per Transactionis Instrumentum jam præ manibus habet recensitam summam ratione damnorum, & interesse, & Fiscus etiam est integre satisfactus. Quamobrem cum d. Sacerdos ante patratum delictum honeste semper vixerit, ac post diutinam carcerationem exulaverit, exoptatam ab irregularitate dispensationem ipsum promereri putarem* = At die 14. Decembris 1782. EE. Vestræ rescripserunt = *Supplicet expleta poena* = Transactio igitur exilii quinquennio, iterum supplicat pro dispensatione, iterumque hæc habet Episcopus = *Cum a tempore latæ Sententiæ honeste huc usque semper vixerit, bonæque vitæ exemplum præbuerit, exoptatam ab irregularitate dispensationem ipsum promereri putarem.*

Ad excitandam EE. Vestrarum clementiam, præ omnibus memorat Orator Sacerdotalem suam qualitatem. Licet namque irregularis sit ex dispositione *Cap. suscepimus 10. de homicid. voluntar.*, non comprehenditur tamen sub gravissima *Sacri Concilii Tridentini* censura. Loquitur porro *Sancta Synodus sess. 14. cap. 7. de Reformat. de Clerico homicida ad Sacros Ordines promovendo, præcipitque, ut = nullo tempore ad Sacros Ordines promoveri possit* = non item de promotore, quem ab eadem censura immunem declaravit *Sacra hæc Congregatio anno 1613.*, ac Summus ipse Pontifex, qui resolutionem probavit, teste *Fagnan. in lib. 5. Decretal. Cap. Henricus de Cleric. pugnan. in duell. num. 23., & duob. seqq.*. Ex antiquo autem Jure sublata non est dispensationis spes promotore, *Hostien. in Cap. sicut de homicid.*, ac facilius ei indulgetur, ne mendicare cogatur, *Cap. 2. de Cleric. pugnan. in duell.*. Piuraque sunt hujuscæ dispensationis exempla in *Cassanen. Irregularitatis 14. Decembris 1748.*, in *Bracharen. Irregularitatis 3. Aprilis 1756.*, & *Ugentina Dispensationis ab Irregularitate 14. Februarii, resoluta die 14. Martii 1778.*

Ponderandum insuper orat, se = *animum deliberatum occidendi non habuisse* = ut in prima Informatione retulit Episcopus, ideoque ex illis non esse, qui homicidium, juxta *Tridentinam Sanctionem*, per industriam, insidias, & sua voluntate patraverint. Procliviores hac de causa EE. Vestras in concedenda Gratia auguratur, similesque allegat casus *Muranæ Irregularitatis 12. Mar-*

tii 1763., & Terracinen. 10. Maii 1766. utrobique ad II. Dubium. Magna rursus pecuniæ vi compositos ostendit heredes Occisi, pleneque per Implementum pænæ satisfactum Fisco, quod plurimi Sacra Congregatio ad concedendam irregularitatis dispensationem fecit in Agrien. Irregularitatis 10. Martii, resoluta die 31. ejusdem Mensis 1770.. Honestam quoque, testimonio Episcopi, tam ante quam post patratum delictum probat vitam; ac in eo tandem confidit Rescripto = *Supplicet expleta pæna* = quo ei EE. Vestræ spem Gratiæ dedisse videntur.

Quæritur ergo.

An sit consulendum Sanctissimo pro dispensatione in casu &c.

PERUSINA CAPELLANIÆ. Pius Sacerdos Floravanti de Leonoris fundavit anno 1633. Ecclesiasticam Capellaniam in Oratorio Societatis S. Francisci Discipulantium Oppidi Marsciani cum hebdomadali trium Sacerdotum onere, nominavitque Sacerdotem Tullum Isidorum de Saragnano in primum Capellanum. Activum Patronatum Marscianæ detulit Communitati, iussitque, ut eligeretur = *Sacerdos bonæ conditionis, bonisque vita, & moribus præditus* = ac præ omnibus = *Sacerdos de Familia, & Consanguinitate &c.*, ut *Consanguinei sui incitentur ad bene agendum, & Ordinem Sacerdotalem assumendum* = Si muneris vero Capellanus deficeret, eligi mandavit = *alium Sacerdotem conditiones prædictas habentem*. In novissima huiusce Capellanix vacatione præsentavit Communitas Sacerdotem Aloysium Narducci. At per Sententiam Perusini Episcopi institutus ad eam fuit anno 1778. Clericus Iosephus Sesti Fundatoris consanguineus. Quousque hic ad Sacerdotium ascendere posset, a prosequenda lite Communitas abstinuit. Ubi eum vero ad legitimam perventum ætatem, Perusinoque Foro addictum vidit, alterutrum ab hac Sacra Congregatione postulavit, vel illius remotionem a Capellania, vel terminat

Sess. 25. cap. 5.
de Reform.

mini præfixionem ad assumendum Sacerdotium, prodiit-
que die 11. Septembris 1784. Rescriptum pro informa-
tione, & voto = *transmissa nominatione, audito Cleri-
co, eidemque præfixo termino ad docendum sua jura in
Sacra Congregatione, nec non de ætate, & aliis requisi-
tis ad Sacerdotium necessariis* = Quadraginta dierum ter-
minum Sestio præfixit Episcopus ad deducenda jura, re-
tulitque de Clericali, ejus Tonsura, Habitu, moribus,
& vigintiquatuor annorum ætate. Nominationem vero
transmittere non potuit = *cum absque nominatione Com-
munitatis vigore supradictæ Sententiæ Capellanicæ possessio-
nem adeptus fuit* = Apponi fecit Sestius cor. Sacra Con-
gregatione assuetum *nihil transeat*, sed Capellaniam pos-
fidens, jura sua per biennium, & ultra deducere negle-
xit. Ægre igitur ulteriorem ferens moram, proponit tan-
dem Communitas, eo citato, & contumace, infrascri-
pta Dubia.

Expressam prælationem habent ad controversam Capella-
niam Consanguinei Fundatoris, qualem se coram Perusi-
no Episcopo ostendit Sestius. Videndum tamen, num.
Sacerdotalis qualitas, in iis etiam volita, intelligenda sit
actu, vel *habitu*, ut in primo quæritur Dubio. Si *actu*,
claudicare posset Sestii institutio. Sacerdotis nomen sim-
plici etiam convenit Clerico, qui potentiam habet ad
Sacerdotium, *Piton. de contr. Patron. allegat. 17. num.
3.* Appellat tamen Sacerdotem *actu*, si ipsum respicit
præsentationis, institutionis, vel collationis actum, si
dixerit nempe Fundator = *eligatur, præsentetur, vel in-
stituatur Sacerdos* = *Fagnan. in lib. 1. Decretal. Cap. Ut
Abbat. de ætat. & qualit. num. 54., & seqq., Bar-
bos. de jur. Eccles. lib. 3. cap. 5. num. 33., Lambertin. de
Jurepatr. part. 1. lib. 2. quæst. 7. art. 29., Garz. de Benefic.
part. 7. cap. 1. num. 81., Ferrar. in Biblioth. verb. Capel-
lania num. 32., & seqq.* Nec facile ab hac regula in di-
spositione Hominis disceditur, *Abb. in Cap. Cum in cun-
ctis §. Inferiora num. 10. de Elect., Card. de Luc. de Be-
neficiis disc. 96. num. 18.* His antem usus fuit verbis Flo-
ravantes de Leonoris = *eligatur Sacerdos bonæ conditio-
nis* = iterumque = *in eventum, in quem ullo unquam tem-
pore adesset aliquis Sacerdos de Familia, & Consanguini-
tate, voluit præferri, & eligi illum* = ac tertio tandem,
quod = *si Cappellanus voluntatem dicti Domini Floravan-
tis non adimpleret, alium Sacerdotem conditiones præd.
habentem ipsa Communitas eligat* = .

Ponderandum insuper rogat Communitas, quod imperativa illa verba = *eligatur Sacerdos* = *eligat* = adhibuit Sacerdos, qui = *bene callens hujusmodi vocabuli* = *Sacerdotis* = *significationes*, & *distinctiones* = nonnisi de actu Sacerdote cogitasse censetur, *Card. de Luc. de Benefic. discurs. 61. num. 11.*, & *disc. 96. num. 14.* Ceterisque levioribus omissis argumentis, observantiam urget Fundatoris, qui in ipso fundatonis limine Sacerdotem nominavit. Plurimi enim hujusmodi observantiam ad arguendam qualitatem actu Sacerdotalem faciunt *Card. de Luc. de Benefic. disc. 61. n. 13.*, & *Constant. Vot. 306. num. 6.* Atque hinc concludit, quod nullum jus esset Sessio, licet consanguineo, ut ad Capellaniam actu Sacerdotalem in Clericali statu institueretur, *Farga. de Jurepatr. part. 2. cas. 14. num. 10.*, *Card. de Luc. de Benefic. disc. 61. num. 13. in fin.*

Advertere tamen dignentur Eñi Patres, permissam esse Capellano celebrationem Missarum per alium his verbis = *cum onere, quod dictus perpetuus Capellanus teneatur, & obligatus sit celebrare, vel celebrari facere &c. ter in quolibet hebdomada pro Anima ipsius D. Floravantis &c. Missam* = Ex antiquis Sacrae Congregationis Resolutionibus docet *Fagnan. in cit. Cap. Ut Abbates de ætat.*, & *qualit. num. 60.* =, quod = *stat bene simul*, ut Capellanus debeat esse Sacerdos, & nihilominus Missas celebrare possit per substitutum = Contrarium vero censuit Sacra ipsa Congregatio in *Anconitana Capellania 12. Junii 1762.* Res erat de Capellania atque onere celebrandi per se ipsum. Ad eam concurrebant Clericus annorum 13., & Sacerdos Fundatoris consanguinei. Opus erat Clerico, qui a majori Patronorum parte nominatus fuerat, dispensatione ætatis, & tamen proposito Dubio = *An*, & *quæ supplicatio sit relaxanda* = responsum fuit = *Relaxandam esse Supplicationem Aloysii* (Clerici nempe) & *amplius*. Non desunt præterea Doctores, qui in Beneficiis etiam actu Sacerdotalibus sufficientem dicunt in Consanguineo habilitatem proximam ad Sacerdotium, ad illud nempe assumendum intra annum, teste *Ferrar. in Biblioth. verb. Capellania num. 23.* Sed deliberandum erit, num eorum Sententia prodesse valeat Sessio, qui idoneus non erat institutionis tempore ad assumendum Sacerdotium intra annum, & num habilitas superventa nocere valeat Narduccio, qui eo inhabili, præsentatus fuit.

Potissimum vero insistit Communitas secundo Dubio, ul-

troque Capellaniam permittit Sestio, dummodo quamprimum ad Sacerdotium ascendat, præfixo ad id per EE. Vestras termino. Si *actū*, inquit, Sacerdotalis non est Capellania, erit saltem *habitu*, nunquam tamen Clericalis. Undique enim fundationis Instrumentum resonat Sacerdotis nomen, quod non aliter ex demonstratis convenit Clerico, quam ob potentiam ad Sacerdotium. Expressam immo ostendit Fundatoris voluntatem, ut Sacerdotium Consanguinei assumant, dum eos præfert = *ut incitentur ad Ordinem Sacerdotalem assumendum* = jamque Sestium excessisse memorat legitimam ætatem, ut ad eum quanto citius assumendum Ordinem compellatur, *Lotter. de Re Benefic. lib. 2. quæst. 47. num. 20.*

I. *An Capellania, de qua agitur, sit Clericalis, seu potius, actū, vel habitu Sacerdotalis in casu &c.*

Et quatenus sit actū, vel habitu Sacerdotalis.

II. *An, & quomodo sit providendum in casu &c.*

F I N I S.

I N D E X

R E S O L U T I O N U M ,

*Quæ prodierunt in Causis in Sac. Congregatione Concilii
propositis anno 1787.*

A

Administratores. Vid. Redditio Rationis.
Conceditur Beneficiato facultas alienandi Prædiola inter se diffusa Beneficii ad effectum investendi pretium in aliis Stabilibus, & in eorum defectum, in Censibus cum Locis Piis & Communitatibus, in *Camerinen.* 24. *Novembris ad I. Dubium* pag. 179.

Alienatio. Vide Prohibitio.

Arbores incidere prohibitus uti valet jure suo quoad corruptas, & cæduas, juxta mentem Sac. Congregationis ab R. P. D. Secretario panditam in *Aprutina* 28. *Julii* pag. 127.

Attestationes Medicorum ad eos excusandos, qui interesse non solent horis matutinis, recipi non debent. *Avenionen. Servitii Chori* 20. *Januarii ad I. Dub.* pag. 1. Rejiciendæ vero non sunt binæ consecutivæ favore unius Personæ, nec non periodicæ, & pro exemptione ab omnibus Officiis, dummodo munitæ sint juramento. *Ibid. ad II. III., & IV. Dub.*

B

Beneficii erectio, ob peculiare facti circumstantias, demandatur juxta dispositionem Heredis primi Fundatoris in *Parmen. Beneficii* 28. *Julii* pag. 125.

C

Canonicatus, purificata conditione, erigi debet ad formam Testamenti intra terminum arbitrio Episcopi præfiniendum. *Prænestina Canonicatus* 16. *Junii ad I. Dub.* pag. 94.

Canonicatus Divi Blasii incompatibilis declaratur cum Restoratu Immaculatæ Conceptionis Montis Milonis, ac denegatur Canonico Affortari dispensatio pro utriusque retentione

Tom. LVI.

ne in *Maceraten. Dispensationis* 19. *Maii* pag. 75.

Joachimo Sebastiani, qui ex Rescripto Sacræ Congregationis laicalem retinet Capellaniam in statu conjugali, facultas tribuitur eam dimittendi favore ejus Filii primogeniti pariter conjugati in *Auximana Capellania* 15. *Decembris* pag. 201.

Capellania. Vid. etiam Multiplicum.

Capellanus. Vide Nominatio.

Posseforem laicalis Capellaniæ pro arbitrio amovibilem libere removeri posse decernitur in *Firmana Capellania* 3. *Martii* pag. 32., & 19. *Maii* pag. 75.

Chori servitium. Vide Attestationes. Reductio.

Clavis Ribaltæ exterioris Urnæ, in qua Sacrum Divi Peregrini Latiosi Corpus servatur in Ecclesia Patrum Servorum B. M. Virginis Forolivii, iterum Forolivienſi Communitati, uti assertæ Patronæ Sacelli eidem Sancto dicatæ, per Rescriptum in *secundo loco decisum*, & amplius denegatur in *Forolivien.* 28. *Julii* pag. 128.

Vicariis Curatis quatuor Parochialium unitarum Sacrario Conventus S. Francisci de Assisio decernitur Congrua ad formam Bullæ Pianæ a die motæ litis in *Affissen. Congruæ* 3. *Februarii ad I. Dub.* pag. 20.

Congruæ augmentum, aliàs decretum in annis scutis 17. favore Archipresbyteri Parochialis Ecclesiæ S. Donati Terræ Polentæ adversus Promotorem Fiscalem Curie Episcopalis Brictinorii, confirmatur in *Brictinorien. Congruæ* 15. *Septembris ad II. Dub.* pag. 155.

Consensus præstiti per solemnes Resolutiones a Communitate, Confraternitatibus, & Administratoribus Nosocomii Cossineani pro respectiva eorum contributione in restaurationem Ecclesiæ Parochialis, declarantur legitimi in *Ripana* 16. *Junii ad I. Dub.* pag. 99.

Creditum liquidum Parochialis Ecclesiæ non compensatur cum illiquido Parochi, ejusque Heredis. *Firmana Compensationis* 21. *Aprilis* pag. 68.

Servandam non esse unionem exercitii Curæ inter Parochos S. Mariæ in Cœlum assumptæ Oppidi Treboniani declaratur in *Sutrina*, seu *Nepefina Parochialis* 3. Februarii ad I. Dub. pag. 19. , ac demandatur illius divisio pro æquali juxta mentem, quod uterque scilicet Parochus celebret Missam pro Populo, & divisio non fiat per Familias, *ibid.* ad II. Dubium. Quoad secundum Dubium vero variatum est die 15. Decembris. Rescripto enim in decisum addita est clausula arbitrio Episcopi, pag. 198. .

D

Dispensationes Matrimoniales exequi debent gratis, nec licet Vicario Generali aliquid accipere pro subscriptione, & sigillo. *Dubia super executione Dispensationum matrimonialium* 20. Januarii ad I. Dub. pag. 2. Pro eo vero, quod ex hac causa exactum est, consultatur Sanctissimo pro absolutione ad cathedram, & condonatione. *Ibid.* ad II. Dub. .

Vid. Matrimonium.

Distributiones quotidianæ debentur Archidiacono, & Archipresbytero Collegiæ SS. Petronii, & Prosperi Terræ Lugi juxta ratam, quam conferunt. *Imolen. Distributionum* 15. Septembris ad I. Dub. pag. 158. .

Divisio. Vide Cura Parochialis.

Ad Domum Parochialem reparandam conceditur Parocho sub perpetuo quadraginta Missarum onere hereditas in tot Sacrorum celebrationem relicta. *Maceraten.* 24. Martii pag. 54. .

Domus Capitularis reparandæ causa permittuntur Canonicis Cathedralis Forolivi excedentes Reditus hereditatis Thomæ Ugolini, detracto sumptu anniversariorum octo in singulos annos, ac celebratis annuis Missis 100. a quolibet Canonico. *Forolivien.* 24. Martii pag. 48. .

Domus Parochialis. Vide Parochus.

Dotalia Subsidia denegantur Puellis passivæ vocatis extra casum spiritualium, aut temporarium nuptiarum a Testatore designatum in *Camerinen. Subsidiorum Dotalium* 3. Martii pag. 40. .

Iterumque Puellæ requisitis destitutæ in *Romana* 24. Martii pag. 47. .

Relicta ab Alexandro Bonaventura differuntur pro futuris nominationibus, donec Archiconfraternitas Suffragii Urbis redintegretur de sumptibus litium actarum pro recuperandis hereditariis Bonis, juxta liquidationem faciendam; ita ut ex fructibus Bonorum recuperandorum omnia dotalia subsidia suspensa redintegrentur. *Romana Suspensionis Dotalium* 7. Julii pag. 110. .

Dotis spiritualis cumulus conceditur in summa scutorum 363. 63. Puellæ conjunctæ Testato-

ri, & Collatori post expletum aliarum promissarum Dotium cumulum. *Ferrarien. Subsidiorum Dotalium* 15. Septembris ad I. Dub. pag. 155. Denegatur vero pro Livello. *Ibidem* ad III. Dub. .

Dotis spiritualis solutio fieri nequit post emissam religiosam Professionem absque dispensatione, pro qua Sac. Congregatio consulendum esse rescribit Sanctissimo in *Ferrarien. Subsidiorum Dotalium* 15. Septembris ad II. Dub. pag. 155. .

Certantibus Conservatoribus Societatis S. Mariæ de Misericordia Callii pro libertate conferendi Dotes in arbitrario numero, & quantitate, Sacra Congregatio rescripsit = *Dilata*, & ad *Eminentissimum Antonellum cum Episcopo juxta mentem facto verbo cum Sanctissimo* = in *Callien. Subsidiorum Dotalium* 15. Decembris ad I. Dubium pag. 194. . Mens autem est, quod *Eminentissimus Antonellus una cum Episcopo cum facultatibus Visitatorum Apostolicorum visitent statum aconomicum Societatis, Statuta reforment, & nova condant, quatenus opus sit, præsertim pro recta administratione Bonorum, & annua erogatione Redituum habita ratione temporum, dispositionum Testatorum, & Fundationis, ita tamen ut Conservatores durante Visitatione nihil possint peragere, nisi de consensu, & licentia eorumdem Visitatorum.* Quam resolutionem Sanctissimus approbavit, deputavitque præd. Visitatores cum omnibus facultatibus necessariis, & opportunis.

Assignatio vero Dotis scutorum 600. facta ab iisdem Conservatoribus favore Puellæ Biscaccianti declaratur nulla *ibidem* ad II. Dubium.

Vid. Enxpenfæ Litis.

E

Ecclesiæ Parochialis constructio permittitur ex Hereditate in pios usus relicta cum perpetuo Anniversarii, aliarumque Missarum, onere in *Albinganen. Edificationis Ecclesiæ Parochialis* 3. Februarii pag. 19.

Restauratio demandatur sumptibus Locorum, Piorum ob tenues Parochi Reditus in *Ripana* 16. Junii ad II. Dub. pag. 99.

In Parochiali vero Ecclesia S. Donati Terræ Polentæ, Episcopali Mensæ Brictinorii unita, facienda est restauratio ab uno Episcopo pro tempore præterito; ac etiam pro futuro, si sit extraordinaria. *Brictinorien. Congruæ* 15. Septembris ad II. Dub. pag. 155.

Provisionalis Ecclesiæ Parochialis translatio fit ad Ecclesiam Matricem, aut viciniorem. *Firmana Interdicti, & Translationis* 19. Maii pag. 76.

Vide etiam Consensus.

Elemosyna Missæ pro Populo non deberi declaratur in *Affisien. Congruæ* 3. Februarii ad II. Dub. pag. 20.

De Emolumentis Missarum, aliorumque Legatorum præexistentium ante erectionem Collegiata SS. Petronii, & Prosperi Terræ Lugî participare non debent Archidiaconus, & Archipresbyter, ut iterum per Rescriptum *in decisis*, & amplius decernitur in *Imolen. Distributivum* 15. Septembris ad II. Dub. pag. 158.

Emphyteusis Bonorum Beneficii erecti in Collegiata Ecclesia Murri Vallium, denuo in paritate oblationum addicitur primo idoneo Oblatori. *Firmana Emphyteusis* 20. Januarii pag. 2.

Etque, qui vigesimam obtulit intra vicendum. *Senogallien. Emphyteusis* 16. Junii pag. 91.

Perpetua ad rationem scutorum quatuor in singula centum ex publica causa permittitur in *Privernen. Emphyteusis* 16. Junii ad II. Dubium pag. 103.

Fertilis tamen Prædii denegatur in *Faventina Emphyteusis* 18. Augusti ad II. Dub. pag. 147.

Renovata absque Beneplacito Apostolico cum immutatione substantialis pacti, sed jam expirata in tertia Generatione, ob bonam fidem iustinetur in *d. Faventina Emphyteusis* ad I. Dub. pag. 147.

Perpetua tamen emphyteusis Bonorum Pii Operis Boari stipulata octoginta abhinc annis auctoritate Ordinarii absque Beneplacito Apostolico, & pendente recursum in Sac. Congregatione, declaratur nulla in *Ferrarien.* 15. Septembris ad I. Dub. pag. 163.

Ac demandatur restitutio fructuum juxta liquidationem faciendam a Ferrariensi Archiepiscopo. *ibidem* ad III. Dub.

Erectio. Vid. Beneficium. Canonicatus. Vicaria.

Expensas litis pro approbatione Transactionis initæ super erectione Canonicatus, & Mansionariarum Moris, iterum faciendas esse decernitur ex fructibus decursis, deindeque a Beneficiis erigendis prout de Jure, in *Bononien. Commutationis Voluntatis, & Transactionis* 18. Augusti ad II. Dubium pag. 137.

Faciendas item esse ex Pio Opere Boari pro vindicandis ejus Bonis; *Ferrarien.* 15. Septembris ad IV. Dubium pag. 163.

Pro lite vero acta a Conservatoribus Societatis S. Mariæ de Misericordia Callii ad proventum assignationem Dotis scutorum 600. favore Puellæ Biscaccianti, fieri debere propriis ipsorum Conservatorum sumptibus, *Callien. Subsidiarum Dotium* 15. Decembris ad III. Dubium pag. 194.

F

Fructuum restitutio. Vide Emphyteusis.

G

Gravatoria ab Ordinario comminata adversus Administratores Pii Operis pro redditione rationis, remittuntur a Sac. Congregatione in *Tudertina Redditionis Rationis* 21. Aprilis, & 28. Julii ad II. Dub. pag. 70, & 125.

I

Incompatibilitas. Vide Canonicatus.

Institutio ad Canonicatum Sacerdotale datur Clerico a Testatoribus nominato, qui ob tarditatem ingenii ascendere nequit ad Sacerdotium in *Frænestina Canonicatus* 16. Junii ad II. Dub. pag. 94.

Irregularitas contracta a Parocho Villæ Astæ ob accidentalem sinistri brachii jacturam, in sequelam Rescripti ad Secretarium cum *Sanctissimo juxta mentem*, dispensatur a Sanctissimo ex peculiaribus circumstantiis ad sex menses. *Burgi S. Sepulcri* 7. Julii pag. 109.

Irregularitatis dispensatio iterum denegatur Sacerdoti homicidæ in *Sabinen. Irregularitatis* 28. Julii pag. 126.

Sacerdoti vero, qui pugnavit in Bello, & Sacerdotium, omisso Subdiaconatu, & Diaconatu, ementitiisque sui Ordinarii Litteris, per saltum ascendit, differtur per Rescriptum *Exspectet in Visen. Dispensationis ab Irregularitate* 18. Augusti pag. 138.

Irregularitas. Vide etiam Sensus.

Jubilatio conceditur Canonico, qui aliquando in quadragenario servitio defecit; sed jvgiter anteriori Coadjutoria tempore inservit Choro in *Placentina Jubilationis* 18. Augusti p. 137.

Indulgetur etiam post quadragenarium, licet leve servitium in *Parmen. Jubilationis* 15. Septembris pag. 155.

Jus distribuendi Sac. Oleum, benedicendi Fontem, & antepulsandi Campanas die Sabbathi majoris Hebdomadæ, tributum Archipresbytero Parochialis Ecclesiæ S. Joannis Baptistæ Oppidi Salarum per Concordiam initam cum Parocho S. Caloceri, per iteratam ipsius Concordiæ approbationem confirmatur in *Dertthonen. Transactionis* 18. Augusti pag. 145.

L

Abolitio Legati Missarum ob assertam hereditatis insufficientiam denegatur heredi, qui non confecit Inventarium, & demandatur assignatio Fundi ad formam Testamenti, seu in Prædio in eodem designato, sin minus in alio Prædio arbitrio Archiepiscopi in *Januen. Legati* 15. Decembris ad I. & II. Dubium pag. 193.

Legata Pia . Vid. Reductio .

M

Mansionaria . Vide Transactio .

A Matrimonio rato , & non consumato inter Com. Julium Bussi , & Comitissam Gentili Montogli iterum Sanctissimo consulendum esse decernitur pro dispensatione *ia Romana Matrimonii* 20. *Januarii* pag. 2.

Constare declaratur de Matrimonio rato , & non consumato inter Franciscum de Paula Cardozo , & Annam Elisabetham de Mello , & esse locum dispensationi in primo publicæ honestatis , ut nubat Cardotius secundæ Sorori ; *in Visen. Dispensationis* 24. *Novembris* pag. 181.

Merces denegatur Beneficiato pro administratione Bonorum Beneficii , atque executione Pii Operis a Testatore ordinati , post diuturnum præsertim triginta annorum silentium *in Alexandrina* 18. *Augusti ad I. Dub.* pag. 137.

Missæ pro Populo . Vide Eleemosyna .

Missarum celebratio transferenda non est ab Ecclesia designata a Testatore , si præcipua erga illam fuit ejus affectio , multoque minus commutanda a diebus festis ad feriales . *Æsina Translationis Missarum* 21. *Aprilis* pag. 61.

Licet personalibus verbis primo heredi injuncta , expleri debet ab ulterioribus heredibus . *Aprutina* 19. *Maii ad III. Dub.* pag. 83.

Missæ annuæ 181. per centum , & ultra annos a PP. Carmelitis S. Mariæ Transpontinæ pro Anima Victoriæ Tulphiæ celebratæ , perpetuo celebrari debent , licet deficiat monumentum Legati . *Romana* 24. *Marsii* pag. 47.

Missæ celebratio ob paupertatem Sodalitii Misericordiæ Vetrallæ transfertur a feria vi. ad dies festos , & ab una ad alteram Ecclesiam *in Viterbien.* *Translationis Missarum* 19. *Maii* pag. 79.

Pro Missis bona fide non celebratis consulitur Sanctissimo pro absolutione *in Reatina Reductio Missarum* 24. *Martii ad II. Dub.* pag. 50. , & altera Reatina ejusdem diei , & mensis pag. 53.

Pro Missis non celebratis decernitur supplementum a die obitus Testatoris , sed Sanctissimo consulendum rescribitur pro absolutione usque ad diem cogniti oneris *in Derthonen. Absolutionis , & Reductio Missarum* 7. *Julii ad II. Dub.* pag. 118.

Beneficiati Cathedralis Urbis Veteris nuncupati de Massa declarantur immunes ab applicatione Missæ B. M. Virginis de S. Britio , quam singulis Sabbathis canunt ad ejus Altare , pro Benefactoribus , juxta votum Eminentissimi Episcopi *in Urbeveterana* 24. *Novembris* p. 179.

Pro reparandis Bonis Capellanæ SS. Suffragii Mathelicæ indulgetur pauperi illius Rectori Missarum suspensio ad quadriennium , celebratis

Missis quinquaginta tantum in singulos annos , ac facta obligatione celebrandi Missas omittas ex Bonis hereditariis decessoris Rectoris ejus patruī , cujus culpa dd. Bonorum deterioratio obvenit , ad ipsum deferendis post obitum grandævæ amitæ heredis usufructuariæ . *Mathelicen. Suspensionis Oneris Missarum* 24. *Novembris* pag. 185.

Nedum locum esse decernitur supplemento Missarum a Petro Cossini Beneficiato Collegiatæ Ecclesiæ S. Petronii Bononiæ omittarum , sed eum quoque ad illarum celebrationem cogendum esse præcipitur etiam cum sequestro fructuum Beneficii *in Bononien. Reductio Servitii Chori* 24. *Novembris ad II. Dubium* pag. 187.

Transfertur Missarum celebratio ad proximam Ecclesiam Parochialem ob difficile illarum celebrationem in rurali Oratorio per Testatorem designato *in Urbinaten. Translationis Missarum* 15. *Decembris* pag. 199.

Vid. etiam Reductio .

Multiplicum ordinatum pro erectione Capellanæ intermitteri non debet , ut ex fructu præsentis Capitalis rot celebrentur Sacra . *Bononien.* 7. *Julii* pag. 109.

N

Nominatio Capellani suspenditur ad quinquennium , & studiorum causa conceditur Patrono administratio Redituum Capellanæ cum onere duorum Anniversariorum , & quinque Missarum in singulos annos *in Aque. Capellanæ* 3. *Februarii ad I. Dub.* pag. 20.

O

Opera Pia demandata a Romano Boari adimpleri debent juxta votum Ferrariensis Archiepiscopi . *Ferrarien.* 15. *Septembris ad II. Dub.* pag. 163.

P

Parochiæ unio facta Auctoritate Apostolica , & juxta de causa servatur *in Papien. Dissolutionis Unionis , & Provisionis* 3. *Martii ad I. , & II. Dub.* pag. 32.

Parochus habitare renetur in Domo Parochiali post ejus restaurationem . *Tyburina Residencia* 3. *Februarii* pag. 20.

Vide etiam Vicarius Curatus .

Patrono Cappellæ confirmatur per Rescriptum *in secundo , & quarto loco decisæ* facultas retinendi in ea Sedilia , & Scamna , dummodo non præstent impedimentum Divinis *in Alatrina* 7. *Julii* pag. 114.

Patronus . Vide Clavis . Nominatio .

Permutatio .

Permutatio Bonorum Ecclesiæ concurrente ipsius
utilitate permittitur in *Fanen. Permutatio-
nis 16. Junii pag. 92.*
Prelatio. Vide *Emphyteusis.*
Procuratio Episcopi contribuenda est pro rata
a Beneficiariis, Confraternitatibus Laicorum
aliisque Locis Piiis, exceptis Hospitalibus.
Aquispendien. 31. Aprilis ad I. Dub. pag. 62.
Procuratorum ab uno Capitulo solutarum rein-
tegratio pro ultima tantum conceditur. *Ibi-
dem ad II. Dub.*
Professio P. Angeli Mariae Salinas Carmelita
irrita declaratur, utpote emissâ ineunte deci-
mo sexto ætatis anno, ac extra Domum pro-
bationis in *Ampurien. Nullitatis Professionis 20.
Januarii pag. 3., & 21. Aprilis pag. 61.*
Prohibitio vendendi, hypothecandi, & cædendi
Arbores, licet personalibus verbis facta pri-
mo heredi Missarum onere gravato, ad ul-
teriores extenditur heredes in *Aprutina 19.
Maii ad II. Dub. pag. 83.*

R

Redimantur Administratores hereditatis Spa-
tiani, in Pios usus destinata, ad reddi-
tionem rationis pro negotiis ab unoquoque
gestis in *Tudertina Redditionis rationis 21.
Aprilis, & 28. Julii ad I. Dub. pag. 70.,
& 125.*
Reductio Piorum Legatorum Josephi Focaccia
fit, ob diminutum Fundum, juxta calculum
ab interesse habentibus approbatum in *Cese-
naten. 3. Martii ad II. Dub. pag. 37.*
Onerum, & Anniversariorum ad Missas lectas
conceditur Capellanis Collegiatæ Ecclesiæ
Thurenſis ob diminutos Capellaniarum Re-
ditus, juxta votum Eminentiſſimi Gerdi-
Relatoris in *Leodien. 24. Martii pag. 47.*
Servitii Choralis diu præstiti denegatur, non
obstante tenuitate Reditus in *Bononien. Re-
ductionis Servitii Chori 16. Junii pag. 93., ite-
rumque per Rescriptum: in decisis, & preces
amplius non recipiantur; die 24. Novembris
pag. 187.*
Servitii Choralis potius, quam Missarum ob
imminutos Reditus indulgetur in *Derthonen.
Reductionis Onerum 19. Maii pag. 75., & in
Æfina 7. Julii pag. 109.*
Missarum etiam reductio denegatur, existentibus
Fundis a Testatore designatis pro illarum ce-
lebratione, non obstante paupertate heredis
in *Forolivien. Reductionis Missarum 7. Julii
pag. 116.*
Ac denegatur Possessori Primogenituræ, qui
Reditus habet sufficientes oneribus in *Dertho-
nen. Absolutionis, & Reductionis Missarum 7.
Julii ad I. Dub. pag. 118.*
Ad perpetuam conceditur ob injunctum Cele-
brantibus onus recitandi Officium Defunctorum,
licet expressa resistat voluntas Testato-

ris in *Alexandrina 18. Augusti ad II. Dub.
pag. 137.*
Ad manuales vero ob diminutos Bonorum fru-
ctus in *Reatina Reductionis Missarum 24. Mar-
tii ad I. Dub. pag. 50.*
Capellano, qui in erectione Collegiatæ factus est
Mansionarius, & ob additum servitium Cho-
ri obtinuit ad Episcopo ex facultatibus dele-
gatis reductionem Missarum ad manuales, ul-
terior denegatur reductio ad perpetuam in *Lu-
nen. Sarzanen. 24. Novembris pag. 180.*
Onus trium hebdomadalium Missarum reducitur
ad unam Missam mensuram ob diminutos fru-
ctus Bonorum subrogatorum in locum Fundi
legati, ac impossibilitatem vindicandi d. Fun-
dum; & ob paupertatem Heredum consulitur
Sanctissimo pro absolutione a Missis non ce-
lebratis in *Casalen. Reductionis Missarum ad
I., & II. Dubium pag. 193.*

S

Scamna. Sedilia. Vide Patronus.
Substitutio Locorum Piorum ordinata in casu
repudiatae Hereditatis, vulgaris est, & per
aditionem primi Heredis resoluta declaratur
in *Aprutina 19. Maii ad I. Dub. pag. 83.*
Supellectiles Sacrae Parochialis Ecclesiæ S. Do-
nati Terræ Polentæ tam pro tempore præte-
rito, quam pro futuro spectant ad Parochum.
*Brixinorien. 25. Septembris ad III. Dub.
pag. 155.*
Suppressio. Vide Transactio, Vicaria.
Suspensionis, & Irregularitatis dispensatio, ob
susceptos Sacros Ordines cum falsis Ordina-
rii Testimonialibus, eorumque exercitium
per ascensum a Subdiaconatu ad Diaconatum
& a Diaconatu ad Presbyteratum, remittitur
Sanctissimo ad cauthelam in *Cephaluden. Suf-
pensionis, & Irregularitatis 21. Aprilis pa-
gin. 61.*

T

Transactio inita inter interesse habentes su-
per Canonatu, ac tribus Mansionariis,
ex pia dispositione Laurentii Morisi erigen-
dis, denuo probatur, dempta suppressione,
tertiæ Mansionariæ in *Bononien. Commutationis
voluntatis, & Transactionis 18. Augusti ad I.
Dub. pag. 137.*
Vide Jura Parochialia.
Translatio. Vide Ecclesia Parochialis. Missæ.

V

Vacationes trium mensium a Choro, per
antiquum Statutum concessæ, deinde ob
imminutum Canonicoꝝ numerum reductæ,
reſti-

restitui debent ad pristinum statum aucto iterum illorum numero. *Albintimilien. Vacatium* 16. *Junii ad I. Dub. pag. 91.*

Vicariarum erectio cum suppressione Canoniarum, & Capellaniæ de jure patronatu denegatur, cogiturque Præpositus Collegiatae Ecclesiæ SS. Petri, & Pauli Montis Ulmi ad reddendam rationem accepti pro ampliatione Ecclesiæ, cum interventu interesse habentium in *Firmana Erektionis* 18. *Augusti pag. 139.*

Vicarius Generalis. Vide dispensationes matrimoniales.

Vicarius Curatus Patrum Dominicanorum Viganensis Conventus declaratur perpetuus cum

Congrua scutorum 60., retento per eosdem Patres onere manutentionis Ecclesiæ, & Dominus Parochialis, ac subministratio Sac. Supellectilium in *Papien. Dissolutionis unionis, & Provisionis* 3. *Martii ad III. Dub. pag. 32.*

Vice-Parochus retineri debet sumptibus ejusdem Conventus. *d. Papien. ad IV. Dub.*

Unio. Vide Parochia.

Vox activa, & passiva non competit Archidiacono, & Archipresbytero Collegiatae SS. Petronii, & Prosperi Lugi in iis, quæ respiciunt Massam Capitularem. *Imolen. Distributionum* 15. *Septembris ad III. Dub. pag. 158.*

I N D E X

C O N C L U S I O N U M :

*Quæ adnotatæ sunt in foliis Causarum
anni 1787.*

A B S E N T I A .

A Bessè non licet Canonicis ultra tres menses ab Ecclesia , pag. 36. §. *Quoad primum* .

Induci tamen valet brevior absentia ex consuetudine . *Ibidem* .

Si brevior vero inductus sit terminus ob diminutum Canonicorum numerum , in pristinum , eo aucto , restitui debet , pag. 37. §. *Si ergo* .

A B S O L U T I O .

Vide in respectivis materiis .

A C T I O .

Popularis competit pro Ecclesia , pag. 78. §. *Confratris* .

A C T U S .

Vid. Visitatio .

A D M I N I S T R A T I O .

Non præsumitur , pag. 76. §. *At insiciatur* .

Administrasse censetur , qui principale habet interesse , *ibidem* .

Vid. Beneficiatus . Executor .

A D M I N I S T R A T O R .

Vide Redditio Rationis .

Administrator dicitur , qui Bona contrectat , pag. 71. §. *Legalibus* .

Contrahere nequit super Bonis administratis , pag. 166. §. *Quantum* .

Administratorem deputare nequit , qui potestatem non habet , pag. 165. §. *Nullam* .

Æ T A S .

Ætatis dispensatio concedenda est pauperibus Patronorum Consanguineis , pag. 44. §. *Pro Dotorum* .

A G N A T U S .

Vid. Feudum .

Tom. LVI

A L I E N A T I O .

Alienandi prohibitio , deficiente perpetuo Fidei commissio , vel ratione conservationis Bonorum in Familia , non extenditur ad ulteriores heredes , pag. 83. §. *Quæ ad futurum* .

Contrarium statuit Sac. Congregatio favore Piæ Causæ , pag. 85. *ad II. Duo* .

Alienare expedit Prædia Ecclesiæ inter se dissita , ut in uno , vel pluribus non dissitis pretium investatur , pag. 170. §. *Duo* .

In alienatione Bonorum Ecclesiæ requiritur necessitas , & utilitas , pag. 105. §. *Annuncium* , & pag. 170. §. *Duo* .

Ac Beneplacitum etiam Apostolicum , pag. 148. §. *Ad protuendam* .

Vid. Emphyteusis .

A L I M E N T A .

Vid. Hæres . Patronus .

A R B O R .

Expedit incidere arbores veteres , & corruptas , ut novæ substituuntur , pag. 127. §. *Perpetua* .

Sæpe immo utile est culturæ Fundi fructiferas etiam incidere , pag. 84. §. *Idque* .

Fructifera sunt pars , & accessiones Fundi , pag. 127. §. *Perpetua* .

Cædæ sunt in fructu , *ibidem* .

A R G U M E N T U M .

A pari validum est , pag. 97. §. *Plura* .

Itemque a discretiva , pag. 97. §. *Ceterisque* .

B E N E F I C I A T U S .

Comparatur usufructuario , pag. 134. §. *Petitæ* .

Majora immo habet jura , pag. 127. §. *Perpetua in fin.*

Usufructuarii instar administrare tenetur Bona Beneficii absque mercede , pag. 134. §. *Petitæ* .

Et ex ipsa Beneficii possessione mercedem habet administrationis , pag. 134. §. *Neque* .

B E N E F I C I U M .

Præsumitur simplex , pag. 66. §. *Reque vera* .

E e

Simplis

Simplicem ejus qualitatem probat ultimus status, *ibidem*.

Collatio rursus tanquam de simplici, *ibidem*.

Ejusque unio Episcopali Seminario, *ibidem*.

Censetur Sacerdotale, si obligatio celebrandi per se ipsum ex verbis directis in personam Beneficiarii, aliisque argumentis conjiciatur, pag. 96. §. *Licet*.

Patronale erigi nequit ab Episcopo in Canonatum cum novis oneribus absque consensu Patroni, pag. 37. §. *Hec*.

Nec eo dissentiente supprimi, pag. 144. §. *Quo vero*.

Imponi nequit Beneficio novum onus in erectione non expressum, pag. 173. §. *Advertendum*.

Neque ab Episcopo, *ibidem*.

In Beneficiis nedum contemplasse censetur Fundator suffragia, sed decentem etiam Beneficiarii exhibitionem, & onerum compensationem, pag. 204. §. *Videndum*.

BENEPLACITUM.

Apostolicum non presumitur, quam post completam centenariam, pag. 149. §. *Hujusmodi*.

Vid. Alienatio. Emphyteusis.

BONA FIDES.

Excusata culpa, pag. 104. §. *Absolutionem*.

Et ab omitta Missarum celebratione, p. 53. §. *Licet*, & pag. 119. §. *Quo vero*.

Vid. Compensatio. Fructus. Procuratio.

CAMBIUM.

Prohibetur Clericis, & Ecclesie, pag. 170. §. *101a*.

CANONICATUS.

Erigi debet auctoritate Ecclesiastica, pag. 95. §. *Quoad primum*.

Suppressi nequit absque consensu Capituli, p. 144. §. *Valdecur*.

Vid. Beneficium.

CAPPELLA.

Vid. Patronus.

CAPELLANIA.

Nullum jus est Clerico ad Capellaniam actu Sacerdotalem pag. 209. §. *Ponderandum*.

Limita in Clerico consanguineo Fundatoris, in quo sufficit habilitas proxima ad Sacerdotium, ad illud nempe assumendum infra annum, pag. 20. §. *Advertere*.

Ad id tamen compelli debet, pag. 209. §. *Potissimum*.

Vid. Sacerdos.

Laicalis Capellania nedum a Laicis, sed ab Infantibus, & Faminis retineri potest, p. 202. §. *Num res*.

Nisi resistat voluntas Testatoris, pag. 202.

§. *Fallit*.

Haud enim repugnat, laicalem diversis respectibus esse Capellaniam, & quoad personas nominandas ecclesiasticam, *ibidem*.

Ideoque concedi non debet Laico conjugato, ubi voluta est Ecclesiastica qualitas in Capellano, *ibidem*.

CAPELLANUS.

Arbitrium removendi Capellanum cohiberi debet, ubi suspicio est odii & malitiae, pag. 26. §. *At*, & *fin*.

Hujusce arbitrii abusus desumitur a levi remotionis causa, pag. 27. §. *Concludit*.

Eo tamen abuti non censetur ex malitia, & odio, qui Capellanum removet sine causa, pag. 27. §. *Quid*.

CENSUS.

Aequiparatur Stabilibus, pag. 170. §. *Tota*.

Idoneum tamen investimentum non est pro Ecclesia, *ibidem*.

Maxime pro celebratione Missarum, pag. 170. §. *Maxime*.

Et tunc solum permittitur, cum aliud deficit investimentum in Stabilibus, pag. 171. §. *Annuit*.

CHORUS.

Vid. Reductio.

CLAVIS.

Vid. Patronus.

COLLEGIATA.

Duarum Collegiatarum erectio inverisimilis est in parvo Loco, pag. 21. §. *Primum*.

Vid. Residentia.

COMMUTATIO.

Commutare nequit Episcopus ultimas voluntates, pag. 53. §. *Licet*, & pag. 165. §. *Per concessionem*.

Communitari non debent voluntates, quam ex justa, & necessaria causa, pag. 45. §. *Verum*, pag. 107. §. *Notandum*, pag. 117. §. *Sedulo*, pag. 121. §. *Iterum*, & p. 132. §. *Atque hinc*.

Iusta autem commutationis causa est necessitas, pag. 79. §. *Religionem*.

Ac presumpta Testatoris voluntas, pag. 106. §. *Iusta*, & pag. 142. §. *Neque*.

Non datur de liquido ad illiquidum, pag. 69. §. *Si Ecclesia.*
Compensari non debent Missæ indebite celebratæ cum celebrandis, pag. 52. §. *Agre.*
Fallit, si indebita celebratio expleta sit bona fide, *ibidem.*

CONDITIO.

Potestativa habetur pro impleta quando per adimplere debentem non stat, quominus adimpleatur, pag. 98. §. *Qualitatem.*
Non datur in ea retractio, pag. 113. §. *Qualitatem.*

CONFESSIO.

Propria confessio superlativam constituit probationem, pag. 69. §. *Singulis.*
Morientis præsumitur sincera, pag. 182. §. *Præcipua.*

CONGRUA.

Pinguior danda est Parocho, ubi pinguiores sunt Reditus, pag. 34. §. *Si unionem.*
In congruam imputari nequeunt eventualia Baptismatum, Funerum, & similia emolumenta, pag. 35. §. *Neque,* & pag. 151. §. *Fructus in fin.*

CONSENSUS.

Præstitus in una re, trahi non debet ad aliam, pag. 101. §. *Quantum.*
Ob irrationabilem contradictionem suppletur a Superiore, pag. 142. §. *Neque.*

CONSUETUDO.

Quod sit contra legitimam consuetudinem abusus est, & corruptela, pag. 196. §. *Absolutam.*

CONTRACTUS.

Iustitia Contractus præsumitur, pag. 104. §. *Absolutionem in fin.*
Non item ex quacumque observantia validitas, si ex ipso Instrumento adhibita non apparent solemnia, pag. 166. §. *Unicum.*

CREDITUM.

Præsumitur satisfactum per diuturnam perceptionem fructuum, pag. 69. §. *Singulis.*

CURA PAROCHIALIS.

Curæ parochialis divisionem mandavit Concilium Africanum, pag. 10. §. *Aliunde.*
Ac Rectorum pluralitatem super uno Grege im-

Tom. LVI.

probavit Sac. Concilium Tridentinum, *ibidem.*

Quandoque tamen solidale hoc Curæ exercitium Sac. Congregatio permisit, pag. 10. §. *Ad primum.*
Potestatem tamen habet Episcopus illud dividendi, pag. 98. §. *Concordiam.*

DECRETUM.

Vid. Visitatio.

DISPENSATIO MATRIMONIALIS.

Dispensatio ab impedimento publicæ honestatis minima reputatur, pag. 183. §. *Quatenus.*
Et facilius conceditur Viri, ut secundæ nubat Sorori, quam Mulieri, ut secundo nubat Fratri, *ibidem.*
Ad avertenda potissimum scandala, *ibidem.*
In dubia consumatione Matrimonii cum prima Sorore denegatur, *ibidem.*
Conceditur vero ubi constat de non consumatione, *ibidem.*

DISTRIBUTIONES.

Quotidianæ debentur ratione servitii, pag. 159. §. *Quod attinet.*
Seu juxta proportionem interessentis, pag. 160. §. *Hanc.*
Contrarium tamen, quod servari debeat proportio portionum immissarum in earum Massam, pag. 161. §. *Si ergo.*
Et de hac proportionem intelligendum est verbum *proportionabiliter*, sive in Statuto, sive in Litteris Apostolicis adhibitum, *ibidem.*
Distinctæ a Massa Capitulari applicantur Fabricæ Ecclesiæ, vel alteri Loco Pio, si participant non intersunt Choro, pag. 160. §. *Gravia.*
Conferri valet ex consuetudine in Distributiones major, vel minor fructuum pars, p. 82. §. *Neque aspera.*
In earum perceptione melioris conditionis esse non debent absentes præsentibus, pag. 82. §. *In ea,* & seq.

DIVISIO.

Divisio Parochiæ fieri debet in æquas partes, ubi non constat de illarum inæqualitate ab initio, pag. 11. §. *Quoad alterum.*
Æqua censetur extrajudicialis, ut unus dividat, alter eligat, pag. 12. §. *In promptu.*
In judicio tamen facienda est officio Judicis, *ibidem.*

DOMUS.

Parochialis Domus restauratio æquiparatur restorationi Ecclesiæ, Sacrarum, Turris campanariæ, & similium, pag. 54. §. *Alii.*
Eam reficere non tenetur Parochus, si Reditus

E c 2

non

non habet propriæ exhibitioni sufficientes,
pag. 54. §. *Neque*.

Sed in hoc, & similibus casibus erogari permisit Sac. Congregatio in illius restorationem Subsidia dotalia, *ibidem*.

Nec non Præbendarum fructus, *ibidem*.

Et Missarum Legata, *ibidem*.

In restorationem etiam Domus Capituli converti valent ex præsumpta Testatoris voluntate Reditus destinati pro celebratione Missarum, pag. 50. §. *Animadversione*.

D. O. S.

Spiritualis solvi debet ante professionem, pag. 157.
§. *Hæc*.

Si Monasterium tamen sit dives, recipere tenetur pauperes Puellas absque Dote, *ibidem*.

Pro Puellis ad Dotes vocatis deslendum est a verborum rigore, pag. 41. §. *Friderico*.

Præferri debent ad dotalia Subsidia Consanguineæ Testatoris ultra quartum gradum, pag. 157.
§. *Plurimi*.

Dotium cumulus concedi solet Puellæ pauperi Patronis conjunctæ, pag. 44. §. *Pro Dotium*.

Nulli enim sit injuria, si vocatæ sint Puellæ incertæ, *ibidem*.

Maxime si præsumpta urgeat Testatoris voluntas, pag. 156. §. *Subsidiorum*.

Perpetua ampliorum Dotium utilitas præferri debet temporario quarundam Puellarum commodo, pag. 113. §. *Reque vera*.

ECCLESIA.

Eadem sunt privilegia Ecclesiæ, & Fisci, pag. 90.
§. *Non immerito*.

Parochialem Ecclesiam reficere tenetur Parochus de proprio, pag. 69. §. *Singulis*, & pag. 152.
§. *Ad tertium*.

Neque locum habet Locorum Piorum contributo, si pares sunt ejus Reditus, pag. 102.
§. *Major*.

Si pares vero non sunt, reduci debent ad illam reficiendam Missæ, pag. 54. §. *Neque*, & pag. 102.
§. *Hoc posito*.

Ac dotalia etiam Subsidia suspendi, pag. 102.
§. *Hoc posito*.

Si Parochialis insuper Ecclesia nullam habet Dotem, Reditus, aut Beneficia, nec Populum ad sumptus idoneum, converti debent in ejus restorationem Legata Pia, pag. 14. §. *Quæritur*, & seqq.

Ejus translatio fieri debet ad Ecclesiam Matricem, aut viciniorem, pag. 78. §. *Contentum*.

Ecclesiæ etiam necessitatibus consulere voluisse censetur, qui Missarum celebrationem in ea demandavit, pag. 49. §. *Non aliena*.

Vid. Actio,

ELECTIO.

Suspenditur per protestationem alterius ex Electoribus, ac omnino deletur, si ejus contradictio est justa, pag. 196. §. *Hæc vero*.

ELEEMOSYNA.

Gratior quandoque est Deo eleemosyna, quam Sacrificium, pag. 32. §. *Atque his*, & pag. 177.
§. *Quatenus*.

Missarum eleemosynæ, & Funerum emolumenta pertinent ad Parochum, pag. 67. §. *Quæritur*.

EMOLUMENTUM.

Iusta inter emolumentum, & onus esse debet proportio, pag. 174. §. *Favere*, & pag. 177.
§. *Statuit*.

EMPHYTEUSIS.

Bonorum Ecclesiæ permittitur concurrente illius utilitate, pag. 105. §. *Annucendum*.

Iustus ejus Canon de Jure Civili est vigesima instans valoris Bonorum, vel assueta illorum pensio, detracta sexta, pag. 105. §. *Tenens*.

In Ferrariensi autem Territorio est scutorum quinque pro quolibet centenariis, pag. 165.
§. *Per concessionem in fin*.

Debetur emphyteusis majori oblato, pag. 89.
§. *Valde*.

In emphyteusim concedi valent Bona Ecclesiæ locari solita, pag. 148. §. *Ad protuendam*.

Solitum constituunt duæ minus solemnes investituræ per quadraginta annos observatæ, *ibidem*.

Vel una solemnitas cum Beneplacito Apostolico, *ibidem*.

Secunda investitura absque Beneplacito Apostolico est nulla, si in substantiis discrepat a prima, pag. 148. §. *Admittunt*.

Discrepantia vero in favorem Ecclesiæ non inducit nullitatem, *ibidem*.

In emphyteusi ad tertiam Generationem, incipiunt Generationes a primo Acquirente, pag. 149. §. *His omnibus*.

Ejus substantiam tangit Generationum ampliatio, pag. 149. §. *Hujusmodi*.

Et vitiat totum Contractum, pag. 149. §. *Hujusmodi*.

Emphyteusis perpetua Bonorum Ecclesiæ de Jure Civili permittitur, pag. 149. §. *Quoad secundum*.

De Jure vero Canonico, si de re agatur sterili, ac facilioris diminutionis fructuum, pag. 150.
§. *Præ ceteris*.

Sine Beneplacito tamen Apostolico est nulla, pag. 165. §. *Nullam*.

Maxime si expleta sit pendente recursum in Sac. Congregatione, *ibidem*.

Vid. Alienatio . Melioramenta . Oblator .

FRUCTUS .

EPISCOPUS .

Procedens de mandato Sac. Congregationis ,
est simplex executor , pag. 77. §. *Sedulo* .

Legitimus vero executor est Piarum Causarum ,
pag. 166. §. *Pertinent* .

Plurimum ejus judicio deferri debet , p. 50. §. *Hoc
etiam* .

Vid. Commutatio . Cura Parochialis . Interdi-
ctum . Reductio .

ERECTIO .

Vid. Canonici . Vicaria .

ERROR .

Non præsumitur in iis , qui onus ab initio
assumpserunt , pag. 43. §. *Urgentior* .

EXCEPTIO .

Excipere non licet de jure Tertii , pag. 101.
§. *Plura* .

EXECUTOR .

Testamentarius non tenetur ratione officii admi-
nistrare , pag. 70. §. *At inficiatur* .

Pii Operis est loco heredis , pag. 71. §. *Sedulo* .

EXPENSÆ .

Litis expensæ fieri debent ab Opere Pio , ubi
agitur de ejus interesse , pag. 167. §. *A primo* .

Vid. Fundus .

FACULTAS .

Facultatem petens a Superiore , eam non ha-
bere fatetur , pag. 196. §. *Absolutam* .

FALCIDIA .

Est quarta pars hereditatis , pag. 38. §. *Licet* .
Detrahi nequit per Causam Piam a Lega-
tis Piiis , si major in his sit pietas , pag. 38.
§. *Exploratum* .

FEUDUM .

Obtinere possunt Feudum Dignitatis plures Agna-
ti , tanquam unam formalem personam repræ-
sentantes pag. 11. §. *Non defuerunt* .

Hoc tamen applicari nequit Parochiæ , pag. 11.
§. *Sed præterquam* .

FILIUS .

Qui hæreditatem coram Pratore non dimisit ,
censetur hæres pag. 167. §. *A primo* .

Tom. LVI.

A restitutione fructuum excusat bona fides , pag.
148. §. *Transcunt* .

Potissimum si eos percepit emphyteuta ex pro-
priis melioramentis , *ibidem* .

Restitui non debent a die investituræ Bonorum
Beneficii , sed a die , quo Actor Beneficium
obtinuit , *ibidem* .

In Emphyteusi vero Bonorum Pii Operis ,
ob defectum Beneplaciti Apostolici nulla , re-
stitui debent ab initio , pag. 167. §. *A primo* .

FUNCTIONES .

Processiones , benedictiones Candelarum , Ci-
nerum , Palmarum , & similes , functiones sunt
parochiales , non parochialia jura , pag. 12. §.
Sub involucrio .

FUNDATIO .

Fundationis lex servari debet , pag. 159. §. *Quod
attinet* .

FUNDUS .

Tunc demum distrahi valent Pii Operis Fundi
pro sumptibus litis , cum reliqua omnia defi-
ciunt remedia ; ac ipsa prius suspendi debent
Sacra , pag. 113. §. *Reque vera* .

Suppleri non debent ex aliis hereditariis
Bonis imminuti Reditus Fundi , *taxative* pro
celebratione Missarum relictis , pag. 132. §. *Atque
hinc* .

GRATIA .

Gratia Pontificia iu duriorem partem inflecti
non debet , pag. 41. §. *Acruer in fin.*

GRAVATORJA .

A solutione gravatorix absolvi debet , qui ju-
stam reclamandi causam habuit , pag. 72. §.
A resolutione .

Non item qui sine ratione contradixit , *ibidem* .
Solvenda autem est a die præcepti , *ibidem* .

HERES .

Alendus est pauper Fundatoris heres ex fructibus
Beneficii , pag. 117. §. *Perpetua* .

Vid. Filius . Missæ quoad suspensionem .

IMMEMORABILIS

Vid. Observantia .

INCOMPATIBILITAS .

Potissima incompatibilitatis Beneficiorum ratio
est voluntas Fundatoris , pag. 24. §. *Si finis* &
pag. 76. §. *Licet* .

INDULTUM.

Vid. in respectivis materiis.

INSTITUTIO.

Danda est legitime præsentato, pag. 97. §. *Probat.*

INTERDICTUM.

Interdicti ferendi potestatem habent Episcopi, pag. 77. §. *Licet.*

Parochiæ Divinis interdicti non debent Parochiani absque eorum culpa, *ibidem.*

INVESTIMENTUM.

Vid. Census.

IRREGULARIS. [IRREGULARITAS.]

Irregularis non est claudus ambulans sine baculo, pag. 56. §. *Frustra.*

Irregularis fit, qui ab uno ad alium Sac. Ordinem ascendit, tanquam illorum administrator, pag. 57. §. *Irregularitatem.*

Is etiam, qui ad Sacros ascendit Ordines legitimis probationibus destitutus, *ibidem.*

Ubi agitur de irregularitate simul & suspensione, de utraque Sac. Congregatio cognoscit, licet solvere valeat suspensionem Episcopus, pag. 56. *His præmissis.*

Ab irregularitate publica solus Papa dispensare potest, pag. 57. §. *Irregularitatem.*

Iusta dispensandi causa est paupertas, pag. 57. §. *Hæ autem.*

Silentium pariter Fisci, diuturna penitentia, bonique mores, *ibidem*, pag. 127. §. *Iusta*, & pag. 138. §. *Similem.*

Ac preces tandem Episcopi, pag. 57. §. *Hæ autem.* Etiam si agatur de promovendo ad Sacros Ordines, pag. 126. §. *Qui per industriam.*

Dispensati quandoque fuerunt ab irregularitate Sacerdotes in dextero brachio impediti, pag. 108. §. *Po. derari.*

Irregularis est homicida de Jure Canonico, pag. 206. §. *Ad excitandam.*

Jam promotus tamen ad Sacerdotium non afficitur censura Sacri Concilii Tridentini, *ibidem.*

Ex antiquo autem Jure sublata non est dispensationis spes promoti, *ibidem.*

Ac facilius ei indulgetur, ne mendicare cogatur, *ibidem.*

Maxime si deliberatum non habuit animum occidendi, pag. 206. §. *Ponderandum.*

Ac satisfecerit Parti, & Fisco, *ibidem.*

Pluraque sunt hujusce indulgentiæ exempla, pag. 206. §. *Ad excitandam.*

JUBILATIO.

Concedi solet post quadragenarium servitium

Chori pag. 136. §. *Etiam*, & pag. 153. §. *Licet.* Continuo deficiente servitio denegatur, pag. 136. §. *Etiam.*

Fittamen ejus computatio per conjunctionem etiam temporum, pag. 136. §. *Juxta.*

Facilius conceditur consentiente Capitulo, *ibidem.*

Ac suffragante Episcopo, *ibidem.*

Quandoque Sac. Congregatio ob peculiarem Capituli consuetudinem, jubilationem denegavit, quandoque ea non obstante concessit, pag. 153. §. *Negativa.*

J U S.

Præsentandi comperieriam Patronis extraneis, pag. 16. §. *Frequentissima.*

Quæritum ex Contratu, abique mutuo consensu auferri non potest, pag. 144. §. *Valdeque.*

Nec sine iusta, & publica causa auferri valet Ecclesiæ jus ex prima Missarum translatione quæritum, pag. 59. §. *Quoniam.*

J U S P A T R O N A T U S

Non acquiritur ex piis largitionibus, pag. 130. §. *Pluribus.*

Multo minus alienis, *ibidem.*

Non probant simplices enunciatiæ, pag. 131. §. *Facile.*

Neque existentia Stemmatis in Sacello, deficiente fundatione, aut dotatione, pag. 131. §. *Traduci.*

L E G A T U M.

Ab hærede præstandum expirat cum ejus vita, pag. 84. §. *Tertium.*

Fallit in Legato Missarum, in quo ratione pietatis, & Divini Cultus censetur perpetuum, pag. 84. §. *Hæc tamen.*

Maxime si relictum sit per indefinitam designationem ogni anno, *ibidem.*

Nec constat de contraria Testatoris voluntate, pag. 85. §. *Toties.*

Missarum Legatum adimpleri omnino debet juxta voluntatem Testatoris, pag. 177. §. *Statur.*

Legari potest res aliena, eamque tenetur heres redimere, pag. 190. §. *Mandatum.*

Non tamen immenso, vel iniquo pretio, pag. 191. §. *Quoties.*

Legari etiam valet res propria hæredis, *ibidem.* In eversionem Legari Pii concludentes requiruntur probationes, pag. 190. §. *Mandatum.*

Integrum præstare debet Legatum Pium, qui non contexit Inventarium, pag. 191. §. *Indulo.*

Qui adimpler Legatum sufficientes fateretur vires hereditatis, *ibidem.*

Cessat cessante eius causa pag. 37. §. *Id ergo* .

L I B R I .

Liberculus privatus non potest pro Scribitur , pag. 29. §. *Singulis* .

Liber vero Libri Palæstræ tenentis præfatus est fides , pag. 112. §. *Remota penitus* .

MATRICITAS . MATRIS .

Matricitas impropria non inducit subjectionem , pag. 147. §. *Enim* .

Ius benedicens Fontem , distribuendi Sac. Oleum , & amplexandi Campanas die Sab- bati majoris Hebdomadæ prævire spectat ad Ecclesiam Matricem , *idem* .

M A T R I M O N I U M .

Profanitas conjugum ex cohabitatione , & concubitu , pag. 182. §. *Frangit* .

Ex simplici tamen cohabitatione conjugum non censetur cum iuramentis , *idem* .

Ejusque consensio excluditur ex iuramento alterius Conjugis , *idem* .

Ex Matrimonio tunc , & non consensu oritur impedimentum publice honestatis , pag. 185. §. *Quatenus* .

Vel. Dispensatio Matrimonialis .

MELIORAMENTA .

Pactum devolutionis melioramentorum ad Eccle- siam intelligitur , de parvis , pag. 143. §. *Quoad secundum* .

M I S S Æ .

Utile est Animæ Testimoniis præfatus Missarum celebratio , pag. 106. §. *Iustus* .

MISSÆ QUOAD COMMUTATIONEM .

Facile permittitur commutatio celebrationis Missarum a diebus feriatis ad festos , quam a festis ad feriales , pag. 59. §. *Durior* .

Fit etiam illius commutatio a simulanea ad per- petuam pro reparatione Ecclesiæ Puerilis , pag. 51. §. *Hinc* .

MISSÆ QUOAD REDUCTIONEM .

Vel. Reductio .

MISSÆ QUOAD SUSPENSIONEM .

Suspendi debet Missarum celebratio ubi alius non est modus reparandi Bona Beneficij , pag. 177. §. *Necessitas* .

Ad levandum quoque incipiam Patroni , pag. 17. §. *Quoad secundum* .

Nec non heredes , pag. 177. §. *Perpetuus* .

Et Beneficij de Famula , pag. 106. §. *Secundum* .

Transmissa non est Missarum celebratio ab uno ad alteram Ecclesiam , & prædicta regula designat Ecclesiam sive Testamentis efficitur , pag. 54. §. *In res* .

Sed expedit omnino debet in loco designato, ad iusto arguit , & necessaria causa , pag. 29. §. *Curam* .

Facilestimum si in designata Ecclesia commu- cantur sic Testamentis cadaver , vel suspensio Te- stimonij ad commodum Venerabilium , pag. 29. §. *Arguitur* .

Ubi vero demandata sit Missarum celebratio in auctoritate suffraganeæ Animæ Testimoniis , faci- lius commutatur etiam , pag. 30. §. *Locu- sum* .

Sive enim in una , sive in altera sit Eccle- sia , habetur iuris , pag. 29. §. *Missionis* .

Sape minor iuris de causis Missarum translatio- nis committitur Sac. Congregationi , pag. 29. §. *Etiam* .

Ac prædictum favore Beneficij de Famula , pag. 104. §. *Secundum* .

Vel. ius .

NOMINATIO . NOMINATUS .

Nominatus a Testimoniis præfatus debet , pag. 54. §. *Designatus* .

N O T A R I U S .

Nulla est dispositio favore Notarii , qui Testi- moniam cogit , pag. 187. §. *Natum* .

O B L A T O R .

Oblatoribus Communionem contrahunt deinde- dum pro viginti , pag. 13. §. *Fidei* .

Oblatoribus vero Fidei , qui acquiescent Eccle- siæ , voluntatem , pag. 97. §. *Non immerito* .

Priorem oblationem non solvit nisi Ecclesiarum officio , pag. 97. §. *Non sit* .

O B S E R V A N T I A .

Iuris dispositioni contrahentes plurimum valent , pag. 135. §. *Novum* .

Maximamque efficaciam habet fundationi pro- xima , pag. 25. §. *Amplius* .

Longe ita in una interpretatione voluntatis ven- iunt iudicio Episcopi , pag. 53. §. *Latet parvi* .

Censuram non vincit argumentum , conjuncti- ce , & præsumptivas , pag. 43. §. *De hoc* .

Iustus enim ex censuram observantia præ- sumitur iudicis , *idem* .

Ecclesiæ officio possibiles , ut præsumunt , pag. 43. §. *Operatur* .

Vel. Censuram . Reluctantia . Voluntas .

OFFICIUM.

Obligatio assistendi Divinis Officiis restringitur ad Officia vigentia de tempore foundationis, pag. 177. §. Statuit.

ONUS.

Vid. Emolumentum.

Onera imposita in fundatione Beneficii naturam induunt quasi contractus, pag. 204. §. Videntur.

PAROCHIA.

Uniri valent Parochiae ex necessitate, pag. 141. §. Quemadmodum.

Eademque causa dissolvi, *ibidem*.

Dissolvi potest unio mutato rerum statu, pag. 34. §. Ita.

Mutatus autem censetur status ob augmentum Parochianorum numerum; quum indecorum sit, ut proprio Parochio destituantur, *ibidem*.

Hæc tamen in remuneratoria unione sufficiens non est dissolutionis causa pag. 34. §. Plura.

Turpius namque est privare beneficium Ecclesiam unita Parochia absque præcisa necessitate, *ibidem*.

Dividenda non est Parochia ob angustiam Ecclesiæ, quæ ampliari valet, pag. 142. §. Talis.

Vid. Cura. Divisio.

PAROCHUS.

Stare potest in iudicio nomine Pauperum, & Ecclesiarum suæ Parochiæ, tanquam legitimus illorum administrator, pag. 167. §. Ad hæc.

Vid. Domus. Ecclesiæ. Eleemosyna. Transactio.

PATRONUS.

Adiicere potest novas condiciones Beneficio de Jure patronatu hereditario in præjudicium suorum heredum, pag. 87. §. Hæc.

Retinere valet de Jure Patronus laicus claves Ecclesiæ, Sacrarum Reliquiarum, Imaginum, oblationum, & similium, pag. 129. §. Ex his.

Hoc etiam acquiritur jus ex consuetudine, pag. 129. §. Plura.

Potissimum si agatur de Reliquiis Sancti Patroni Civitatis, *ibidem*.

At ex Decreto Sac. Congregationis Episcoporum, & Regularium retinere prohibetur Reliquiarum claves in Ecclesiis Regularium, pag. 130. §. Despicienda.

Nisi eas ex legitima consuetudine ad simplicem custodiam, & assistentiam retineat, *ibidem*.

Retinere etiam prohibetur in sua Cappella Sedilia, & scamna, si impediunt Divina, pag. 115. §. Urgenti.

Patrono pauperi debentur alimenta ex Cappellania, pag. 16. §. Frequentissima, & seq.

Vid. Jus. Missa quoad suspensionem.

PERITUS.

Peritis in arte deferendum est, pag. 101. §. Quantum vero.

PLACERE.

Quod semel placuit, amplius displicere non potest, pag. 94. §. Advertendum, & pag. 177.

Quatenus.

PRIVILEGIUM.

Pontificium decet esse mansuetum, pag. 34. Plura.

Vid. Ecclesia.

PROCURATIO.

In Procuracionem concurrere debent Clerici, Beneficiati, & Loca Pia, pag. 63. §. Juris.

In eorum namque utilitatem tendit Sacra Visitatio, *ibidem*.

Concurrere autem debent per contributum, *ibidem*.

Refundi non debet integrum ejus onus in unum Capitulum, pag. 63. §. Canonici.

Præsertim si minus, quam reliqui Beneficiati possideat, *ibidem*.

In eum tamen refundi solet cum facultate taxandi Beneficiatos, & Loca Pia, pag. 64. §. Omittenda.

Nec per simplicem hujus facultatis non usum, absque contradictione, & acquiescentia tollitur obligatio contribuendi, *ibidem*.

Præscribi nequit procuracionis debitum adversus Episcopum, pag. 63. §. Immemorabilem.

Inter coobligatos vero præscribitur per quadragenariam cum titulo, vel immemorabilem, *ibidem*.

Sæpe tamen hujusmodi observantiam veluti contrariam aequitati, rejecit Sac. Congregatio, pag. 64. §. Ex Jure.

A præteritis contributionibus excusat bona fides, pag. 65. §. Quoad secundum.

Sed debentur a die mortis litis, *ibidem*.

PROFESSIO.

Ante Concilium Tridentinum sufficiebat ad monasticam professionem excelsus minoris ætatis, pag. 4. §. Ante.

Nunc ex eodem Concilio annus requiritur decem, mustextus completus, *ibidem*.

Et nulla est professio, etiamsi ad illum explendum aliquot deficiant horæ, *ibidem*.

Proponi tamen nequit professionis nullitas post quinquennium, pag. 4. §. Sed ne incertus.

Per quinquennale enim silentium ratiocinata censetur, *ibidem*.

Sufficiunt vero ad enervandum quinquennium extrajudiciales conquestiones, pag. 4. §. *Illud*.

Professionis ratihabitionem non inducunt Officiorum exercitium, & Ordinum susceptio in Religione, pag. 5. §. *Neque*.

Tacita etiam datur professio, pag. 5. §. *Itaque*. In eadem inducitur ætate, ac expressa, *ibidem*. Et inducta censetur per delationem religiosi Habitati per integrum annum, pag. 5. §. *Alium*.

Excluditur tamen ex contrariis animi declarationibus, pag. 6. §. *Propterea*.

Ignorantia Legis irritantis professionem ante decimum sextum annum completum, non excusat ab illius ratihabitione, pag. 6. §. *Aut nihil*.

Nec etiam ignorantia facti, seu emissæ professionis ante legitimam ætatem. *ibidem*.

Nisi rationabilis sit, & inculcata, *ibidem*. Quandoque Sacra Congregatio irritam declaravit professionem ob defectum legitimæ ætatis, non obstante Professi mora in Religione per annos viginti duo, exercitio ejus Munerum, ac renovatione professionis per schedulam, pag. 8. §. *Videbunt*.

Nulla pariter est professio, si emissæ sit extra Domum probationis, & alibi etiam expletus sit noviciatus, pag. 7. §. *Nullitas*.

Huic quoque nullitati obstat silentium quinquennale, *ibidem*.

Sed eodem modo, ac in altera nullitate, quinquennii lapsus impediunt extrajudiciales conquestiones, pag. 7. §. *Sed ille*.

Non interruptitur noviciatus, nisi copulative concurrant dimissio Habitus, egressus a Monasterio, ac deliberatus animus deferendi Religionem, pag. 7. §. *Facilior*.

Neque interruptitur per egressum a Monasterio cum licentia Superioris, *ibidem*.

R A T I O.

Ubi eadem militat ratio, idem ferendum est judicium, pag. 84. §. *Tertium*.

R E C T O R.

Ad Rectorem habitualement spectat Sacrorum Utensilium, & Ecclesiæ manutentio, pag. 35. §. *Hæc*.

Ac Vice-Parochi expensa, pag. 36. §. *Disceptatur*.

REDDITIO RATIONIS.

Rationem reddere tenentur administratores omnes, siue necessarii siue voluntarii, pag. 70. §. *Posita*.

Et præsertim administratores hereditatis in pios usus destinatz, *ibidem*.

Quæ requirantur pro legitima redditione rationis, pag. 71. §. *Hæc*.

Materialis calculorum exhibitio non est legitima rationis redditio, pag. 71. §. *Si ita*.

R E D U C T I O.

Potissima reductionis Missarum causa est Reductum imminutio, pag. 73. §. *Potissima*, pag. 117. §. *Perpetua*, & pag. 135. §. *Missarum*.

Et ex hac causa reducuntur Legata Missarum, *taxative* relicta, pag. 84. §. *Posita*.

Concedi tamen debet reductio, siue assignatio Fundi sit *taxativa*, siue *demonstrativa*, ubi impares sunt illius Reditus oneri, nilque heres aliunde habet, ut suppleat, pag. 123. §. *Quoad primam*.

Et concedenda est tum ob immiutos Reditus, cum ob aucta rerum pretia, pag. 177. §. *Statuit*.

Ubi præsertim concurrat præsumpta Testatoris voluntas, pag. 123. §. *Præsumpta*.

Ante acceptionem fit ad taxam perpetuæ, post ad manualement, pag. 204. §. *Regula*.

In Legato perpetuo fieri debet ad taxam perpetuæ, si tenues sunt Reditus, pag. 177. §. *Quatenus*.

Etiam post executionem, pag. 51. §. *Hæc posita*, & pag. 204. §. *Regula*.

Præsertim si concurrat designatio Ecclesiæ, & dierum, aliaque injuncta sint onera, *ibidem*.

Denegari solet, si Beneficii Reditus omnibus sufficiunt oneribus, pag. 119. §. *Quoad reductionem*.

Reduci etiam debet ob tenuitatem Reductum feruitum Chori, pag. 94. §. *Ex amplitudine*.

Potius quam Missæ, pag. 73. §. *Accedit*, pag. 109. §. *Laicalem in fin.*, & pag. 177. §. *Quatenus*.

Ex præsumpta potissimum Testatoris voluntate, pag. 73. §. *Accedit*.

Delegata facultas reducendi onera Missarum non extenditur ad onera provenientia ex contractu, vel quasi, pag. 204. §. *Videndum*.

Licet aliter olim, ex amplitudine forsitan Indulti, censuerit Sac. Congregatio, *ibidem*.

R E L I Q U I Æ.

Vid. Patronus.

R E S I D E N T I A.

A residentia in Collegiatis non insignibus, & a psallendo in Choro excusat immemorabilis, pag. 22. §. *Quin immo*.

Si tenues præsertim sint Canoniciatum Reditus, pag. 22. §. *Paupertatem*.

R E S O L U T I O C O N S I L I A R I S.

Legitima est, si major convenerit interessentium pars, pag. 195. §. *Tribus*.

Et

Et tota decernendi potestas consolidatur in Consiliariis interessentibus, si reliqui intervenire neglexerint, pag. 196. §. *Ad secundum*.
Vidr etiam Electio.

SACERDOS.

Sacerdotis nomen convenit etiam Clerico, qui potentiam habet ad Sacerdotium, pag. 208. §. *Expressam*.

Appellat tamen Sacerdotem actu, si respicit tempus præstationis, institutionis, vel collationis, *ibidem*.

Potissimum si prolatum sit ab homine, *ibidem*.

Eoque magis a Sacerdote de illius significatione instructo, pag. 209. §. *Ponderandum*.

Qualitatem actu Sacerdotalem probat observantia, *ibidem*.

Stat bene simul, quod Capellanus esse debeat Sacerdos, & celebrare valeat per alium, pag. 209. *Avertere*.

Contrarium tamen statuit Sac. Congregatio, *ibidem*.

Vidr. Capellania.

SACERDOTIUM.

Satis est ad Sacerdotium sufficiens scientia, seu Sacrarum Scripturarum notitia, pag. 95. §. *Si ad id*.

SODALITIU M

Sodalitia laicalia subjacent Jurisdictioni Ecclesiastica quoad administrationem Piorum Operum, pag. 196. §. *Hac vero*.

SPECIES.

A Testatore designata, alias ejusdem generis comprehendit, pag. 25. §. *Verum*.

SUBREPTIO.

Reticentia ejus, quod Sac. Congregationem a concedendo Indulto non retraxisset, subreptionem non inducit, pag. 81. §. *Subreptitia*.
Secus vero si ad illud moderandum impulisset, *ibidem*.

SUBSTITUTIO.

Ordinata in casu non aditæ, vel repudiatæ hereditatis, vulgaris est, pag. 83. §. *Facillima*.
Et per additionem resolvitur, *ibidem*.

SUSPENSIO.

Ascendens ad Sac. Ordines cum falsis Testimonialibus incidit in suspensionem, pag. 56. §. *Hic*.

premissis, & pag. 138. §. *Ex prima*.

Aliasque penas statutas ab Urbano VIII. in Constitutione *Secretis*, pag. 56. *Hic premissis*.

In eam pariter incidit promotus ad Sacros Ordines per saltum, dummodo non celebret Sacra, pag. 138. §. *Ex prima*.

TITULUS.

Vidr. Observantia.

TRANSACTIO.

Inita a Parocho super juribus parochialibus absque consensu Cleri est nulla, pag. 145. §. *Impegnis*.

Laxiva est, si plus uni, quam alteri tribuatur, *ibidem*.

Ejus leges servari debent, pag. 113. §. *Tenuissima*.

Celebrata coram Episcopo in Sacra Visitatione super divisione Curæ Parochialis confirmari debet, nisi de illius injustitia doceatur, pag. 198. §. *Concordiam*.

TRANSLATIO.

Vidr. Missæ quoad Translationem. Ecclesia.

VACATIO.

Vidr. Absentia.

VICARIA,

Nova Vicariarum erectio fieri debet ex fructibus Parochiæ, pag. 143. §. *Licet*.

VICARIUS.

Vicarius curatus de Jurepatronatu eligi debet per examen, pag. 144. §. *Quo vero*.

VIGESIMA.

Vidr. Oblator.

VISITATIO.

Decretum latum in Sac. Visitatione maximam habet auctoritatem, pag. 63. §. *Canonicis*.

Observatum præsumitur, pag. 64. §. *Omittenda*.

Et plus valet unus, vel alter actus pro illius observantia, quam plures contrarii, *ibidem*.

Non datur ab eo appellatio. pag. 77. §. *Sedulo*.

UNIO.

Vidr. Parochia.

INDEX CONCLUSIONUM.

VOLUNTAS.

Defuncti voluntas meliori, quo potest, modo
adimpleri debet, pag. 20. §. *Levissima*.
Nec frustrandum est ejus desiderium, pag. 41.
§. *derisor.*

227
presbytero Capitulo reservata, non extendi-
tur ad distincta aliorum Canonicorum nego-
ria, pag. 162. §. *Ad tertium*.

UTENSILIA.

Vid. Rector. Parochus.

VOX.

Activa, & passiva, Archidiacono, & Archi-

F I N I S.

NOTICE

Be it remembered that the following is a true and correct copy of the original as filed for record in the office of the County Clerk of the County of ... State of ...

1901

Witness my hand and the seal of the County Clerk of the County of ... State of ... this ... day of ... 1901.

FILED

THESAURUS RESOLUTIONUM

SAC. CONGREGATIONIS

CONCILII

Quæ consentaneè ad Tridentinorum PP. Decreta
aliasque Canonici Juris Sanctiones

M U N U S

SECRETARII EJUSDEM SAC. CONGREG.

O B E U N T E

R. P. D. JULIO GABRIELLIO

Prodierunt in Causis sub annum 1788.

P R O P O S I T I S

Episcopis, eorumque Vicariis, Causarum Patronis,
ac aliis in Ecclesiastico Foro versantibus
apprimè utilis, ac necessarius.

T O M U S L V I I .

T R I P L I C I

I N D I C E L O C U P L E T A T U S .



R O M Æ M D C C L X X V I I I .

THE 3RD ANNUAL

REPORT OF THE

AMERICAN CONGRESSIONAL

COMMISSION

ON THE

PROGRESS OF THE

REPUBLIC

IN THE

YEARS 1861-1862

AND THE

REMARKS

OF THE



WASHINGTON

1863

I N D E X

ALPHABETICUS CAUSARUM

*Quæ in Sac. Congregatione Concilii propositæ fuerunt
anno 1788. per Diœceses dispositus.*

A

Albinganen. Missæ Conventualis 9.
Augusti pag. 129.
Alexandrina 19. Januarii pag. 1.
Ariminen. Demolitionis, & Translationis Missarum 16. Februarii, & 5. Aprilis pag. 25. & 31.
Ariminen. Suspensionis Onerum 20. Decembris pag. 189.
Asculana 7. & 21. Junii pag. 98. & 102.
Asculana 21. Junii, & 12. Julii pag. 103. & 115.
Asten. 30. Augusti, & 20. Septembris pag. 152. & 155.

B

Bononien. Commutationis Voluntatum 5., & 26. Aprilis pag. 36. & 41.
Bracharen. 7. & 21. Junii pag. 96. & 102.
Bracharen. Restitutionis in integrum 20. Septembris pag. 156., & 20. Decembris pag. 196.
Burgi S. Donnini Visitationis Sacrorum Liminum 26. Aprilis pag. 42.

C

Cæsenaten. Subsidiarum Dotialium 29. Novembris pag. 174.
Callien. Subsidiarum Dotialium quoad III. Dubium 24. Maii, & 7. Junii, pag. 81. & 86.
Casalen. 20. Decembris pag. 195.
Cervien. 24. Maii, & 7. Junii pag. 74. & 85.
Cervien. Legatorum 29. Novembris pag. 186., & 20. Decembris pag. 189.
Collen. 9. & 30. Augusti pag. 134. & 137.

Concordien. Dispensationis ab Irregularitate 9. Augusti pag. 131.

Cornetana Suspensionis Oneris Missarum 20. Septembris pag. 161.

D

Derthonen. Absolutionis, & Reductionis Missarum 16. Februarii, & 5. Aprilis pag. 24. & 30.

E

Eugubina Visitationis Sacrorum Liminum 26. Aprilis, & 24. Maii pag. 58. & 65.

F

Fanen. Erectionis Capellanix 9. Augusti pag. 126.

Ferrarien. 19. Januarii, & 16. Februarii pag. 10. & 13.

Ferrarien. Capellanix 7., & 21. Junii pag. 91. & 101.

Ferrarien. Reductionis Missarum, & Absolutionis 29. Novembris pag. 184., & 20. Decembris pag. 188.

Firmana 24. Maii, & 7. Junii pag. 69. & 85.

Firmana Capellanix 7. & 21. Junii pag. 93. & 102.

G

Geruntina Dispensationis ab Irregularitate 26. Aprilis, & 24. Maii pag. 60. & 65.

I

Januen. 16. Februarii, & 5. Aprilis pag. 20. & 30.

Imolen. Separationis Thori super Sequestris 16. Februarii, & 5. Aprilis pag. 16. & 29.

Interamnen. Reductionis Missarum 30. Augusti pag. 146.

L

L Aguedonien. 20. Septembris p. 164.
Lauretana Nullitatis Contractus 30. Augusti pag. 144., & 20. Decembris pag. 180.

Lemovicen. Dispensationis ab Irregularitate 12. Julii, & 9. Augusti pag. 122. & 126.

M

M Aceraten. Dispensationis 21. Junii, & 12. Julii pag. 111. & 117.

Maceraten. Emphyteusis 30. Augusti, & 20. Septembris pag. 148. & 155.

Marsicana Dispensationis ab Irregularitate 30. Augusti pag. 142.

Melevitana Irregularitatis 19. Januarii p. 1.

Melevitana Confirmationis Statuti 29. Novembris pag. 186., & 20. Decembris pag. 189..

N

N Arnien. Servitii Chori 19. Januarii pag. 2.

Nullius Montis Virginis 16. Februarii, & 5. Aprilis pag. 17. & 30.

Nullius Guastallæ 21. Junii, & 12. Julii pag. 112. & 117.

P

P Armen. 24. Maii, & 7. Junii pag. 82. & 86.

Perusina Capellanæ 19. Januarii pag. 2.

R

R Eatina 5. & 26. Aprilis p. 31. & 41.
Ripana 19. Januarii, 21. Junii, & 12. Julii pag. 5. 110. & 117.

Romana Legati 19. Januarii pag. 2.

Romana, seu Savonen. Subsidii Dotalis 26. Aprilis pag. 53.

Romana Subsidii Dotalis 7. & 21. Junii pag. 87. & 101.

Romana Distributionum 12. Julii, & 9. Augusti pag. 120. & 126.

Romana 20. Septembris pag. 169., & 29. Novembris pag. 173.

Romana Capellaniarum 29. Novembris pag. 182., & 20. Decembris pag. 188.

S

S Antandrien. seu Cubana Matrimonii 26. Aprilis, 12. Julii, & 30. Augusti pag. 47. 117. & 142.

Senogallien. Missæ Conventualis 19. Januarii, 16. Februarii, & 5. Aprilis pag. 10. 16. & 29.

Senogallien. 26. Aprilis pag. 45.

Signina 20. Septembris pag. 166., & 29. Novembris pag. 173.

Sutrina 24. Maii, 12. Julii, 9. Augusti, & 20. Septembris pag. 66. 118. 125. & 156.

T

T Erracinen. seu Setina 19. Januarii, & 16. Februarii pag. 7. & 13.

Tolentina Missæ Conventualis 26. Aprilis, & 24. Maii pag. 61. & 65.

Tridentina 20. Septembris pag. 169., & 29. Novembris pag. 174.

V

V Erulana Mediæ Annatæ 29. Novembris pag. 179.

Visen. Dispensationis ab Irregularitate 12. Julii, & 9. Augusti pag. 118. & 125.

Viterbien. Reductionis, & Suspensionis Onerum 24. Maii pag. 67.

Urbanien. Reductionis Missarum 16. Februarii, 5. Aprilis, 9. & 30. Augusti pag. 22. 30. 133. & 137.

Urbevetana 30. Augusti pag. 137.

Urbinate. seu Ariminen. 20. Decembris pag. 196.

*Die Sabbathi 19. Januarii 1788. in Pala-
tio Apostolico Vaticano erit Sacra Con-
gregatio Concilij, in qua præter alia
proponentur infrascripta Dubia, juxta
morem ejusdem Sacræ Congregationis
de jure resolvenda.*

P Riores tres, quæ ex ordine sequuntur Causæ, sub ju-
dice remanserunt in novissima Congregatione diei 15.
Decembris elapsi anni. Resumere igitur dignentur Emi-
nentissimi Patres præcedens Folium, ac infrascripta Du-
bia resolvere.

ALEXANDRINA:

*An sit locus reductioni eleemosynæ Missarum ad julios duos
pro qualibet in casu &c.*

*Sess. 25. cap. 4.
de Reform.*

Affirmative ad vitam Oratoris.

MELEVITANA IRREGULARITATIS:

An sit consulendum Sanctissimo pro Dispensatione in casu &c.

*Sess. 14. cap. 7.
de Reform.*

Affirmativè, dummodo non celebret in loco patra-
ti criminis.

PERUSINA CAPELLANIÆ.

- I. *An Capellania , de qua agitur , sit Clericalis , seu potius actu , vel habitu Sacerdotalis in casu &c.*
Et quatenus sit actu , vel habitu Sacerdotalis .
- II. *An , & quomodo sit providendum in casu &c.*

Ad I. esse sacerdotalem & actu & habitu .

Ad II. præfigendum esse terminum ab Episcopo unius anni ad allumendum Sacerdotium Sessio .

NARNIEN. SERVITII CHORI , Dilata iterum atque iterum fuit hujus Causæ definitio , die scilicet 3. Martii elapsi anni , ut de qualitate utriusque Ecclesiæ , & de Reditibus singularum Canoniatuum Episcopus referret, ac die 24. Novembris, ut nova Canonici , si quæ habent , post novam Episcopi Informationem deducere possent jura . Quid novi modo allaturi sint, ignoro . Ex circumferendis igitur eorum Scriptis , ac præcedentibus Follis dignabuntur Eminentissimi Patres respondere .

- I. *An Decreta Episcopi Narniensis lata in Visitatione dierum 18. Septembris 1780. , & 21. Septembris 1783. sint exequenda in casu &c.*

Et quatenus affirmative .

- II. *An , & quomodo sit locus reductioni onerum in casu &c.*

Ad I. Affirmative demptis diebus ferialibus tempore Adventus , & Quadragesimæ , & amplius .

Ad II. Negative , & amplius .

ROMANA LEGATI : Duplici Testamento dierum 17. Augusti 1633. , & 19. Januarii 1650. duplex Laurentius Bacci Ciarpi reliquit Legatum Societati Sacrorum Vulnerum Christi erectæ in Ecclesia S. Philippi Nerii ad Viam Juliam , scutorum 150. cum onere hebdo-

domadalis Sacri unum, & Loci Montis Subsidii quartæ erectionis alterum cum leviori onere Sacri in singulos menses. Si credendum est Officialibus Societatis, tradita hæc Legata fuerunt post diuturnam litem anno 1657., non in quantitate, & specie relicta, sed in duobus Locis Montis Communitatis secundæ erectionis absque expresso celebrationis Missarum vinculo. His extractis, aliisque comparatis Locis Montis Restaurati primæ erectionis, passa fuit Societas anno 1693., sive 1696. subhastationem novissimi Investimenti pro peculiari ejus debito. Qua de causa omisum fuerit ab acceptis Legatis hebdomadale Sacrum, quod in perlustrandis nuper Societatis libris compertum est, ac unum celebratum fuerit mensurum, ignoratur. Id centum triginta annorum beneficio ex justo aliquo titulo factum dicunt Officiales, rogantque pro absolutione quoad præteritum, & exemptione ab onere hebdomadalis Sacri quoad futurum.

Hæc de centenaria consuetudine habet Eminentissimus Urbis Vicarius. Vereor, inquit, aliquantulum, nè in re tanti æstimanda, quantum refert, Deo non surripi Sacrificia, Mortuisque servari suorum piacula peccatorum, longæva isthæc consuetudo, eaque nullis innixa actibus, nisi, ut ajunt, negativis, vires amittat suas; præsertim quum nulla in id exeratur causa, cur idem onus fuerit excussum, neglectumque in ipso sui initio, eaque tempestate, qua honorem, seu redditum ambobus oneribus attributum, parem, aut saltem non valde imparem utrique oneri universim ferendo fuisse cognoscimus = & hæc de asserta ignorantia hebdomadalis Sacri = Vim fateor, nec sane parvam, mihi inde fieri, quod Testamentum ipsum, quo ambo continentur Legata (non unum, sed bina sunt Testamenta) sive ob litem super iis cum Testatoris hereditate diu actam; sive ob illorum executionem ab iisdem Heredibus cautius certe, ne dicam invidentius propterea susceptam. sive ob ejusdem Testamenti transitum usque ad Oblatas Moniales S. Philippi Neri; sive ob primam solemnem Tabellæ compactionem, illiusque annuas consecutas exhibitiones apud Sacre Visitationis Tribunal, sive ob alias denique causas, non Sodalibus modo, sed & externis plurimis non potuit, quin notum compertumque fuerit; ut proinde onus ipsum eo Testamento tam dilucide, distincteque comprehensum, non temere potuisse videntur aut errore ullo, aut oblivione intercidere, aut fraude doloque intercipi, aut sine justa tandem causa, legitimaque auctoritate deleri.

Quantum sane ad exemptionem a futura hebdomadalis Sa-

cri celebratione , centenariam Officiales urgent illius omissionem . Nemo quidem centenariæ vim ignorat , quisque scit , iustum ex ea titulum , & Apostolicum etiam Beneplacitum præsumi , *Piton. de contr. Patron. allegat. 36. num. 22.* , sed qualis illa sit , cui Officiales insistant , Eminentissimi Patres advertant , In neglecta consistit Sacri celebratione , & sic in actibus *negativis* . Non inducitur autem ex hisce actibus observantia , nisi interesse habentium scientia , & patientia præcesserit , *Felin. in Cap. Cum accessisset num. 26. de Constit.* Hereditibus Laurentii Bacci , & Sac. Visitationis Congregationi intererat , ut adimplerentur Legata . Neutris tamen compertam fuisse constat hebdomadalibus Sacri omissionem , neutros eam permisisse . Verum hæc esse potuerunt huiusce consuetudinis initia . Vix bina pro utroque Legato consequuta fuit Societas Loca MM. , sed detracta etiam biennis litis expensa , tantum fortasse non superfuit , quantum utrique sufficeret oneri . Verisimiliter ergo ad eam tantum reductæ fuerunt Missæ , quæ ab initio , ac per centum & ultra annos celebrata fuit .

Præter negativos ex diuturno temporis lapsu , affirmativos etiam proferunt actus . Vix , inquit , translatis favore Societatis Locis Montium , egerunt Sodales die 10. Martii 1658. in particulari eorum Congregatione de impetranda a Vicesgerente Urbis licentia accipiendi Loca illa cum simplici enuntiatione oneris unius Sacri in singulos menses . Ab hoc uno deinde Sacro , post passam Locorum MM. substationem non celebrato , absolutionem implorarunt anno 1734. a Clemente XII. Ac unum tandem mensui Sacri onus in antiquiores , & recentiores Tabellas , Missarumque Libros ab anno 1708. retulerunt . Sed ponderandum est , an hi omnes actus , arbitrarii potius sint , & facultativi , ex quibus nec immemorabilis prodest , *Fagnan. in Cap. Cum ad Monasterium numer. 37. de stat. Monach. Valen. de Re Eccles. discept. 4. num. 119.* , *Trombat. de effect. immem. quæst. 11. numer. 121.* .

Quantum vero ad præteritam omissionem , non raro Sacra hæc Congregatio ob bonam omittentis fidem Sanctissimo consuluit pro absolutione , ac præsertim in *Reatina Reductionis Missarum 24. Martii elapsi anni ad II. Dubium* . Hoc tamen videndum , num Sacrorum Vulnerum Sodales in bona fuerint fide , & num bonæ fidei sint argumenta , quæ in eorum Congregationibus , Tabellis , & Libris ultro dixerunt , & fecerunt . Bina siquidem Lauren-

tii Bacci Testamenta, in quibus utrumque continetur Legatum, eodem aperta fuerunt die 3. Augusti 1655., eorumque virtute Societas Loca MM. acquisivit. Perpendere igitur dignentur EE. Vestrae, num unum Sodales compertum habere, alterum ab initio ignorare potuerint Legatum, & num utroque etiam cognito, ex praesumpta nihilominus Missarum reductione, de qua ad primum Dubium, in bona fuerint fide.

Quæritur ergo.

- I. *An sit locus celebrationi hebdomadalis Sacri in casu &c.*
- II. *An sit consulendum Sanctissimopro absolutione ab eodem Sacro non celebrato, seu potius sit locus illius supplemento in casu &c.*

Ad I. Affirmativè.

Ad II. Affirmativè ad primam partem, negativè ad secundam.

RIPANA. Indictio ad Canonicatum Pœnitentiarium. *Sess. 24. cap. 18. de Reform.*
 Cathedralis Ecclesiæ Ripanae concursu, plures in concurrentium albo relati sunt, productisque singulorum *requisitis*, ventum est die 30. Septembris 1786. ad examen, ac unus Sacerdos Paschalis Goberti Episcopalis Seminarii Rector approbatus fuit. Ægre alter ex reprobatis Sacerdos Bonfilius Gervasi id tulit, ac interposita in Ripana Curia appellatione, Sacram hanc ex Decreto R. P. D. Signaturæ Justitiæ adiit Congregationem, alteroque reprobo Sacerdote Joanne Teodori in socium adscito, nullum proclamant concursum, injustam Goberti electionem, novumque flagitarunt examen in Urbe. Precibus de more ad Ripanum Episcopum remissis, prius Gobertum in possessionem Canoniciatus misit, quam ad EE. Vestras referret. Tota autem est ejus Informatio in protuenda validitate, & iustitia concursus, ac tota refertur in circumferendo Promotoris Fiscalis, & Goberti *Summario*. Res igitur sub infra scripto proponitur Dubio.

Nullum Appellantes dicunt concursum ex actibus antecedentibus, concomitantibus, & subsequenter. Produci in antecessum debuissent a singulis concurrentibus Scientiæ dignitatisque testimonia, seu autographa *requisita*, juxta *Encyclicam* Sacræ hujus Congregationis ad Epi-

Episcopus datam anno 1721., & a san. mem. Benedicto XIV. confirmatam anno 1742., de qua *Rigant. ad Regul. Cancell. tom.3. Regul.37. num. 11.* . Id ex prædestinatione Goberti in Canonicum Pœnitentiarium ab eo uno prætermittum asserunt, quum ad differentiam aliorum concurrentium expressa non sit in actis concursus necessaria ejus jurium exhibitio. Quod absque nullitatis labe fieri non posse probat *Ferrar. in Biblioth. legal. verb. concursus num.5.* Plura insuper adversus Examinatores notant; quod deputati nempe essent extra Synodum, absque facultate Sacræ Congregationis, ut pro validitate concursus requirebatur, juxta antiquam ipsius Congregationis resolutionem in *Vasionen. 13. Novembris* relatum a *Barbos. de Offic., & potest. Paroch. part.1. cap.2. num.62.*, quod tres tantum, non quatuor fuerint, contra formam Constitutionis san. mem. Benedicti XIII., quæ incipit *Pastoralis officii*; quodque non constat in Sacra eos Theologia licentiatos fuisse, ut Constitutio ipsa præscribit, ac monet *Rot. in Imolen. Canonicatus Theologalis 2. Aprilis 1753. §.6. cor. clar. mem. Card. Molino.*

Quibusdam aliis deinde, ad minuendam illorum fidem, personalibus additis exceptionibus ad actus transeunt concomitantes. Aliorum reprobatorum concurrentium, ac singularis hominis testimonio probant, cuique exteriorem januam Conclavis, in quo casus solvebantur, patuisse, omniaque coram omnibus, ac Examinatoribus ipsis cum Vicario Generali per Conclave deambulantibus, tumultuarie gesta fuisse, contra præscriptum *Encyclicæ*. Quoad subsequentes tandem notant, approbatum fuisse Gobertum in humanioribus dumtaxat litteris versatum, se ipsos vero, ceterosque neglectos concurrentes, licet in Theologica facultate, in excipiendis confessionibus, & Animarum cura versatissimos? Nē dum autem de concurrentium doctrina, sed habenda quoque est ratio = *de prudentia, aliisque rebus* (ad munus exercendum) *opportunis* = ut statuit *Sac. Conc. Tridentinum sess.24. cap.18. de Reform.*. Hoc unum vero in universo illius examine (propriis silentio prætermittis) reprehendunt, quod in resolutione casus nubere volentis Puellæ, quæ ex furtivo Matris incestu illius filia, & soror erat, uno eam sororis nomine appellaverit. Suspectum præterea asserunt iudicium Episcopi ob actuale Goberti servitium in ejus Seminario per *Text. in Can. Accusatores, vel Testes suspecti 3. quæst.5., & in Leg.*

19. Januarii 1788.

7

Qui jurisdictioni ff. de Jurisdic. omn. Judic. ; idque confirmant ex delata Canonatus possessione pendente recurſu in Sacra Congregatione , & retardata actorum transmissione . Atque hinc concludunt ; reparandum esse præjudicium illatum eorum æſtimationi per novum examen .

Legitimam validitatis , & juſtitie concuſus præſumptionem opponunt Promotor Fiscalis , & Gobertus , *Rot. in Calaritana Canonatus ſuper circumſcriptione 17. Januarii 1757. §. 4. cor. Canilliac.* Præſtantiores de majori appellantium doctrina ac dignitate quarunt probationes , quæ irrationabile Examinatorum judicium ſuadeant , *Pax Jordan. lucubrat. Canon. lib. 10. tit. 8. num. 122.* Falſum ex Informatione Episcopii probant , quod præordinata fuiſſet Goberti electio , quum Episcopus Immo = *ſece delle premure grandi al Sig. D. Michelangelo Tanuſi Prevosto della Collegiata di Monte Prandone ſua Diocesi , perche concorreſſe al ſudetto Canonato vacante della Penitenziaria* = ut hiſce verbis teſtantur Examinatores . Falſum quoque , quod non exhibuiſſet Gobertus autographa ſua *requiſita* , contrarium teſtante Episcopali Cancellario . Conclave Ingreſſos fuiſſe fatentur Examinatores cum Vicario Generali , ſed neminem ab opere diſtraxiſſe , neminem de proſiſtis caſibus alloquutos eſſe . Commentitium ex Teſtibus dicunt aſſertum tumultum , ſeduloque advertendum rogant , nullam ab intrinſeco demonſtrari injuſtitiam examinis , quæ ſpectari potiſſimum debet , ut novus concuſus permittatur .

Decernere igitur dignentur Emi Patres .

An conſiet de nullitate concuſus , ita ut ſit locus novo examini in caſu &c.

Negative :

TERRACINEN. SEU SETINA: Honorarium titulum inter Canonicos Collegiatæ Eccleſiæ S. Mariæ Sulmonis , quem dicunt *Sermoneta* , flagitat Clericus Joſeph Quadraſſi cum facultate intereſſendi Choro , Proceſſionibus , aliique Eccleſiaſticis Functionibus in canonicall Habitu . Noviſſimo poſt coadjutores etiam Canonicos contentus eſt loco , nullamque Redituum , ac Di-

Seſſ. 24. cap. 19. de Reform.

Arli.

tributionum partem cupit. Cunctis suffragiis Capitulum annuit, duplicique ratione favet Episcopus, tum quia = *Josephi Quadraffi Familia erga Collegiatam Ecclesiam S. Mariæ Sermonetæ munifica fuit* = tum quia = *Juvenis ille, in Seminario Tusculano jamdiu degens, morum ingenii, & studii optimum testimonium habet* = Et licet nulum in ea Ecclesia sit Canonici honorarii exemplum, Oratoris tamen precibus annuendum censet = *cum superscriptis conditionibus* (iis nempe ab ipso Oratore propositis) & *absque ulla expectativa ad Præbendam primo vacaturam* = hac potissimum ratione = *cum eæ commodum & servitium Ecclesiæ respiciant, pietatem foveant, nulumque Capitulo, aut Canonicis, aut Ecclesiæ detrimentum pariant.*

Novum profecto non est Canonici honorarii nomen, illudque Ceccoper lucubrat. *Canon. lib. 1. tit. 14. num. 7.* appellat = *nomen sine re, & nomenclaturam vacuam, & inanem* = Inductum autem fuit remotioribus Ecclesiæ sæculis = *ut receptus* (in Canonicum honorarium, seu supranumerarium) *instituitur in minoribus, & officiis Ecclesiasticis, & inserviat prioribus, & antiquis Canonicis, & Ecclesiæ* = ut per hæc verba notat *Fagnan. in lib. 3. Decretal. Cap. Dilectus il. 1. num. 9. de Præben.* A Canonico igitur Jure aliena non est Oratoris petitio, eique boni illius mores, eximia ejus Familiæ in Collegiatam Ecclesiam munificentia, majus ipsius Ecclesiæ servitium, Capituli consensus, Episcopi favor æquitatis speciem præbent. Ponderandum tamen, num addere expediat honorarium Canonicum Capitulo, quod ex sufficienti constat Canonico numero, ac novum inducere exemplum in Ecclesia, quæ supranumerariis non indiget, In extraordinariis enim Canonico admissio debet Ecclesiæ necessitas, & consuetudo, *Monet. de Distribut. quotid. part. 2. quæst. 1. num. 10., Fermosin. ad Cap. 9. de Constit. quæst. 1. num. 40.,* idque cavendum, ne plures unius exemplo inducantur honorarii, quod = *tenderet in dedecus Ecclesiæ* = ut monet *Fagnan. in cit. Cap. Dilectus num. 10. de Præben.*

Ad ea insuper Eñi Patres advertant, quæ per admissioem Oratoris in Canonicum honorarium sequerentur. Non potest esse *Canonicus sine Præbenda, id est sine spe, & expectatione futuræ Præbendæ* = juxta doctrinam *Fagnani in Cap. Cum Ferrariensi num. 17. lib. 1. de Constit.* Adeo enim conjuncta sunt Canonici, & Præbenda = *ut cui confertur Canonicatus, debeat assignari, & Præbenda, si quæ*

si quæ vacat. ; & si non vacat , debeat expectari vacatio = Fagnan. ibid. sub cit. num. 17. , & num. 26. Quæ quidem expectativa , utpote Juris , sublata non est a Sac. Conc. Tridentino sess. 24. cap. 19. de Reformat. Ponderari ergo debet , an conferre liceat Oratori Canoniatum honorarium absque expectatione præbendæ , quæ ei debetur = ex dispositione Juris , & vi receptionis , & connexionis , quam habet Præbenda ad Canoniam = Fagnan. in cit. Cap. Dilectus il 1. sub num. 14. lib. 3. de Præben. , & num. commune omnino esset Capitulum ab illius vexatione , quatenus legitima expectatione privaretur .

Recipi quidem valent Canonici honorarii Pontificia Auctoritate sine Præbenda , Fermosin. tit. de Canon. quæst. 1. num. 15. , & seq. tom. 1. , eorumque jura dimetiuntur = ad limites conditionum , sub quibus creati sunt , Ceccoper. lucubrat. Canon. lib. 1. tit. 14. num. 8. , sed hoc etiam posito , deficeret adhuc inter Oratorem , & Capitulum , corresponsivitas quoad interessentiam Choro . Eum volentem admittere teneretur Capitulum nolentem cogere non posset . Per simplicem enim Stalli concessionem non tenetur Canonicus honorarius residere , & Choro interesse , neque ad id compelli potest , quum = in præmium residentiae non habeat fructus , seu Distributiones = Ceccoper. loc. cit. num. 9. , & seq. . Id autem pati non videretur primæva Canoniorum honorariorum institutio , ex qua inservire debent = prioribus , & antiquis Canonicis , & Ecclesiæ = neque honor ipse , quem Orator a canonicali Dignitate consequeretur ,

Quamvis præterea legitima esset conditio , quod nec passivam Orator , nec activam habere deberet vocem in negotiis , quæ antiquorum Canoniorum tangunt interesse , ut censuit Sacra Congregatio in Alatrina 8. Februarii 1727. , in Tolentina Archipresbyteratus 1. Februarii 1766. , & in Sabinen. Participationis 28. Aprilis 1770. , deliberandum tamen erit ab EE. Vestris , an hoc ipsum procedat in negotiis Indifferentibus , officiisque honorariis , quorum capaces censet Canonicos honorarios Monet. de Distribut. quotid. part. 2. quæst. 1. num. 5. , & 6.

His itaque perpensis , decernere dignentur Emi Patres .

An , & quomodo sit consulendum SSmo pro admissione Clerici Josephi Quadraffi in Canonicum honorarium Ecclesiæ Collegiatæ S. Mariæ Sermonetæ in casu &c.

Non proposita cum sequentibus .

Sess. 25. cap. 5.
de Reform.

FERRARIEN. Quatuor in hac Causa die 15. Septembris elapsi anni proposita fuerunt Dubia. I. *An, & quomodo sustineatur Instrumentum Emphyteusis, sive usus in casu &c.* II. *An, & quomodo sint adimplenda Pia Opera ordinata a Romano Boari in casu &c.* III. *An, & quomodo sit providendum quoad præteritum in casu &c.* IV. *An, & cujus sumptu sint faciendæ expensæ præsentis litis favore Operis Pii in casu &c.*; ac non obstante contumacia Manzalii, qui dilatoria Mandati procuræ exceptione dilationem postulabat, respondit Sacra Congregatio ad I. *Negative*; ad II. *Affirmative juxta Votum Eñi Archiepiscopi*; ad III. *Affirmative juxta liquidationem faciendam ab Eño Archiepiscopo*; ad IV. *Affirmative sumptibus Operis Pii*. Adversus consultissima hæc Rescripta consistit modo Manzalius; sed suam hætenus allegationem exhibere neglexit. Præcedens igitur Folium consulere dignentur Eñi Patres, & assueta maturitate respondere.

An sit standum, vel recedendum a decisis quoad I. II. III., & IV. Dubium in casu &c.

Sess. 24. cap. 12.
de Reform.

SENOGALLIEN. MISSÆ CONVENTUALIS. Quæsitum in hac Causa fuit die 2. Decembris anni 1786. I. *An sit concedendum Canonicis (Belvederii) ut cum unica Missa Conventuali satisfacere possint obligationi aliarum Missarum, ad quas ex Rubrica tenentur in casu &c.* = II. *An sit concedendum iisdem, ut possint sine cantu eandem Missam celebrare in casu &c.* = III. *An sit concedendum iisdem, ut cum Missis votivis, seu pro Defunctis satisfacere possint oneri Missæ Conventualis in casu &c.* =, & Sacra Congregatio respondit ad I. *Affirmative juxta Votum Eñi Archipresbyteri* = ad II. *Missam esse canendam juxta modum ab Eño Archipresbytero appositum* = diebus scilicet ferialibus ab uno Celebrante, festis vero, & in adimplementum Legati Pii cum assistentia Diaconi, & Subdiaconi; & ad III. *Negative*.

Venerantur Canonici EE. Vestrarum judicium quoad primum, & tertium Dubium. Iterum vero quoad secundum supplicant pro dispensatione a cantu diebus ferialibus

bus quousque bini redintegrentur Canonici, ad re-
 staurandam Ecclesiam suspensi, alter scilicet vacans, al-
 ter primo vacaturus, orantque, ut cogatur Societas, Col-
 legiatæ Ecclesiæ patrona; ad nominandos in posterum
 Ecclesiasticos in Gregoriano cantu versatos. Eius, ipse
 Archipresbyter., qui simplicem Missæ cantum, absque
 Diaconi, & Subdiaconi assistentia, diebus ferialibus
 proposuit, æquum modo ex novis deductis rationibus
 censet Canonici instantiam. Novem, inquit, ex-
 stant Canonici; nonus tamen, qui octogenariam excedit
 ætatem, non amplius tenetur, nec ex infirmitatibus potis
 est ad præstandum Choro servitium, quod ideo jam infra
 octo reliquos Canonicos cohibitum est = Nullos, refert,
 esse Beneficiatos, vel Capellanos Choro adstrictos, ideo-
 que sive ex veteri consuetudine, sive ex Constitutioni-
 bus Collegiatæ ita servitium inter Canonicos alternatim
 dividi; ut media tantum pars eorumdem Choro intersit fe-
 rialibus diebus, ac per consequens quatuor Canonici, qui
 nunc alternatim tenentur quaque hebdomada servitium præ-
 stare Choro, tenerentur etiam Missam Conventualem canere
 per se ipsos, cum nullus alius; præter eos, adsit Capi-
 tuli Sacerdos = Hinc fieri ait, quod Sacrum faciente alte-
 ro ex illis, tres tantum Choro adstantes supersunt, si nul-
 lus ex adstrictis ad præsentiam sive ex infirmitate, sive ex
 aliqua interveniente gravi causa deficiat = Atque ita con-
 cludit. Hisce positis, nec non defectu Organi, incommo-
 disque ex præsentis materiali statu Ecclesiæ in calculo habi-
 tis, iustas adesse causas dispensandi Canonicos a cantu
 Missæ Conventualis in feriis tantum judicarem usquedum
 Ecclesia reintegrata sit ad plenum numerum decem Canoni-
 corum.

Neque huiusmodi indulgentiam scandalo esse posse affirmat.
 Ex relatione enim Vicarii Lateranensis, quem in id con-
 sultit = patet, Ecclesiam, de qua sermo est, extra Oppi-
 dum degere, & præter dies festos, ob pietatem, & cul-
 tum erga Sanctissimam Deiparam Mariam, parum, &
 pene nihil ab Incolis frequentari. Si quis autem in Populo
 est, qui ad eam accedere soleat, morem Ecclesiæ a multis
 annis, excedentibus forsitan ejus memoriam, optime novit,
 & immo de novitate stupeficeret, si Missa ferialibus diebus
 caneretur, potius quam scandalum habeat manentibus re-
 bus in statu, & terminis = Quo vero ad disparitatem Præ-
 bendarum, de qua etiam queruntur Oratores, & quo-
 rumdam Canonici imperitiam in cantu Gregoriano,
 utramque rem Eminentissimus Archipresbyter examini

subjecit, ut de melliori Ecclesiæ servitio, & Canonico-
rum concordia caveret = *namque ejus testimonio, partim
provisum est, & in reliquis providebitur, imploratis ab
hac Sacra Congregatione facultatibus.*

Resumpto igitur Folio diei 2. Decembris elapsi anni, re-
spondere dignentur Eminentissimi Patres.

An, & in quomodo sit standum, vel recedendum, a decisio-
ne quoad secundum Dubium in casu &c.

[Faint, mostly illegible text, likely bleed-through from the reverse side of the page.]

[Faint, mostly illegible text, likely bleed-through from the reverse side of the page.]

13

*Die Sabbathi 16. Februarij 1788. in Pa-
latio Apostolico Vaticano erit Sacra
Congregatio Concilij, in qua, præter
alia, proponentur infra scripta Dubia,
juxta morem ejusdem Sacræ Congre-
gationis de jure resolvenda.*

TRia ex præcedenti Folio resolvenda erunt Dubia,
ex præsentis reliqua.

TERRACINEN., SEU SETINA.

*An, & quomodo sit consulendum Sanctissimo pro admissione
Clerici Josephi Quadraffi in Canonicum honorarium Ec-
clesiæ Collegiæ S. Mariæ Sermonetæ in casu &c.*

*Sess. 24. cap. 19.
de Reform,*

Negative.

FERRARIEN. Plura Manzalij adversus resolutiones *Sess. 25. cap. 5.
diei 15. Septembris elapsi anni deducunt. Potissima, de Reform.*
tamen hic referam, ignorans hætenus, quid contra re-
sponsuri sint Parochi. De primo igitur agentes Dubio,
necessitatem insiciantur Beneplaciti Apostolici in contro-
verlo usu, seu juxta concordatam ipsius Dubii formulam,
emphyteusi, eo quod Extravagantis *Ambitiosæ* dispositio
in alienationibus procedit Bonorum Ecclesiasticorum,
quæ ad Ecclesias pertinent, & Loca Pia auctoritate Or-
dinarii erecta, non item Bonorum, quæ in simplices
pios usus destinata sunt, ac laicalem retinent qualitatem,
juxta sententiam *Redouini de Reb. Eccles. non alienan. pag.*
258. num. 2. & 3., & pag. 261. num. 1. & seqq., Petr.
ad Constit. Apostol. Ambitiosæ sect. 3. num. 26. tom. 5.
Pacion. de Locat. cap. 14. §. 6. num. 25. & 33., Card,
de

de Luc. de alienat. disc. 1. num. 15. , & Rot. in Recen. decis. 238. num. 1. part. 5. , & in Romana , seu Leodiën. Immissionis 3. Februarii 1755. §. 2. cor. clar. mem. Card. Caprara. Quanti autem facienda sit hæc distinctio , ex his Eminentissimi Patres dijudicabunt , quæ *in Folio diei 15. Septembris* deducta sunt , ac deducturi erunt Parochi. Notandum tamen , primum ipsum acquirentem Beneplacitum ab hac Sac. Congregatione uti necessarium postulasse .

Neque , inquiunt Manzalii , Apostolicum requirebat Beneplacitum commutatio voluntatis Romani Boari , propterea quod non tetigerit substantiam dispositionis , sed simplicem mutationem administrationis Bonorum in emphyteusim . Num vero per abolitionem volitæ administrationis salva remanserit Testatoris voluntas , seu in hac potius parte substantialiter immutata fuerit , ad E.E. Vestras pertinet decernere . Prætereundum interim non est , nullam in concessione emphyteusis habitam fuisse rationem de volita constructione Sacelli in Oratorio *Marraræ* , aliisque piis dispositionibus , de quibus *in cit. Folio* . Id evenisse afferunt Manzalii præ Redituum tenuitate ; sed hoc etiam ponderandum , an Sacra inconsulta Congregatione reduci potuerint pia Opera .

Hinc vindicare student justitiam Contractus . Quæ in id dicunt , desumere dignentur Eminentissimi Patres ex ipsorum Scriptis . At duo præ ceteris pro pio Opere animadversionem merentur . Primum est , quod annuum summa scutorum 40. , quam sibi Manzalii in Instrumento emphyteusis tanquam administratores reservarunt , non tantum a Testatore tributa fuit pro administratione Piorum Operum , quantum pro difficiliore administratione Bonorum , quæ per emphyteusim cessavit . Secundum , quod annui fructus Capitalis meliorationum , qui Manzaliorum pariter detracti fuerunt a Canone , exceptionem non redditæ rationis fortasse patiuntur .

Binas tandem proferunt Sententias annorum 1708. , & 1710 in quibus *secundario* declaratur = *investituram Bonorum Boari deberi Dominis Fratribus de Manzaliis* = In quo sederent Tribunali Fortunatus Tranquillus Auditor , & Hercules Cruciadei , *Judex deputatus* , qui eas protulerunt , ignorator . Verisimiliter tamen in eadem Ferrariensi Curia Ecclesiastica , quæ controversam investituram paullo ante concesserat . Sententiis addunt Concordiam initam anno 1751. coram clar. mem. Cardinali Crescentio tunc Ferrariensi Archiepiscopo inter Sodales Spi-

Spiritus Sancti, & Alexandrum Manzali = *come commissario, ed usuario dell'Eredità del detto fu Romano Boari* = quasi confirmata per eam fuerit investitura. Advertendum tamen, initam fuisse huiusmodi Concordiam super executione dumtaxat alterius ex Operibus Piis a Boario relictis, super celebratione scilicet hebdomadalis Missæ in Oratorio Societatis, non super validitate, vel nullitate investituræ. Et huc quoque respicit Rescriptum hodierni Eminentissimi Archiepiscopi, qui = *per adesso, e per modo di provizione* = dd. Missarum eleemosynam auxit. De cetero ponderandum erit, utrum huiusmodi Sententiæ; Concordia, Rescripta defectum Beneplaciti Apostolici supplere potuerint,

Paucis vero quoad II. III. & IV. Dubium se expediunt, satque in id videntur, quæ in Folio diei 15. Septembris deducenda fuerunt. Novam tamen per distinctum Memoriale proponunt instantiam pro revocatione præcepti, quo eis Archiepiscopalis Curia incisionem arborum in controversis Bonis hac pendente lite interdixit. Huiusce præcepti causa forsitan fuit timor, ne Prædia interim a Manzaliis depopularentur; sed de illius forsitan subsistentia, vel insubsistentia decernendum erit ex Causa principali.

Respondere itaque dignentur EE. Vestræ.

An sit standum, vel recedendum a decisio in casu &c.

Ad I. in decisio, & ad Secretarium cum SSmo juxta mentem. Ad II. in decisio juxta modum, nempe in omnibus, & per omnia ad formam Testamenti Romani Boari, sed in iisdem Operibus Piis esse eroganda scuta quadraginta, quæ sibi retinent Usuarii titulo administrationis, ac similiter nec posse sibi retinere scuta quadraginta pro Hospitio PP. Cappuccinorum, sed eas solummodo impen-
sas esse admittendas, quæ vere in eorum alimoniam, & Hospitium persolvuntur; & Archiepiscopum debere esse perpetuum administratorem Operis Pii. Ad III. prævio recessu a decisio consulendum SSmo pro absolute quoad præteritum, & amplius. Ad IV. in decisio; & amplius.

Sess. 24. cap. 12.
de Reform.

SENO GALLIEN. MISSÆ CONVENTUALIS.
*An, & quomodo sit standum, vel recedendum a decisis;
quoad secundum Dubium in casu &c.*

Non proposita cum sequentibus.

Sess. 24. cap. 8.
de Reform.

IMOLEN. SEPARATIONIS THORI SUPER SE-
QUESTRIS. Quam a Viro divertens, Bononiam
primum, Martinamque deinde Marianna Baruzzi, Ma-
ria Magdalena Cavallazzi matertera comitante, seces-
sisset, quæsitum fuit primo in Congregatione 11. Mar-
tii 1786. *An sit locus separationi Thori*, secundo *An sint
servanda sequestra*, quæ super universa illarum Bona,
ad eas, si fieri posset, revocandas, appõsita fuerant,
ac rescripserunt Eminentissimi Patres ad I. *Negative*, ad
II. *Affirmative*. Super iisdem Dubiis renovato certa-
mine die 17. posterioris Junii, cum iudicium Sac. hæc
Congregatio per rescriptum iterum proponatur ad alia able-
gasset Comitia, hinc prior resolutio confirmata est
die 9. sublequentis Septembris per Rescriptum in *decisis*,
& *amplius*, & *ad mentem*, posterior mod-rata per Res-
criptum = *Sequestra esse removenda a die reditus in Sta-
tum Ecclesiasticum*, & *amplius*. Quam cito in Eccle-
siasticam Ditionem rediit Matertera, Bononiæque ab ini-
tio octobris ejuldem anni ad hæc tempora permansit,
non item Neptis, licet familiaribus illius Epistolis evo-
cata, providoque monita Rescripto diei 16. Decem-
bris = *Præfigatur ab Eminentissimo Archiepiscopo Bono-
niæ post extrajudicialia officia terminus duorum mensium
ad effectum redeundi ad obsequia matrimonialia*, quo
elapso collocetur in aliquo Conservatorio, aut Mona-
sterio ab eodem Eminentissimo Archiepiscopo eligendo.
Jam quoad se, purificatam dicit Magdalena conditionem re-
ditus in Statum Ecclesiasticum, Rescriptoque inhærens
diei 9. Septembris, EE. Vestras pro remotione seque-
stri a suis Bonis exorat. Eminentissimus ipse Episcopus,
sequestri auctor, ei favet. Nulla amplius, inquit, ipes
est revocandi Mariannam ad obsequia matrimonialia, sed
ejus Matertera omni ope contendit tum litteris, tum ra-
tio-

tionibus, tum precibus, ut eidem redditum persuaderet, desperatumque abjiciens opus, Bononiæ se restituit. Hac de causa annuendum censet ejus votis, opportuneque monet, nullum Joanni Baptistæ Pagani Mariannæ viro jus esse super illius Bonis, eo quod ex *Decreto Judicis dotalem recepit partem*, quam ei Oratrix debebat. Paganio igitur hæcenus contumace, infrascriptum proponitur Dubium.

Sive appositum fuerit sequestrum, ut cautum Paganio esset de residuo Dotis, sive in pænam fugæ, quam Marianna arripuit, utroque Oratrix casu removendum esse contendit. Si primum, ait, jam per solutionem integræ Dotis remota est causa, a qua pendebat sequestrum, *Card. de Luc. de Benefic. disc. 98 num. 26., Rot. in recen. decis. 209. num. 1. part. 12.* Si secundum, infligenda est pæna Nepoti, quæ deliquit, & in contumacia perseverat, *Leg. Sancimus 22. Cod. de Pæn.*, non sibi, quæ eam in proposito obstinatam comitari debuit, ne cum dedecore vagaretur, *Menoch. de arbitrar. cas. 348. sub num. 10.* Novam insuper dicit Benorum confiscationem pro revocandis ad obsequia matrimonialia Conjugibus, uniceque in more esse monitiones, claustra, censuras, carceres. Eam vero in se appellat acerbissimam, quum neque uxor sit Pagani, neque post sollicitatum Neptis redditum, ejus factum præstare teneatur, *Leg. stipulatio ista §. 1. ff. de verbor. oblig. Donell. de Jur. Civil. lib. 12. cap. 19. sect. 1..*

Respondere igitur dignentur EE. Vestræ.

An, & super quibus Bonis ob redditum Mariæ Magdalænæ Cavallazzi in Statum Ecclesiasticum sit locus executionis Rescripti diei 9. Septembris anni 1786. quoad remotionem sequestri in casu &c.

NULLIUS MONTIS VIRGINIS IRREGULARITATIS. Incurtus præ cæteris fuit labente anno 1749., apud Abbatialem Montis Virginis Curiam homicidium Sacerdos Florentinus Silvestri, & sequenti

Sess. 14. cap. 7. de Reform.

anno in contumaciam excommunicatus. Sponte an. 1766. se constituit, conditoque defensivo Processu, liberationem obtinuit cum clausula *novis supervenientibus indicis* & suspensione a Divinis usquedum Apostolicam absolutionem consequeretur. Semel in id ab hac Sac. Congregatione rejectas asserit ejus preces, iterumque modo, in gravi 65. annorum ætate constitutus, absolutionem postulat ab irregularitate. Quæ exposta sunt, confirmat Ordinarius, atque ex ore Testium refert, tandiu se Oratorem de consilio Abbatialis Cancellarii constituere distulisse, ut Judicis laici sententiam de altero ex Conreis audiret, quæ absolutoria *ex capite innocentie* fuit. Causam vero præterit non petitæ dispensationis ab anno 1766., & ita in reliquis concludit = *Da quel tempo sino al presente giorno attestano tutti di aver menata (Oratorem nempe) una vita esemplarissima e costumata, e che l'infamia facti, che aveva contratta per tale informazione, svani, ed al presente è in tutto svanita, stante la morigeratezza de' costumi, frequenza de Sacramenti, e vita esemplare, che il d. D. Fiorentino tuttavia mena in edificazione del Clero, di tutto il Pubblico, e de' Paesi circonvicini. Quindi accordandosegli dalla Sac. Congregazione l'assoluzione, ed abilitandosi all'esercizio dell'Ordine del Sacerdozio, sarebbe non solamente a questo insignito Clero, ma ben anche all'intiera Popolazione di consolazione, e piacere, cessando a medesimi ogni ombra di scandalo.*

Licet absque condemnatoria Sententia irregularis non sit inquisitus de homicidio ex infamia Juris, *Ferrar. in Biblioth. verb. Infamia num. 9., & sequen.*, talis tamen censetur ex infamia facti, seu vulgata opinione delicti, *Ferrar. verb. Irregularitas num. 48. & Sac. hæc Congregatio in Novarien. 1. Octobris 1661. lib. Decret. 22. pag. 667.* Hæc autem infamia non deletur per absolutorem cum clausula *novis supervenientibus indicis*, quæ accusatum ab inquisitione non eximit, ejusque innocentiam excludit, ut censuit Sacra Congregatio in *Vigilien. diei 23 Septembris 1613. lib. 28. Decret. fol. 170., & in similibus terminis clausulæ ex hætenus deductis* tradunt *Pignatell. consult. 93. num. 3. tom. 6. Ferrar. in Bibliot. verb. Irregularitas num. 49., & Monacell. tit. 13. formul. 3. num. 37. tom. 2.* Adhuc ergo infamia facti affectus censeretur possit Orator, qui clausula illa absolutus fuit, nec suam hætenus innocentiam demonstravit.

Ponderare tamen dignentur Eñi Patres, num per diuturnum

num viginti, & ultra annorum spatium ab edita Sententia, & 39. a perpetrato homicidio, piamque Oratoris vitam, de qua testatur Ordinarius, deleta sit huiusmodi infamia. Quandoquidem = *irregularitas ex infamia facti tollitur absque dispensatione per eam vitæ emendationem, quæ maculas prioris non solum coram Deo, sed etiam in opinione hominum deterferit, ita ut sinistrae famæ successerit bona existimatio* = ut per hæc verba docet Habert Theolog. dogm. moral. de Dispens. ad Ordin. part. 3. cap. 5. §. 8. in fin. . Non aliæ de cetero fuerunt probationes delicti, quam argumenta, & inductiones Testium, quibus *negativa* in defensivo opponebatur *contracta*. Hac de causa inquit Ordinarius, quod attenta potissimum = *la qualità del d. D. Fiorentino di essere stato un buon Sacerdote, e mai inquisito di mancanza alcuna, non era credibile e verisimile, che avesse potuto dare in simile eccesso* = Ubi autem dubitari valet de levitate accusationis, facilius concedi solet dispensatio ab irregularitate contracta ex infamia facti. Exemplo est Rescriptum editum ex audientia Sanctissimi in Beneventana diei 6. Augusti 1763. Accusatus fuerat Sacerdos Joannes Bettini homicidii, eumque Archiepiscopalis Curia Beneventi ob retractationem delatoris dimiserat cum clausula = *novis, & non novis supervenientibus indiciis* = Benigne ergo illius precibus Sanctissimus annuens. = *Litteras Apostolicas in forma Brevis expediri mandavit, quibus Vicario Capitulari Beneventano mandetur, ut cum Oratore super irregularitate, præmissa de causa contracta, dispenset* = ut in lib. Decret. 113. pag. 334.

Res præterea est de jam promoti ad Sacerdotium, qui Partem amplius non habet infensam, Fisco satisfecit, diuturnam passus est irregularitatis pœnam, piam agit vitam, propitium habet Ordinarium. Hæc omnia in duobus certi homicidii casibus non raro EE. Vestrarum indulgentiam promeruerunt, ut in Meleventana Irregularitatis 19. elapsi Januarii.

Ex his ergo deliberare dignentur Eñi Patres.

An sit consulendum Sanctissimo pro absolutione in casu &c.

Sess. 22. cap. 6.
& Sess. 25. cap.
4. de Reform.

JANUEN. Heredem instituit Jacobus Maria de Nigro anno 1737, Mariam Catharinam ejus neptem, mandavitque in casu, quod religiosam eligeret vitam, ut deductis monacationis sumptibus, dote, annuoque livello lirarum 150., quod reliquum esset, investiretur, totque ex fructibus cum eleemosyna Januensium obolorum duodecim, seu monetæ Romanæ decem pro quolibet, celebrarentur Sacra. Religiosam professionem sub nomine Mariannæ Seraphinæ emisit Maria Catharina in Monasterio S. Claræ nuncupato *di Carignano*, defunctisque Executoribus Testamentariis, livellum hæcenus ex se ipsa percepit, Sacrorumque celebrationem, ut ii fecerant, ex superantibus liris 300. curavit. Expleta ut plurimum fuit hujusmodi celebratio in Ecclesia Monasterii; sed ob incommodam ejus positionem in remota Januensis Civitatis parte, statutam modo eleemosynam negligunt Sacerdotes. Hac de causa EE. Vestras rogat Soror Marianna Seraphina, ut ex liris 300., quæ summam constituunt scutorum 46. 50. monetæ Romanæ, erectionem in ea Ecclesia permittant Capellaniæ cum onere quotidiani Sacri, ac facultate removendi Capellanum ad nutum Abbatis, statuantque nunc pro tunc in aliis festivis Missis 150., quæ celebrandæ erunt post ejus obitum ex præsentis livello.

Nedum, inquit Archiepiscopus, impossibile est invenire Sacerdotes, qui tam exigua eleemosyna obolorum duodecim taxata a Testatore, Missas celebrare velint in Ecclesia sui Monasterii (Oratricis nempe) haud parum a centro Civitatis diffiti, sed & alibi etiam difficile erit, ut eas adimplere facere possit = Æquam idcirco censet pro perpetua Missa annuam summam lirarum 300., vixque eam sufficientem dicit = in quacumque alia minus incommoda Ecclesia = Necessitatem monstrat alterius quotidianæ Missæ in Ecclesia Monasterii ex parvo numero Missarum, quæ in dicta Ecclesia celebrantur. Tres tantum habentur quotidianæ: interdum ac persæpe duæ remanent. Perpauci admodum Sacerdotes per annum Ecclesiam hujusmodi adeunt celebraturi. Atque ex his concludit = benigne in Domino per EE. Vestras Oratrici favendum censere tum quoad institutionem Capellaniæ, tum etiam quoad erogationem post ipsius mortem annuæ præstationis prædictæ lirarum 150. pro tot in eadem Ecclesia celebrandis Missis singulis festis diebus rationata eleemosyna obolorum viginti.

Plura suadere videntur erectionem Capellaniæ ex redun-
dan-

dantibus liris 300. ad rationem obolorum Januensium 16. pro qualibet Missa Perpetui scilicet Legati qualitas, ex qua pro Redituum tenuitate reduci quandoque consueverunt Missæ ad taxam perpetuæ etiam post executionem, ut in *Albinganen.* 12. Decembris 1778., in *Anconitana Missarum* 16 Martii resoluta die 20. Aprilis 1782., in *Parmen.* 6. Maii 1786. Missarum paucitas in Ecclesia S. Claræ. Præsumpta Testatoris voluntas erga Monasterium, in quo ejus Neptis, & heres professionem emisit, Card. de Luc. de Testam. disc. 72. num. 15., & seq. & Sacra Congregatio in *Casalen. Reductlonis Missarum* 7. Julii, resoluta die 15. Decembris elapsi anni. Difficilis Missarum celebratio in quacumque alia minus incommoda Ecclesia cum tenui eleemosyna a Testatore præscripta. Ac exigua tandem ejus reductio a Januensibus obolis 12. ad 16., seu Romanis 10. ad 13. cum certo in posterum celebrationis adimplemento:

Ex his quoque rationabilis videri posset futurarum Missarum reductio ad festivas, ac Jurispatronatus reservatio Abbatissæ Monasterii pro tempore, quæ certiores redderet illarum celebrationem, nilque ob defunctos Executores Testamentarios alienis juribus detraheret. Plura tamen adversus hæc urgent. Expressa Testatoris voluntas circa quantitatem eleemosynæ Missarum. Improbabilis celebrationis difficultas cum præfinita eleemosyna in alia ex plurimis Januensis Civitatis Ecclesiis. Locum enim non designavit Testator, in quo fieri deberet. Suffragiorum imminutio. Ac defectus tandem publicæ causæ, quæ justam reddere solet voluntatis commutationem. Quæ enim assertur reductionis causa privata est, ac privatum respicit commodum Monasterii, cujus tamen Ecclesia sufficientem in singulos dies habet trium Missarum numerum, nec indigere videtur quarta, ac post obitum Oratricis quinta.

Ponderandum præterea erit quoad erectionem Capellanæ, num tenuis censi valeat manualis eleemosyna, quæ sufficiens fuit ab anno 1737., quo Testator decessit, ac religiosam professionem Oratrix emisit, ut ex illis colligitur supplicis Libelli verbis = *dopo la morte dell' Avo venne di fatti a monacarsi la sudetta Nipote* = Quo vero ad Missas post obitum Oratricis celebrandas, deliberare dignentur Eñi Patres, quatenus illius precibus indulgere velint, an diversa ex eadem causa pro utraque Missarum specie taxanda sit eleemosyna, obolorum nempe Januensium

nuentium 16. pro Missis, quæ ex liris 300. celebrantur;
& ob. 20. pro aliis celebrandis ex livello.

Quæritur ergo.

- I. An, & quomodo sit locus erectioni Capellaniæ ex annuis liris 300. in casu &c.
- II. An, & quomodo sit locus celebrationi Missarum ex liris 150. post obitum Oratrixis in casu &c.

Sess. 25. cap. 4.
de Reform.

URBANIAN. REDUCTIONIS MISSARUM. Ex quibusdam suburbanæ Ecclesiæ B. M. Virginis in Cælum Assumptæ, nuncupatæ *del Metauro*, Prædiolis & Censibus annui Reditus ducatorum 26. auri de Camera, binas san. mem. Clemens X. in Collegiata Ecclesia Mercatelli erexit Mansionarias. Ducatos septem cum dimidio pro Distributionibus servitii Choralis, reliquos ducatos 18. cum dimidio, pro aliis assignavit Mansionariorum oneribus erga Ecclesiam SS. Assumptionis, pro quotidiana scilicet Missa cum ejus applicatione duabus vicibus qualibet hebdomada; pro administratione Sacramentorum Confessionis, & Communionis, celebratione Festivitatum B. M. Virginis, Novenis, Litaniis, aliisque piis exercitiis. Imminutis Prædiorum, & Censuum fructibus, EE. Vestras rogant Mansionarii pro reductione Missarum 104., quæ applicare tenentur in Ecclesia SS. Assumptionis, ad illarum medietatem.

Quæ exposita sunt, confirmat Episcopus, cumulateque Oratoribus favet. Anni, inquit, Mansionariorum Reditus vix modo attingunt scuta viginti. Demptis ex his scutis duodecim pro Distributionibus Choralisufficiaturæ Collegiatæ Ecclesiæ, quæ reliqua sunt scuta octo, quis non videt, nequaquam satis esse pro multifaria onerum satisfactione alterius Ecclesiæ B. V. del Metauro = deindeque concludit = Meam adaperiens sententiam, Mansionariorum preces EE. Vestrarum humanitate, & clementia dignas merito censeo. Octo enim scuta, ratione etiam manualis eleemosynæ unius julii, imparia omnino videntur pro appllcatione duplicis Sacrificii qualibet hebdomada, præ-

*præter quotidianam celebrationem . Hinc ne penitus penitusque erga illam B. M. V. imaginem cultus depereat , satius erit Mansionariis de Missarum onere sublevamen-
tribuere , quam prætermis-
sis aliis Ecclesiasticis functionibus in d. Ecclesia cum Animarum jactura , & Fidelium scandalo suo fraudari servitio , quod EE. Vestris summo-
pere cordi esse pro certo habeo .*

Justa reductionis Missarum causa est Reditum imminutio , Monacell. form. legal. 19. tit. 20. part. 1. num. 25. , & Sac. hæc Congregatio in Senogallien. Reductionis 10. Maii 1783. , & in Viterbien. Reductionis Onerum 8. Maii 1784. , Ubi alia vero Missarum oneri adjuncta sunt Pia Opera , hæc potius , quam illæ reduci debent , quum majus suffragium Defunctis afferant Sacra, Benedict. XIV. de Synod. Diæces. lib. 13. cap. ult. §. 23. , Fagnan. in lib. 1. Decret. Cap. Ex parte num. 34. de Constit. . Num. hæc potius in nostro themate , in quo Missarum , aliorumque Piorum Operum onera concurrunt , tenenda sit regula , ad EE. Vestras pertinet decernere . Ad eam tamen confirmandam accedit ordo Clementinæ Bullæ , quæ a celebratione incipit Missarum ; nam præsumpta etiam in his terminis urget Pontificis voluntas , ut cetera prius onera , quam Missæ reducantur , Sac. Congregatio in Regien. Reductionis Servitii Chori , & Missarum diei 29. Julii 1775. , resoluta die 17. Aprilis sequentis anni .

Haud constat præterea , imminutos esse Bonorum fructus post tributas Oratoribus Mansionarias . Si hoc autem antea evenit , ob stare posset petitæ reductioni voluntaria imminutarum Præbendarum , ac præexistentium onerum acceptatio , ut censuit Sac. hæc Congregatio in Bononien. Reductionis Servitii Chori 16. Junii elapsi anni . Cujus pariter culpa pristinum modo non reddant fructum rustica Prædia , latet . Tribuendum forsitan est hodiernis Mansionariis , quod justam illorum culturam , vel extremo casu alienationem ad effectum investiendi pretium cum majori fructu oscitanter negligant .

*Notandum vero , constitutam fuisse Mansionariarum dotem ex Bonis Ecclesiæ del Metauro , enixeque Clementem X. assueta pietatis exercitia in ea voluisse , ne B. M. Virginis cultus decresceret . Primario igitur hujusmodi exercitia , licet ex ordine scripturæ posteriora , contempla-
ta censeri possent , & in hac hypothese reducendæ potius essent Missæ ; quandoquidem , & reliqua Pia Opera sunt Deo accepta , & Animæ valde proficua , ut ait Bene-
di-*

dictus XIV. loc. cit. Sedulamque EE. Vestrarum animadversionem meretur piissimum opus = *administrandi Sacramenta Confessionis, & Communionis quotiescumque Fidelium devotio postulaverit* = ut per hæc verba Clemens X. præscripsit. Hoc namque opus maximam Animabus affert utilitatem, ac ipsis quandoque Missis præferri meruit, ut *in Aquen. Reductionis* 19. Decembris 1772. Tenebatur Possessor Beneficii B. M. Virginis Dolorum erecti in Ecclesia Burgi Majoris ad quotidianum Sacrum, & ad excipiendas qualibet feria iv. Fidelium Confessiones. Ob imminutos Reditus propositum fuit die 27. Junii illius anni Dubium = *An; & quomodo sit locus reductioni in casu &c.* =, & licet Sacra hæc Congregatio respondisset = *Deleto onere audiendi Confessiones, non esse locum reductioni Missæ quotidianæ* = rescripsit tamen die 19. Decembris in repositione Causæ = *Prævio recessu a decisio, esse locum reductioni Missarum ad rationem perpetuæ, firmo remanente onere audiendi Confessiones* =.

Alia tamen, ut dixi, minora sunt onera, Novenæ scilicet, Litanæ, & similes, quæ eandem non habent administrationis Sacramentorum excellentiam. Videndum ergo, num ab his potius, quam a Divino Sacrorum Opere dispensandi sint Mansionarii, juxta præmissam *Benedicti XIV.*, & *Fagnani* regulam.

Deliberent ergo EE. Patres.

An, & quomodo sit locus reductioni Missarum in casu &c.

Sess. 25. cap. 4.
de Reform.

DERTHONEN. ABSOLUTIONIS, ET REDUCTIONIS MISSARUM. Duo in Congregatione diei 7. Julii elapsi anni proposita fuerunt Dubia. I. *An, & quomodo sit locus reductioni Missarum.* II. *An, & a quo tempore teneatur Orator ad supplementum Missarum: & quatenus affirmative, an sit consulendum Sanctissimo pro absolutione* = Ad primum Sacer hic Ordo respondit = *Negative.* Ad II. *Affirmative ad primam partem a die obitus Testatoris, & quoad secundam partem affirmative juxta modum, nempe usque ad diem cogniti oneris* = Nil in novis Oratoris precibus de secunda resolutione, sed iterum quoad

quoad primam, EE. Vestrarum indulgentia imploratur pro reductione quotidiani Sacri ad festivum.

Notabat præcedens *Folium*, non unam ab Oratore possideri Coloniæ nuncupatam *la Casina Rossa*, pro exhibitione Primogeniti, & Missarum Legato destinatam, sed amplam quoque *Domum*, & *Curtem cum Columbario, Viridario, Capina*, & *Torculari*, quæ utrique forsitan sufficerent oneri. Nunc vero hæc refert de hisce Bonis Episcopus. *Domum*, inquit, magnam, *Viridarium*, *Torcular cum suis adnexis memorata in Testamento Hieronymi Rati*, sita esse in *Valle Turris Ratorum*, & *distita ab hac Civitate decem, & ultra miliaribus*. Hæc omnia *taxæ Regiæ subiiciuntur*, & *attenta qualitate Regionis, & illic habitantium paupertate inconducibilia sunt*. *Domus*, *exceptis autumnalibus diebus*, continuo deserta est, & quia late patet, & antiqua est, maximis idcirco reparationibus indiget. *Viridarium parvum quoque admodum est, culturamque unius starii solummodo patiens* [quod Regius confirmat Gabellarius] *vixque herbas pro autumnalibus diebus idcirco suppeditare valet*. *Qua de causa omnibus computatis, & deductis, fere nihil omnia supramemorata afferre dici potest* = . Atque ex his Oratoris precibus annuendum censet = *attenta potissimum pinguiori eleemosyna, quam quæ aliis in Regionibus necessaria foret* = .

Satis ne hæc sint ad indulgendam Gratiam, EE. VV. dijudicabunt. Denuo tamen notandum, principaliter Coloniæ, & reliqua Bona legata fuisse ad conservandum Familiæ Rati splendorem, ita ut = *integra* (Codicillorum sunt verba) & *sine aliqua diminutione transeant*, & *perveniant in Primogenitum masculum &c.*, & *de Primogenito in Primogenitum usque in infinitum* = deindeque scriptum esse quotidianæ Missæ Legatum.

Deliberandum igitur erit

An sit standum, vel recedendum a decisis quoad primum Dubium in casu &c.

A RIMINEN. DEMOLITIONIS, ET TRANSLATIONIS MISSARUM. In Suburbio S. Bartholomæi Civitatis Arimini publicum est SS. Crucifixi Oratorium, jamdiu a Nobili Fæmina Lucretia de Bandis extru-

Tom. LVII.

D

ctum.

Sess. 21. cap. 7. & Sess. 22. cap. 6. de Refirm.

atum . Ecclesiasticum in eo exiit Beneficium cum onere unius Sacri qualibet feria vi. , quod ob extinctam Familiam de Bandis , cum universa Fundatricis hæreditate ad Comites Cima delatum est . Adeo Oratorium Terræmotus concussit , ut ejus restauratio = paullo minorem requirat sumptum , quam si tota moles Oratorii reedificanda foret a fundamentis = ut per hæc verba ex Architecti ore refert Episcopus . Veniam hac de causa ab EE. Vestris petit hodiernus Patronus Galeatus Cima demolendi ruinosum illud Aedificium , ac transferendi Beneficium ad aliud potius S. Bartholomæi Oratorium , in quo SS. etiam Crucifixi colitur imago , quam ad Parochialem S. Jo. Baptistæ Ecclesiam . Utrique instantiæ favet Episcopus . Interesse habentes assentiuntur .

Ex hoc Oratorii demolitionem approbat Episcopus , quod = ex una parte nullum Populi devotio & commoditas, nullum Divinus cultus inde capiat emolumentum; ex alia vero parte Viæ principi impedimento illud sit , & dos Beneficii , manutentionis onere gravata , vix elemosynis Missarum correspondeat , nec restorationis expensas subire possit = . Opportunior vero ex pluribus censet translationem Beneficii ad Oratorium S. Bartholomæi . Quædam , inquit , in eo colitur Crucifixi Imago , quam singulari devotione , ac frequentia Cives prosequuntur . In Ecclesia S. Joannis plures quotidie Missæ celebrari solent , ac parum interest , si solis sextis feriis una addatur . Secus vero dicendum de Oratorio, in quo una tantum Missa ut plurimum celebratur . Multum enim utilitatis , & commodi capiunt Fideles ex alterius Missæ celebratione per singulas sextas ferias præstanda , quibus feriis majori concursu Oratorium frequentatur . Accedit quoque , quod translatio hujusmodi , cum de Oratorio Crucifixi ad Imaginem Crucifixi fiat , minus erit a Fundatricis mente aliena . Adam denique , eandem translationem nonnihil Familiæ , Beneficii Patronæ profuturam . Hæc enim jamdiu gaudet privilegio Fenestræ , e propria ipsius Domo in proximum Oratorium S. Bartholomæi prospectum habentis , unde Missam translata non sine Fundatricis suffragio audire poterit .

Valde quidem Sac. Concilium Tridentinum Sess. 21. cap. 7. de Reform. Ecclesiarum restorationem commendat = ne ea , quæ Sacris Ministeriis dicata sunt , temporum injuria aboleant , & ex Hominum memoria excidant = sed ubi patres ei non sunt ipsarum Ecclesiarum Reditus , expresse permittit , ut illis tandem neglectis = Episcopi , etiam tanquam

quam Apostolicæ Sedis delegati transferre possint Beneficia simplicia, etiam Jurispatronatus, ex Ecclesiis, quæ vetustate, vel alias collapsæ sunt, & ob eorum inopiam nequeant instaurari = Deterrimum Oratorii SS. Crucifixi statum, gravissimum restaurationis sumptum, Redituumque defectum jam Emi Patres ex relatione Episcopi novērunt. Sua ergo prudentia, & religione decernant, num servari potius, quam demoliri debeat Sacrum illud Ædificium, quod ex dote Beneficii, *manutentionis onere gravata*, servari non potest. Similes quandoque demolitiones sive ob præcipuam Populi devotionem, sive ob vicinorum commodum *Sac. hæc Congregatio* denegavit, ut in *Ravennaten. 29. Julii. 1775.*, & in *Æsina Demolitionis 26. Augusti 1780.* Sed quandoque etiam; graviorebus concurrentibus circumstantiis, concessit, ut in *Lucana Demolitionis, & Translationis Oneris Missarum 18. Augusti 1781.* Ex fatiscienti autem Oratorio = *nullum Populi devotio & commoditas, nullum Divinus cultus capit emolumentum* = neque ulla per illius demolitionem injuria sit Fundatrici, cujus cadaver in eo sepultum esse non constat.

Quatenus igitur EE. Vestræ in demolitionem Oratorii conveniant, necesse est, ut de translatione etiam Missarum consulant. Ponderandum autem erit, num hujusmodi translationem impedire valeat præcipua erga designatam Ecclesiam Fundatricis affectio. Reliquæ enim deficiunt tumulati cadaveris, & commodi circumstantiæ, de quibus *Ricc. in Prax. part. 4. resol. 64.*, *Pax Jordan. var. resol. leg. 4. tract. 1. de Sacrific. Miss. num. 540. tom. 1.*, & *Sac. Congregatio in Firmana 3. Augusti 1782.* Nedum sane iusta, sed necessaria etiam videri poterit translationis Missarum causa Ecclesiæ demolitio, & in commutandis voluntatibus spectanda potissimum est necessitas ex *Sac. Concil. Tridentino Sess. 22. de Reform.*, & *Fagnan. in lib. 1. Decretal. Cap. Ex parte 12. de Const. num. 23.*

Deliberandum præterea, quo facienda esset translatio. Plura, ut vidimus, Episcopus observat, ut fiat ad Oratorium S. Bartholomæi, licet paullo remotius Ecclesia S. Jo. Baptistæ ab Oratorio SS. Crucifixi, ejusque sententia confirmatur a *Sac. Concil. Trident. Sess. 21. cap. 7. de Reform.*, quod liberam Episcopis Beneficiorum translationem a dirutis Ecclesiis permittit = *in Matrices, aut alias Ecclesias locorum eorundem, seu vicinorum arbitrio suo* = Sollicitus tamen non est Orator de translationis loco, sat-

que ei erit, ut EE. Vestrae = pro demolitione Oratorii Crucifixi, ac pro translatione Beneficii favorabiliter rescribant = ut monet Episcopus.

Dubia sunt

I. *An sit locus demolitioni Oratorii SS. Crucifixi in casu &c.*

Et quatenus affirmative.

II. *An sit locus translationi Missarum ad aliud Oratorium S. Bartholomæi, vel potius ad Ecclesiam S. Jo. Baptistæ in casu &c.*

29

*Die Sabbathi 5. Aprilis 1788. in Pala-
tio Apostolico Vaticano erit Sacra Con-
gregatio Concilij , in qua præter alia
proponentur infra scripta Dubia, juxta
morem ejusdem Sacræ Congregationis
de jure resolvenda.*

Consulere dignentur Eñi Patres ad septimam Causam
præcedentia Folia dierum 19. Januarii , & 16. Fe-
bruarii , quorum in uno relata fuit prima, aliæ sex in alte-
ro . Novissimarum vero speciem habent ex præsentì .

SENO GALLIEN. MISSÆ CONVENTUALIS.

*An , & quomodo sit standum , vel recedendum a decisìs quoad
secundum Dubium in casu &c.*

*Sess. 24. cap. 12.
de Reform.*

*Recedendum a Decisìs juxta Votum Eminentissimi Ar-
chipresbyteri .*

IMOLEN. SEPARATIONIS THORI SUPER SE-
QUESTRIS .

*An , & super quibus Bonis ob redditum Mariæ Magdalensæ
Cavallazzi in Statum Ecclesiasticum sit locus executioni
Rescripti diei 9. Septembris anni 1786. quoad remotionem
sequestri in casu &c.*

*Sess. 24. cap. 8.
de Reform.*

Affirmativè super Bonis Magdalensæ Cavallazzi .

Sess. 14. cap. 7.
de Reform.

5. Aprilis 1788.
³⁰
NULLIUS MONTIS VIRGINIS IRREGULARI-
TATIS.
An sit consulendum SSmo pro absoluteione in casu &c.

Affirmativè.

Sess. 22. cap. 6.
& Sess. 25. c. 4.
de Reform.

JANUEN.

- I. *An, & quomodo sit locus erectioni Capellanice ex annuis
liris 300. in casu &c.*
- II. *An, & quomodo sit locus celebrationi Missarum ex li-
ris 150. post obitum Oratricis in casu &c.*

Ad I. Affirmative juxta Votum Archiepiscopi prævia
obligatione Monasterii per Capitulum Monialium
facienda.

Ad II. Affirmative juxta Votum Archiepiscopi.

Sess. 25. cap. 4.
de Reform.

URBANIEN. REDUCTIONIS MISSARUM.
An, & quomodo sit locus reductioni Missarum in casu &c.

Dilata, & scribatur Episcopo juxta Instructionem.

Sess. 25. cap. 4.
de Reform.

DERTHONEN. ABSOLUTIONIS, ET REDU-
CTIONIS MISSARUM.

*An sit standum, vel recedendum a decisis quoad primum Du-
bium in casu &c.*

In Decisis.

A RIMINEN. DEMOLITIONIS , ET TRANSLATIONIS MISSARUM.

Sess. 21. cap. 7.
& Sess. 22. c. 6.
de Reform.

- I. An sit locus demolitioni Oratorii SSini Crucifixi in casu &c.
Et quatenus affirmative.
- II. An sit locus translationi Missarum ad aliud Oratorium S. Bartholomæi , vel potius ad Ecclesiam S. Jo. Baptistæ in casu &c.

Ad I. Affirmative.

Ad II. Affirmative ad primam partem; Negative ad secundam juxta votum Episcopi , & ad mentem, nempe quod Cæmenta cædant favore Beneficii.

REATINA. Pervetustæ B. Columbæ Societati titulum nuper Reatinus Episcopus addidit Mortis , novisque conditis Statutis , hæc capitulo cavit V. = *che le altre Confraternite non averanno diritto di associare alla sepoltura , ad esclusione di questa , e degli emolumenti soliti , verun cadavere di qualche sua rispettiva Confratello , se non sarà stato legittimamente ascritto , ed accettato dal corpo della rispettiva Confraternita canonicamente adunata sei mesi innanzi la di lui morte* = Valde hac de re commota est Sac. Stigmatum Societas , ac primo funeris casu in Jus descendit . Ad dirimendam igitur controversiam , novumque confirmandum associationum ordinem , Pontificiam Sodales Mortis implorarunt Statutorum approbationem . Prætermissum tamen fuit in Apostolico Brevi capitulum V. , sive quia ab Oratoribus , ut ipsi asserunt , reticuitur , sive quia illud SANCTISSIMUS DOMINUS NOSTER , veluti contrarium aliarum Societatum libertati , ut Sac. Stigmatum Sodales affirmant , consulto rejecit .

Sess. 22. cap. 8.
de Reform.

Vix uno , & altero ab edito Brevi elapso mense , plura Episcopus per Edictum statuit , idemque septimo , & octavo. Illus capitulo substantialiter mandavit , quod in quinto Statutorum continebatur . Facultatem aliarum Societatum , Sac. præsertim Stigmatum , cohibuit septimo ad associationem Novitiorum , qui post legitimam admissionem decederent , penitusque illegitimam declaravit = *l'ascrizione , che abusivamente si facesse nell' ultima malattia* = Ac præscripsit octavo = *che rispetto a quei defonti , che non sono ascritti legittimamente a veruna Confraternita , all' Episcopale nostra Giurisdizione soggetta , questi devono essere associati dalla Compagnia della morte &c.* Ma volendo (he-

redes nempe defuncti) *altra Confraternita* ; non dovrà escludere il corpo di questa in quel discreto numero, che sarà fissato da chi soccombe alla spesa del funere = idque derivare ait = da Pontificia Autorità = ex illomet scilicet Brevi , in quo , ut dixi , relatum non fuit simillimum Statutorum capitulum quintum .

Graves hinc lites cum Societate Sac. *Stigmatum* , Civibusque Reatinis super manutentione in quasi possessione = *adscribendi Sorores atque Confratres* , etiam in supremo mortis articulo , & in respectiva libertate sese *adscribendi* *quandocumque cuilibet sibi bene visæ Confraternitati* , nec non *quamlibet ex Societatibus vocandi ad funera* . Utrumque judicium absolvit Vicarius Generalis Reatinus ad formam Edicti . Parum tamen firmæ Sodalibus ipsis *Mortis visæ* sunt illius Sententiæ , Vestrasque idcirco EE. rogantur pro confirmatione capituli *quinti Statutorum* = *come se fosse nel nominato Breve espresso* . = Audito tamen Episcopo , qui eis omnino in prolixa sua informatione favet ; remissa res fuit ad Jus , ac infra scripta modo disputantur Dubia .

Primum igitur facultatem respicit aggregandi Confratres & Sorores , etiam in articulo mortis , eorumque associandi cadavera . Consentaneum in id dicunt Sodales *Mortis capitulum quintum Statutorum* *Diocesani Synodis* annorum 1726. , & 1748. , ac ipsius Societatis *Stigmatum* Statutis , in quibus non aliter Confratres participes fieri posse decernitur privilegiorum , & Indulgentiarum , quam per solemnem eorum admissionem . Quanta autem religione servari debeant Synodales Leges , & Societatum Statuta , monent *Gloss. in Cap. 2. §. Ceterum verb. Statutum de verb. signific. in sexto* , *Ursaya discept. Eccles. 30. n. 37. tom. 2. part. 2. , & Rot. in Melevitana Juris deferendi Cadavera 20. Junii 1768. §. 2. cor. Ratta* . Legislativam rursus memorant Episcopi potestatem in sua Diœcesi , de qua *Text. in Can. Omnes Basilicæ caus. 16. quæst. 7* , *Fusc. de Visit. lib. 1. cap. 2. num. 12. , & 33. atque ex his concludant* , controversam Reatini Antistitis Legem de non aggre dandis Confratribus , & Sororibus in articulo mortis , veluti a legitima Potestate conditam , exequi omnino debere a Societate *Stigmatum* , quæ cum reliquis subest illius Jurisdictioni ex Constitutione Clementis VIII. *Quæcumque* , quam exornat *Barbos. de Offic. , & Potest. Episc. part. 3. allegat. 75. num. 31.*

Latam præterea dicunt hujusmodi Legem ad turpem averrendum quæstum Sodalium Sac. *Stigmatum* , qui ditiores

tantum aggregabant morientes, gravique scandalo erant, quasi Indulgentias vendidissent, ut refert Episcopus. Pluribusque tandem suadere contendunt, Reatinam *Stigmatum* Societatem mutuari non posse facultatem adscribendi Confratres, & Sorores in articulo mortis neque ex privilegiis Archiconfraternitatis *Stigmatum* Urbis, cui aggregata est, quum solæ Indulgentiæ per hujusmodi aggregationes communicentur, juxta citatam Clementis VIII. Constitutionem *Quæcumque*, alteramque Pauli V. *Quæ salubriter*, de quibus *Ferrar. in Biblioth. verb. Confraternitas* art. 1. num. 41., *Monacell. tom. 2. tit. 13. form. 1. num. 78.*, & *Sac. hæc Congregatio in Potentina Aggregationis* 29. Maii 1683. ad I. II. III., & IV. Dub. in *Lib. Decret.* 34. fol. 148., neque ex propria consuetudine, quæ adversus Synodales Leges, & Statuta abusus potius est, & corruptela, ad *Text. in Can. Si consuetudinem distinet.* 8. de *Sentent.*, & *Rejud.*

Quid contra in Apostolicis Constitutionibus hac de re statutum fuerit, advertendum rogant Sodales *Stigmatum*. Morientibus siquidem, qui Sacrum Divi Francisci Habitum peterent, & cum eo post obitum sepelirentur Indulgentias decreverunt *Clemens IV.*, *Nicolaus III.*, *Urbanus V.*, *Alexander VI.*, *Leo X.*, teste *Ferrar. in Biblioth. verb. Indulgentia* art. 5. num. 38., & *seqq.* *Xistus IV.* vero nedum piam hanc commendavit morientium voluntatem, sed eis quoque religiosum Habitum exhiberi debere præcepit, & sub clausula *Sublata*, ac *Decreto* irritanti quamlibet abrogavit Legem factam, vel faciendam per *Ordinarios Locorum contra disposita in Bulla*, ut in aurea ejus *Constitutione* 7. Kal. Augusti 1479., quæ in *novissimo Bullario Mainardi tom. 3. part. 3. est in ordine la. xxii. § 9.* Si ergo, inquirunt, universæ *Sac. Stigmatum* Societates sub Legibus sunt, & Regulis Fratrum Minorum, de quibus Apostolicæ loquuntur Constitutiones, jam illorum quoque gaudent privilegio exhibendi morienti us Habitum, eo-que per *Ordinarium Loci* privari nequeunt.

Parvique faciendam non esse contendunt aggregationem eorum Societatis alteri Urbis, quæ Confratres, & Sorores adscribere solet in articulo mortis, ut testatur ejus Secretarius. Recentioribus namque temporibus Sacra hæc Congregatio declaravit, nedum Societatis aggregantis Indulgentias, sed Privilegia etiam communicari. Ita in *Novarien. Aggregationis* 24. Septembris 1718. ad I. Dub. Quæsitum sane fuit = *An Confraternitas aggregata*

gaudeat solum Indulgentiis ; vel potius etiam Privilegiis Confraternitatis aggregantis = prodiitque Rescriptum = Gaudere Indulgentiis, & Privilegiis Confraternitatis aggregantis = Maxime , quia aggregationis privilegio vetusta accedit Reatinæ Societatis *Stigmatum* consuetudo , de qua plures jurant Testes , & cui Synodales fortasse non adversantur Leges , ac ipsius Societatis Statuta , quum de solemnibus valentium , non morientium aggregationibus loquantur . Turpem denique quæstum in adscribendis morientibus excludit Capellanus ejusdem Societatis , qui sub juramento affirmat, nunquam se extremum aggregationis solatium pauperibus danegasse = *ma chiamato ho sodisfatta la divozione di tutti* .

Reatinos secundum Dubium respicit Cives , quibus implicate capitulum V. Statutorum, expliciteque octavum Edicti libertatem adimit sese quandocumque adscribendi cuilibet Societati , eamque eligendi pro associatione cadaverum . Judicio eos sistere non posse ajunt sodales *Mortis* , sive quia Reatinam non repræsentant Universitatem , sive quia majori ex parte Sodales sunt *Stigmatum* , sive quia nonnulli Mandatum procuræ revocarunt . Iterum hic Synodalia opponunt Decreta , quasi universos Cives afficiant . Cessum sibi dicunt jus sepeliendi mortuos a Parochis , qui in erectionem eorum Societatis consenserunt . Exemplum deducunt Pilaurensis Episcopi *Radicati* , qui privativam associandi cadavera Societati SS. Nominis Dei concessit , duplicemque Sententiam , qua Eminentissimus Carrara dum in Subsellis A.C. meritissime sedebat , & A. C. Met Alliata hujusmodi privativam , in simplici tamen manutentionis judicio , confirmarunt . Ac rationem denique *ex Relatione Episcopi* afferunt , cur eadem Societati *Mortis* permittenda sit privativa , quia nempe = *insignia nigri coloris* , quibus utitur *Mortis Societas* , *adhibenda suadet Ecclesiæ disciplina* = quasi albo etiam , cæruleo , rubeo , similibusque coloribus non induantur cadavera .

Opus sibi non esse contendunt Cives nomine Universitatis , ut libertatem vindicent sese adscribendi , in articulo etiam mortis , cuilibet Societati , ac unam potius , quam alteram vocandi ad associationem cadaverum . Eos namque uti singulos , non uti universos tangit privativa Societatis *Mortis* , & iis , quæ singulis competunt , unus etiam legitimus est contradictor , *Leg. Sicut Municipium I. Quod cujusque Univers. nom.* Innatam deinde urgenti

libertatem ; quam cuique in id servavit Sacra Congregatio Rituum per Decretum diei 14. Januarii 1640. relatum per *Lantusc. in supplem. ad Theatr. Regular. verb. Associatio cadaverum sub num. 4. pag. 556.* , Sacra rursus Congregatio Episcoporum , & Regularium ; ut testatur *Ferrar. in Biblioth. verb. Confraternitates art. 6. in addit. ex Auctore num. 33. & seq.* , ac Sacer tandem hic Ordo in *Bononien. 28. Julii 1724.* Ad decimum enim Dubium = *An eidem Confraternitati liceat associare SS. Eucharistiæ Sacramentum , & cadavera Defunctorum cum aliis Confraternitatibus , atque cum ipsis interesse Processionibus* = respondit = *Affirmative* , dummodo sit invitata = Coactivum sane jus obligandi heredes Defunctorum vel ad unam admittendam Societatem , vel ad eam cum aliis invitandam , non aliter , quam per expressum Supremi Principis privilegium , vel immemorabilem observantiam induci potest , *Wesembec. conf. 67. num. 21.*

Rectissimo autem EE. Vestrarum iudicio relinquitur prærenta Parochorum cessio , & Pisaurensis Societatis exemplum . Consenserunt Parochi in erectionem novæ Societatis ; sed hoc videndum est , num' per huiusmodi consensum cedere voluerint , & potuerint jus associandi Parochianorum cadavera , seu idoneos potius reddere Sodales ad interveniendum associationibus , quatenus a Defunctorum heredibus invitarentur . Pisaurensis vero Societatis exemplum , quod de consensu forsan Populi inductum fuit , alteram parit quæstionem , num universalis Legis instar , a reliquis Catholici Orbis Societatibus allegari valeat .

Toti quoad tertium Dubium incumbunt Sodales *Mortis* jurisdictioni Episcopi in Sodalitia , de qua memini sub primo . Jurisdictionem hanc inficiantur Sodales *Stigmatum* , & Cives in coactivis Ordinationibus , quum neque Provinciales Synodi lædere valeant naturalem libertatem , *Pignatell. consult. 205. num. 27. & seq. tom. 4. , Peyrin. ad Const. 10. Leonis X. §. 2. num. 2.* Maxime , quia illud ipsum Reatinus Episcopus per Edictum mandavit , quod SANCTISSIMUS DOMINUS NOSTER probare non noluerat contra *Text. in Cap. Cum inferiorem de major. & obediens.* Verisimiliter enim , inquit Sodales *Stigmatum* , petita etiam fuit confirmatio Capituli V. Statutorum , quod causam dederat liti ; eiusque idcirco omisso in Apostolico Brevi , tacitam de facto rejectionem præsert ex *Cap. Dilecti il 11. ibique Gloss. verb. Facto de Appellat.*

His igitur perpensis , respondere dignentur EE. Vestræ .

- I. *An Societati Sacrorum Stigmatum Reatis competat jus aggregandi Confratres, & Sorores quocumque tempore, etiam in articulo mortis, eorumque cadavera proprio Sacco induta associandi in funere ad Ecclesiam in casu &c.*
- II. *An, & quomodo Civibus, Particularibus, & Incolis Reatis competat jus sese adscribendi quandocumque cuilibet sibi bene visæ Confraternitati, nec non vocandi ad eorum libitum quascumque Confraternitates ad funera, & Defunctorum associationem in casu &c.*
- III. *An sustineatur Edictum Episcopi diei 18. Maii 1786. in casu &c.*

Non proposita cum sequenti.

Sess. 22. cap. 6.
de Reform.

BONONIEN. COMMUTATIONIS VOLUNTATUM
Ad augendum cultum Deiparæ, quæ in Templo S. Dominici Bononiæ sub invocatione SS. Rosarii veneratur, convenit anno 1635. Marchio Hugo de Pepolis cum Sodalibus Ejus Sacelli de harmonico Litaniarum cantu singulis sabbathis, pervigiliis, Festisque Eidem dictis. Annum in hanc causam assignavit censum scutorum 39., alia ad complendum Reditum scutorum 40. invenienda solvit scuta viginti, distinctamque in singulos annos despondit summam scutorum sex, ut adderetur musicæ buccina, vel aliud in ejus defectum musicale Instrumentum. In casu autem, quod assignati Reditus decrescerent, se suosque heredes obligavit = dare, & solvere singulo anno, semper singulo semestre anticipate, id & totum, quod deficiet = hac addita ratione = cum intentione dicti Illustrissimi Domini Marchionis fuerit & sit, quod dicti Domini Officiales habeant, & consequantur singulo anno in perpetuum libras 195. integraliter, ultra Reditum dd. librarum 100., ut supra solutarum = seu annua in unum sc. 40.

Conventionem sequenti anno 1636. aliquantulum variavit in Testamento. Loco enim annuæ præstationis scutorum sex in stipendium Buccinatoris, pro unica vice re-

liquit Sodalitio scuta 200. Nedum de cetero assignationem confirmavit census, & perpetuum heredibus imposuit onus supplendi ad annuam usque summam scutorum 40. defecturos fructus, sed maximum etiam de perpetuitate musicæ desiderium pandit in hæc verba = *Perchè esso Signor Testatore grandemente desidera, che quest' Opera Santa non solo duri in eterno, ma anco s' accresca in onorare la Santissima Vergine del Rosario, e sapendo averli fatto un' assegnamento di un Censo &c. però ordina, che li suoi Eredi debbano avere particolar cura, che si riscuotà, e non riscuotendosi pagare del suo, e da due volte, che non si riscuotessero così facilmente, di modo che si vedesse, che l'Opera fosse per perire, vuole che li suoi Eredi siano obbligati darli tanti denari, che rendano l'entrate di detto Censo, e non lo facendo, che dd. Amministratori possano andare al possesso di tanti suoi Beni ad arbitrio loro.*

Plæ Hugonis Pepoli largitioni aliæ in eandem causam accesserunt Dorotheæ Lambertini Berò, & religiosi Anonymi. Altera enim Sodalitio reliquit scuta 40., & alter scuta 100., addito onere solemnibus Sacri uno ex novendialibus Nativitatis Domini Nostri Jesu Christi. Post varia investimenta conversus fuit Hugonis census in Loca MM. annui fructus scutorum 19. 69. 4. Alia scuta 200., in locum annuæ præstationis scutorum sex relicta, & scuta 40. Dorotheæ Lambertini erogata fuerunt anno 1645. in reparationem Sacelli, *obtentis*, ait Eñus Archiepiscopus, *necessariis facultatibus, ut credendum videtur, præsertim cum totum hoc in Pastoralibus Visitationibus Prædecessorum meorum approbatum reperiā.* Et scuta demum centum Anonymi in censum. Universi Reditus sunt scutorum 23. 69. 4. Intermissæ primùm fuerunt harmonicae Litanie anno 1751., quo Gregorianum earum cantum ad decennium permisit *Benedictus XIV.*, ut redimere possent Sodales argenteam Altaris Crucem a pignore. Gratiam deinde ad aliud decennium prorogavit Clemens XIII. anno 1760. pro constructione Organi, nec amplius ad hæc tempora expleta fuit musica. **SANCTISSIMO** nuper supplicarunt Sodales pro absolute quoad præteritum, & commutatione voluntatum quoad futurum, ut temporaria nempe illa Gregoriani cantus permissio perpetua fieret, & detractò Cantorum stipendio, ac tolemnis Sacri eleemosyna, erogari valerent Reditus
in

In annum dotale subsidium ad nominationem alterius ex ipsis, qui postremæ Natalitiorum novendialium functioni interfuerint. Precibus vero ad Sac. Congregationem Fabricæ quoad præteritum, ad Sac. hanc Congregationem quoad futurum remissis, instantiam modo pro commutatione voluntatum coram EE. Vestrīs renovant.

In omnibus eis favet Eūus Archiepiscopus tum præ Redituum tenuitate, tum quia *nulla spes effulget*, ut heredes *toties nominati Hugonis Pepoli augere velint eosdem*. Harmonicum insuper reprobatur tantum significantibus hisce verbis = *Si quis dixerit, multo melius cantu Gregoriano, quam ornato illo ad Sæculi pompam musico adsequi, is me quidem iudice, non a vero aberrabit. Et utinam vota plurimorum, & sanctitate, & doctrina illustrium in Ecclesiæ Virorum implerentur, quibus nihil adeo cordi fixum est, quam ab Ecclesiasticis, & Officiis, & Ceremoniis modulos illos, & musicam mollem procul ablegare, quæ ad mulcendas hominum mundanorum aures potius, quam ad elevanda corda Fidelium in Deum apta videtur* = Valdeque postremo commendat = *quod ultimo loco Oratores exponunt de fructibus in dotem Puellæ vertendis, cum & hoc in Deiparæ majorem cultum, & in Societatis utilitatem, & in Confratrum ipsorum bonum redundare videatur* = Duo igitur juxta rei speciem proponuntur Dubia.

Pro commutatione siquidem voluntatum, de qua in primo Dubio, urgere videtur Redituum tenuitas, major, ut Eūus censet Archiepiscopus, Gregoriani cantus religio, magisque pium, ut censent Sodales, subsidii dotalis opus. Ubi enim difficilis est demandati Operis executio, aliaque æque pia expleri valent Opera, iusta adesse censetur commutandæ voluntatis causa, ut censuit Sacra hæc Congregatio in *Romana Commutationis Voluntatis 27. Februarii 1734.*, & in *Melphien. Commutationis Voluntatis 22. Junii 1743.* Difficilem immo arbitratur Eūus Archiepiscopus harmonicum Litaniarum cantum, etiamsi annui restituerentur Reditus scutorum quadraginta ad formam Testamenti Hugonis, vel etiam quinquaginta, additis fructibus scutorum 240., ex quibus reparatum fuit Sacellum. Cum quotannis, inquit, occurrant dies quatuordecim, qui Deiparæ Virginis cultui, & memoriæ sunt sacri, quibus si totidem adjungantur profestæ dies, & duo itidem supra quinquaginta Sabbatha, octoginta circiter erunt dies ad Litaniarum cantum præfixi = ita

ut vix oboli quinquaginta, aut sexaginta pro qualibet obtingerent musica.

Notandum contra, passim *Doctores* pro commutatione voluntatis necessariam, & publicam requirere causam, *Fagnan. in Cap. Nimis sub. num. 6. de Fil. Presbyt. , Monet. de commut. ultim. volunt. cap. 6. num. 75. , Piton. de contr. Patron. alleg. 50. num. 7. ,* sæpius ea deficiente, a commutandis voluntatibus Sac. Congregationem abstinuisse, ut antiquioribus omissis, *in Romana 24. Martii, & Bononien. 7. Julii elapsi anni.* Utrum necessaria commutationis causa sit imminutio Redituum, quos ex contractu, & Testamento Hugonis Pepoli supplere forsantur heredes: num integra etiam summa ab initio assignata, impar censeretur brevissimæ Litaniarum musicæ, cui tanto ante *Benedictinum Indultum* tempore satis fuit; & publica ne sit causa subsidiorum dotalium distributio inter Consanguineas Sodalium, vel *mollis musicæ* abusus, EE. Vestræ dijudicabunt. Distinguendum vero inter musicam lascivam, quæ profana miscet, & Sacram. Prior quidem eliminanda est ab Ecclesiis ex præscripto *Sacri Concilii Tridentini Sess. 22. Decret. de observan. , & evitan. in celebrat. Miss.* non item posterior = *cum hujusmodi consonantiæ* (harmonicæ scilicet notæ) *auditum demulceant, devotionem provocent, & pfallentium Deo animos torpere non sinant* = ut per hæc verba monet *Joannes XXII. in Extrav. Doctr. de Vit. , & honest. Clericor.*

Quatenus vero EE. Vestræ commutandas non esse censeant voluntates Hugonis, Dorotheæ, & Anonymi, ac præsertim Hugonis, quæ pro harmonico Litaniarum cantu enixa fuit, ut ea pandunt verba = *esso Signor Testatore grandemente desidera, che quest'Opera Santa non solo duri in eterno, ma anco s'accresca in onorare la SS. Vergine del Rosario* = in hoc sane casu providendum erit, juxta secundum Dubium, necessario Pii Operis Reditui ad formam Dispositionum. Num ratio amplius habenda sit de scutis 240., jamdiu in reparationem Sacelli erogatis, EE. Vestræ decernent. Scuta centum Anonymi in fructifero existunt censu. Soli Hugonis Reditus imminuti sunt a scutis 40. ad 19. 69. 4., non ex culpa Sodalium, sed ex conversione assignati census in Loca MM., quorum minores sunt usuræ. Deliberandum ergo, num supplere teneantur illius heredes, *quod deficit*, juxta Instrumentum anni 1635., a quo non discrepat Testamentum, & num audiendi sint ab EE. Vestræ priusquam con-

dem.

demnentur . Auditi enim ab E^mo Archiepiscopo, in commutationem voluntatis Ugonis convenerunt.

Quæritur ergo .

I. *An , & quomodo sit consulendum SS^mo pro commutatione voluntatum Hugonis Pepoli , Dorotheæ Lambertini Berò , & Anonymi in casu &c.*

Et quatenus negative .

II. *An , & quomodo sit providendum pro illarum executione in casu &c.*

41

*Die Sabbathi 26. Aprilis 1788. in Pa-
latio Apostolico Vaticano erit Sacra
Congregatio Concilij, in qua, præter
alia, proponentur infrascripta Dubia,
juxta morem ejusdem Sacræ Congre-
gationis de jure resolvenda.*

REATINA. Prioris hujus Causæ, & sequentis species, *Sess. 22. cap. 8.*
in præcedenti est Folio diei 5. labentis Aprilis. De re- *de Reform.*
liquis hic agitur.

- I. *An Societati Sacrorum Stigmatum Reatis competat jus ag-
gregandi Confratres, & Sorores quocumque tempore,
etiam in articulo mortis, eorumque cadavera, proprio
Sacco induta, associandi in funere ad Ecclesiam in ca-
su &c.*
- II. *An, & quomodo Civibus, Particularibus, & Incolis
Reatis competat jus sese adscribendi quodocumque
cuilibet sibi bene visæ Confraternitati, nec non vocandi
ad eorum libitum quascumque Confraternitates ad fune-
ra, & Defunctorum associationem in casu &c.*
- III. *An sustineatur Edictum Episcopi diei 18. Maii 1786. in
casu &c.*

Ad I. Negative juxta Votum Episcopi.

Ad II. Affirmative juxta Votum Episcopi; exclusis
Fratribus mortis, nisi invitatis.

Ad III. Provisum in primo, & secundo.

BONONIEN. COMMUTATIONIS VOLUNTA-
TUM.

*Sess. 22. cap. 6.
de Reform.*

- I. *An, & quomodo sit consulendum SSmo pro commutatio-
ne voluntatum Hugonis Pepoli, Dorotheæ Lambertini
Berò, & Anonymi in casu &c.*

Et quatenus negativè.

- II. *An, & quomodo sit providendum pro illarum executione
in casu &c.*

Dilata, & præfigatur ab Emo Archiepiscopo terminus
Hæredibus Ugonis Pepoli ad deducendum jura sua in
S. Congregatione.

Sess. 23. cap. 1.
& Sess. 24. cap.
4. de Reform.

BURGI S. DONNINI VISITATIONIS SAC. LIM-
NUM. Quærit Episcopus Burgi S. Donnini, an liceat
Minoribus Cappuccinis ejus Diæcesis Puerperas admit-
tere ad purificationem, seu jus potius sit parochiale. Se-
cundam Ipse tuetur partem ex Synodalibus Ecclesiæ suæ,
aliarumque Ecclesiarum Statutis. Nonnulla etiam me-
morat Sacræ hujus Congregationis Rescripta, & ita con-
cludit = ut Parochiale Ministerium suo stet robore, & dis-
sidiorum auferatur occasio, Cappuccinorum Superiorem
Generalem monendum ab EE. Vestrarum auctoritate con-
fido, ut Guardianis in hac Diæcesi constitutis indicat, ne
in posterum cum suis subditis alienæ messi manum admo-
veant = Consuetudinem contra, aliasque Sacræ Con-
gregationis resolutiones opponit Generalis Cappuccino-
rum Procurator, valdeque de Fidentinis queritur Paro-
chis, quod suos insectentur Religiosos, quorum sæpiissime
opera in suis Paræciis utuntur, ita ut in subsidium Paro-
chorum ibidem existere Sacramentorum ministerio, verbi Dei
dispensatione, Sacrorum confectioe dici possit. Hac de
causa addit, quod etiam si de re ageretur, quam non con-
staret ab aliis perfici, præterquam a Parochis posse, erga
Minores Cappuccinos, veluti in amicos, & subsidiarios
parochiali indulgentia utendum Ecclesiasticæ societatis cau-
sa videretur oportere. Res igitur EE, Vestrarum judicio
sub infra scripto proponitur Dubio.

Expressa quidem non est Lex, quæ facultatem admittendi
Puerperas ad purificationem, vel uni tribuat Parocho, vel
Regularibus etiam indulgeat. Quæstionis igitur resolu-
tio ab auctoritate pendet Doctorum, ex Decretis Sac.
Congregationis Rituum, & Sac. hujus Congregationis
Responsis. Qui facultatem inter parochialia recensent ju-
ra, his nituntur rationibus, QUOD omnes nempe ritus
benedictiones, & functiones, quæ referuntur in Rituali,
spectant ad Rectores, seu ad eos, qui habent curam Ani-
marum, ut Bass. de Sodalit. quæst. 12. num. 10., QUOD
Puerperarum admissio ad purificationem sequela est Sacra-
menti matrimonii, ut Ursaya discept. 27. num. 8., &
seq. tom. 3. part. 1., QUODQUE fieri soleat cum Su-
perpelliceo, Stola, & Aqua benedicta, quæ signa esse vi-
dentur jurisdictionis, veluti Nicol. in Flosc. verb. Paro-
chus num. 17., Pignatell. consult. 76. num. 2., & seqq.
tom. 5., Monacell. part. 1. tit. 10. form. 18. num. 10., &
seqq., Barbos. de Offic. Paroch. cap. 24. num. 22. Schmalz-
grueber. conf. 58. de jure baptizandi, & purificat. quæ-
stion. 2. num. 12. Qui illam vero ad Regulares extendunt
ex

ex hoc moventur, quod purificatio in novo Testamento non necessitatis, sive præcepti, sed devotionis actus est. Ita præ ceteris *Vviesfn. tom. 3. tit. 47. de Purificat. post partum num. 7.*, *Dejann. de Visit. cap. 7. Dub, 20. §. un. Matteucc. de Offic. Cur. cap. 36. num. 18.*

In hac opinionum varietate statuit anno 1704. Sacra Rituum Congregatio per Decretum generale, Puerperarum benedictiones pertinere ad Parochos. Ad VI. enim Dubium = *An benedictiones Mulierum post partum, Fontis baptismalis, ignis, seminis, ovorum, & similium sint de juribus mere parochialibus* = respondit = *Negative, sed benedictiones Mulierum, & Fontis baptismalis fieri debere a Parochis* = ut refert *Girald. in Jus Pontific. part. 1. ex lib. III. Decretal. tit. 47. de Purificat. post partum section. 627.* Sacra tamen hæc Congregatio modo unam, modo alteram, juxta diversas facti circumstantias, amplexa est sententiam. In *Bononien. 20. Junii 1720. ad IX. Dubium* rescripsit, Regulares non prohiberi in eorum Ecclesiis Puerperas ad purificationem, *lib. Decret. 12. pag. 45. In Aquen. Jurium Parochialium 9. Junii 1708. ad Dubium = An Patres (Carmelitæ) possint in propria Ecclesia Mulieres post partum benedicere, & ad purificationem admittere* = respondit = *Affirmative* = *lib. Decret. 58. pag. 200.* Idemque definivit die 3. Decembris 1718. in *Derthonen. Jurium Parochialium*, in qua quum septimo quæreretur = *An jus benedicendi Sponsas, & Puerperas spectet privative ad Parochos* = responsum dedit = *Affirmative quoad primam, & negative quoad secundam partem* = iterumque die 7. Decembris 1720., quoad primam partem stetit in *decisis*, & quoad secundam declaravit = *esse in libertate Puerperarum accedere ad quamcumque Ecclesiam sibi benevisam.*

Aliter ob privatam Parochi consuetudinem, & Synodi Provincialis Constitutionem censuit in *Antuerpien. Jurisdictionis 18. Novembris 1662.* Proposito enim Dubio = *An prædictis Regularibus Civitatis Antuerpiensis liceat in propriis Ecclesiis Mulieres post partum ad purificationem admittere* = rescripsit = *Non licere* = ut in *lib. 23. Decret. pag. 348. a terg.* Aliterque non obstante Regularium consuetudine, cui opponebatur Decretum latum ab Episcopo in Sac. Visitatione, aliaque edita Episcopali Sede vacante, in *Celsonen. 31. Martii 1759.* Ad Dubium sane = *An liceat Regularibus Civitatis Cervariæ benedicere Puerperas ad eorum Ecclesias accedentes post partum, seu potius eadem benedictio competat Parocho in casu &c.* = re-

Spondit = Negative ad primam partem , affirmative ad secundam , & amplius .

Toties igitur Sacra hæc Congregatio Regularibus indulgit , quoties legitima ipsis fuit consuetudo benedicendi Puerperas , quæ Synodalibus Legibus non advertaretur. Non parum enim hac in re deferendum est consuetudini , *Leuren. For. Eccles. lib. 3. tit. 47. de de Purific. post partum, quæst. 991. num. 2. , Laurent. de Franch. controuv. inter Episc. , & Regul. part. 2. quæst. 69. num. 1. , Dejann. de Visit. cap. 5. dub. 3. sect. 6. num. 113. , & cap. 7. dubium 20. §. unic.* Parochis vero vel ex privativa eorum consuetudine , vel ex Synodalibus Constitutionibus favit , quum Regulares , eorum exemptione non obstante , parere cogantur Diæcesanæ Synodi Sanctionibus in iis , quæ respiciunt Curam Animarum , ut per hæc verba monet *Benedictus XIV. de Synod. Diæces. lib. 13. cap. 4. n. 5.*

Quoniam tempore Minorum Cappuccinorum Burgi S. Donini consuetudo initium habuerit , non constat . Affirmat tamen Procurator Generalis Ordinis , eam ab immemorabili inceptam . Refert contra Episcopus , directe illam adversari Diæcesanis Ecclesiæ suæ Statutis = anno 1624. *de Sacram. Matrim. pag. 196. §. Puerperæ , anno 1663. in Synodo Pallavicini cap. 4. de Sacramentalib. lib. pag. 260. §. Ubi Puerperæ , & tandem anno 1728. in postremo celebrata Synodo Zandemaria tit. 11. de Paroch. num. 30. , quibus cautum constantissime fuit , prout ab extractis particulis , quæ in fine dabuntur , ne quis etiam Regularis , præter Parochum , in propria Ecclesia Mulieres post partum benedicere audeat sub pæna etiam suspensionis a Divinis = additque , pluries Parochos apud se de contrario Cappuccinorum abusu conquestos fuisse .*

Sic prima Synodus . Puerperæ ab eorum Parochis benedictionem suscepturæ , non nisi ad ipsam Ecclesiam Parochialem accedant . Quod si quis alius sive Sæcularis , sive Regularis eas benedicere , & suscipere ausus fuerit , in pœnam suspensionis a Divinis incurrat . Ita rursus secunda . Puerperæ ad Ecclesiam Parochialem accedant , ubique tantum a proprio Parocho , & non alibi , nec ab alio sub cujusvis privilegii , vel consuetudinis prætextu benedictionem accipiant ; alias tam Parochus alibi benedicens , quam alii Sacerdotes , etiam Regulares , in alienam subditam hoc munus obeuntes , pœnam suspensionis a Divinis subibunt . Atque ita demum tertia . Parochis omnibus districte præcipimus , ut non in earum Ædibus , sed in Ecclesia unice Puerperis benedictionem impertiantur . Qui eas vel extra Ecclesiam ,

vel sibi non subditas benedicere ausus fuerit, quatuor aureorum pro prima vice pœnam dabit. In eos vero, qui non semel, sed iterato huic Sanctioni contra fecerint, latam a Prædecessoribus Nostreis, ipso facto subeundam, Nobisque reservatam suspensionem denunciamus, & quatenus opus sit, innovamus.

Deliberare igitur dignentur Emi Patres.

An Minoribus Cappuccinis Diœcesi s Burgi S. Donnini liceat admittere in eorum Ecclesiis Puerperas ad purificationem in casu &c.

Negative.

SENO GALLIEN. . Ex piis Fidelium oblationibus erexit anno 1652. Senogalliensis Episcopus in Ecclesia S. Liberatæ Beneficium simplex cum onere celebrandi festivis diebus Sacrum, ac manutenendi Ecclesiam, ejusque supellectilem. Hæc in Decreto erectionis = Rector Missas in Ecclesia prædicta diebus Dominicis, & Festivis ac duas in qualibet hebdomada, juxta voluntatem præfatorum DD. Jacobi Mariæ, ac Petri Pauli (quorum etiam Legata erecto Beneficio attribuit) celebrare debeat, & teneatur = Et hæc in altero institutionis Rectoris = Cum onere Rectori pro tempore satisfaciendi obligationibus per antedictos Benefactores impositis, ac insuper celebrandi, vel celebrare faciendi in dicta Ecclesia Missas singulis diebus Dominicis, & Festivis, ac manutenendi d. Ecclesiam, & Altare de paramentis, & supellectilibus. Eidemque deinde Beneficio allud accessit trium hebdomadalium Missarum Legatum.

Jugiter ad hæc tempora applicatæ sunt pro Legantibus hebdomadales Missæ, non item illæ foundationis. Post declinum quartum circiter annum a capta hujusce Beneficii possessione, ab EE. Vestris quærit Sacerdos Dominicus Marconi, an applicare teneatur festivas Missas pro Benefactoribus. Quatenus vero teneatur, absolutionem postulat ab omni applicatione, ac futuram etiam oneris reductionem.

Sess. 22. Decret. de observan., & evitan. in celebrat. Miss. , & Sess. 25. cap. 4. de Reform.

De more requisitus, Eūus refert Episcopus, quod = nullus illorum, qui a sæculo & ultra hoc Sacerdotio aucti fuere, Sacrificium obtulit pro Benefactoribus singulis festis diebus, qui occurrerunt, neque unus ex iis, qui hanc Cathedralam tenuerunt, eos ad Sacrificia, ut supra offerenda, adegit. Itaque nullus, uti communiter putatur, fuit, qui non libere ea obtulerit = De tenuitate insuper testatur Redituum = qui sive indiligentia eorum, qui hoc Sacerdotio potiti fuere, sive temporum injuria adeo decreverunt, ut a quadraginta aureorum summa ad septemdecim in præsentia sint redacti = Et quamvis se a ferendo suffragio super applicatione Missarum, earumque reductione abstineat, censet tamen quoad præteritum, quod bona Oratoris fides exuberare videtur.

Si verisimilis spectetur piorum Oblatorum mens, oblationes potius dedisse censentur, ut suffragiorum participes fierent, idque non semel Sac. hæc Congregatio declaravit in Tinen. Applicationis Sacrificii 18. Augusti 1668. lib. 26. Decret. fol. 61. ; in Spoletana Applicationis, & Reductionis Missarum anni 1710. lib. 60. fol. 4. a terg., in Ferrarien. Applicationis Missarum 13. Januarii, & 24. Februarii 1720., & in Bononien. Dispensationis 14. Septembris 1783. Si centenaria vero attendatur observantia, quam Senogallenses Episcopi silentio confirmarunt, dubia per eam declarata dici posset Oblatorum, ac Fundatoris Beneficii voluntas *Text. in Cap. Cum dilectus de consuet.* Maxime, quia pium quemlibet usum oblationes respiciunt, *Petr. ad Constit. Anastasii IV. sect. 2. num. 16. . Pignatell. Consult. 160. num. 21. tom. 4.*

Pro absolutione a præterita Missarum applicatione, quatenus fieri debuisset, bona urget Oratoris fides, de qua Eūus testatur Episcopus. Sæpe enim hac concurrente, SANCTISSIMO pro illa consuluit Sacra Congregatio, ut in Parmen. 6. Maii 1786., in Reatina Absolutionis 24. Martii, & in Derthonen. Absolutionis, & Reductionis Missarum 7. Julii elapsi anni ad II. Dubium. Quoad Missarum postremo reductionem notandum est, nedum absque culpa Oratoris imminutos esse Beneficii Reditus, sed onus etiam Sac. suppellectilium, ac manutentionis Fabricæ ei incumbere. In his porro terminis æquam dixit reductionem Benedictus XIV. de Synod. Diæces. lib. 13. cap. ult. num. 22., & Sac. hæc Congregatio in Senogallien. Reductionis 10. Maii 1783.; in Viterbien. Reductionis

Que-

Onerum 8. Maii 1784. In perpetuo autem, de quo agitur, Missarum onere, concessa quandoque ob imminutos Reditus fuit reductio ad taxam perpetuæ, etiam post acceptationem Beneficii, ut in *Albinganen. 12. Decembris 1778.*, & in *Anconitana Missarum 20. Aprilis 1782.* Dubia.

I. *An sit locus applicationi Missarum in casu &c.*

Et quatenus affirmative.

II. *An sit consulendum Sanctissimo pro absolute quoad præteritum in casu &c.*

III. *An, & quomodo sit locus reductioni quoad futurum in casu &c.*

Ad I. Negative.

Ad II., & III. Provisum in primo.

SANTANDRIEN., SEU CUBANA MATRIMONII. In Regionibus degens Avanzæ, mandatum dedit Franciscus de Riano die 29. Aprilis 1777. Equiti Jo. Antonio de la Barcena ad contrahendum in Santandriensi Civitate matrimonium cum Rosa de Zarate, & Oruna, illudque deinde, quatuor ad Sponsam datis epistolis sub diebus 17. Decembris ejusdem anni, 16. Januarii, 18. Maii, & 25. Junii sequentis, ratum habuit. Omnibus adhibitis solemnibus, demandatum munus explevit Procurator die 15. d. mensis Junii 1778., reque ad Rianum delata, iterum & tertio per alias epistolas sub annos 1780., & 1781. contracto plausit matrimonio, seque ad Uxorem accessurum dixit, cum primum sua negotia composuisset, ac pericula belli, quod inter Catholicum, Christianissimum, & Britannum Regem agebatur, cessarent. Commendavit immo Joanni Nepomuceno Riborica, Santandriensis Domicilii, Uxorem, & Soceram, eumque rogavit, ut omnia ad illarum exhibitionem præberet.

Frustra tamen Virum per septennium expectavit Rosa, tantæque moræ pertæsa, Santandriensem adiit Ecclesiasticam Curiam, ut tandem aliquando ad conjugalia officia cogeretur. Requisitorialibus expeditis Literis innotuit, alterleum in nova Aurelia die 10. Januarii 1782. nupsisse Mulieri, Mariæ scilicet de Sales, liberosque ex ea suscepisse. Ad hoc contrahendum matrimonium docuerat

Sess. 24. cap. 1. de Reform.

ex Instrumento, congruo se tempore, die nempe 12. Junii 1777., quo præ Locorum distantia nubere non potuerat ejus Procurator Rosæ de Zarate, consensum revocasse. Quod novum non est apud Indos = *attenta eorum conditione, & consuetudine facile consentiendi in matrimonium fide* =, ut refert Sanch. de matrim. lib. 2. disput. 45. num. 10. Formiter idcirco examinati fuerunt anno 1784. in Curia Ecclesiastica Avanzæ instrumentarii testes Aloysius, & Michael Gonzales, ac Franciscus Rodriquez de los Santos. Alter vero dixit = *Che non si ricordava di averlo veluto*. (Rianum nempe) *fare alcun Istromento pubblico* = alter = *di non conoscere D. Francesco di Riano, e che non si ricordava di essere stato testimonia a verun documento pubblico, o privato concernente il Riano* =, & iisdem fere verbis alter = *di non conoscere il d. Riano, nè rammentarsi di esser stato testimonia ad alcun Istromento, che quegli avesse fatto* =. Hoc tamen non obstante, qui matrimonia ibi tuetur, standum potius esse censuit fidei Notarii, qui revocati consensus Instrumentum rogavit, & secundæ favendum Uxori, bona fide possideri, decrevitque Ordinarios, molestandum non esse Rianum donec contrarium probaretur, ut constat ex summario Actorum Santandriensis Curiae.

His cognitis, & per Decretum Santadriensis Episcopi, Rosæ communicatis, imparem ea se dixit sumptibus litis, Pontificiamque implorare velle declaravit Auctoritatem = *a degnarsi dispensare sul matrimonio rato contratto fra essa, ed il detto Riano* = ut concludit summarium Actorum ab eodem Episcopo transmissum. Reque vera SANCTISSIMO DOMINO NOSTRO supplicavit, ut eam declarare dignaretur = *libera a disporre di se medesima* =. Precibus ab hac Sacra Congregatione Santandriensi Episcopo remissis, demandata fuit confectio Processus ad formam Constitutionis Benedicti XIV., quæ incipit *Dei miseratione*. Is autem retulit = *talem Processum impossibilem confectu esse, vel certe inutilem prorsus fore*; nam aut citari non poterit Franciscus de Riano, quia quæ in Urbe, aut Diæcesi habitat, ignoratur, & forte jam se contulit in remotissima, & incognita nostræ Americæ loca, vel in finitimas extraneas Provincias; aut si forsitan citari contingat, statim fugam capiet, uti minatus est per Epistolam = ad ejus Patrum datam absque indicatione Domicii-
lii. Atque ita conclusit = *Cum igitur non de uno tantum, sed de duobus agatur matrimoniis, propter quod res implicatior evadit, & hæc lis, si per tramites judiciales suum*

jus prosequi velit Oratrix, nunquam finem habitura videatur, cum propter summam repugnantiam d. Francisci ad contestandum, tam propter distantiam Locorum, denique propter Substantiæ inopiam ad litis prosecutionem. Hoc unum superesse videtur remedium, ut scilicet BEATISSIMUS PATER Oratricem liberam declaret, aut certe pro quiete ipsius conscientiæ cum illa ad cautelam dispenset. Quod quidem convenientissimum fore arbitror; alioquin relinquenda est Oratrix in eo infelicitatis statu, ut nesciat, immo nec scire possit, nupta ne sit, an libera.

Ad removendum obicem deficientis Processus, SANCTISSIMUM rogavit Rosa pro illius sanatione, ejusque Instantia arbitrio ejusdem Sacræ Congregationis ex audientia Sanctitatis Suæ remissa, in primum ex infra-scriptis Dubiis cum Defensore Matrimonii Urbis convenit. Tertio deinde Pontificium adiit Solium pro facultate disputandi secundum etiam Dubium super dispensatione a matrimonio rato, & non consummato, obtinuitque remissionem = a Monsignor Segretario del Concilio = proprio SANCTITATIS SUÆ charactere. Hoc sane Rescripto visa est tributa ad formam Benedictinæ Constitutionis facultas concordandi flagitatum Dubium. Si enim SANCTISSIMUS per remissionem = a Monsignor Segretario del Concilio =, a quo concordari solent Causarum Dubia, petitionem Rosæ non rejecit: ergo commisit; quum ad alterutrum Benedictinæ Constitutio respiciat, vel = ut petitionem = (disputandi de dispensatione a matrimonio rato) REJICIAT, vel ejus examen alicui ex dictis Congregationibus COMMITTAT. Adjecta quandoque fuit remissivo Rescripto clausula = cum facultatibus necessariis, & opportunis quoad concordationem Dubii = ut in Causa Gentilis Montogli cum Julio Bussi, præscribenda tamen non est Summo Pontifici rescribendi formula, dummodo committat. Nisi enim per Rescriptum illud = A Monsignor Segretario del Concilio = concordationem Dubii in hac Causa commisisset, eam profecto nec rejicere, nec committere voluisse dicendum esset, quod de tanto Pontifice cogitari non potest. His igitur de causis secundum etiam, renuente Defensore matrimonii, decretum est Dubium super Dispensatione a Matrimonio rato, quod cum altero super Nullitate EE. Vestris proponitur.

Arbitrio utendum, ait Rosa, ex Pontificio Rescripto in hac definienda Causa absque solemnibus Processu, tum quia

Santandriensis Episcopi testimonio *impossibilis* est illius confessio, tum quia ejus suppleant vices Santandriensis Curiae Acta. Ex una siquidem parte constat de revocato per Instrumentum consensu ante contractum matrimonium; de contradictione ex altera instrumentariorum. Testium assertæ stipulationi, & perseverantia consensus ad annum usque 1781., quo Rianus epistolarum commercium cum Rosa intermisit. Eas igitur in utramque partem adesse censet probationes, quæ ad decernendam matrimonii validitatem, aut nullitatem per solemniorem *Benedictinæ* inquisitionem haberi possent. *Expedi*, inquit *Sac. Conc. Tridentinum Sess. 25. cap. 18. de Reform., Legis vinculum quandoque relaxare*, iusta scilicet concurrente causa. Maxime si impossibilis sit ejus observantia. Canon enim, seu Lex cum debeat esse possibilis, non vindicat sibi locum in casu, in quo non potest observari, ut per hæc verba notat *Fagnan. in lib. 5. Decretal. Cap. Abjolutos num. 31. de Hæret.* Reque vera non semel Sacra hæc Congregatio in similibus casibus *Benedictinæ* rigorem relaxavit, ut in *Baren. Nullitatis Matrimonii 16. Martii, & 4. Maii 1754. lib. 104. Decret. pag. 97. & 145., & in Theatina Matrim. 18. Julii: & 19. Septembr. 1761. lib. 111. Decret. pag. 281., & 390.*

Nullitatem deinde urget matrimonii, de qua sub primo Dubio. Posita siquidem revocatione consensus ex parte Riani priusquam contraheretur, nullum dubio procul fuisset etiam quoad Rosam; quum mutuum absque mutuo consensu induci nequeat matrimonii vinculum, *Sanchez de Matrim. lib. 2. disput. 8. num. 2., Pont. eod. tract. lib. 1. cap. 6. num. 7.,* licet tam illa, quam Procurator voluntatis mutationem ignorassent, *Text. in Cap. fin. de Procurat. in sexto, ibique Passerin. num. 17., Sanchez de essent. & consens. matrim. lib. 2. quæst. 11. num. 6., & Sac. Congregatio in Eugubina, seu Perusina Matrimonii 11. Januarii 1727.* Neque eam turbat sive instrumentariorum Testium contradictio, sive consensus renovatio per epistolas. Testibus præferendum esse contendit publicum revocati consensus Instrumentum, de cujus veritate testatus fuit Notarius coram Ordinario Avanzæ. *Attento enim Jure Regio (Catholici nempe Regis, cui subest Avana) standum est Instrumento publico, quando confectum est a Tabellione bonæ famæ, & ipsum Instrumentum agnoscente, etiamsi Testes Instrumentarii rem aliter se habere*

bere deponant, ut per hæc verba tradit *Guttier. conf. 27. num. 1. tom. 13.* Epistolas vero tribuit dolo Riani, qui post solemnem consensus revocationem, ei potius illudere voluisse censetur.

Num hæc in gravissima nullitatis matrimonii Causa admittenda sint, EE. Vestræ dijudicabunt. Notandum tamen, quod ab uno pendet revocati consensus Instrumento primi Dubii resolutio, resque postulat, ut ex canonicis potius, quam civilibus Legibus de illius veritate decernatur. De Jure autem canonico = *Si Testes contradicunt Instrumento, in quo scripti sunt, prævalent Instrumento* =, ut notat *Gloss. in Can. Si Testes caus. 4. quæst. 3.* Animadversionem quoque merentur Riani epistolæ tum præ earum numero, cum ob constantem mandati procuræ, ac ipsius matrimonii rati habitationem: quodque magis est, ob demandata Uxorialimenta. *Protestans enim* (de facto, vel revocato in matrimonium consensu) *faciendo actum contrarium protestationi, videtur ab ea recedere, & simpliciter consentire* = ut per hæc verba monet *Sanchez de Matrimon. lib. 2. disput. 45. sub num. 19.*

Quatenus autem daturi sint Eñi Patres *negativum* responsum ad primum Dubium, deliberandum erit juxta secundum, an sit consulendum SANCTISSIMO pro dispensatione a matrimonio rato, & non consummato. Quid matrimonii Defensor in id dicturus, ignoro. Nulli dubium, quin justa de causa dispensare valeat Summus Pontifex a matrimonio rato, *Kugler de matrim. quæst. 23. An Papa dissolvere possit matrimonium ratum respons. ad 1., & 2. object. tom. 1. pag. 853.* Hoc igitur quærendum, num constet de non consummatione matrimonii cum Rosa de Zarate, & justa concurrat dispensandi causa. Quod res sit de matrimonio tantum rato, ex Actis liquet Santandriensis Curiae. Nunquam enim Rianus post datum procuræ mandatum in remotissimum se contulit domicilium Rosæ, causamque dedit ejus contumacia judiciali illius instantiæ in Santandriensi Curia = *chiedendo le lettere requisitoriali, affinché si assicurasse, e mandasse in luogo d'ispezione la persona dell' indicato D. Francesco, e condotto si condannasse a ratificare il detto matrimonio RATO, ed a vivere con essa conjugalmente.*

Non obscure etiam matrimonii consummationem excludit in sua Informatione Santandriensis Episcopus, dum in ea est sententia = *ut Beatissimus Pater Oratricem liberam decla-*

ret, aut certe pro quiete ipsius conscientiae cum illa ad cautelam dispenset = . Hoc ipsum a prima ad ultimam comprobant Riani epistolae, in quibus tam ante, quam post contractum ab ejus Procuratore matrimonium, futurum pollicebatur accessum ad Sponsam post expedita negotia, & cessata pericula belli. Si fides tandem praestanda est ipsimet Riano, non modo Rosam non adiit, sed nec novit unquam. Ad ejus namque Patrum rescribens die 20. Martii 1783., se a primo matrimonio alienissimum dixit, ac donaturum Rosae, si ab eo insectando desisteret = *Duemila e tanti Pezzi, a cui in tutta forza mi potrebbero obbligare, atteso che non la conosco.*

Quatuor autem potiores sunt causae dispensandi a matrimonio rato, = *Prima, notabilis disparitas in qualitate, videlicet quando contrahentes sunt notabiliter conditione impares, & affectione caeca, & levitate quadam ducti, contrahunt matrimonium. Secunda, est gravis timor magni scandali futuri. Tertia, est lepra. Quarta, quando alter conjugatorum asserit, se non habuisse animum contrahendi = Corrad. Prax. Dispensat. lib. 8. cap. 7. num. 27.* Num aliqua in casu nostro ex hisce causis concurrat, Emi Patres videbunt. Nedum sane timor est scandali ob maximam Riani aversionem a primo matrimonio, sed impossibilis etiam est illius conjunctio cum Rosa. = *Matrimonium enim cum ista contractum, nullum proficitur, omneque malum subire, quam ipsius cohabitationem amplecti se malle, multoties testatus est. Quapropter de illius contestatione nulla spes reliqua esse videtur, = ut inquit Episcopus. Quodque magis est, jam plures secundi matrimonii lapsi sunt anni, pluresque ex eo sunt Filii, quos spurios declarare oporteret. In eo contra est Rosa infelicitatis statu, ut nesciat, immo nec scire possit, nupta ne sit, an libera. Ex quo, subdit Episcopus, multa mala ipsi imminere sentio, utpote juveni, nobili, alias satis diviti, nunc vero tantum non pauperi, utroque Parente denique jam dudum orbatæ.*

Non semel in similibus terminis dispensarunt Summi Pontifices a primo matrimonio rato, ac praeter ceteris Gregorius XIII., qui dispensationem indulgit = *Duci Albano, vulgo de Alva de Torres, qui contraxerat primo matrimonium de praesenti per Procuratorem cum Filia Ducis de Alcalá Hispali, & secundo cum alia, quod consumaverat = teste Ursaya discept. 21. num. 42. tom. 3. part. 2. Et in*

26. Aprilis 1788.

53

In hisdem terminis dispensandum censuit Sacra hæc Congregatio cum Viro, qui secundum consumaverat matrimonium, in Chien. 12. Martii 1729. Proposito enim Dubio = *An, & quomodo fit providendum* = rescripsit = *Ad D. Secretarium cum Sanctissimo juxta mentem* = seu pro dispensatione a primo matrimonio rato.

Deliberare igitur dignentur EE. Vestræ.

I. *An constet de nullitate matrimonii in casu &c.*

Et quatenus negativè.

II. *An sit consulendum Sanctissimo pro dispensatione a matrimonio rato, & non consumato in casu &c.*

Ad primum. Provisum in secundo.

Ad II. Affirmativè, attentis facultatibus.

ROMANA, SEU SAVONEN. SUBSIDII DOTALIS. *Seff. 22. cap. 6. de Reform.*
Testamento jussit anno 1633. Julia Gavotti, ut ex scutis 2000. multiplicum fieret per annos viginti, ejusque deinde fructus in dotalia erogarentur subsidia scutorum 300. pro quolibet favore Puellarum descendendum a Hieronymo, Joanne Lodisco, Nicolao, & Carolo, ejus respective fratribus, & nepotibus = *tam pro auxilio earum maritagii, quam monacationis*. Diversam sequenti anno 1634. dispositionem fecit Joannes Stephanus Gavotti. Investimentum heredibus imperavit annui fructus scutorum 500. auri ex auro in tot Censibus, aut Locis MM. sive Savonæ, sive alibi, *dove sarà piu comodo*. Annua ex his scuta biscentum assignavit = *per dote di Zitelle, e Donne della Famiglia di Casa sua, discendenti dalla linea del suddetto Nicolò abitanti in Savona, che vorranno monacarsi* = sub expressa conditione = *che di questo suo annuo reddito così lasciato, e costituito non si possa dare più di scudi 400. per Zitella da monacarsi*. Deficientibus Puellis, quæ monasticum assumerent statum. *mul.*

multiplicari præcepit scuta 200. ad annum usque Reditum scutorum 400. = *ed allora non vi essendo Zitelle da monacarsi, si possino detti scudi 400. annui applicare ad una, o piu Zitelle, e Donne della stessa Famiglia, senza potere in tal caso impegnare detto reddito per l'anno seguente, ma solo si assegni a tal Zitella da maritarsi l'entrata di un' anno, e non piu* Voluitque posiremo, quod = *non vi essendo di detta Famiglia Donne, e Zitelle da monacarsi, e ne meno da maritarsi, si debbano in tal caso distribuire detti scudi 400. a povere Zitelle di detta Città di Savona da monacarsi* = quibus etiam non existentibus, investire mandavit dotale subsidium in augmentum Capitalis.

In plures Columnellos divisa est linea Nicolai Gavotti, quorum alii Savonæ, alii Januæ, alii in Urbe domicilium habent. Qui sunt Savonæ, obtinuerunt anno 1765. de consensu Baronis Angeli Gavotti Romani cumulum Dotium relictarum a Julia ad annos viginti. Hoc ductus exemplo, SANCTISSIMO nuper supplicavit Baro Alexander, Angeli filius, ut ex Fundo subsidiorum dotalem a Joanne Stephano relictorum, qui in Statu Ecclesiastico existit, seu annuo ejus fructu scutorum 773. 73. certam arbitrio suo concedere dignaretur annuam summam Camillæ, & Mariæ ejus Filiabus = *affinchè sin da ora quella porzione, che piacerà alla SANTITA' VOSTRA di assegnare, possa mettersi a moltiplico per sino a tanto, che verà il caso della monacazione, o maritaggio* = sub conditione tamen = *di lasciare sospesi tutti quegli anni, in cui vi saranno Figlie da maritarsi, o monacarsi nelle altre Famiglie Gavotti, acciò possino conseguire quelle Doti di scudi 400. di oro, in oro lasciategli dal Testatore.*

Precibus ad Sac. hanc Congregationem remissis, exquisitaque Savonensis Episcopi informatione, præ ceteris hic refert, quod = *quinque nunc temporis adsunt Puellæ de dicta Familia, videlicet duo ex D. Alexandro, una ex D. Julio, & item duo ex D. Hieronymo, quæ quidem omnes descendunt a dicto qu. Nicolao, stipite designato a Testatore; sed non in omnibus concurrat circumstantia habitationis a Testatore expressa. Siquidem primæ duo ffic Romæ, tertia ut plurimum Genuæ, & solum reliquæ duo hic Savonæ commorantur. A ferendo tamen se abstinet suffragio, ejusque loco animadversiones exhibet Hieronymi, Nicolai, & Julii, qui Baroni Alexandro contradicunt, Res igitur sub infrascripto proponitur Dubio.*

Gratia, inquit Baro Alexander, quam postulat, nullum præjudicium infert aliorum Columnellorum Filiabus, ac præsertim Hieronymi, qui Savonæ moratur, quum juxta eius declarationem, salvæ erunt illarum Dotes = *di scudi 400. di oro in oro lasciategli dal Testatore* = Pauperes tantum lædit Savonenses Puellas, quæ in defectum Puellarum Familiæ vocatæ sunt; sed nullæ eis, tanquam incertis, fit injuria, si consanguineæ Testatoris, quibus præsumpta favet illius voluntas, præferantur, *Mantic. de conject. lib. 8. tit. 5. num. 16., & seq. Rot. in Romana, seu Albanen. Subsidiorum Dotalium 10. Decembris 1756. §. fin. coram Frangipane*. Reque vera non raro Sacra hæc Congregatio hujusmodi prælationem affinibus & consanguineis indulgit. Ita in *Camerinen. Subsidiorum Dotalium 8. Augusti 1733., & in Romana Subsidiorum Dotalium 6. Dec. 1778.*

Ut proniores sint EE. Vestræ in hac concedenda gratia, gravissima memorat Familiæ suæ infortunia, amissum scilicet Vacabilium capitale in summa scut. 27513. 82., & alienum æs a Raimundo Maria Gavotti contractum in ampliori summa scutorum 46580., de cujus solutione testatur ejus Ratiocinator. Ea idcirco premi ait egestate, quæ Nobilem Familiam miseratione dignam reddit, seque hac de causa dotandis Filiabus imparem dicit. Nam ubi agitur de paupertate probanda ad certum, & determinatum effectum, pauper dicitur, cujus bona non sufficiunt pro illo effectu = ut monet *Rot. coram Duran. decis. 98. num. 10.* Nulloque sibi levamine esse posse dotale alterum subsidium, quod Familiæ suæ fæminis reliquit Hortensia Capizucchi in Testamento. Ejus porro compendium in natu minores contulit masculos in *Codicillis*, jamque Ratiocinatoris testimonio, distributi sunt Reditus inter minores ejus Fratres, annuo cuilibet statuto assignamento scutorum 200.

Ad excludendam vero Savonensis domicilii necessitatem observat, expressum illud fuisse quoad Puellas, & Mulieres Familiæ nubentes in Domino, non item quoad nubentes in sæculo; ideoque locum habere argumentum a discretiva, de quo ad rem *Constant. vot. 17. num. 12.* Alias admitti deberet absurdum, quod præferre voluisset Testator extraneas Puellas non habitantibus consanguineis. Plura hinc addit de demonstrativa domicilii quali-

voca-

tate, quasi adjecta fuerit ad indicandam *originem* Familiae Gavotti, probatque ex fidibus baptismatis, & matrimonii, Angelum Dominicum Gavotti, a quo ipse descendit, natum Savonae fuisse post obitum Testatoris anno 1661., deindeque anno 1694. nupsisse Hortensiae Capizucchi in Urbe. Atque exinde concludit, domicilii qualitatem adiaceri non potuisse ad distinguendos descendentes Nicolai Savonae habitantes ab aliis alio emigratis.

Exempla de cetero non desunt neglectae qualitatis domicilii contanguinearum favore. Res erat in citata *Camertinen. Subsidiorum Dotalium anni 1733.* de dotibus relictis habitantibus = *o in Fabriano, o Serra de Conti* = & tamen concessae fuerunt consanguineis oriundis ex Apiro per Rescriptum = *Consulendum Sanctissimo pro assignatione scutorum 200. pro qualibet* = Hoc ipsum accidit in *Firmana Subsidiorum Dotalium 12. Maii 1759.* Quamvis enim vocatae essent ad subsidium dotale Puellae = *native di Morrovalle* = interrogati tamen Eminentissimi Patres, an etiam Puellae ex advenis parentibus, vel alio domicilium transferentes admitti deberent, responderunt = *Affirmative.*

Plurimum tandem urget Baro Alexander exemplum Savonensis Familiae Gavotti, quae ipso annuente, viginti annorum cumulum ex dotalibus subsidiiis Julia obtinuit. Idem modo sibi licere contendit ex subsidiis Joannis Stephani, ne ad imparia judicetur, contra praeceptum *Textus in Cap. In Judiciis de Reg. Jur. in 6.* Maxime, quia Julius Gavotti, qui Savonensem Familiam repraesentat, dum consensum a Barone Angelo ejus patre pro eo cumulo postulavit, in epistola addidit = *che nel modo medesimo, con cui si sostiene per detta mia Sorella, lo potrà chiunque di voi altri, che avrà Figli, ottenere.*

Præ omnibus altera ex parte Savonenses, & Januenses movent Gavotti, opus esse Baroni Alexandro, juxta ipsam Dubii formulam, derogatione voluntatis Joannis Stephani, ut petitum subsidium obtineat. Alia autem ex causa derogari nequeunt defunctorum voluntates, quam *justa, & necessaria*, ut statuit *Sacrum Concilium Trident. sess. 22. cap. 6. de Reform.*, vel etiam publica, ut censet *Covarr. variar. resol. lib. 3. cap. 6. num. 7.* Talem non esse, inquiunt, causam dotandi Filias Baronis Alexandri, quum *privatum* respiciat ejus commodum, quod Sac. hæc

Congregatio neglexit in Romana diei 24. Martii elapsi anni,

Maxime quia enixè prohibuit Testator nubentibus in Domino, & in sæculo majus subsidium scutorum 400. Sic de prioribus Puellis = *con questo però, che di questo suo annuo reddito non si possa dare più di scudi 400. per Zitella da monacarsi* = Et sic de posterioribus = *solo si assigni a tal Zitella da maritarsi l'entrata di un anno, e non più* = In his sane terminis, inquiunt exteri Gavotti, quum clausula illa = *e non più* = removeat Testatoris consensum ab actu, eo magis derogationem impedit voluntatis Pignatell. Consult. Canon. 149. num. 11. tom. 4. Accedit dissensus, & contradictio eorundem de Gayottis, qui collatores sunt dotium: ipsorum insuper præjudicium, quia id controversum subsidium absumeret, quod in defectum Puellarum Familiæ, & Savonæ in augmentum capitalis ex voluntate Testatoris converti debet: & grave tandem præjudicium pauperum Puellarum Savonen- sium, quæ licet in specie sint incertæ, certæ tamen sunt in genere. Lædere autem non solet Summus Pontifex, nisi ex publica causa jus Tertii, Amostaz. de Caus. Piis lib. 1. cap. 14. num. 8., Pignatell. Consult. Canon. 149. num. 5. tom. 4.

Vocationem præterea impugnant Filiarum Baronis Alexandri in Urbe commorantium, ob volitum in Dotandis Savonense domicilium, verbis illis = *abitanti in Savona* = Neque eos turbat sive argumentum a discretiva, sive asserita originis demonstratio. Ex hoc namque, quod domicilii qualitatem voluerit Testator in Puellis, quæ meliorem eligerent Monasticum statum, a fortiori eam voluisse censetur in eis, quæ nubere in sæculo, argumento ducto a majori ad minus. Ad demonstrandum vero, quod in vocandis Puellis = *abitanti in Savona* = loquutus fuerit Testator *taxative*, ut Savonensem scilicet Familiam ab aliis emigratis distingueret, probant ex Instrumento emptionis venditionis, longe ante Angelum Dominicum Gavotti, anno scilicet 1610., lares in Urbe constituisse Laurentium. Exemplo tandem esse non posse ajunt cumulum dotium, ab ipsorum altero obtentum, eo quod cecidit gratia super dotalia subsidia Jullæ Gavotti, cujus dispositio diversa est ab altera Joannis Stephani secundum præmissa utriusque verba.

His igitur perpensis, respondere placeat.

An sit consulendum Sanctissimo pro derogatione voluntatis

Jo. Stephani Gavotti sen. ad effectum assignandi subsidia dotalia Camille, & Mariæ Gavotti, a quo tempore, & in qua quantitate in casu &c.

Negative.

Sess. 24. cap. 1.
de Reform. Matrim.

EUGUBINA VISITATIONIS SACRORUM LIM-
NUM. Refert Eugubinus Episcopus, quod præte-
ritis non multum elapsis mensibus dubium coram me exci-
tatum fuit, an Matrimoniis Famularum, assistere debeant
Parochi, in quorum Parochia Puellæ famulatum præ-
stant, vel il, intra quorum Parochiæ fines earum Paren-
tes suum habent domicilium. Parochi in contrarias scin-
duntur opiniones. Vetus & numquam interrupta consue-
tudo in Eugubina Civitate fuit, ut a Parocho illius Paræ-
ciæ, in qua famulatum præstant, conjungerentur; præ-
sertim nunquam refragante Parocho paterni domicilii. Et
re vera in Cathedralis Ecclesiæ Matrimoniorum libro plu-
ra extant exempla usque ab anno 1555. documentum,
quod biscentenariam consuetudinem exhiberet. Qui vero
contrariam tenent opinionem, asserunt, Matrimonium
celebrandum esse coram proprio Parocho, qui alius esse
non potest, nisi Parochus domus paternæ, ea freti ratio-
ne, quod Famulæ, cum sponsalia contraxerunt, ad pa-
ternas remittuntur domos & ad hanc dirimendam quæ-
stionem, quid sibi faciendum sit, ab EE. Vestris pos-
tulat.

Contrahi quidem debet matrimonium coram proprio Pa-
rocho ex dispositione Sac. Concilii Tridentini sess. 24.
cap. 1. de Reform. Matrim., Parocho scilicet illius loci,
in quo contrahentes habent domicilium, Pont. de Ma-
trim. lib. 5. cap. 13. num. 2. Sanch. eod. tract. lib. 3. di-
spat. 24. num. 2. Sed quæstio est de proprio Puellarum
in famulatu existentium domicilio, utrum illud nempè
sit Domini, vel alterum Parentum. Sacra Episcopo-
rum, & Regularium Congregatio decrevit, Puellas
existentes in Monasteriis reverti debere post datam ma-
trimonii fidem ad domos Parentum (quod in more etiam
est apud Eugubinos quoad Famulas) & sic in loco proprii
Do-

Domicilii constitutæ, procul dubio ad Matrimonium ineundum Parocho uti debent, cujus ditioni paterna ædes adscita judicabitur, ut referendo Illius Decretum, in hæc verba concludit Benedictus XIV. Instit. Eccles. 33. num. 15. tom. 10. Clarus vero idem Pontifex statuit ibidem n. 16., quod si Puella, quæ matrimonii fidem præstitit, in alia Parochia domicilium non habeat, tunc Parochus, quem primo loco nominavimus (Monasterii scilicet, vel Domini) Puellam in matrimonium conjunget. Sin autem paternum, maternum, vel fraterum domicilium habebit, tunc Parochus, cui domicilium idem subijcitur, pro conficiendo matrimonio præsens assistet = memoratque Statutum Cleri Romani cap. 3. §. 21., in quo decernitur = Familiares, & Famulos Cardinalium, seu aliorum Principum, & Prælatorum, nec non aliorum quorumcumque, qui habent domum, & familiam in alia Parochia, ad illam pertinere.

Benedictinæ Institutioni, & Cleri Romani Statuto consentanea est Urbis consuetudo, quæ = veluti in conspectu ipsius Sedis Apostolicæ inducta, habetur pro Lege in universo Orbe, & normam Episcopis, aliisque inferioribus Prælatibus tribuit = ut monet Rot. in Majoricen. Parochialis de Manacor. 2. Julii 1708., ac tradunt Ursaya discept. 6. num. 165. tom. 1. part. 1., Ferrar. verb. Matrimonium. num. 218., & seqq. Contraria quidem Eugubii viget biscentenaria observantia, cujus notissima est virtus, illudque animadversione dignum, quod nulla ante Benedictinam Institutionem erat Lex, quæ de Famularum Parocho decerneret. Centenaria autem observantia = Pro jure, & Lege in iis, quæ non ex scripto descendunt observari solet = per Text. in Leg. 32. ff. de Legib. Ponderandum tamen, an Benedictina Institutio, quæ Bononiensem respicit Civitatem, & Diæcesim, jus faciat universale. Si accipienda esset pro Lege, Eugubinam fortasse consuetudinem lædere posset. Non raro enim Sacra hæc Congregatio similes consuetudines ex nova Lege neglexit, ac præsertim in Illerden. 28. Maii 1785. Proposito enim Dubio = An standum sit decreto Episcopi, in Sac. Visitatione posito, statuente, quod matrimonia benedicantur a propriis Parochis, quorum est matrimonii interesse, an vero consuetudini immemorabili de benedicendis matrimoniis a solo Parocho Cathedralis = respondit = Affirmative ad primam partem, negative ad secundam, & amplius.

Quæritur ergo,

An Matrimonii Famularum assistere debeat Parochus domicilii paterni, seu potius alter, in cujus Parœcia Puellæ famulatum præstant in casu &c.

Non proposita cum sequentibus.

*Sess. 14. cap. 7.
de R eform.*

GERUNTINA DISPENSATIONIS AB IRREGULARITATE. Dum mense Januario anni 1782. Sacerdos Cajetanus Falbo, Collegiatæ Ecclesiæ Cacurri Canonicus, licetæ vacabat, & ab ipso Episcopo permittæ venationi, universos sinistræ manus digitos ex ignæ ballistæ disruptione amisit. EE. Vestras modo exorat pro dispensatione a contracta irregularitate. De bonis ejus moribus, gravique paupertate plures alii testantur Canonici, Parochus, & Publici Terræ Cacurri Officiales. Experimento constat, eum *bene se gessisse, idoneumque repertum tam in cæremoniis, quam in omnibus aliis Sacrificii functionibus, præcipue ab initio Canonis usque ad sumptinem nihil indecens commisisse.* Omniaque in testimoniabilibus Literis Geruntinus Vicarius Capitularis confirmans, ita concludit = *Quapropter, si videbitur Eñis & Rñis Cardinalibus Sac. Congregationis Concilii, possunt dispensationis gratiam eidem Sacerdoti impertiri.*

Irregularis dubio procul est Sacerdos, cui altera abscissa est manus, vel ad faciendum Sacrum inepta, *ex Cap. Presbyterum 2. de Cleric. ægrotan. vel debilitat.*, rei que gravitate, & decentia quandoque Sacra hæc Coogregatio dispensationem denegavit, *ut in Augustana Irregularitatis 19. Decembris 1772., & in Abellinen. Irregularitatis 7. Julii 1770.* Non desunt tamen in durioribus terminis hujusce dispensationis exempla. In *Consentina diei 13. Junii 1725.* remissa fuit arbitrio Ordinarii dispensatio Sacerdotis Bernardini Lopez, licet flexibilitatem in dextero brachio amisisset. In *Placentina 1. Februarii 1766.*, inter supplices Libellos relata, concessa pariter fuit dispensatio Sacerdoti, qui ejusdem brachii usum ex vulnere amiserat; *ut lib. Decret. 116. pag. 50.* Eademque nuper *ad sex menses* elargita est dispensatio pauperi Parocho, qui accidentalem sinistri brachii jacturam fecit, *in Burgi S. Sepulcri 7. Julii elapsi anni.*

Ad EE. igitur Vestras pertinet decernere, num similem mereatur gratiam Sacerdos Falbo, qui sinistræ tantum manus digitis caret: bonis præditus est moribus, jugiterque Choro, & Sacris functionibus interest: gravilaborat egestate, neque ex tenui Canonicatus fructu par est alendæ grandævæ ejus Matri, Fratriæ Viduæ, Sororibus, Nepotibusque: ac moralem tandem, Magistri Cæremoniarum & Vicarii Capitularis testimonio, dat certitudinem, quod Sacrificii functiones sine periculo, & scandalo expleat. Respondere igitur dignentur.

An sit consulendum Sanctissimo pro dispensatione in casu &c.

TOLENTINA MISSÆ CONVENTUALIS. Jamdiu inter Priorem, & Canonicos Collegiatæ Ecclesiæ S. Jacobi Tolentini disputatum primo loco fuit Dubium = *An, quomodo, & quibus diebus in Ecclesia Collegiata S. Jacobi Tolentini celebrari debeat Missa cantata = prodiitque die 26. Maii 1739. Rescriptum = celebrandam esse juxta Decretum Visitationis anni 1727. = Hoc autem erat Decretum = Episcopus visitavit Chorum, & posuit punctaturas, scilicet pro Festis solemnioribus juliorum duorum pro Missa cantata, & Choro pro quolibet Canonico; Festis autem currentibus Julii unius. Mandavit etiam fieri hebdomadarium incipien. a Canonico antiquiori, & in Festis inobilibus cantari Missam per D. Priorem = Ob non factam in hoc Decreto inservientium Ministrorum mentionem, contendere ceperunt hodierni Canonici, canendam cum illis esse Missam solemnioribus Festis, integrumque eorum emolumentum per Priorem solvi debere. Qua de re Sacerdos Maro Pompilj hodiernus Prior EE. Vestras exorat, ut = in coerenza ed esecuzione del d. Rescritto (anni 1739.) si degnino confermare, non essere atto obbligatorio il canto delle dette Messe co' Ministri, e molto meno essere l'Oratore obbligato a provvedere i detti Ministri, ed altra occorrente per le Messe solenni.*

Juri, ait Episcopus, consona & rationabilis mihi videtur Oratoris instantia, Nullibi siquidem reperitur scriptum, ut ad essentiam Collegiatæ Missa cum Ministris celebrari necesse sit; nullum in facto apparet foundationis institutum, quo Prior ad id adigatur; nulla denique in eadem Colle-
giata

*Sess. 24. cap. 12.
de Reform.*

giata urget inveterata consuetudo, quæ id expostulet perne-
cesse. Urgent immo contra Canonicorum Decretum hujus
Sacri Tribunalis, quod favore Prioris anno 1739. emana-
navit, tum depositiones Testium, quæ non dicam possibilem,
sed nec idealem adstruunt consuetudinem. Optandum equi-
dem esset, non inficior, ut ad decorem Functionum Eccle-
siasticarum plurimi inservientes advocarentur, sed quæ de-
coris sunt, non evadunt necessitatis, nec important perpe-
tuam servitutem in Priore, qui commendari plurimum
poterit, sed non cogi. His delibatis, iterum crederem, quod
Oratoris votis possint EE. Vestræ indulgere = De utraque
Oratoris instantia sub infra scriptis agitur Dubiis.

Immemorabilem Canonici allegant consuetudinem canendi
solemnioribus Festis Missam cum Ministris, eamque de-
sumunt ex antiqua Visitatione anni 1663., in qua re-
quisiti Capitulares ab Episcopo de operibus Chori, re-
sponderunt = *ex consuetudine quolibet die festo de præce-
pto Missam cantari collegialiter, sed sine Ministris: die-
bus autem solemnioribus cum Ministris, seu paratam, nec
non Vesperas* = Juris etiam addunt dispositionem, ex qua
cani debere affirmant Missam conventualem cum Diacono,
& Subdiacono, & ad hoc probandum, resolutiones memorant Sacrae hujus Congregationis in Acerra-
rum 23. Augusti 1727., & in Salernitana 27. Septem-
bris 1732. Quærebatur in una sub vigesimo secundo Du-
bio = *An sustineatur Edictum Episcopi, quo sub eadem
pæna (suspensionis) præcipitur, ut Epistola in Missa Con-
ventuali canatur ab uno ex Canonicis Choro inservienti-
bus, seu potius sit servanda consuetudo canendi d. Episto-
lam per Clericum inservientem Celebranti* = & Sacra Con-
gregatio respondit = *Missam Conventualem esse canendam
cum Diacono, & Subdiacono deleta pæna* = Quærebatur
in altera sub Dubio 14 = *An singulis diebus celebranda sit
Missæ conventualis cum omnibus solemnitatibus* = & re-
scripsit = *Affirmative.*

Hæc Prior ad assertam consuetudinem in facto. Ab anno
inquit, 1421., quo Ecclesia S. Jacobi erecta fuit in Prio-
ratus, tres ei ministrabant Sacerdotes, Prior nempe,
& Coadjutores duo, quorum numerus, ob Animarum
præsertim curam, non patiebatur, ut solemnem cane-
rent Missam cum Ministris. Audito hinc Sacerdotum
numero, conversus est Prioratus, non erectione,
sed nomine in Collegiatam, utroque ex devotione ce-
lebrari cepit Missa conventualis cum cantu. Quod au-
tem, subdit, initio fuit voluntatis, fieri non potuit ne-
cessi-

cessitatis ex simplici Capitularium assertione in Visitatione anni 1663. Maxime quia consuetudo, de qua mentionem fecerunt, commode intelligi potest de voluntario usu post inductum Collegiatæ nomen, & quia majori ex parte Canonici ministrare nequeunt Celebranti, quum canonicales eorum Præbendæ, duobus exceptis antiquioribus, sint clericales, ut definitivè Sacra Rota in *Tolentina Præminentiarum* 12. Februarii 1748. coram *clar. mem. Card. Bussio*. Qua de causa simplex mandatus fuit Missæ cantus in Visitatione anni 1727., Decretumque probavit anno 1739. Sacra hæc Congregatio. Assumpti quandoque fuerunt in Celebrantis ministros exteri Sacerdotes, sed ex mera voluntate Priorum, qui quandoque etiam, Testium dicto, huiusmodi ministerium interdixerunt. Nec per centenariam autem legitima in facultativis induci valet consuetudo *Text. in Cap. fin. de Consuetud. in sexto, Bellett. Disquisit. Clerical. part. 1. §. 3. n. 35., & Sac. Congregatio in Placentina* 13. Septembris 1777. ad tertium Dubium.

Observat quoque ex Jure, Ministrorum assistentiam Missæ conventuali, in Ecclesia dumtaxat Cathedrali, vel Collegiata, quæ Sacerdotales habet Præbendas, requiri, *Gavant. part. 2. tit. 2. pag. 75. Pignatell. consult. 91. num. 1. tom. 4.* non item in Collegiata impropria, & nominis, in qua clericales tantum sunt Præbendæ, *Suar. in tertiam part. disput. 87. sect. 1. tom. 3. Pasqualig. de Saccific. nov. Leg. quæst. 884. num. 5. Fargn. de Jure patr. part. 5. can. 1. cap. 1. num. 14.* In augmentum de cetero Divini Cultus, & majorem Ecclesiæ S. Jacobi decorem, contribuere spondet Prior in Ministrorum stipendium, si in id etiam Canonici pro eorum rata concurrant; de qua re sub secundo quæritur Dubio.

Ne ad huiusmodi contributionem adigantur, ex pluribus Testibus probant Canonici, nullum sibi jus in Collegiata Ecclesia, præter canonicales Præbendas, & Stalium in Choro, ejusque administrationem cum universis Reditibus, & emolumentis spectare ad Priorem. Cujus ergo, ajunt, est honor, esse debet & onus, ac unus idcirco Prior Sacras subministrare tenetur supellectiles, thus, cereos, aliaque pro Divinis Officiis, Sacrisque Functionibus necessaria, Huic oneri nedum præteritos, sed hodiernum etiam Priorem satisfecisse affirmant. Assumere enim consueverunt in Missis, & Vesperis solemnioribus Ministros, eosque stipendii loco participes face-

facere emolumentorum funerum. Non inficiatur Prior Ecclesiae regimen cum perceptione Redituum; haud inde tamen inferri posse auctoritat, quod unus Ministrorum onus ferre cogatur. Rector sane est Ecclesiae, sed prima simul Capituli Dignitas; & uti talis in solidum cum reliquis Canonicis ad sumptus Missae conventualis tenetur ex *Constitutione Benedicti XIV.*, quae incipit = *Cum semper oblatas* = la 103. tom. 1. , & Sac. Congregationis resolutione in *Asculana* 20. Januarii 1735. Et quamvis Prioratus Reditus pinguioribus sint canonicalibus Praebendis, gravatur tamen Prior oneribus pauperum, & Curæ.

Dubia sunt.

I. *An, & quomodo sit exequendum Rescriptum 26. Martii 1739 quoad celebrationem Missae cum cantu solemnioribus Festis in casu &c.*

Et quatenus affirmative pro ejus cantu cum Ministris.

II. *An, & a quibus solvendum sit dd. Ministrorum stipendium in casu &c.*

*Die Sabbathi 24. Maii 1788. in Pala-
tio Apostolico Vaticano erit Sacra Con-
gregatio Concilij, in qua præter alia
proponentur infra scripta Dubia, juxta
morem ejusdem Sacræ Congregationis
de jure resolvenda.*

**EUGUBINA VISITATIONIS SACRORUM LIM-
NUM.**

*Sess. 24. cap. 1.
de Reform. Ma-
trim.*

*An Matrimoniis Familiarum assistere debeat Parochus domi-
cillii paterni, seu potius alter, in cujus Parœcia Puel-
læ famulatum præstant in casu &c.*

Episcopus per Decretum jubeat, ut matrimonii
Puellarum, quæ famulatum Eugubii præstant,
assistat Parochus domicillii paterni, materni, fra-
terni ejusdem Puellæ, quatenus illud habeant in
eadem Civitate, si non habeant, assistat Paro-
chus domicillii, in quo degunt, quatenus in ea-
dem Civitate matrimonium contrahant.

**GERUNTINA DISPENSATIONIS AB IRREGU-
LARITATE.**

*Sess. 14. cap. 7.
de Reform.*

An sit consulendum Sanctissimo pro dispensatione in casu &c.

Affirmative, dummodo celebretur hora à Populo mi-
nus frequentata.

TOLentina MISSÆ CONVENTUALIS:

*Sess. 24. cap. 12.
de Reform.*

*An, & quomodo sit exequendum Rescriptum 26. Mar-
tii 1739. quoad celebrationem Missæ cum cantu solem-
nioribus Festis in casu &c.*

Tom. LVII.

I

Et

Et quatenus affirmative pro ejus cantu cum Ministris
 II. *An, & a quibus solvendum sit dd. Ministrorum stipendium in casu &c.*

Dilata, & scribatur Episcopo juxta mentem, & mens est, quod referat, quot sunt Canonici in Ecclesia Collegiata S. Jacobi, quæ Præbendæ Sacerdotales, & quæ clericales, quot sint Reditus Prioris & singulorum Canonicorum, & qualis annuus fructus ex distributionibus quotidianis, qui annuatim a singulis percipiuntur; referat pariter de consuetudine enunciata in Visitatione anni 1663 & an recenti tempore Missæ in diebus saltem solemnioribus cantatæ fuerint cum assistentia Ministrorum, & quoniam illi fuerint, an Canonici, vel alii Ministri exteri, & cujus sumptibus,

*Sess. 24. cap. 12.
 de Reform.*

SUTRINA. Hac Eminentissimi Patres supersedere censuerunt Causa, donec omnia ad ejus definitionem necessaria innotescerent. Duplici enim in Congregatione diei 21. Aprilis elapsi anni proposito dubio, I. *An, & quomodo Beneficiati Ecclesiæ S. Andreæ teneantur præstare eidem Ecclesiæ servitium per hebdomadam.* II. *An iidem Beneficiati participes esse debeant emolumentorum funerum, & Missarum, quæ dictæ Ecclesiæ offeruntur, & Rector ejusdem Ecclesiæ cogatur eos privative vocare pro exequiis defunctorum* = rescripserunt = Dilata, & scribatur Episcopo juxta instructionem, nempe quod transmittat Bullas erectionis, sin minus foundationis, nec non referat, an dicti Beneficiati unum Collegium constituent, communi utantur sigillo, massam communem habeant, & de aliis signis collegialitatis prout de Jure, & de qualitate servitii per hebdomadam ab Oratoribus præstiti.

Mandatis obsequens, Episcopus refert = Beneficiatos unacum Rectore ita Collegium constituere, ut quum funeribus, aliisque Sacris Functionibus celebrandis opus fuerit, simul congregentur. Cæterum communi carent sigillo, massamque communem nullam habent, præter funerum emolumenta, quibus exigendis, ac dividendis ex ipsis aliquis quotannis destinatur per secreta suffragia sub Cameraarii nomine. Hebdomale servitium jam pridem præstiterunt ad formam Decreti Episcopi Silvestri, sed modo non præstant. Collegialitatis vero signum nullum adest, & de ere-

*erectione , vel fundatione haud constat , quamvis exquisi-
tiores adhibitæ fuerint diligentiae .*

Ex rationibus igitur deductis in Folio 21. Aprilis superioris
anni , iterum quæritur .

- I. *An ; & quomodo Beneficiati Ecclesiæ S. Andreæ tenean-
tur præstare eidem Ecclesiæ servitium per hebdomadam in
casu &c.*
- II. *An iidem Beneficiati participes esse debeant emolumento-
rum funerum , & Missarum , quæ dictæ Ecclesiæ offe-
runtur , & Rector ejusdem Ecclesiæ cogatur eos priva-
tive vocare pro exequiis defunctorum in casu &c.*

Dilata , & scribatur Episcopo juxta mentem .

VITERBIEN. REDUCTIONIS , & SUSPENSIO-
NIS ONERUM . Obtinuerunt primum Centum-
cellarum Doctrinariæ reductionem onerum , quibus tan-
quam heredes Agathæ Malacrosta gravantur. Proposito
enim die 8. Maii 1784. dubio = *An , & quomodo sit lo-
cus reductioni* = Sacra hæc Congregatio respondit = *Af-
firmative juxta votum Vicarii Capitularis* = Nedum dein-
de ulteriorem reductionem , sed illorum etiam suspen-
sionem ad reparandas hereditarias domos postularunt ,
acriterque hac de re adversus eos certante Societate
Confalonis ejusdem Civitatis pro prætenſa substitutionis
purificatione , disputatum fuit in Congr. diei 16. Decem-
bris 1786. Dubium = *An , & quomodo sit standum , vel rece-
dendum a decis* sub die 8. Maii 1784. , seu potius sit locus sub-
stitutioni Societatis Confalonis Centumcellarum = prodiitque
rescriptum = *Quoad primam partem dilata , & Eminen-
tissimus Episcopus statim mandet confici peritiam super re-
stitutione Domorum hereditatis Malacrostæ , & ad tra-
mites ejusdem peritiæ , prævia Edictorum affixione , deli-
beret redemptori operis , & deinde eligat Peritum ratioeci-
natorem , qui conficiat statum activum , & passivum ejus-
dem hereditatis . Et quoad secundam negative in om-
nibus .*

*Sess. 22. cap. 6.
de Reform.*

Neque id Doctrinariis arridet . Damnosam asserunt here-
ditati deliberationem operis minori oblatori . Asportari
enim in Centumcellas solent lateres , & muralis terra
nuncupata *Pozzolana* ab Urbe , nilque , inquit , veri-
similius , quam quod ad majus captandum lucrum , gra-
viora in eorum locum saxa , aridamque Faber murarius

substituatur arenam. Huic malo occurri posse fatentur per deputationem Præfæcti, vulgo *soprafiante*, sed eos terret sumptus, & collusionis periculum cum Fabro. Supplicanti ergo, ut permittatur opus conductitiis Fabris sub directione Josephi Guasco architecti, qui peritiam confecit. Hoc insuper petunt, ut liceat sibi proprio eorum Collegii nomine, & sumptu secundam construere contignationem in altero ex hæreditariis ædificiis, cujus opus æstimat Peritus in scutis 641. 83. $\frac{1}{2}$, ac in tota operis impensa comprehendit, precibusque Eminentissimus favet Episcopus in hæc verba = *Existimarem, non deveniendum esse ad Edictorum publicationem propter ejusdem Collegii utilitatem. Nam ob causas in precibus expressas, ad ædium restorationem recurrendum dumtaxat operæ pretium duco ad peritiam architecti Josephi Guasco, quam in actis meæ Curie juratam exhibuit.*

Reparationum sumptum constituiebant Doctrinarii in scutis 2000. Eum modo evehit architectus Guasco ad scuta 4463. Alia his addit scuta 2263. pro novis operibus, quæ in majorem proponit utilitatem, integramque statuit expensarum summam in scutis 6726. Tres sunt hereditariæ Agathæ Malacrosta ædes; cursualium nempe equorum diversorium, seu *Osteria della Posta*, conductitia domus e conspectu Ecclesiæ S. Mariæ, & altera *al Vico detto dell' Archetto*. Singularum reparationes, & addimenta describit Guascus in peritia, ac novissima ejus *appendice*, distinctisque diagrammatibus. Hæc ego coram EE. Vestris proferam, illas Doctrinarii circumferent impressas. Quid ille in *appendice* præsertim, seu declaratione peritiæ referat, innuam.

Genericam eorum, quæ ad reparationem, & ampliacionem ædium requiruntur, mentionem facit, assueta cujusque operis omissa dimensione, & æstimatione, Pro necessariis diversorii reparationibus summam præscribit scutorum 2863., eamque absque novis operibus infructiferam affirmat, quum ædificii comoda non augetet. Pro novis operibus vero, pro secunda scilicet contignatione quam suo nomine, & sumptu construere flagitant Doctrinarii, separatoque sænili, alia requiritur scuta 1653., quæ proprium, & dd. scutorum 2863. fructum redderent, annumque Reditum a scutis 110. ad scuta 400., ad rationem scutorum 9. in singula centum augerent. Ad reparandam rursus domum e conspectu Ecclesiæ S. Mariæ necessariam autumat summam scutorum 1400., quæ absque

ul.

ulteriori sumptu scutorum 450. pro novis additamentis nullum quoque parerent fructuum, Reditumque simul annum a scutis 79. 40. ad scuta 140. ad rationem scutorum 8. in singula centum accrescerent. Sumptus denique, concludit, reparationis tertiæ domus *al Vicolo dell' Archetto*, scutorum esset 200., novisque additis operibus, scutorum 360., quæ annuam pensionem scutorum 9. 60. ad scuta 36. ad rationem scutorum decem pro quolibet centenariio attollerent. Hæc in summa est periti Guasco relatio,

Plura tamen ponderanda, *Primo* scilicet, an deferendum sit uni Guasco, *generice* de reparationibus, & meliorationibus loquenti, seu alter potius in gravi Pii Operis sumptu deputandus sit Peritus, qui accuratius referat. *Secundo*, an ex præmissis Doctrinariorum rationibus interverti debeat Sacræ hujus Congregationis praxis de deliberandis hujusmodi operibus minori oblato. *Ac tertio* demum, an concedenda sit iisdem Doctrinariis facultas ædificandi proprio sumptu, & nomine secundam diversorii contignationem, ut inferioris ædificii beneficio annum sibi ex alieno fundo constituent Reditum scutorum 9. in singula centum juxta relationem Periti, vel tribui potius debeat hujusmodi lucrum Pio operi, cuius est diversorium.

Dignentur itaque EE. Vestræ decernere.

An, & quomodo sit standum, vel recedendum a decisis sub die 16. Decembris 1786., quoad primam Dubii partem in casu &c.

Dilata, & scribatur Episcopo juxta mentem,

FIRMANA. Jamdiu Clemens VIII. ineunte anno 1591. Parochialem Ecclesiam S. Pauli Civitatis novæ in Collegiatam erexit. In primam ejus Dignitatem cum actuali Animarum cura designavit Archipresbyterum, qui cum Canonicis octo Capitulum constituerent. Quatuor his addidit Beneficiatos, ac binos Clericos, distinctosque singulis assignavit Reditus; annua scilicet scuta centum Archipresbytero *ultra incerta*; cuilibet Canonico quadraginta; Beneficiato triginta; Clerico viginti. Quidquid autem

*Sess. 21. cap. 7.
& Sess. 23. cap. 1. de Reform.*

autem ex assignatis Reditibus pro tempore excrevisset, vel superesset, dividi mandavit = inter Canonicos, & Beneficiatos prædictos proportionabiliter, & pro rata. Capitulo deinde addixit Benedictus XIII. universa B. Virginis Misericordiæ bona in quotidianas distributiones. Idem de bonis suppressæ Ecclesiæ Animarum purgantium fecit Firmanus Archiepiscopus Borgia = demptis prius scutis viginti singulis annis tribuendis alicui ex Canonici, qui Archipresbyterum coadiuvet in cura Animarum, Auctoque demum Animarum numero, alterum hodiernus Archiepiscopus, Capituli sumptu, Coadjutorem, dedit Archipresbytero.

Parochialem ab erectione Collegiatæ non habuerunt Domum Archipresbyteri. Orta igitur hac de re, & super augmento congruæ, aliisque extrajudiciali quæstione inter hodiernum Archipresbyterum Aloysium de Angelis, & Capitulum, exequi adversus illum fecerunt Canonici coram A. C. Monitorium jact. jact. super executione Bullæ erectionis. Auctoritatem contra imploravit Archipresbyter Sacræ Congregationis, precibusque Firmano Antistiti pro Informatione, audito Capitulo, remissis, mutatæ sunt Canoniorum voluntates. Capitulariter enim congregati approbarunt die 11. Augusti 1786. jam dispositas conventiones, quod tradi scilicet deberent Archipresbytero ædes juxta Ecclesiam, ac Pluviale, & Velum humerarium pro Functionibus parochialibus, exemptusque esset ab annua præstatione scutorum quinque pro distributione candelarum in Festo Purificationis Deiparæ, aliorumque scutorum 2. pro oleo lampadis. Hæc omnia tamen ad illius vitam. Consulente hinc Archiepiscopo, aliud die 7. sequentis Septembris actum est Capitulum, deliberatumque fuit de perpetua. dd. conventionum observantia = *A condizione però, che per iscarsare appunto qualunque altra controversia, o litigio, e pretesione, che si potesse avere da qualsivoglia altro futuro Arciprete, debba non solo di questo concordato farsene formare Istromento fra Noi, ed il presente Signor Arciprete, accettando l'espresso concordato anche a nome de suoi Successori colla generale rinuncia ad ogni altra pretesione, ma inoltre riportarne l'approvazione . . . dalla Sede Apostolica.*

Utriusque Capitularis resolutionis approbationem ab EE. Vestris postularunt Canonici, eorumque petitioni indulgendum censuit Archiepiscopus, hæc addens = *Ex hujusmodi concordia aliquod levamen eidem Archipresbytero*

*certissime comparatur, qui sane ab annua impensa num-
morum septem, & a locatione domus liberatus, non tam
ægre Capellanium, qui ei vicariam præstet operam, po-
terit retinere. Sed ita censerem approbari posse concor-
diam, ut manutentio domus quod expensas magnas ad
Capitulares (quorum est Cura habitualis) pertineat sem-
per, & correspondiva jurium cessio, quam favore Capituli
absolvit Archipresbyter, non trahatur ad jura usque nunc
incognita, & quæ in posterum possent aliunde insurgere.
Præsertim vero firmum remaneat penes Capitulares ipsos
onus retinendi alium Capellanium, qui eundem Archi-
presbyterum in Animarum cura adjuvet = Mutato deinde
consilio, tres approbationi concordiae resisterunt Cano-
nici, Coadjutores duo, totidemque Clerici. Res igitur
EE. Vestrarum judicio sub infrascripto proponitur
Dubio,*

*Illegitimas dicunt Canonici resolutiones capitulares, de qui-
bus agitur, ob neglectos in celebratione utriusque Capi-
tuli Beneficiatos, & Clericos. Quum enim per assigna-
tionem domus, onerumque lampadis, & ceræ assumptio-
nem, iis etiam capitularis massa decreveret, deliberari
idcirco non potuisse contendunt per unum Capitulum de
re ad singulos uti singulos spectante, Card. de Luc. de
Decim. disc. 3. num. 61. Urceol. de Transact. quæst. 32.
num. fin. Plus æquo insuper indultum inquit Archipre-
sbytero congrue proviso. Ultra annua siquidem scuta-
centum, in Clementina Constitutione assignata, quoti-
dianas percipit distributiones, quæ ab anno 1781. inclu-
sive, quo Archipresbyteratum obtinuit, ad elapsum an-
num 1787., summam attigerunt scutor. 521. 35., seu
scutorum 74. 50. in singulos annos, & in congruam de
Jure imputantur Piton. discept. eccles. 46. num. 9. His ac-
cedunt emolumenta Stolæ, quæ ad unum spectare asse-
runt Archipresbyterum, ac veluti in genere certa,
congruam augent, Piton. d. discept. 46. num. 2..*

*Si per duplex igitur sæculum satis Archipresbyteris fuit hu-
jusmodi congrua, & graves ipsis non fuerunt conductio
domus, candelarum distributio, & lampadis manutentio,
nulla, concludunt, est ratio, cur hodiernus Archipresbyter
post eandem acceptam congruam, pluriumque annorum
silentium, de ea modo ad obtinendam domum, onerum-
que levamen queratur, Barbos. vot. decis. 124. num. 63.
& Rot. in Recen. dec. 232. num. 1. part. 2., idque ei con-
cedatur, quo ipsius Decessores per biscentenariam non
indiguerunt, quodque magis est, cum gravi incommodo*

Capituli, cui præter ordinaria Collectarum, Cathedra-
tici, passivorum censuum, & similia onera, extraordina-
ria imminet fatiscientis Ecclesiæ impenſa. Parochus enim
congrue proviſus, vel parochialem domum ære ſuo con-
ſtruere, vel in Paræcia conducere tenetur, *Ferrar. in*
Bibliot. legal. verb. Parochus art. 2. num. 14.

Neque æſtimandum eſſe ajunt Canonici, quod præ frequen-
tia Populi pluribus Archipreſbyter indigeat Adjutoribus
pro recta Animarum cura. Quandoquidem uno excepto,
quem ſuo alit ſumptu, alii duo ex providentia Benedicti
XIII., & hodierni Antiftitis Firmani ſunt Coadjutores,
qui eum in Animarum cura adjuvant, congruam non mi-
nuunt. Juſtam pariter concedendæ domus cauſam non
arbitrantur reſeſſum a lite. Hæc namque inſtituta fuerat
a Capitulo per expeditionem Monitorii coram A.C., nec
tale ex præmiſſis dici poterat juſ Archipreſbyteri, ut ſpem
obtinendæ Cauſæ, juſtamque tranſigendi rationem ha-
beret, *Valeran. de Tranſact. tit. 2. queſt. 3. num. 1.*
Quatenus vero approbandæ eſſent reſolutiones capitula-
res, eo tantum ad illarum executionem cogendos eſſe
ſuſtinent, qui in deliberationem convenerunt, non
item illos, qui contrarium tulerunt ſuffragium, man-
datumque Procuræ ad eam impugnandam dederunt; quum
deterior ex unius factio fieri non debeat alterius conditio,
Text. in Leg. Nemo debet ff. de reg. Jur.

Hæc vero Archipreſbyter. Omnia, inquit, in contro-
verſis reſolutionibus ſervata fuerunt ſolemnia, convoca-
tio nempe Capituli, Capitularium fere omnium inter-
ventus (fuerunt enim ſeptem) & majoris partis conſen-
ſus. de quibus *Cloſſ. in Clementin. Ut iis de ætat. & qua-
lit. Cleric.* Utraque ergo cenſeri debet canonica, ſed po-
ſterior diei 7. Septembris 1786. præferenda; quum in
iſs, quæ voluntatis ſunt, poſteriora derogent priori-
bus, *ad Text. in Leg. Sed & poſteriores ff. de Le-
gib., & in Leg. Pacta noviffima Cod. de Pact.*
Neceſſariam autem quoad Parochialem domum affirmat
Capituli providentiam, eo quod præ maxima conducti-
ciarum ædium difficultate = *va di tanto in tanto mendican-
do l'albergo con ſcandolo univerſale, e con diſdoro di que-
ſta Patria* = ut localis teſtatur Magiſtratus, pluresque alii
affirmant Teſtes, maximumque ex hoc Animabus præju-
dicium, dum nonnulli Parochiani = *nei caſi improvviſi muo-
lono ſenza i neceſſarj Sagramenti* =. Nec mirum, quod
tanto ejus Deceſſores tempore de Parochiali domo ſolliciti
non

non fuerint ; nam fere omnes , ad ejus differentiam , fuerunt Cives , propriisque domibus instructi .

Iusta se provisum negat congrua , vixque in jurato suo calculo annua sibi , detractis oneribus , superesse asserit scuta quinquaginta , quæ paria non sunt congruæ ejus sustentationi in repræsentantia Parochi , & primæ Dignitatis Capituli , gravibusque , quibus subest laboribus in ampla sex millium Animarum cura , elque idcirco invidendum non esse ait tenue compendium scutorum circiter viginti , quod per assignationem domus , levemque exonerationem a contributione candelarum , & olei pro lampade , in singulos annos consequeretur . Maxime , quia in ejus corresponsivitate amplissimam emittere teneretur renunciationem = *ad ogni altra pretesione* = quam ex hoc capite fovere posset . Univit Benedictus XIII. *Mensæ Capitulari , illiusque Capitulo , & Canonicis , ac Beneficiatis* bona omnia Societatis Misericordiæ , quæ valoris modo sunt scutorum 10270. = *ut ex præfatis , ac præsentibus ipsius Mensæ Capitularis respectivè bonis præbendæ Canonicatum , & Beneficia Beneficiatus , & Clericatus proportionabiliter in fructibus augeantur* = Comprehensus autem non fuit in divisione hujusmodi bonorum Archipresbyter , licet prima Capituli Dignitas , integrique eorum fructus partiti fuerunt inter Canonicos , & Beneficiatos , quorum singulis assignata etiam fuit = *una domus habitabilis sita intra Terram* = . Suam ergo , inquit Archipræsbyter , prætereundum posset portionem , ei que corresponsivè renunciaturus erit . Secum tamen reputent Emi Patres , num Canonorum , Beneficiatorum , & Clericorum nomine comprehendere voluerit Benedictus XIII. Archipresbyterum , & num jus ei sit impugnandi divisionem *quinquaginta* annorum spatio observatam . Nilque referre contendit , quod non omnes Capitulares in resolutionem diei 7. Septembris convenerint . Ubi enim Transactio utilis est universis , qualem ipse ex corresponsiva dd. iurium renunciatione eam autumat , de qua est quæstio , tunc paucorum dissensus , veluti irrationabilis , a legitima Potestate suppletur , *Text. in Cap. Ad audientiam in fin. de Eccles. æ lifican. , Gonzal. ad reg. 8. Cancell. Gloss. 47. num. 37.* Orat postremo pro approbatione resolutionis juxta Votum Archiepiscopi , paratus tamen ad indefinitam renunciationem , si ita EE. Vestris placeat , parumque sibi interesse concludit , a quibus exequenda sit , dummodo exequatur .

Dubium.

An, & quæ resolutio Capitularis sit approbanda, & quomodo, & a quibus sit exequenda in casu &c.

Non proposita cum sequentibus.

Sess. 22. Decret. de observ. , & evitan. in celebrat. Miss , & Sess. 25. cap. 4. de Reform.

CERVIEN. Usufructuariam Joannes Fabri heredem. scripsit anno 1440. uxorem ejus Albinam, proprietarium Altare S. Sebastiani, quod in Collegiata S. Petri Massæ Fiscalæ Ecclesia extruxerat. Electionem Presbyteri, qui Sacra in eo, aliaque omnia cum Canonicis Divina Officia solemnioribus Festis in Ecclesia perageret, Officialibus mandavit Societatis B. M. Virginis de Consortio, quorum Sacrarium sub invocatione SS. Annuntiatæ eidem adhæret Ecclesiæ. Onera insuper Capellano imposuit faciendi Sodalium arbitrio Sacra in Cappella de Consortio, residendi in Oppido Massæ, manutendi hereditaria bona, & apparamenta Calicis, & commodandi dicto Consortio dicta paramenta Altaris S. Sebastiani, casu quo non essent ad Altare bo. mem. Virginis de Consortio, ipsisque Consortii Officialibus in executores testamentarios designatis, bonorum omnium inventarium post suum, & Uxoris obitum confici mandavit.

Devastatum alterum Societas acquisivit Altare in Ecclesia, illudque sub invocatione SS. Conceptionis, Beatæque Virg. Consortii titulo refecit anno 1620. Receptus deinde fuit Capellanus S. Sebastiani in Canonicum, & nulla ad exitum decimi septimi sæculi de Sacrorum celebratione in Sacrario Societatis contentio fuit. Anno tandem 1704. ceperunt hac de re inter Canonicum Capellanum Franciscum Bonasium, & Societatem jurgia, mandavitque Cervienfis Episcopus Ricamontius per decretum Sacræ Visitationis = *per Rectorem prædictum continuari in celebratione Missarum ad tenorem ejus obligationis in Oratorio B. M. Virginis de Consortio omnibus diebus festivis, & inserviendi in Functionibus festivis spectantibus ad d. Societatem* = Aliter initio se gessit clericus Hipolytus Casoni, Bonasini successor, ultroque ad annum 1719. , tum ante susceptum Sacerdotium per Substitutum, cum post per se ipsum, Divina omnia in Sacrario Consortii celebravit. Quum id vero deinde

negligeret, judiciali opus fuit Vicarii Generalis Cerviæ præcepto, cui decretum accessit Episcopi Spreti in Sac. Visitatione. Per alium saltem celebrare tentavit; sed instituta supersedit lite, & ad annum 1748., quo decessit, mandatis paruit.

Acriores ad hæc tempora fuerunt contentiones cum tertio Capellano Ambrosio Caloni. Onus primum excutere contendit sub Episcopo Pizzolanti; sed metu pænæ obolorum quinquaginta pro qualibet omissione, assueta munia ad annum 1765. in Sacrario explevit. Iterum eo anno in Jus venit coram Vicario Generali, iterumque post passam executionem mandati pro pæna, aliquot annis obtemperavit. Certamen tertio renovavit sub hodierno Episcopo Donati, reque anno 1768. in Sacra Visitatione discussa, per concordiam declaravit = *velle omnia peragere ad prædictam formam foundationis* = confirmavitque Episcopus = *omnia Decreta præcedentia facta a nostris Prædecessoribus*. Causam hoc non obstante restituit anno 1786., sed prævia confirmatione decretorum Pizzolanti, & Donati, damnatus a Vicario Generali fuit I. ad celebrandam = *sive per se, sive per alium Missam pro commoditate Confratrum sub pæna juliorum decem pro qualibet deficientia*. II. ad explendas = *omnes Sacras Functiones in dicto Oratorio ad placitum d. Societatis*. III. ad tradenda = *Sacra Paramenta, & Calicem dictæ Societati toties quoties eidem placebit, sub pæna juliorum decem pro qualibet deficientia*. IV. ad impetrandum Societatis assensum in locationibus ad longum tempus, permutationibus, contractibusque emphyteuticis bonorum Beneficil. V. ad conficiendum eorundem bonorum inventarium. Et VI. demum ad solvendas omissionum pænas.

Hisce gravatus decretis, Sacram adiit Congregationem, requisitusque notat Episcopus = *quod enunciatus Caloni non sine industria præterit in sua expositione verba Testatoris, ibi = Si placuerit Societati Consortii. . quod Presbyter, qui fuerit ductus. . teneatur officiare Cappellam B. Mariæ de Consortio = Quæ quidem verba non abs re meos Prædecessores, meque ipsum in prima hujus meæ Diœcesis Visitatione in Sententiam adduxerunt autumandi, Testatorem nomine Cappellæ Oratorium, quod eidem Ecclesiæ adnexum est, ab eaque ingressum habet, innuere voluisse; eo magis quia ita ab immemorabili ratum exercitumque fuisse docebatur. Quam meam profecto, meorumque Prædecessorum sententiam ratam habuisse, eique acquievis-*

*se eundem Casoni innuit decretum tunc a me prolatum ,
ibi = Unde ipse D. Canonicus quievit , & declaravit , se
velle omnia peragere = quod itidem ex industria idem Ca-
soni præterire curavit = Atque hinc concludit = nihil in-
novandum esse , si ita Eñis , & Sapientissimis Patribus vi-
sum fuerit = Ut omnia autem ab EE. Vestris statuuntur ,
quæ incumbere possunt Capellano ex Testamento , am-
pliatae sunt per infrascripta Dubia quæstiones .*

PRIMA omnium celebrationem respicit Missæ in Sacrario .
Suum Casonus cohibere studet ministerium ad Altare
Consortii in Collegiata Ecclesia , idque ex eo desumit ,
quod juxta authenticam Testamenti copiam ab ipso pro-
ductam , onus Testator imposuit celebrationis Missæ in
Cappella B. Mariæ de Consortio , *si placebit Societati
Consortii B. M. V. de Consortio de dicta* , seu ut ipse in-
terpretatur , *de dicta Ecclesia* , in qua olim Sodales facie-
bant Sacra . Contemplari immo non potuisse , ait , Alta-
re Sacrarii , utpote extructum anno 1687. longe post Te-
stamentum ex cæmeterio , producitque ad hoc proban-
dum Testes , quorum alii tamen non de constructione
Sacrarii in loco cæmeterii , sed de illius testantur exitu =
al publico Piazzale , che anni sono era cimiterio = , alter
vidisse asserit anno 1777. , in nova Sacræ Mensæ con-
structione ex marmore , præexistentem inscriptionem
anni 1687. , quasi eo primum anno extructum fuisset Sa-
crarii Altare . Sub aliorum Testium fide , & ex Inscriptio-
ne Altaris Ecclesiæ , nempe = *Hoc opus lapsu temporis
devastatum , a Confraternitate Consortii SSinæ Domini
Matri Virgini Mariæ jam dicatum , ad hanc formam re-
ductum fuit anno salutis 1620.* = majorem ostentat illius
antiquitatem . Præsumptam addit Testatoris voluntatem ,
qui celebrationem Missæ festivæ , arbitrio Societatis com-
missam , voluisse potius censetur in Altari Ecclesiæ , in
quo reliqua omnia Divina Officia , singulis præsertim
sabbathis celebrari consueverant , eamque potius vo-
luisse in Ecclesia , in qua sepultum est ejus cadaver . Con-
trariam postremo observantiam , de qua in enarratione
facti , ignorantia tribuit Testamenti , & iterata Episco-
porum decreta , veluti contraria foundationi , con-
temnit .

Literam Societas opponit Testamenti , in quo usus non fuit
Testator simplici Altaris Consortii nomine , sed latiori
altero Cappellæ , quod Sacrario potius convenit , *Rot-
cor. Olivat. decis. 239. num. 20. , & 21.* Alteramque ad
hoc comprobandum exhibet authenticam pariter Testa-
ment

menti copiam, in qua mentio non fit Societatis Consortii *de dicta* (Ecclesia) sed *de dicta Terra*, licet verbum *Terra* leviter obumbratum sit superimposito atramento. Hæc sunt integræ dispositionis verba = *Iussit d. Testator, quod si placebit Societati Consortii B. M. V. de Consortio de dicta Terra, quod Presbyter, qui ductus fuerit ad officium dictum suum Altare, quod teneatur officiare Cappellam B. V. Mariæ de Consortio =* Visitationum addit Decreta, Resjudicatas, observantiam, quæ non parum ad interpretandam Testatoris voluntatem conferunt, quod demandando scilicet Sacrorum celebrationem in Cappella B. V. Mariæ de Consortio, Cappellam respexerit Sacrarii, ab Altari Ecclesiæ distinctam. Maxime, quia præcipua erga Societatem fuit ejus voluntas; omnemque ei Pii Operis administrationem permisit. Quæ agere Cappellanus deberet in Sacrario ex verbis illis = *teneatur officiare Cappellam B. V. Mariæ de Consortio =* in SECUNDO quæritur Dubio. Universas ei Societas tribuere contendit Sacrarii Functiones, ordinarias scilicet, & extraordinarias Supplicationes, Novitiorum vestitiones, Confratrum funera, Sacrarumque Reliquiarum expositiones. Hac, inquit, de causa mandavit Testator, ut eligeretur *Præbyter idoneus, & sufficiens ad officium*, qui omnes nempe Sacerdotales Functiones explere valeret, eademque ratione usus non est simplici *celebrationis* verbo, sed latiori altero *officiare*. Præ omnibus vero observantiam urget, & decreta, quorum iterum, atque iterum memini. Notandum contra rogat Capellanus, in eodem sensu accipiendum esse ejus ministerium quoad Cappellam B. Mariæ de Consortio, ac demandatum est quoad Ecclesiam. In hac autem tenetur dumtaxat = *una cum aliis Canonicis Collegiæ S. Petri dicere, & celebrare omnia Divina officia =* ad quæ non pertinere ait Supplicationes, ceterasque Functiones, quæ præter Sacra, Divinumque psalmorum cantum, a Societate fiunt; Bellarm. lib. 1. de bon. oper.

TERTIUM succedit Dubium de celebratione Missæ in Sacrario *per se ipsum*. Ita explendam esse autumat Societas ob residentialem Beneficii qualitatem, Covarr. var. resol. cap. 13. num. 3.; & observantiam, quam hic etiam memorat. Negat Capellanus, quia expressum non est in Testamento onus celebrandi *per se ipsum*, Fagnan. in Cap. Conquerentem de Cleric. non residen. num. 66., & quia
non

non defunt *Doctores*, qui in Beneficiis etiam residentialibus facultatem tribuunt celebrandi per alium, *Nicol. Lucogr. Can. lib. 3. tit. 41. num. 18., Monacell. formul. legal. part. 2. tit. 15. num. 17.*

Ex eodem residentialis onere Capellanum cogere nititur Societas, juxta QUARTUM Dubium, ad celebranda per se ipsum ad Altare S. Sebastiani Divina Officia Festis principalibus, aliisque diebus, quibus ea non agit in Sacrario. Restringendum contra ait Capellanus hujusmodi onus ad Festos principales ex verbis illis Testamenti = *deputent unum Presbyterum, qui sit idoneus, & sufficiens ad officium Altare S. Sebastiani, qui & una cum Canonicis dictae Ecclesiae Collegiatae S. Petri sit obligatus dicere, & celebrare omnia Divina Officia, quae erunt dicenda in dicta Ecclesia in Festis principalibus* = iterumque pro libertate contendit celebrandi dicta Officia per alium.

Sacrarium Supellectilium commodatum postulat sub QUINTO Dubio Societas ex literali Testatoris praecepto. Conditionem defecisse sustinet Capellanus, sub qua demandatum fuit, nempe = *casu, quo non essent (paramenta) ad Altare B.M. Virginis de Consortio* = Quorumdam enim Sodalium testimonio = *la Compagnia è provveduta di sacri apparamenti a sufficienza per ogni bisogno.* = Deficiente siquidem dispositionis conditione, & ipsa deficit dispositio, *Fagnan. in lib. 3. Decretal. Cap. Prudentes num. 14. de donat.*

Paucis agunt Litigantes de pænis sub SEXTO. Neglexit profecto Capellanus executionem decretorum Episcopi, demandatam omittendo Divinorum celebrationem in Sacrario, sed contumaciam excusat ex justa renuendi causa, ex volito nempe per Testatorem ministerio ad unum, ut ipse censet, Altare B. Mariae de Consortio in Ecclesia. Si hoc erit in resolutione primi Dubii EE. Vestrarum judicium, prodesse poterit excusatio, *Polit. de verb. obligat. quæst. 10. disert. 9. num. 10. tom. 4.* Si aliter decernerent, inobedientia non vacaret culpa, ex qua debetur pænna, *Fagnan. in lib. 3. Decretal. Cap. Si quis num. 52. de Regular.*

Solicitus non est Capellanus de SEPTIMO, eo quod nec distraxit unquam, nec distrahturus erit bona Beneficii. Ex perpetua de cetero Officialium designatione in executores testamentarios, veritam arbitratur Societas absque ejus consensu dictorum Bonorum permutationem, locatio-

nem ad longum tempus, emphyteusim. Possibiles autem huiusmodi contractuum casus exigunt, ut decernatur, num præter Apostolicum Beneplacitum, de quo in *Extravag. Ambitosæ de reb. Eccles. non alien. in sexto*, necessarium etiam sit Societatis assensus.

Ut ad refectionem bonorum Beneficii Capellanum compellat, urget OCTAVO Societas præceptum Testatoris = *quod Presbyter, qui ductus fuerit, teneatur manutene- omnes terras, vineas, prata, & pasculos* = ac dispositionem Juris, ex qua ad huiusmodi manutentionem tenentur Beneficiati, *Card. de Luc. de Benefic. discurs. 184. num. 13.* Paratum contra se dicit Casonus ad simplicem manutentionem, de qua loquitur Testator, ad novas scilicet in locum demortuarum subrogandas arbores, & vites, non item ad refectionem Ædium, quæ absque sua culpa in pessum iverunt, vel ibunt, quum Beneficiatus uno onere gravatus, ab altero liberatus censeatur, *Lotter. de re benefic. lib. 2. quæst. 8. num. 61., Polit. de Jur. repatr. disert. 3. num. 31. tom. 5.*

Deliberandum NONO de confectioe inventarii, ejusque sumptibus. Neutrum sibi, & Beneficio incumbere, ait Capellanus, quum inventarium imperaverit Testator primo dumtaxat mortis suæ tempore in hæc verba = *Iussit Testator, quod post ipsius Testatoris mortem fiat unum inventarium de omnibus bonis, & quod Commissarii sui teneant dictum inventarium* = Beneficio, reponit Societas, conducit, ut ejus bona, quorum nullum est inventarium, ex integro describantur, ne quid ex incom- pto illorum statu detrimenti capiat. Fieri autem debere contendit huiusmodi descriptionem sumptibus Beneficii, cujus in utilitatem vergit.

His omnibus igitur perpenſis respondere dignentur Eñi Pa- tres.

I. *An Beneficiatus Altaris S. Sebastiani erecti in Ecclesia Col- legiata Terræ Massæ Fiscaleæ teneatur officiare, & ce- lebrare Sacrum in Cappella B. M. Virginis Consortii in Oratorio dictæ Ecclesiæ ad placitum ejus Confratrum; seu potius ad Altare B. M. Virginis Consortii existens in di- ctâ Ecclesia Collegiata in casu &c.*

II. *An idem Beneficiatus teneatur intervenire supplicationibus ordinariis, & extraordinariis, vestitionibus Novitio- rum, tumulationi Confratrum, & expositionibus pu- blicis Sacrarum Reliquiarum faciendis in dicto Oratorio, & Cappella in casu &c.*

An

- III. *An teneatur officiare , & celebrare Sacrum in dicta Cappella , ac intervenire ut supra in Oratorio per se ipsum , vel per alium in casu &c.*
- IV. *An teneatur officiare Altare S. Sebastiani Festis principalibus , aliisque diebus , in quibus Confratres dictæ Societatis Consortii non solent agere Divina Officia , & Functiones pariter per se ipsum , vel per alium in casu &c.*
- V. *An teneatur commodare Paramenta Sacra , & Calicem Altaris S. Sebastiani dictæ Ven. Societati Consortii ad omnem requisitionem Confratrum ejusdem in casu &c.*
- VI. *An Beneficiatus supradictus incidit in pœnas contentas in decreto , seu decretis Cerviensis Episcopi Pizzolanti in casu &c.*
- VII. *An licitum sit eidem Beneficiato permutare , locare ad longum tempus , vel in emphyteusim dare bona dicti Beneficii S. Sebastiani sine Beneplacito Apostolico , vel Sac. Congregationis , & irrequisitis Confratribus Commissariis in casu &c.*
- VIII. *An Beneficiatus supradictus teneatur reficere bona dicti Beneficii in casu &c.*
- IX. *An sit locus confectioni Inventarii bonorum , & jurium spectantium ad d. Beneficium S. Sebastiani , & cujus sumptibus confici debeat in casu &c.*

CALLIEN. SUBSIDIORUM DOTALIUM QUOAD
TERTIUM DUBIUM. Tria erant hujus Causæ Du- *Sess. 22. cap. 6.*
de Reform.

bia. Respiciebat *primum* facultatem Conservatorum Societatis S. Mariæ Misericordiæ Callii quoad distributionem subsidiorum dotalium in genere : Assignmentem Dotis Puellæ Biscaccianti *secundum* : Sumptus litis *tertium*, ita conceptum = *An, & cujus sumptibus conficiendæ sint expensæ litis in casu &c.* = Quælin Congregatione diei 15. Decembris 1787. fuerint *primi*, & *secundæ* resolutiones, non oportet hic memorare. De una enim agitur resolutione *tertiæ*, quæ fuit = *Affirmative propriis sumptibus Conservatorum*, qui *liti* consenserunt. Ex hac porro ratione recessum flagitant Conservatores *a decisis*, quod Societatis deduxerint jura *tanquam Rei*, coactique ab Episcopo, qui in executionem Rescripti 6. Maii 1786. = *Episcopo pro informatione. & voto, auditis, iidemque præfixo termino ad deducendum jura sua in Sac. Congregatione* = terminum ipsis præscripsit unius mensis = *a doverci dedurre qualche ragione esclusiva del ricorso* = Num satis vero fuisset hisce obtemperare mandatis, & Societatis jura coram Episcopo potius quam Sacra Congregatione deducere, & num privatam potius, quam Societatis Causam egerint Conservatores, ex jam degustatis illius meritis EE. Vestræ decernent. Ponderandum tamen, quod in sequelam demandatæ productionis jurium *in Sacra Congregatione* permessa fuit Societati defensio.

Quæritur ergo.

An sit standum, vel recedendum a decisis quoad tertium Dubium in casu &c.

Sess. 22. cap. 6.
de Reformatione

PARMEN. . Heredem scripsit anno 1733. Sacerdos Petrus Maria Bosi Collegium Doctorum Theologiae Civitatis Parmae cum onere praesertim celebrandi in quacunque Ecclesia die 4. Decembris cujusque anni Festum S. Bernardi Episcopi, & Protectoris = *fin tanto che, con il cumulo delli redditi di d. Eredità detto Collegio avrà comprato un sito in questa Città di Parma, o pure a minor spesa di d. Eredità si prevalga di una casa di ragione della medesima Eredità, se quella sarà abile e capace a formare un' Oratorio, quale dovraſſi o nell'uno, o nell'altro modo erigere, e quella dedicare a d. S. Bernardo nel quale Oratorio dovrà d. Collegio poscia in perpetuo celebrare, e solennizzare la sudd. Festa con la Messa cantata, intervento dello stesso Collegio &c. come così d. Testatore ha gravato, e grava il sud. Collegio a fare tutto ciò al più presto, che sia possibile = eique in casu inadimplementi Episcopalem mensam substituit.*

Non multo post annum 1739. , quo Testator decessit, extructum fuit Oratorii aedificium; sed praë illius angustia, in diversum Bibliothecae, & Congregationum usum conversum est, & in altera ex parochialibus Ecclesiis Civitatis celebratum ad haec tempora fuit Festum. Semper tamen animo novum aedificium agitarunt Theologi, & ex annuis hereditariis fructibus, qui omnibus detractis oneribus, scutorum sunt 600., cumulum fecerunt sc. 2000., reliqua in ampliandam bibliothecam, in dotes, & elemosynas erogata summa. Mutato deinde consilio, EE. Vestris supplicavit Collegium pro facultate subrogandi in locum novi Oratorii decentem aliquam alterius Ecclesiae Cappellam, ejusque petitioni ex hoc potissimum favit Episcopus, quod = Civitas isthaec Ecclesiis, & Oratoriis plus etiam satis est ornata; quodque = unicum Festum S. Bernardi in d. Oratorio ex Testatoris voluntate celebrandum est, ac per consequens integri anni fluxu relatum Oratorium nulli prorsus usui esset.

Ut omnia vero ad deliberandum cognoscerent, novam EE. Vestrae imperarunt informationem, ut referret nempe Episcopus = convocato Capitulo per secreta suffragia de ejus consensu quoad substitutionem Mensae Episcopalis, & de consensu Rectoris Ecclesiae, omniumque interesse habentium quoad Altare designandum = Secundo igitur Parmensis Antistes refert, novum Divi Bernardi Altare non arripere Capitulo, ne rei novitate motus, divertat Populus ab Ecclesia Cathedrali, in qua ejusdem Sancti Festum celebratur, consensum contra praestitisse Rectorem Ecclesiae

clesiæ S. Andreæ Apostoli, in qua Altare illud designatum est. In animadversionibus Partium, quas informationi inseruit, notanda potissimum sunt Capituli vota = *ut tota æris summa, quæ ex hæreditatis fructibus annuatim obvenientibus in Oratorii constructione fuerat congerenda, Sacelli Cathedralis nostræ, ad quod Divi Bernardi Sacra Lispaua adservantur, commodo atque utilitati impendatur* = Hoc non obstante, primam informationem confirmat Episcopus, & hæc addit in secunda = *minime*, inquit, *verendum est, ob petitam ab Oratoribus extruccionem Altaris, Divo Bernardo dicandi, imminuendum esse ejus cultum, & Populi affluentiam ad sæpedictum Sacellum Ecclesiæ Cathedralis.*

Oratorum petitioni expressa resistit Juris dispositio. Quidquid enim Testatores in pios usus destinarunt, *fideliter & plenarie in usus prædictos expendi debet*, ex Gregoriana Constitutione in *Cap. Tua nobis 17. de Testam.* Potissimum si ædificationem mandaverint Ecclesiæ, quæ inter præcipua religionis, & pietatis opera numeratur, *Barbos. de Jur. Eccles. lib. 2. de Eccles. ædifican. cap. 2. num. 1. Anostaz. de Caus. piis lib. 5. cap. 1. num. 1.* Commutari quidem valent eorum voluntates, sed *ex juxta, & necessaria causa*, ut statuit *Sac. Concilium Tridentinum Sess. 22. cap. 6. de Reformat.*, siue etiam *publica*, ad monitum *Divi Bernardi Abbatis lib. 3. cap. 4. de considerat. ad Eug. Pap.*, quem sequitur *Fagnan. in Cap. Nimis sub num. 6. de Fil. Presbyt.*

Res igitur in nostro themate a causis pendet commutandi Oratorium in Cappellam, tales ne sint, ut a Canonicis Sanctionibus recedatur. Jam eas habent Eñi Patres ex facto, suaque prudentia deliberare poterunt de necessitate construendi novum Oratorium, quod *integri anni fluxu* [excepto Divi Bernardi Festo] *nulli prorsus usui esset*; illudque in Civitate, quæ *Ecclesiis, & Oratoriis plus etiam satis est ornata*. Addi etiam posset, quod parcere cupit Theologorum Collegium impensæ Oratorii, ut redundantes hereditatis fructus in eleemosynas, doctores, aliaque pia opera a Testatore præscripta converterat. Notandum insuper ex Testamento, quod novum omnino non præscribitur Oratorium, sed in altera quoque ex hereditariis domibus permittitur. Levis autem commutatio a consecranda domo ad Sacram Ecclesiæ S. Andreæ Cappellam. Consensus tandem accedit, & approbatio Episcopi, cujus Mensa substituta est Collegio, si piam Testatoris voluntatem non adimpleat.

Iusta ne sit contradictio Capituli ob diminutionem cultus ad alterum Ecclesiæ Cathedralis Altare, de qua contra opinionem Episcopi timet, EE. Vestræ decernent. Consideranda tamen ejus petitio, ut = *tota æris summa, quæ ex hereditatis fructibus in Oratorii constructione fuerat congerenda, Sacello Cathedralis nostræ commoda, atque utilitati impendatur.* Non absurda enim videri posset hujusmodi applicatio, si demandatum Theologis Festum in eodem permetteret Sacello. At nulla, inquiunt Theologi, pauperibus utilitas, si totum id, quod in novum impendi deberet Oratorium, ad simplex quærendum jus celebrandi annum Festum in alieno Sacello impenderetur. Longe siquidem minori sumptu dominalum acquirerent Cappellæ in Ecclesia S. Andreæ.

Deliberare igitur dignentur Emi Patres.

An, & quomodo sit consulendum SSmo pro commutatione voluntatis in casu &c.

Die Sabbathi 7. Junii 1788. in Palatio Apostolico Vaticano erit Sacra Congregatio Concilij, in qua, præter alia, proponentur infra scripta Dubia, juxta morem ejusdem Sacræ Congregationis de jure resolvenda.

QUatuor hic ex præcedenti Folio diei 24. Maii decidendæ proponuntur Causæ. Reliquarum speciem habent Eminentissimi Patres ex præsentibus.

FIRMANA,

An, & quæ resolutio Capitularis sit approbanda, & quomodo, & a quibus sit exequenda in casu &c.

Sess. 21. cap. 7., & Sess. 23. cap. 1. de Reform.

Approbandam esse resolutionem diei 7. Septembris 1786. juxta votum Archiepiscopi.

CERVIEN.

I. *An Beneficiatus Altaris S. Sebastiani erecti in Ecclesia Collegiata Terræ Massæ Fiscalæ teneatur officiare, & celebrare Sacrum in Cappella B. M. Virginis Consortii in Oratorio dictæ Ecclesiæ ad placitum ejus Confratrum; seu potius ad Altare B. M. Virginis Consortii existens in dicta Ecclesia Collegiata in casu &c.*

Sess. 22. Decret. de observ., & evitan. in celebrat. Miss., & Sess. 25. cap. 4. de Reform.

II. *An idem Beneficiatus teneatur intervenire supplicationibus ordinariis, & extraordinariis, vestitionibus Novitiorum, tumulationi Confratrum, & expositionibus publicis Sacrarum Reliquiarum faciendis in dicto Oratorio, & Cappella in casu &c.*

III. *An teneatur officiare, & celebrare Sacrum in dicta Cappella, ac intervenire ut supra in Oratorio per se ipsum, vel per alium in casu &c.*

IV. *An teneatur officiare Altare S. Sebastiani Festis principalibus, aliisque diebus, in quibus Confratres dictæ Societatis Consortii non solent agere Divina Officia, & Functiones pariter per se ipsum, vel per alium in casu &c.*

V. *An teneatur commodare Paramenta Sacra, & Calicem Alta-*

Altaris S. Sebastiani dictæ Ven. Societati Consortii ad omnem requisitionem Confratrum ejusdem in casu &c.

VI. *An Beneficiatus supradictus incidit in pœnas contentas in decreto, seu decretis Cerviensis Episcopi Pizzolanti in casu &c.*

VII. *An licitum sit eidem Beneficiato permutare, locare ad longum tempus, vel in emphyte usum dare bona dicti Beneficii S. Sebastiani sine Beneplacito Apostolico, vel Sac. Congregationis, & irrequisitis Confratribus Commissariis in casu &c.*

VIII. *An Beneficiatus supradictus teneatur reficere bona dicti Beneficii in casu &c.*

IX. *An sit locus confectiori Inventarii bonorum, & jurium spectantium ad d. Beneficium S. Sebastiani, & cujus sumptibus confici debeat in casu &c.*

Ad I. Affirmative ad primam partem, negative ad secundam. & amplius.

Ad II. Affirmative in omnibus.

Ad III. Negative ad primam partem, affirmative ad secundam, & amplius.

Ad IV. Affirmative ad formam Testamenti, etiam per alium, & amplius.

Ad V. Affirmative in casu necessitatis, & amplius.

Ad VI. Affirmative, sed pro Gratia absolvendum, & amplius.

Ad VII. Negative in omnibus, & amplius.

Ad VIII. Affirmative a die adeptæ Possessionis.

Ad IX. Affirmative ad formam Testamenti sumptibus Beneficii, & amplius.

*Sess. 22. cap. 6.
de Reform.*

CALLIEN. SUBSIDIORUM DOTALIUM QUOAD TERTIUM DUBIUM.

An sit standum, vel recedendum a decisis quoad tertium Dubium in casu &c.

In decisis, & amplius.

*Sess. 22. cap. 6.
de Reform.*

PARMEN.

An, & quomodo sit consulendum SSmo pro commutatione voluntatis in casu &c.

Affirmative juxta Votum Episcopi.

ROMANA SUBSIDII DOTALIS. Assignavit Paulus Paganini mense Februario 1620., cessitque in tot Locis Montium Archiconfraternitati SS. Annuntiatae Urbis scuta triginta millia cum onere erogandi post ejus obitum fructus in spirituales dotes scutorum 100. pro qualibet, vel etiam temporales, si Puellae in Domino nubescentes deficerent. Cessionem hanc confirmavit mense Augusto ejusdem anni *irrevocabilmente*, rogavitque Officiales Societatis, ut nominationem permitterent ejus pronepti Magdalenae Paganini nuptae Theodosio de Rubeis, deindeque illius Filiae natu majori = *di due Zitelle l'anno per monacare, o maritare* = In postremis demum Tabulis praescriptis anno 1623. = *che la Signora Maddalena sua pronipote, moglie del Signor Teodosio Rossi, ed il detto Signor Teodosio mentre vivono, e dopo di essi li loro Figlioli, Eredi, e Successori, tanto maschi, come femine in infinito, possino nominare ogni anno la metà delle Zitelle per monacarsi, o maritarsi con dote di scudi 100. per ciascheduna.*

Orta, eo defuncto, inter Societatem, & Magdalenam de viribus cessionis, & Testamenti quaestione, res anno 1624. composita fuit per Transactionem, cumulateque exequuta est pii Cedentis, & Testatoris voluntas. Aliae deinde aliis de causis sub annos 1632., & 1636. initae fuerunt Concordiae, ratumque habuerunt Collatores dotium respectivum eorum jus nominandi Puellas pro medietate. Perpetuo autem subsidio fuit descendentibus faeminis Magdalenae pium Legatum. Plures enim a Clemente IX., Clemente X., Clemente XI., Innocentio XIII., aliisque Romanis Pontificibus impetrarunt dotium cumulos, ad summam quandoque scutorum trium, & quatuor millium. Num ex una vero ipsarum medietate, vel ex altera etiam Societatis, non constat. Acris tamen in id contentio fuit anno 1748. inter quatuor Filias, binasque Philippi de Rubeis Neptes, & Societatem, ac duo praeceteris in hac Sacra Congregatione disputata fuerunt Dubia, tertium nempe = *An in casu, quo dicta subsidia (reservata descendentibus Magdalenae) non sufficiant pro alimentis, & dotibus dd. Virginum de Rubeis, quae sunt in numero sex, eisdem providendum sit pro supplemento ex altera medietate eorundem subsidiorum, quae distribuuntur a Ven. Archiconfraternitate SS. Annuntiatae Urbis* = & quartum = *An dd. Virginibus assignanda sint dd. subsidia, quae ut supra distribuuntur ab eadem Archi-*

Sess. 22. cap. 6.
de Reform.

chiconfraternitate, & in qua summa pro earum qualibet = .
 Re igitur in strenuo Partiam conflictu discussa, prodit
 die 30. Martii rescriptum = *Ad III. , & IV. affirmative*
juxta mentem .

Quæ fuerit mens , colligitur ex confirmatoria resolutione
 diei 3. Augusti ejusdem anni ; quod præstari scilicet de-
 berent = *alimenta in scutis tribus mensstruis pro qualibet ,*
subsidia vero dotalia juxta earum statum , & præsentem
canditionem , ita tamen , ut nubentes in Domino , nubant
extra Urbem , & ad Eñum Præfectum pro executione = .
 Quæ vero in executionem hujusce rescripti taxata fuerit
 dotium quantitas , alter innuit ex Brevibus Clem. XIV. ,
 de quibus infra , in scutis nempe septingentis , quatenus
 in sæculo , & scutis 745. si in Domino nupissent . Hoc
 ducta exemplo , alimenta pariter , & dotem postulavit
 anno 1767. Anna de Rubeis Julii filia , obtinuitque ab
 eadem Sacra Congregatione sub die 29. Augusti mensura
 scuta quinque pro alimentis , & dotem *juxta votum Eñi*
Protektoris , in scutis videlicet 700. pro nuptiis carnali-
 bus , & scutis 745. pro spiritualibus *ex fructibus dimidiæ*
partis dotalitii Paganini ad successores respectu juris nomi-
nandi spectantis .

Eandem dotis quantitatem , & mensrua scuta 2. 50. pro
 alimentis obtinuerunt die 14. Martii 1770. a Clem. XIV.
 Ludovica , Maria Feancisca , & Anna Maria Alexandri
 de Rubeis filia , iterumque die 21. ejusdem mensis qua-
 tuor filia Geltrudis de Rubeis nuptæ Jo. Baptistæ Veri
 Manni , quas inter Maria oratrix , ac in executionem
 utriusque Pontificii Brevis demandavit sub eadem die 30.
 Eñus Cardinalis Corsinius , Societatis Protektor , præ-
 scripta subsidia = *ex medietate Legati Paganini = .* Quoties
 postremo novissimis temporibus actum est de alimentis ,
 vel ea Sacra hæc Congregatio ex medietate subsidiorum
 Societatis denegavit , ut ex resolutione diei 10. Maii 1777. ,
 vel ea ex altera dumtaxat medietate concessit , ut die 20.
 Augusti 1785.

Mense Junio 1786. soluta fuerunt Annæ Mariæ de Rubeis,
 alteri ex Filiabus Alexandri nuptæ Vincentio Gaudenzi ,
 in computum ejus Dotis scuta 521. 50. , quæ ex medie-
 tate subsidiorum , ad consanguineas Testatoris spectan-
 tium , deposita erant , Alia ad totum annum 1787. depo-
 sita sunt scuta 108. 32. , deficiuntque ad integram quanti-
 tatem scutorum 700. in Clementino Brevi præfinitam ,
 scuta 70. 18. , quæ tam cito cumulari nequeunt . Detra-
 ctis enim ex dicta subsidiorum medietate , quæ scutorum
 est

est 350. , annuis aliarum Fæminarum de Rubeis Livellis, & alimentis in summa scutorum 302. , vix Ratiocinatoris Societatis testimonio , annua supersunt scuta 48. Hoc advertens Maria Veri Manni , quæ Joanni nupsit Candelori , dotemque sibi scutorum 700. sub alterius Clementini Brevis fide constituit , EE. Vestras exoravit pro subsidaria illius solutione ex medietate dotium Societatis , Suam Eñus Protector non aperuit sententiam quoad dotem ; attento tamen bono Oratricis jure , & paupertate , capiendam esse censuit provisionem = *quod supradicta Archiconfraternitas teneatur usque ad exitum Causæ solvere eidem Oratrici annua scuta triginta ipsi jam assignata loco alimentorum a San. Mem. Clemente XIV. , quam subministrationem Oratrix usque nunc ab eadem Confraternitate recepit* = Editio hinc sub die 18. Augusti 1787. rescripto = *Ponatur in Folio , citato Defensore Archiconfraternitatis , firma interim remanente præstatione ad formam Brevis Sa. Mem. Clementis XIV. = infrascriptum concordatum est Dubium .*

Legatorum divisio inter descendentes Magdalenæ & Societatem , activum respicit jus conferendi dotes , non item passivum , quum indistincte vocatæ sint pauperes Puellæ , sive in Domino , sive in sæculo nubentes . Æquum ergo dicit Oratrix , ut tanquam consanguinea Testatoris , extraneis præferatur Puellis , suamque dotem ex medietate etiam subsidiorum Societatis consequatur , *Mantic. de conjec. lib. 8. tit. 5. num. 17. , Amostaz de Caus. piis tit. de reliq. ad pauperes num. 10. , & passim Sacra hæc Congregatio in Nullius , seu Montis Casini Distributionis Subsidiorum Dotium 24. Septembris 1729. ad l. Dubium , in Panormitana Subsidiorum Dotium 15. Januarii 1731. , & 20. Augusti 1735. , & in Romana , seu Sabinen. Subsidiorum Dotium 27. Martii 1762.* Maxime quia vocatæ sunt ad subsidia illa Puellæ incertæ , & nulli idcirco fit Injuria , *Rot. cor. Sa. Mem. Clem. XIII. decis. 227. num. 2. , & 7.* Valde tamen confidit in resolutione anni 1748. , paremque indulgentiam , ac Filix Neptesque Philippi de Rubeis , ab EE. Vestris auguratur . Addi etiam posset , quod ob tenuem quantitatem fructuum , qui detractis aliarum Consanguinearum livellis & alimentis , ex altera subsidiorum medietate quotannis supersunt , diu expectare deberet dotis suæ cumulum , & inanis quodammodo Pontificia Gratia evaderet , contra regulam *Textus in Cap. 16. de Reg. Jur. in sexto ,*

Strenue Oratrici obssistit Societas , eique dotem , & alimen-

ta ex propria subsidiorum medietate inficiatur. Alimenta, inquit, non propter dotem, sed propter obsequia debentur matrimonialia, *Hostien. in Cap. Per vestras 7. de Donat. int. Vir., & Uxor. num. 6., Boss. de Matrim. tom. 2. cap. 4. §. 1. num. 95.*, ideoque præstanda sunt a Viro, cessavitque per matrimonium Pontificia munificentia. Animadversionem tamen merentur votum Eñi Protectoris, rescriptum 18. Augusti, quo firmam voluerunt EE. Vestræ præstationem alimentorum ad formam Brevis, & concordatum Dubium, in quo de una quæritur dote. Præstandam vero non esse contendit dotem ex proprio subsidiorum semisse, quum consultum sit Consanguineis ex altera medietate, *Ursaya discept. Eccles. 2. num. 86. tom. 3. part. 2., Rot. in Nuperr. decis. 31. n. 7. tom. 4.* Potissimum, quia octavo Oratrix distat gradu a Testatore, & ad effectum, de quo agitur, censi potius debet extranea, ut Sacra hæc censuit Congregatio in *Romana Subsidiorum Dotalium 15. Decembris 1736., & in Ferrarien. Subsidiorum Dotalium 11. Januarii 1766.* Indulsi quandoque ultra quartum gradum Consanguineis, sed concurrente earum vocatione, qua destituta est Oratrix quoad portionem subsidiorum Societatis, ut in *Veliterna Subsidiorum Dotalium 8. Junii 1771.*

Ipsam deinde urget Societas Clementinum Breve, ex qua suum jus Oratrix desumit. Initio siquidem distinxit Clementinus XIV. descendantium jus a jure Societatis, dotemque deinde Oratrici, ejusque Sororibus præstari mandavit *ex prædictis Reditibus*, Ex hoc autem concludit, quod ad propria respexerit descendantium subsidia, de quibus distinctam mentionem fecerat. Idque comprobatur ex decreto executoriali, quo dotes imperavit Eñus Protector = *ex medietate pii relicti Paganini*. Resolutioni autem anni 1748. alias opponit annorum 1767. 1777. & 1785., quarum novissimæ, licet respiciant alimenta, statum a majoritate rationis faciunt quoad dotes, quum = *dotis favor provenit a Jure positivo, ille vero alimentorum descendit a Jure naturali*, ut observat *Rot. cor. Molin. dec. 1092. num. 3.* His omnibus accedit, quod dotalia Societatis subsidia destinata primum sunt Puellis in Domino nubentibus, quæ nunquam in genere deficient. Ponderandum ergo, num illorum applicatio nuptæ in sæculo derogationem saperet voluntatis.

Quæritur ergo.

An Dos sc. 700. assignata Mariæ de Rubeis Veri Manni a S. M. Clemente XIV. præstanda sit ex medietate dumtaxat

at subsidiorum dotalium Paganini, quæ distribuuntur ad nominationem heredum Magdalenæ Paganini, & Theodosii de Rubeis, seu potius in ejus defectu ex altera etiam medietate subsidiorum, quæ distribuuntur ab Archiconfraternitate SS. Annuntiatae in casu &c.

Non proposita cum sequentibus.

FERRARIEN. CAPELLANIÆ : Heredem scripsit *Sess. 25. cap. 5. de Reform.*
 Jacobus Bussi Rosam Dunelli ejus uxorem in usufructu, Posthumum, quem ex ea sperabat, in proprietate. In casu vero, quod speratus non nasceretur Filius, fiduciarium instituit Com. Jacobum Cicognara sub lege erigendi ex universa hereditate = *un Beneficio semplice nella Chiesa di Gambulaga con obbligo al Cappellano di celebrare ogni anno quel numero di Messe dovrà stabilirsi da d. Sig. Cicognara, ò suoi nell'atto di fondare d. Beneficio.* Usufructuaria absque Posthumo defuncta, Beneficium erexit anno 1748. cl. mem. Cardinalis Crescentius Ferrariensis Archiepiscopus, reservato Comitibus de Cicognara, eorumque Filiis, & Descendentibus in infinitum jure nominandi Rectorem, injunctoque eidem Rectori onere celebrandi = *ad Altare S. Josephi pro Anima Testatoris, aliorumque Defunctorum de familia Testatoris ejusdem Missas 150. in singulos annos.* Atque hinc in assignatione Fundi cautum præ ceteris sibi suisque Descendentibus voluerant Comites de jure = *di eleggere e nominare il Cappellano* = reservata Ferrariensi Archiepiscopo = *l'istituzione, e provisione rispettivamente del Sacerdote da nominarsi, qual Sacerdote debba celebrare ogni anno all'Altare di S. Giuseppe in detta Chiesa di Gambulaga Messe 150. ogni anno, cioè ogni giorno di Festa di precetto; ed il rimanente ne giorni a di lui arbitrio, e il sud. Rev. Sacerdote pro tempore dovrà celebrare le dd. Messe senza pregiudizio della Sagrestia.*

Capellaniam hactenus obtinuerunt Sacerdotes, licet alter ex ipsis celebrare consueverit Sacra per alium. Vivente adhuc Sacerdote Antonio Michelini eorum novissimo, ab hac Sacra Congregatione postulavit Com. Philippus Cicognara, ut declararetur clericalis, sibi que ad eam nominare liceret Clericum Vincentium ejus filium annorum sexdecim. Eo vero, pendente informatione Emi

Archiepiscopi defuncto, designatam nominationem explevit, censuræque Eius Antistes = *non agi hic de Capellano, qui ex Testatoris mente actu, non optitudine, ut ajunt, sit Sacerdos, omnibus iis deficientibus in hac fundatione præceptivis verbis, qualitatem sacerdotalem pol-
lentibus = ideoque = spectata qualitate Capellaniæ, ejusdemque Clerici Cicognara statui ecclesiastico vocatione, bonis moribus, nobilitate insimul generis petitam gratiam concedi posse, nisi aliter EE. Vestris videatur = De qualitate igitur Capellaniæ, viribusque nominationis sub infrascriptis quæritur Dubiis.*

Clericalem Capellaniæ qualitatem desumit Orator ex Testamento, ac erectionis decreto, in quibus mentio sit de Capellano *in genere* absque sacerdotali qualitate, eique *simplex* imponitur celebrationis onus, nullis omnino adhibitis verbis, ex quibus obligatio celebrandi per se ipsum induci solet. Capellani siquidem nomen, in simplici præsertim, de quo agitur, Beneficio, convenit etiam Clerico, *Lotter. de Re Benefic. lib. 2. quæst. 47. numer. 60. Simplex vero celebrationis onus sacerdotalem non exigit qualitatem, Card. de Luc. de Benefic. disc. 61. num. 3., disc. 96. num. 4., & 11., & in annot. ad Concil. disc. 20. num. 13., nec personale Capellani ministerium, Ferrar. in Biblioth. legal. verbo Capellania num. 20.* Aliter tamen de eodem Capellano loquuti fuerunt Comites de Cicognara in dotatione Capellaniæ. Eum porro non semel & iterum, sed tertio quoque verbo appellarunt *Sacerdotem*. Num specifica hæc demonstratio generalem vincat Testamenti, & Decreti erectionis designationem, EE. Vestræ decernent. Prætereundum vero non est, talem præsumi legem fundationis, qualem Fundator, vel ejus heres ad actum deduxit, *Piton. de contr. Patron. allegat. 42. num. 16. Convenit quidem Sacerdotis nomen simplici etiam Clerico in minoribus Ordinibus constituto, Piton. ibid. allegat. 17. num. 3., sed ubi Capellanum appellat, cui onus est celebrandi, de Sacerdote saltem intelligitur habitu, Pignatell. consult. can. 2. num. 18., & seqq. tom. 7. Amostaz. de Caus. Pius lib. 3. cap. 5. num. 3., & seqq. Ad differentiam casus, quod ipsum respiciat præsentationis, institutionis, vel collationis actum; nam tunc de Sacerdote etiam accipitur actu, Fagnan. in lib. 1. Decretal. Cap. Ut Abbates de ætat., & qualit. num. 54., & seqq., Barbos. de Jur. Eccles. lib. 3. cap. 5. num. 33., Ferrar. in Biblioth. legal. verb. Capellania num. 32., & seqq.*

Constans accedit observantia. Semper enim a die erecti omnis Capellanix præsentati ad eam fuerunt Sacerdotes. Non parum sane ad arguendam sacerdotalem Beneficii qualitatem, observantix deferunt *Card. de Luc. de Benefic. disc. 61. num. 13.*, *Constantin. vot. 306 num. 6.*, *Piton. de contro. Patron. allegat. 17. sub num. 3.* Spennendam vero autumat Orator hujusmodi observantiam veluti facultativam, ad tradita per *Garz. de Benefic. part. 7. cap. 1. num. 88.* *Lotter. de Re Benefic. lib. 2. quæst. 47. n. 28.* Eo magis, quia alter ex Capellanis celebrare consuevit per alium. Notandum contra, quod = *stat bene simul*, ut *Capellanus debeat esse Sacerdos*, & nihilominus *Missas celebrare possit per substitutum* = ut inquit *Fagnan. in Cap. Ut Abbates de ætat. & qualit. num. 60.*

Quatenus autem conveniant Eñi Patres in sacerdotalem Capellanix qualitatem, deliberandum erit, juxta secundum Dubium, de viribus præsentationis Clerici Vincentii. Obstat ejus ætas annorum 16., quum promoveri nequeat ad Sacerdotium intra annum, ut in Capellaniis habitu sacerdotalibus requiritur, *Ferrar. in Biblioth. legal. verb. Capellania num. 23.* Res alia ex parte est de Clerico descendente Jacobo Cicognara, quem Testator nuncupavit *suo amorevole*, ac de Capellania Jurispatronatus ejus Familiæ. In similibus porro terminis indulgit Sacra hæc Congregatio impuberi tresdecim annorum. Clerico in Anconitana Capellanix 12. Junii 1762.

Respondere igitur dignentur EE. Vestræ.

I. *An Capellania, de qua agitur, sit clericalis, seu potius actu, vel habitu sacerdotalis in casu &c.*

Et quare nus sit actu, vel habitu sacerdotalis.

II. *At, & quomodo sit providendum in casu &c.*

FIRMANA CAPELLANIÆ. Legavit anno 1717. *Sess. 25. cap. 5. de Reform.*
Franciscus Liberati Rectori pro tempore Parochialis
Ecclesiæ S. Nicolai Montis Georgei annum fructum
scutorum biscentum cum onere celebrandi qualibet fe-
ria

ria VI. Sacrum ad Altare S. Francisci de Paula. Heredibus vero deficientibus, integram eidem Altari reliquit hereditatem, binis aliis Parocho imperatis hebdomadalibus Sacris, prætulitque ad Capellaniam descendentes Francisci Pucci *essendo Sacerdote alcuno*, alterumque in eorum defectum *della discendenza di Belardino Morganti in caso si volesse far Sacerdote; volendo che questi siano sempre preferiti anche nella sudetta Messa di tutti li venerdì dell'anno, e che il Rettore, o Rettori di d. Cura siano esclusi in caso come sopra.*

Defectis heredibus, lineaque Francisci Pucci extincta, delata fuit hereditas Cappellæ, Sacrarumque celebrationem, ob defectum Clerici in familia Morganti, assumpsit Parochus Joseph Rastrelli. Cum primum vero initiatus fuit Tonsura Aloysius Morganti, ultro ejus favore Capellaniam dimisit. Diu non permanit Aloysius in vocatione, nomenque dedit militiæ in Præsidio Anconæ. Ab ea deinde adversæ valetudinis causa dimissus, in Patriam rediit, vitamque agit ab Ecclesiastico statu alienissimam. Reintegrationem idcirco ab hac Sac. Congregatione postulavit Parochus ad Capellaniam, omniaque comprobans, ita in sua informatione conclusit Archiepiscopus = *Capellaniam laicalem voluit Testator, sed non aliter ad eam vocavit unum ex familia Morganti, quam in casu = si volesse far Sacerdote = & cum onere, ut bis per hebdomadam, vel per se ipsum vel per alios celebraret. Hinc hisce omnibus, quæ statui clericali dumtaxat conveniunt, renunciasse videtur idem Clericus, ac propterea etiam Capellaniam resignasse, semel ac statum militare fuerit amplexus. Auditus porro Clericus ipse, cui, & Parocho terminum assignavi unius mensis, ut jura propria respectively coram EE. Vestris deducant, nil curat, sive retinere, sive dimittere Capellaniam cogatur. Sed ejus Patris jura Filii tueri viriliter intendit = Editio hinc die 24. Novembris elapsi anni 1787. rescripto = Ponatur in Folio citatis interesse habentibus = diu post citatos Morgantios dilata est Causæ propositio. In eorum tandem contumaciam, de caducitate Clerici Aloysii a Capellanla, vel præfixionē termini ad assumendum Sacerdotium sub infrascriptis Dubiis quæritur.*

Clericus, inquit Parochus, qui militiam armatam assumit, Ecclesiasticis omnibus Beneficiis cadit, quum per electionem status incompatibilis cum Clericatu ea dimisisse censeatur, *Gloss. in Cap. fin. verb. redierit de Cleric. non resident. Clar. lib. 5. Sentent. §. fin. quæst. 73. sub num. 6. verj.*

vers. item Clericus, *Tondut. de Pension. cap. 77. num. 1.*, nec ad illa amplius per abdicationem militiæ restituitur, *Fargn. de Jurepatr. part. 2. can. 26. cas. 2. num. 3.*, *Barbos. in Cap. fin. num. 1. & 2. de Cleric. conjugat.*, & *de Jur. Eccles. lib. 1. cap. 39. §. 2. num. 79.* Num id in simplici etiam procedat Capellania, ac de Clerico, qui militari abjecto cinctulo, ad Sacerdotium ascendere potest, Eminentissimi Patres decernent. Notandum tamen, adeo Clericum Aloysium ab Ecclesiastico statu abhorrere, ut nil curet, *sive retinere, sive dimittere Capellaniam cogatur.*

Hac sane de causa contendit Parochus sub secundo Dubio, præligi saltem ei, debere terminum ad assumendum Sacerdotium. Laicalis sane Capellania, de qua agitur, nedum a laicis, sed ab infantibus etiam, & fæminis retineri potest, *Rigant. ad reg. 58. Cancell. num. 54.*, & *Sac. hæc Congregatio in Vrbevetana 11. Decembris 1784.* Hoc vero fallit, ubi expressa, vel tacita resistit Testatoris voluntas, *Rigant. ibid.*, *Card. de Luc. de Benefic. disc. 61. num. 4.* Haud enim repugnat, laicalem diversis respectibus esse Capellaniam, & quoad Capellanum ecclesiasticam, & sacerdotalem, *Cæs. de Gross. decis. 114. de Præben. per tot.* Qualis autem sit erga Clericum Morganti Testatoris voluntas, ex iis desumitur verbis = *in caso si volesse far Sacerdote* = Si verba igitur hæc ad necessitatem assumendi Sacerdotium ab E.E. Vestris referantur, locus esse posset præfixioni termini, quum jam Clericus Aloysios vigesimum quartum expleverit annum, *Lotter. de Re Benefic. lib. 2. quæst. 47. num. 20.*, & *Sacra Congregatio in Perusina Capellaniæ 15. Januarii currentis anni ad II. Dubium.*

Quæritur ergo.

I. *An sit locus caducitati Capellaniæ institutæ a Francisco Liberati in casu &c.*

Et quatenus negativè.

II. *An, & quomodo sit providendum in casu &c.*

BRACHAREN. . Insignis Collegiata Oppidi de Barcel-
los ex Dignitatibus constat quinque, Canonicis octo.
Secunda Dignitas est Cantoratus maximus, quem cum
unito subcantoratu obtinet clericus Cajetanus Pereira
de Lago Portocarrero. Præter innata Dignitatis offi-
cia, alia Cantori incumbunt Præsidis, & Parochi Cho-
ri. Plerique Capitulares sive ob habituales infirmitates,
sive ex Indultis, publicisque Officiis a Choro absunt.
Quatuor cum Cantore ad illius servitium supersunt, quo-
rum duo tantum sunt Sacerdotes. Ex his Cantor ob as-
sertum defectum vocis, reddituumque tenuitatem EE.
Vestris supplicavit anno 1780. pro dispensatione a Cho-
ro, & residentia, ac facultate explendi suum munus
per alium. Præcibus ad Officialem Bracharensem pro in-
formatione, & voto remissis cum clausula *interim ad sex
menses, si tamdiu necessitas duraverit*, in omnibus ille Ora-
tori favit, rescripsitque Sacra hæc Congregatio die 20.
Januarii 1781. pro gratia ad triennium = *firma rema-
nente obligatione residendi, quatenus teneatur ex lege
foundationis, & quoad exercitium cantus tantum.*

Licet autem in executoriali hujusce rescripti judicio de
residentiali Cantoratus qualitate ex foundatione constitis-
set, Oratorem tamen liberavit Officialis a Choro, &
residentia. Recursum hac de re ad Sacram ipsam Con-
gregationem habuerunt Capitulares, ac iterum & tertio
requisitus, non transmisit Officialis, ut imperatum fue-
rat, executorialia Acta, vixque in secunda informatio-
ne retulit, quod = *exilitas vocis, & tenuitas reddituum
verificatae fuere* = iterumque in tertia = *causas*, ob quas
Cajetanus Pereira obtinuit Indultum non residendi, adhuc
existere, & permanere = Re ad folium citata Parte sub
die 22. Maii 1784. delegata, Sacrae Congregationis ju-
diciu[m] declinavit Cantor, impetravitque sequenti anno
Apostolicas abessendi Literas. Rursus tamen ad preces
Capitularium remissa fuit Causa ad Sac. Congregationem,
exquisitoque voto Ministrorum Dataria, in ea fuerunt
sententia = *quod Indultum prædictum, subdole exortum,
utpote subreptionis vitio infectum, nullum prorsus ac ir-
ritum, perinde ac si concessum non fuisset, declarari de-
beat.* Edito hac sub die 9. Septembris 1786. rescripto
Ponatur in Folio, pluries ad deducenda jura sua inter-
pellatus est Cantoris Patronus in Urbe. In ejus tandem
contumaciam infra-scripta proponuntur Dubia.

Respicit primum executorialem Bracharensis Officialis sen-
tentiam. Legitima ad eam tuendam allegari posset justi-
iæt

tiæ præsumptio, de qua *Canonistæ in Cap. i. de Offic. Judic. Ordin.*, & *Polit. de Judic. dissert. ii. num. 4. to. 4.*, vel justa saltem dici posset quoad absentiam a Choro, quam Sac. hæc Congregatio indulserat; quum Sententia pro parte utili sustineatur, ad *Text. in Cap. Cum tempore de Arbitr.*, & *Cap. Dilectus, il primo de Præben.* Notandum tamen, quod una eademque oratione, Pereiram liberavit Officialis a Choro, & residentia. Hoc sane casu excessus Judicis executoris in uno, totam Sententiam vitiat, juxta *Fagnan. in cit. Cap. Cum tempore num. 18.* In hoc autem reponunt Capitulares excessum, quod firmam voluit S. Congregatio obligationem residendi, quatenus Orator ex lege foundationis teneretur, eamque contra hujusmodi legem solvit Officialis, spreta etiam Canonici Juris dispositione, quæ absentiam in residentialibus Beneficiis interdicit, ut, in *Cap. Nonnulli 3. de Cleric. non residen.*

Literarum Apostolicarum executionem impugnant Capitulares sub secundo. Pontifici sane reticuit Pereira, pendentiam litis in hac Sac. Congregatione, ut in eorum voto referunt Ministri Datarie. Pontificiæ autem Gratiæ, Literæ, Indulta ob hujusmodi reticentiam subreptitia declarantur in Decreto Innocentii XII., ejusque confirmatorio Clementis XIII., quibus inhæret dd. Ministrorum opinio. Sua ergo prudentia deliberent Eminentissimi Patres, exequi ne debeant Apostolicæ abessendi Literæ per eum impetratæ.

Quoad tertium postremo observant Capitulares, majorem partem fructuum Cantoratus destinatam esse, ex speciali Petri II. Lusitaniæ Regis munificentia, in quotidianas distributiones, quæ ex dispositione Sac. Concil. Tridentini sess. 24. cap. 12. de Reform. non debentur Beneficiario non residenti, quum sint præmium actualis, & personalis servitii in Choro, juxta *Cap. Consuetudinem de Cleric. non residen. in 6.* Hoc ipsum sustinent de reliquis Beneficii fructibus, eo quod plures, ut asserunt, per annos absuit Pereira ab Oppido Barcellos, licet contrariam foundationis legem, rescriptumque Sac. Congregationis non ignoraret. Statuit enim *Tridentina Synodus sess. 23. cap. 1. de Reform.*, absentem a Beneficio residentiali *prorata temporis absentiae fructus suos non facere*. Ponderare tamen dignentur EE. Vestræ, num Sententia Officialis Bracharensis sufficientem in Pereira inducere potuerit bonam fidem, ne hisce Beneficii fructibus privetur.

Deliberandum igitur,

- I. *An Sententia executorialis Officialis Bracharensis sit confirmanda, vel infirmanda in casu &c.*
- II. *An Literæ Apostolicæ sint exequendæ in casu &c.*
- III. *An sit locus repetitioni quoad redditus, & distributiones a Cajetano Pereira exactas pro tempore non residentiæ, & respectivè amissioni reddituum, & distributionum non exactarum pro eodem tempore in casu &c.*

*Sess. 22. cap. 6.
& Sess. 25. cap.
11. de Reform.*

ASCULANA. Capellaniam moriens instituit Cæsare Tibaldeschi annui redditus scutorum circiter quinquaginta cum hebdomadali onere Missarum sex ad Altare SS. Crucifixi Ecclesiæ Parochialis S. Victoris Asculi, reservavitque jus nominandi Capellanum certo Parochianorum ordini. Quamlibet fieri vetuit Missarum reductionem, diminutionem, translationem, & in casu alienationis bonorum, nova in fructiferis Prædiis mandavit investimenta. Hereditaria Asculi est domus, in qua Maria Rosa Raimondi, usufructuaria Tibaldeschii heres, phytisi decessit. Eam hac de causa nemo conducit, graviusque opus esset sumptu, ut sine periculo habitari possit. EE. igitur Vestras rogavit Vincentius Ventura Capellaniæ possessor, ut illam vendere, pretiumque in aliis bonis stabilibus, vel consignativum censum investire liceret, prodijtque die 16. Junii 1787. rescriptum = Episcopo pro informatione, & voto, prævia Edictorum affixione favore majoris oblitoris, cum onere solvendi fructus compensativos donec promptum inveniatur investimentum.

Exposita comprobavit Asculanus Antistes, retulitque, quod = demandata Edictorum affixione, unicus oblitor comparuit, qui scuta sexcentum quinquaginta obrulit cum obligatione solvendi fructus compensativos ad rationem scutorum quatuor pro quolibet centenario & anno, donec in bonis stabilibus pecuniæ investimentum reperiatur = Addidit rursus, quod = juxta Peritorum judicium, domus valor est scutorum 648., & ob 7. (seu juxta exhibitam peritiam, scutorum 643. 07.) & pro eadem in partibus necessariis resarcienda & reparanda, ut deinde locari possit, summa scutorum 48. & ob. 90. requiritur. qua facta restauratione, retulerunt iidem Periti, pensionem annuam

domus ascendere posse ad scuta 18. Et in hæc demum verba conclusit = *Hiscæ in circumstantiis cum ex venditione domus cum opere solvendi fructus compensativos, isti in summa oblata scutorum 650. annuatim summam constituent scutor. 26., & e contra ex annua locatione domus scuta 18. retrahi tantum possint ex Peritorum relatione, dubitari nequit de utilitate alienationis in casu, quo annuus redditus investmenti in posterum faciendi correspondeant fructibus compensativis. Enque magis, cum circa infectionem d. Rosæ vera sint exposita, qua de causa nullus usque adhuc repertus est, qui illam conducere voluerit.*

Instantiam deinde variavit Orator, petiitque facultatem investiendi pretium domus in consignativo censu, tum quia Peritorum testimonio aucta nimis sunt in vicinis Asculanæ Civitatis rusticorum Prædiorum pretia, tum quia uberiores ex censu haberentur fructus. Res ad *Folium* remissa fuit cum clausula citata *Parte*, attento *Nihil transeat*, per Executores testamentarios appposito. Hoc vero ob finitum eorum munus, per decretum *lacerato*, Oratori per supplicem Libellum restiterant Parochiani, seu Capellanix Patroni, ac infra scripta modo proponuntur Dubia.

Perniciosam Capellanix asserunt Parochiani venditionem domus oblato pretio (quod per errorem supponunt scutor. 850.) eo quia illius valor ad majorem ascendit summam scutorum 885., ideoque permittendam non esse, ex censura *Textus in Extravag. Ambitosæ de reb. Eccles. non alienan.* In hypothese vero, quod utilis esset, nec permitti debere contendunt censuale investmentum pretii, spernuntque præceptum Testatoris de investienda pecunia in stabilibus, contra monitum *Sac. Concil. Tridentini Sess. 25. cap. 4. de Reform.*

Quæ nam contra sint alienandi causæ, quæ ex alienatione utilitas, jam E.E. Patres ex informatione Episcopi norunt. Neminem sane latet, quam perniciosa domibus sit insanabilis phthisis, qua opus sit impena, ut ab ea purgentur. Ponderare tamen dignentur E.E. Vestræ, num expediat vendere domum, quæ ipsius Episcopi testimonio, mediocri indiget sumptu, ut deinde locari possit, & num præsens potius æstimari debeat compensativorum fructuum utilitas, quam dubius futuri investmenti eventus. Evidens autem in alienandis Ecclesiæ bonis requiritur utilitas, *Petra ad Const. Ambitosæ per tot. de Reb. Eccles. non alien.* Hac concurrente, alienandi facultatem indulgit Sac. hæc Congregatio in *Bononien. Beneplaciti*

28. Martii 1744. licet prohibitioni Testatoris dissensus accederet Substituti. Ea vero deficiente denegavit in *Firmana Venditionis Horti* 2. Augusti 1749.

Quatenus igitur EE. Vestrae necessariam, & utilem censeant venditionem domus, deliberandum erit de investimento pretij. Ne juxta petitionem Oratoris fiat in censu, expressa urget Testatoris voluntas, quæ sine justa & necessaria causa commutari non debet, *Sac. Conc. Trident. sess. 22. cap. 6. de Reformat. Juris* etiam obstat dispositio. Licet namque æquiparentur census stabilibus, eorumque nomine veniant, *Cenc. de censib. quæst. 30. n. 6. Card. de Luc. eod. tract. disc. 17. num. 2.*, idoneum tamen non reputantur investimentum pro celebratione Missarum, ut declaravit Sac. hæc Congregatio in *Fundana* 28. Februarii 1654. tom. 19. *Decret. pag. 319. a terg.* Permissi quandoque fuerunt; sed in defectum investimenti in stabilibus, ut in *Neapolitana* 3. Augusti 1658. lib. *Decret. 21. pag. 337. a terg.*, & nuperrime in *Cammerinen.* 24. Novembris elapsi anni 1787. Quandoque etiam fuerunt absolute prohibiti, ut in *Firmana Oneris Missarum* 23. Junii 1764. Ponderanda tamen difficultas investiendi pecuniam in rusticis Alculani Territorii Prædiis, de qua testantur Periti,

Dubia sunt.

- I. *An sit locus venditioni domus in casu &c.*
Et quatenus affirmative.
- II. *An investiendum sit ejus pretium in stabilibus, seu potius in censibus, ita ut sit consulendum SSmo pro commutatione voluntatis in casu &c.*

Die Sabbathi 21. Junii 1788. in Palatio Apostolico Vaticano erit Sacra Congregatio Concilij, in qua præter alia proponentur infra scripta Dubia, juxta morem ejusdem Sacræ Congregationis de jure resolvenda.

ROMANA SUBSIDII DOTALIS.

An dos sc. 700. assignata Mariæ de Rubeis Veri Manni a sa. mem. Clemente XIV. præstanda sit ex medietate dumtaxat subsidiorum dotalium Paganini, quæ distribuuntur ad nominationem heredum Magdalene Paganini, & Theodosii de Rubeis, seu potius in eius defectu ex altera etiam medietate subsidiorum, quæ distribuuntur ab Archiconfraternitate SS. Annuntiatæ in casu &c.

Sess. 22. cap. 6. de Reform.

Negative ad primam partem, Affirmative ad secundam.

FERRARIEN. CAPELLANIÆ:

I. *An Capellania, de qua agitur, sit clericalis, seu potius actu, vel habitu sacerdotalis in casu &c.*

Sess. 25. cap. 5. de Reform.

Et quatenus sit actu, vel habitu sacerdotalis.

II. *An, & quomodo sit providendum in casu &c.*

Ad I. Affirmative ad primam partem, Negative ad secundam.

Ad II. Provilum in primo.

Sess. 25. cap. 5.
de Reform.

FIRMANA CAPELLANIÆ.

- I. *An sit locus caducitati Capellaniæ institutæ a Francisco Liberati in casu &c.*
Et quatenus negative.
- II. *An, & quomodo sit providendum in casu &c.*

Ad I. Negative.

Ad II. Præfigatur ab Archiepiscopo terminus unius anni Clerico Aloylio ad assumendum Sacerdotium, quo termino elapso, fiat locus caducitati.

Sess. 23. cap. 1.
& Sess. 24. cap.
12. de Reform.

BRACHAREN.

- I. *An Sententia executorialis Officialis Bracharensis sit confirmanda, vel infirmanda in casu &c.*
- II. *An Literæ Apostolicæ sint exequendæ in casu &c.*
- III. *An sit locus repetitioni quoad redditus, & distributiones a Cajetano Pereira exactas pro tempore non residentie, & respective amissioni reddituum, & distributionum non exactarum pro eodem tempore in casu &c.*

Ad I. Esse confirmandam, quoad triennale Indultum subrogandi alium in cantu tantum.

Ad II. Negative.

Ad III. Affirmative quoad Distributiones; quo vero ad fructus Præbendæ servantur disposita à Sac. Concilio Tridentino.

Sess. 22. cap. 6.
& Sess. 25. cap.
11. de Reform.

ASCULANA.

- I. *An sit locus venditioni domus in casu &c.*
Et quatenus affirmative.
- II. *An investiendum sit ejus pretium in stabilibus, seu potius in censibus, ita ut sit consulendum Sanctissimo pro commutatione voluntatis in casu &c.*

Ad I. Affirmative juxta votum Episcopi.

Ad II. Affirmative ad primam partem, Negative ad secundam.

ASCULANA. Duplex Cathedrali Ecclesiæ Asculi, ut plerisque aliis est patrimonium, Capituli unum, fabricæ alterum. Utrumque in inventario Ecclesiæ refer-
tur, & a Canonicis administratur. Pluries his Asculani Episcopi in Sac. Visitationibus interdixerunt, ne im-
pensam scutorum decem ex redditibus fabricæ absque eo-
rum licentia excederent, vel quidquam in proprios usus,
resque Capitularis Feudi Maltineani erogarent, ut cl.
mem. Cardinalis Bernerius anno 1595., ejusque succes-
sores Monti, & Gambi annis 1673., & 1714. Refert
immo in suo decreto Episcopus Gambi, cl. mem. Cardi-
nalem Alphunsum de Comitibus, uti delegatum Sacræ
Congregationis Episcoporum & Regularium decrevisse
anno 1607. contradicentibus Canonicis = *ne aliquid de
introitibus, redditibus, & bonis quibuscumque ad fabricam
Ecclesiæ præd. spectantibus, sive in proprios, aut capitu-
lares usus, sive in occurrentes exigentias, & necessitates
Castri Maltineani, atque domini, ac jurisdictionis illius
expendere possint, aut valeant, præterquam pro juridi-
ctione tuenda.*

Ad EE. Vestras occasione visitationis Sacrorum Liminum
retulit anno 1781. hodiernus Episcopus, quod = *Canoni-
ci tractandis hisce bonis (Fabricæ) destinati, nullam ge-
stæ administrationis Episcopo reddunt rationem; ex quo
fit, ut nulla prorsus diligentia in excolendis prædiis, &
in aliis quibuscumque negotiis agendis cum maxima redi-
tuum jactura soleant adhiberi, utque redditus ipsi sine ullo
consilio, ac misere profecto dissipentur. Iis enim parare
munera, sumptus litium persolvere, atque id genus alia
præstare solent, quibus omnibus occurrere Canonici ære
proprio tenerentur = petiitque, ut Sacræ Congregationis
imperio = Nihil hac in re Capitulum sine assensu Episcopi
peragere deinceps possit; ut Episcopo rationem reddere
quotannis debeant Canonici, qui bonorum administratio-
ni præsumunt; ut novos tandem inferiores ministros, ne-
gotiorumque gestores designare liceat Episcopo, si necessi-
tas utilitasque postulaverit. Ita autem ei E. m. Patres die 6.
Julii 1784. rescripserunt = *Ad Canonicos quod attinet...
nec a te remissius agendum est, ut bonorum, quæ admini-
strant rationem reddant, adversus quos etiam ex provi-
dencia Tridentina tanquam Sedis Apostolicæ Delegatus jus
tuum exercere non solum potes, sed etiam debes; quo-
niam Ecclesiæ patrimonium sub tutela tua est, nec tua sine
culpa dilabitur, si male eorum vitio geritur, & admini-
stratur.**

Plura hinc ad rectam bonorum fabricæ administrationem mandavit Episcopus, sed tergiversantibus Canonicis, alia ab hac Sacra Congregatione postulavit, ut nempe = Episcopus ipse, etiam reluctantibus Canonicis possit in hac rerum everfione (fufius enim malam illorum administrationem exposuit) ruficas reficere domos, opportunisque legibus locare prædia; utque insuper exequi non antea debeant Quæstorum schedulæ; quam ab ipso quoque subscriptæ fuerint, nec explere Æconomi, ac Depositarii munus, nisi datis fidejussoribus, ulli unquam liceat = proditque die 28. Maii 1785. rescriptum = Scribatur Episcopo, qui referat de provenientia bonorum, & onerum, iisdem infixis, & qui terminum præfigat Capitulo, & Canonicis ad deducendam jura, si quæ habent, in Sacra Congregatione. Omnia Asculanus Antistes adimplevit, monuitque, jam se de provenientia, & oneribus bonorum Ecclesiæ in prima informatione retulisse. Plura, dixerat, Ecclesia ipsa possidet bona, partim, ut ferunt, in antiqua Præbendarum distributione eidem addicta, partim piorum Hominum Legatis deinceps acquisita, quæ Capitulum administrare consuevit, quæque in conservanda Ecclesiæ fabrica, & in aliis ejusdem indigentis debent occupari. Causa tandem ad Folium ablegata, quatuordecim concordata fuerunt Dubia. Quantum vero de his sollicitum fuit Capitulum, tantum ab elapso anno in suis deducendis juribus contumax fuit, remque post plurimas dilationes huc deduxit, ut Episcopo urgente, ejusque Promotore Fiscali dumtaxat Informante, inveteratæ tandem controversiæ proponantur.

Præ omnibus quæritur, cujus ære agenda sint Capituli res & lites, proprio ne, vel fabricæ. Is certe, qui ex litibus, rebusque gestis sentit commodum, sentire etiam debet sumptus incommodum, Cap. Qui sentit, de regul. Jur. in sexto. Num in propriis ergo negotiis uti valeat Capitulum pecunia fabricæ, distinctosque ejus redditus in proprium commodum absumere, EE. Vestrarum judicio relinquitur. Negant Van-Espen in Jus Eccles. part. 2. tit. 34. cap. 3. num. 17., Pignatell. consult. canon. 50. n. 1. tom. 6., Scarfanton. ad Ceccoper. lucubrat. canon. lib. 4. tit. 5. tom. 2. in animadvers. num. 1. & seq.

Secundum Dubium respicit factum, abuti ne consueverint Canonici redditibus fabricæ. Si antiqua respiciantur tempora, quorum desunt monumenta, hujusmodi forsan abusus causam dedit decretis Bernerii, Monti, & Gambi. Si novissima; nonnulli sunt solutionum ordines præ-

litis adis nomine Capituli, eaque potissimum super juribus associationis cadaverum, & emolumentis funerum cum Patribus Conventuallibus Asculi, de qua in *Asculana Funerum super Manutentione* 12. Junii 1778., & 4. Junii 1785, coram *Azedo*. Ejus autem censetur litis interesse, cujus nomine agitur, *Scarsanton. ad Ceccoper. lib. 4. tit. 13. num. 20., & seq. tom. 2.*

Res est in tertio de executione decreti editi anno 1595. a cl. mem. Bernerio. Mandavit sane Asculanus ille Antistes, ne Camerarii pro tempore impensam excederent scutorum 10. ex redditibus fabricæ, nisi = *re prius in Capitulo proposita*, & cum consensu Vicarii Generalis = neque majorem sub pæna restitutionis impenderent summam = *nisi re prius ad Illmum, & Rmum Dominum delata, & licentia in scriptis obtenta*. Decretum hoc, utpote editum in Sac. Visitatione, vim Legis habere censent *Gonzal. ad Reg. 8. Cancell. gloss. 9. §. 1. num. 18., Masfubr. de Synod. cap. 4. num. 41.*, illudque consentaneum dicit Promotor Fiscalis dispositioni Juris, quum administratio bonorum Ecclesiæ moderari debeat ab Episcopo, Sacra hæc Congregatio in *Juvenacen. Administrationis* 18. Junii, & 22. Novembris 1736. Secum vero reputent Emi Patres, num æstimari debeat decretum, quod usu ab initio receptum non demonstratur, longeque ultra quadragenariam neglectum apparet. Pro negativa est sententia *Fagnani in lib. 1. Decretal. Cap. Treugas num. 68. de Treug., & Pac.*

Ex hisdem rationibus urget Promotor Fiscalis sub quarto executionem decretorum Monti, & Gambi, qui in Sacra pariter Visitatione Canonici interdixerunt, ne fabricæ redditus in proprios, eorumque Feudi Maltineani usus converterent. Eoque libentius exequenda esse contendit, quia illud ipsum, contradicentibus Canonicis, mandavit Cardinalis de Comitibus, Sacræ Congregationis Episcoporum, & Regularium delegatus. Sed neque hæc decreta, licet dispositioni Juris consentanea, observata unquam fuisse constat, neque aliunde de decreto Delegati, quam ex referente altero Episcopi Gambi docetur.

Succedit quintum de reintegratione ejus, quod ex redditibus fabricæ in alios usus conversum est. Dubium hoc pendet a resolutione secundi. Si enim de illorum abusu apud EE. Vestras constabit, reintegrare tenentur (Canonici) Ecclesiam de eo, quod converterunt in alios usus, ut inquit *Pignatelli. consult. canon. 50. num. 5, tom. 6.*

Non excedunt solutionum ordines quinquennium, ab anno scilicet 1780. ad annum 1784., sed rationem quoque habendam esse censet Promotor Fiscalis anterioris temporis ob negligentiam Canonicorum in servandis scripturis. Deliberandum tamen, an hodierni Canonici luere etiam debeant Decessorum pœnam.

Præcedentium consuetudinarium est *sextum*. Economo fabricæ præcepit hodiernus Episcopus, ne quidquam pro sumptibus extraordinariis solveret absque ejus licentia. Sua eum potestate usum fuisse ait Promotor Fiscalis, quum ex notatis in tertium Dubium, primus reddituum fabricæ moderator sit Episcopus. Mitius vero ejus præceptum fuisse altero Cardinalis Bernerii, qui nulla inter ordinarias, atque extraordinarias expensas facta distinctione, eas absque sua licentia in scriptis ultra summam scutorum decem *indefinite* prohibuit.

Quod hodierno Economo Episcopus mandavit, servandum esse contendit Promotor Fiscalis ab illius successoribus — ut in *septimo* proponitur Dubio. Ita plane videri posset, quum datum non fuerit præceptum personæ Economi, sed officio; mandatumque fuerit = *di non dovere in avvenire pagare Bollettini &c. senza la nostra approvazione*. Ubi enim in præceptis contemplatur persona ratione officii, successores dubio procul afficiunt, ut in similibus terminis dixerunt *Surd. cons. 262. num. 40., & seqq. lib. 2., Gratian. discept. 538. num. 41.*

De cautione, per Depositarium & Economum præstanda, *octavum* agit. Quilibet sane, qui aliena gerit negotia, satisfacere tenetur, ne quid ejus dolo, aut culpa detrimenti capiat Dominus, *Piton. Discept. Eccles. 145. n. 28.* Potissimum vero administrator honorum Ecclesiæ, quæ mulieribus, pupillis, & minoribus æquiparatur, *Sac. hæc Congregatio in Viterbien. Dotium 11. Aprilis 1761. ad VIII., & IX. Dub.* Synodalem Promotor Fiscalis addit Legem, qua Asculanus Episcopus Marana *cap. 18. de Eccles. bon. non alien., & Pior. Locor. Administr. §. 8.* mandavit, ne administratores Locorum Piorum admitterentur = *nisi præstita idonea cautione, coram nostro Vicario Generali juraverint, se fideliter administraturos, & redditiones rationum reddituros, facta obligatione in forma Cameræ reliquatam solvendi*. Cujus autem virtutis sin Synodales Leges, probant *Barbos. ad Concil. Trident. sess. 24. de Reform., Gonzal. ad regul. 8. Cancell. Gloss. 9. §. 1. num. 18.*

Impugnat Promotor Fiscalis sub *nono* Canonicis filiis familias

has facultatem exercendi munia Ecclesiæ Cathedralis , seu ejus Sacrarii absque idonea pariter cautione ab Episcopo approbanda. Si EE. Vestrarum judicio , inquit , præstanda erit cautio ab Economistis sui juris , juxta proximum Dubium , multo magis ad eam cogendi sunt filii familias , qui facili negotio ex notissimis ipsorum privilegiis Ecclesiam fraudare , atque eludere possent .

Versatur decimum circa redditionem rationis . Interprete quidem non indiget *Sacrum Concil. Trident. Sess. 22. c. 9. de Reform.* Expresse enim cogit Locorum Piorum administratores , & præsertim fabricæ cujuscunque Ecclesiæ etiam Cathedralis ad reddendam singulis annis Ordinario rationem . Idque etiam ex Jure Canonico probant *Card. Petr. ad Constit. 1. Anastasii V. sect. 2. num. 35. tom. 6. , Fermosin. ad tit. , & cap. unic. de corpore vitiat. quæst. 4. num. 22. tom. 3. , & Sac. hæc Congregatio in Neriton. Redditionis Rationis 1. Martii 1738. , & in Piscien. 21. Julii 1753. ad I. Dub.* Utrum vero restringi debeat Conciliaris terminus , & grave illud onus imponi reddendi rationem ad nutum Episcopi intra annum , EE. Vestræ decernent .

Servari quidem debent apud Capitula Cathedralia rationum libri , & scripturæ , *Franc. de Eccl. Cathedr. cap. 22. num. 23. , & cap. 23. per tot. , & Sac. Congregatio in Ferrarien. Cofraternitatis 14. Septembris 1782. ad IX. Dub.* , sed ponderandum erit juxta undecimum Dubium , an Ecclesiæ Depositarius , & Economistus servare teneatur solutionum ordines , eosque post redditam etiam rationem describere . Ad perfectam sane rationis rationem pertinet Librorum , & Scripturarum exhibitio , eaque expleta , quælibet cessat administratoris obligatio , ad *Text. in Leg. Cum servus ff. de condit. , & demonstrat. , Escobar de ratiocin. cap. 2. num. 5. , & 6.* Is vero servare debet Scripturas , & Libros , cui reddita est ratio , eique exhibitionis onus incumbit , si iterum erroris causa dispungi debet , *Rot. apud eundem Escobar dec. 5. n. 3. , & 7.*

Coerceri ne , & puniri ab Episcopo valeant computorum Revisores , si exhibitos ordines scindant , vel comburant , duodecimo quæritur loco . Hanc ei potestatem tribuunt *Franc. Leo in Thesaur. For. Eccles. part. 2. cap. 2. num. 74. , Saravia de Adjunct. cap. 24. num. 20. , Monacell. in Formul. legal. tit. 12. formul. 9. num. 5.* Qua vero plecti valeant pena , decerni posset ex qualitate delicti . Rei namque sunt falsitatis & furti , qui alienas , sive publicas , sive privas lacerant scripturas , *Genua de Script.*

priv. lib. 1. quæst. 5. num. 1. , & 2. , Naurat. de Rationar. pag. 100. , & Rainald. vot. 164. num. 8. , & seq.

Fieri non debere contendit sub *decimo tertio* Promotor Fiscalis locationes bonorum , inaudito Episcopo , ne patrimonium fabricæ , hæcenus a Canonicis neglectum , maiorem jacturam patiatur . Non agitur hic de locationibus ad longum tempus , quæ absque Beneplacito Apostolico fieri non possunt juxta *Extravag. Ambitiosæ de reb. Eccl. non alien.* , sed de illis , quæ ad triennium permittuntur . Sua ergo prudentia deliberent Emi Patres , num ex causis in prima , & secunda Episcopi informatione adductis , cohibenda sit libertas , quæ Canonicis tanquam administratoribus , in hisce conficiendis locationibus competit , *Card. de Luc. de Locat. disc. 23. num. 4. ; & seq.*

Decimum quartum superest Dubium , an liceat Episcopo locare bona Ecclesiæ , seu fabricæ , reluctantibus etiam Canonicis , ubi constet de præjudiciali illorum administratione . Hoc ad maiorem Ecclesiæ utilitatem expedire ait Promotor Fiscalis , ut Sacrum nempe illius patrimonium rectius , prudentiusque administraretur . Perpetua tamen esse posset litium causa quoad præjudicialem administrationem , de qua ceteroquin Canonici reddituri erunt Episcopo rationem .

- I. *An liceat Canonicis, & Capitulo Ecclesiæ Cathedralis Asculi ex pecuniis , seu redditibus fabricæ ejusdem Ecclesiæ conficere sumptus litium , aliarumque rerum , quæ spectant ad ipsum Capitulum, & non tangunt interesse ipsius Ecclesiæ, vel fabricæ, seu potius fieri debeant ex redditibus ipsius Capituli , & Canonorum in casu &c.*
- II. *An constet , quod Canonici , & Capitulum Ecclesiæ Cathedralis Asculi ex pecuniis , seu redditibus Ecclesiæ , vel fabricæ ejusdem Ecclesiæ confecerint sumptus litium , aliasque expensas , quæ spectant ad ipsum Capitulum , & non tangunt interesse ipsius Ecclesiæ , seu fabricæ in casu &c.*
- III. *An sit servandum , & exequendum decretum clar. mem. Cardinalis Bernerii jam Episcopi Asculani editum in Sac. Visitatione de an. 1595. in casu &c.*
- IV. *An sint servanda , & exequenda Decreta Sacræ Visitationis Episcoporum Philippi Monti de anno 1673. , & Gambi de an. 1714. quoad expensas respicientes Castrum Maltineani in casu &c.*
- V. *An , & quomodo sit providendum quoad præteritum tempus in casu &c.*

- VI. *An sustineatur Episcopi præceptum præsentis Œconomi factum, ne absque illius assensu quidquam solvat in causam sumptuum extraordinariorum, exceptis solitis, & consuetis sumptibus in Ecclesiæ servitium in casu &c.*
 Et quatenus affirmative.
- VII. *An hoc idem præceptum ab omnibus futuris Œconomis servandum sit in casu &c.*
- VIII. *An Œconomus Ecclesiæ, sive sit de gremio Capituli, aut secus, compellendus sit idoneam cautionem præstare, ab Episcopo approbandam in casu &c.*
- IX. *An Canonici Filii familias, seu legitimis exceptionibus obnoxii possint exercere munia, deputationes, se officia cujuscunque generis, & speciei spectantia ad Ecclesiam Cathedralē, seu ejus Sacristiam absque idonea cautione ab Episcopo approbanda in casu &c.*
- X. *An Depositarius, & Œconomus teneantur reddere rationem Episcopo singulis annis, ac etiam intra, & extra annum, concurrente tamen in hoc posteriori casu legitima causa in casu &c.*
- XI. *An item teneantur conservare, & registrare ordines solutionum, seu bolleænos, etiam post redditas rationes, & completum syndacatum a Canoniciis revisoribus in casu &c.*
- XII. *An liceat Episcopo mulctare, & in qua pœna Canonicos revisores, & alios de Capitulo scindentes, aut igni tradentes præfatos ordines, & bolleænos in casu &c.*
- XIII. *An in locationibus bonorum faciendis per idem Capitulum, pro majori utilitate Ecclesiæ sit audiendus Episcopus sub pœna nullitatis in casu &c.*
- XIV. *An, & quoties Episcopo constet de præjudiciali Capituli administratione bonorum Ecclesiæ, liceat eidem eadem bona locare, etiam reluctantibus Canoniciis in casu &c.*

Non proposita cum sequentibus.

*Seff. 24. cap. 18.
de Reform.*

RIPANA . Ad Dubium = *An constet de nullitate concursus, ita ut sit locus novo examini in casu &c.* = respondit Sac. hæc Congregatio die 19. Januarii hujus anni = *Negative*. . Recessum modo postulat Sacerdos Bonfinius Gervasi a decisis, omniaque ad suadendam concursus nullitatem regerit argumenta in præcedenti hujus Causæ Folio relata . Potissimum vero neglectam urget Benedicti XIII. Constitutionem *Pastoralis Officii*. Quatuor sane pro forma, ac sub decreto irritanti Examinatores requirit in concursu Pænitentiariæ, nec valide idcirco, juxta Gervasium, fieri potuit concursus, de quo agitur, per extrasynodales Examinatores tres, ut in terminis dixit *Rot. in Melphiten. Pænitentiarius* 28. Novembris 1732. §. *Ad narratorem coram cl. me. Card. Calcagnino*. Omissum præterea dicit iuramentum, in *Encyclica* Sacræ Congregationis præscriptum, quod de forma pariter est *substantiali*, ut monet *Ferrar. in Biblioth. legal. verb. Concursus art. 2. num. 40.* . Nec facile credendum esse contendit, quod illud Examinatores in præcedentibus concursibus præstitissent, ut ex ore Cancellarii Episcopalis deponunt Testes . Duo enim ex ipsis, Neronius nempe, & Thomasi præcedens examinatorum munus non probant, tertius cognomine Grammaccius, si novis credendum est Gervasi Testibus, nunquam ante concursum Pænitentiariæ Examinator fuit . Quæ contra sint nova Sacerdotis Goberti jura, ignoro. Deliberandum igitur .

An sit standum, vel recedendum a decisis in casu &c.

MACERATEN. DISPENSATIONIS. Hujus Causæ *Sess. 24. cap. 7. de Reform.*

ejus vero resolutio in altero 19. subsequentiis Maii. Pro-
posito enim dubio = *An sit consulendum Sanctissimo pro
dispensatione* = responsum fuit = *Negative*. Ad hoc, si
fieri posset, eludendum rescriptum, gratiam retinendi
Rectoratum Immaculatæ Conceptionis cum Canonatu
Divi Blasii Montis Milonis extorquere tentavit Canoni-
cus Affortati a Dataria Apostolica; sed spe dejectus, ad
Sacram hanc rediit Congregationem, additumque est
ad instantiam Milonensis Communitatis, & Cleri se-
cundum Dubium super restitutione fructuum, quos ha-
cenus ille ex Rectoratu percepit.

Iterum, qui Affortato contradicunt, ad suadendam Recto-
ratus incompatibilitatem cum Canonatu, expressam
urgent Testatoris voluntatem. Jussit enim, ut illum con-
sequeretur Sacerdos = *ne forastiere, ne Cappellano del-
la mia Chiesa, e molto meno di S. Biagio* = eaque ratione
jussit, ut Sacerdotum numerus in Oppido augeretur. In
tertium quidem Conceptionis Cappellanum nominavit
Antonium Scolastici, qui Capellaniam S. Blasii possi-
debat, sed ea lege, ut = *osservi il num. 19. della mia dis-
posizione* = ut Capellaniam scilicet Divi Blasii dimitteret.

Exemplum est Canonici Jacobi Palmucci, qui utriusque
Ecclesiæ Capellanas, seu Canonicatus ex Pontificia
Gratia retinuit. Id vero ex duplici æquissima ratione ac-
cidisse constat, tum quia ad ejus Familiam spectabat jus-
patronatus Capellanæ Conceptionis, tum quia in maxi-
mis rei familiaris angustiis versabatur. Dives contra est
Affortatus, & Rectoriæ patronatus, quem germanus
ejus frater Dominicus hac pendente lite acquisivit pre-
tio = *di scudi 560. moneta* = simonia infectus censetur a
*Card. de Luc. de Jurepatr. disc. 5. num. 10. & disc. 56.
num. 18. & seq.*

Hæc in summa Communitas, & Clerus quoad primum
Dubium. Quo vero ad secundum; per triennium fere
perceptos ostendunt Rectoriæ fructus ab Affortato, eos-
que reddendos esse sustinent a die captæ possessionis,
& *cui de Jure*, quatenus Rectoratu privetur. In iisdem
terminis, eademque incompatibilitatis ratione damnavit
S. Rota Canonicum Scolastici ad restituendos fructus Re-
ctoriæ in summa scutorum 302. 12., ut in decisione Ma-
ceraten. Rectoriæ super Fructibus 5. Julii 1762. coram Az-
puru,

Quæ sint nova Affortati jura, desumere dignentur Eminentissimi Patres ex circumferendis forsan ejus Scriptis, ut assueta prudentia decernant.

I. *An sit standum, vel recedendum a decisis in casu &c.*
Et quatenus in decisis.

II. *An, cui, & a quo tempore sint restituendi fructus Rectoriæ, de qua agitur in casu &c.*

*Sess. 25. cap. 4.
de Reform.*

NULLIUS GUASTALLÆ. Latissimi olim erant fines Paræciæ Plebis S. Petri in Territorio Guastallæ, nec facile unus Pastor universas pascebat Oves. Tribus idcirco in ejus ambitu erectis Oratoriis, totidem constituti fuerunt amovibiles Capellani Curati. Horum alter Habitatoribus præest Villæ SS. Philippi, & Jacobi, cui pro congrua sunt pia quædam Legata annui redditus scutorum 30. cum onere Missarum 174., duplicisque officii Defunctorum. Voluntariæ addebantur Parochianorum largitiones, ex quibus decenter vivebat, sed ditiorum emigratione maximopere imminutæ sunt, & ob defectum concurrentium a biennio vacat Capellanla. Unum Habitatores d. Villæ superesse autumant hujusce incommodi remedium, si EE. Vestrarum auctoritate, quam supplices Implorant, onera reducantur.

Difficillime inveniri posse ait Episcopus, qui hujusmodi onus (Capellanæ) subire velit ob tenuitatem reddituum provenientium ex majori parte a voluntaria Parochianorum largitione, quæ hijs temporibus notabiliter imminuta est ob plurium habitatorum locupletum ex eo loco emigrationem, & etiam mortem = Distinctam exhibet Legatorum notulam, vixque detractis oneribus Missarum, & Quartæ, superesse demonstrat Capellano annua scuta de-

decem . Et ita concludit = *Quapropter mihi rem consideranti aliud non suppetit remedium præter institutam Legatorum reductionem , si ita videbitur huic Sacrae Congregationi .*

Imminuti profecto non sunt Legatorum fructus, Sacrorumque eleemosyna taxam attingit perpetuæ, si unum excipias Legatum Simonis Gatti, qui pro mensuris Sacris quinque fundum reliquit annui nunc redditus scutorum 2. & ob. 80. Ubi autem in eadem consistunt quantitate, paresque oneribus sunt fructus, denegari solet ab hac Sacra Congregatione Missarum reductio, ut in *Ostunen. Reductionis Missarum 4. Decembris 1734. , & in Derthonen. Absolutionis, & Reductionis Missarum 7. Julii elapsi anni 1787. ad I. Dubium .* Alia etiam esse potest reductionis causa, quæ sit sufficiens, ut institutor circa onus Missarum, si viveret, mutaret voluntatem, vel jaltem deberet rationabiliter mutare, *Pasqualig. quæst. 1178. numer. 1.* Num talis vero sit Capellani manutentio pro Animarum cura, aliorumque reddituum tenuitas, ob quam nullus est Sacerdos, qui hujusmodi onus subire velit, & num verisimiliter ob hanc causam, voluntatem mutarent Legantes, qui ad unum respexerunt suarum Animarum suffragium, EE. VV. dijudicabunt.

In debilioribus autem terminis Missas reduxit Sacra hæc Congregatio in *Syracusana Missarum 10. Martii 1759.* Valde siquidem imminutæ erant Canonicales Præbendæ Collegiatae Ecclesiæ S. Bartholomæi Civitatis Siclis, penitusque Chori servitium negligebatur. Duplici ergo proposito Dubio, I. *An sit locus reductioni Missarum, & respective augmento eleemosynæ, & qua quantitate in casu &c.* = II. *Ubi, & per quos sint celebrandæ dd. Missæ, & in quam causam erogandum augmentum prædictum =* responsum fuit juxta Canonicorum vota ad primum = *Affirmative pro reductione, & pro augmento arbitrio Episcopi =* ad secundum = *Missas esse celebrandas in Altaribus a Testatoribus designatis privative a Dignitatibus, & Canonicis Ecclesiæ Collegiatae, ita ut augmentum prædictum stet loco distributionum quotidianarum .*

Ea quidem notanda, quæ Sacrum Concilium Tridentinum sess. 21. cap. 4. de Reformatione Episcopo permittit, ut Parochi Coadiutores de congrua provideat, vel scilicet, ut = *competens (ejus arbitrio) assignetur portio ex fructibus, ad Ecclesiam matricem quomodo locumque pertinentibus =* vel = *si necesse fuerit, compellere possit Populum*

ea subministrare, quæ sufficient ad vitam dictorum Sacerdotum sustentandam = sed æque ponderandum, quod non loquitur Sacrosancta Synodus de antiquis Capellanis curatis, sed de Sacerdotibus, qui de novo erunt Ecclesiis, noviter erectis, præficiendi = quodque Villa SS. Philippi & Jacobi quingentorum saltem pauperum est societas, alio ditioribus emigratis.

Deliberare itaque dignentur EE. Patres.

An, & quomodo sit locus reductioni onerum in casu &c.

Die Sabbathi 12. Julii 1788. in Palatio Apostolico Quirinali erit Sacra Congregatio Concilij, in qua, præter alia, proponentur infrascripta Dubia, juxta morem ejusdem Sacræ Congregationis de jure resolvenda.

ASCULANA.

*Sess. 22. cap. 9.
de Reform.*

- I. *An liceat Canonicis, & Capitulo Ecclesiæ Cathedralis Asculi ex pecuniis, seu redditibus fabricæ ejusdem Ecclesiæ conficere sumptus litium, aliarumque rerum, quæ spectant ad ipsum Capitulum, & non tangunt interesse ipsius Ecclesiæ, vel fabricæ, seu potius fieri debeant ex redditibus ipsius Capituli, & Canonicorum in casu &c.*
- II. *An constet, quod Canonici, & Capitulum Ecclesiæ Cathedralis Asculi ex pecuniis, seu redditibus Ecclesiæ, vel fabricæ ejusdem Ecclesiæ confecerint sumptus litium, aliasque expensas, quæ spectant ad ipsum Capitulum, & non tangunt interesse ipsius Ecclesiæ, seu fabricæ in casu &c.*
- III. *An sit servandum, & exequendum decretum clar. mem. Cardinalis Bernerii jam Episcopi Asculani editum in Sac. Visitatione de an. 1595. in casu &c.*
- IV. *An sint servanda, & exequenda Decreta Sacræ Visitationis Episcoporum Philippi Monti de anno 1673., & Gambi de an. 1714. quoad expensas respicientes Castrum Maltineani in casu &c.*
- V. *An, & quomodo sit providendum quoad præteritum tempus in casu &c.*
- VI. *An sustineatur Episcopi præceptum præsentis Œconomo factum, ne absque illius assensu quidquam solvat in causam sumptuum extraordinariorum, exceptis solitis, & consuetis sumptibus in Ecclesiæ servitium in casu &c.*

Et quatenus affirmative.

- VII. *An hoc idem præceptum ab omnibus futuris Œconomis servandum sit in casu &c.*
- VIII. *An Œconomus Ecclesiæ, sive sit de gremio Capituli, aut secus, compellendus sit idoneam cautionem præstare, ab Episcopo approbandam in casu &c.*

- IX. *An Canonici Filiifamilias , seu legitimis exceptionibus obnoxii possint exercere munia , deputationes , se officia cujuscumque generis , & speciei spectantia ad Ecclesiam Cathedralem, seu ejus Sacristiam absque idonea cautione ab Episcopo approbanda in casu &c.*
- X. *An Depositarius , & Oeconomus teneantur reddere rationem Episcopo singulis annis , ac etiam intra , & extra annum , concurrente tamen in hoc posteriori casu legitima causa in casu &c.*
- XI. *An item teneantur conservare , & registraré ordines solutionum , seu bolleñenos , etiam post redditas rationes , & completum syndacatum a Canonicis revisoribus in casu &c.*
- XII. *An liceat Episcopo mulctare , & in qua pœna Canonicos revisores , & alios de Capitulo scindentes , aut igni tradentes præfatos ordines , & bolleñenos in casu &c.*
- XIII. *An in locationibus bonorum faciendis per idem Capitulum , pro majori utilitate Ecclesiæ sit audiendus Episcopus sub pœna nullitatis in casu &c.*
- XIV. *An , & quoties Episcopo constet de præjudiciali Capituli administratione bonorum Ecclesiæ , liceat eidem eadem bona locare , etiam reluctantibus Canonicis in casu &c.*

Ad I. Negative ad primam , affirmative ad secundam partem .

Ad II. Præfigendum esse terminum Canonicis ab Episcopo ad reddendam rationem coram Eodem .

Ad III. Affirmative .

Ad IV. Affirmative .

Ad V. Ut ad secundum .

Ad VI. Affirmative .

Ad VII. Affirmative .

Ad VIII. Affirmative .

Ad IX. Affirmative , si fuerint a Capitulo electi , & quoad redditus Fabricæ provisum in antecedenti .

Ad X. Quoad redditus Fabricæ Affirmative ; quo vero ad redditus Capituli , Episcopus utatur jure suo ad formam Concilii Tridentini .

Ad XI. Negative post redditam rationem ; teneri vero Capitulum servare documenta exhibita in redditione rationum .

Ad XII. Affirmative arbitrio Episcopi ad formam antecedentis .

Ad XIII.

Ad XIII. Quoad bona Fabricæ Affirmative ; quoad bona Capituli Negative .

Ad XIV. Episcopus utatur jure suo ad formam Concilii Tridentini .

RIPANA :

An sit standum , vel recedendum a decisio in casu &c.

*Sess. 24. cap. 18.
de Reform.*

Consulendum SSmo pro sanatione Concursus , & amplius .

MACERATA TEN. DISPENSATIONIS .

I. *An sit standum , vel recedendum a decisio in casu &c.* Et quatenus in decisio .

*Sess. 24. cap. 7.
de Reform.*

II. *An , cui , & a quo tempore sint restituendi fructus Rectoriæ , de qua agitur in casu &c.*

Ad I. In decisio , & amplius .

Ad II. Negative in omnibus .

NULLIUS GUASTALLÆ .

An , & quomodo sit locus reductioni onerum in casu &c.

*Sess. 25. cap. 4.
de Reform.*

Affirmative ad rationem manualis quoad Legatum Simeonis Gattitanti ; in reliquis negative , & Ordinarius provideat augmento Congruæ ad formam Concilii Tridentini .

SANTANDRIEN. , SEU CUBANA MATRIMONII .

Proposita hæc Causa fuit die 26. elapsi Aprilis sub duplici Dubio , I. *An constet de nullitate Matrimonii*, & quatenus negative , II. *An sit consulendum Sanctissimo pro dispensatione a Matrimonio rato , & non consumato* . Ad primum Eñi Patres rescripserunt , Provisum in secundo ; ad secundum , *Affirmative* , attentis facultatibus . Ma-

*Sess. 24. cap. 1.
de Reform.*

tri-

Matrimonii amplius nullitatem non urget Rosa de Zarate ; sed de una agens dispensatione , confirmationem flagitat secundæ resolutionis , quæ iterum ex Pontificio Rescripto ad examen venit . Præcedenti igitur resumpto Folio 26. Aprilis , brevibusque ponderatis scriptis , quæ hinc inde a Defensoribus Matrimonii , & Rosæ circumferuntur , deliberare dignentur EE. Vestræ .

An sit standum , vel recedendum a decisis quoad secundum Dubium in casu &c.

Iterum proponatur .

*Sess. 14. cap. 2. ,
& 7. Sess. 21.
cap. 2. , & Sess.
23. cap. 14. de
Reform.*

VISEN. DISPENSATIONIS AB IRREGULARITATE . Denegata primum fuit die 27. Novembris 1784. Sacerdoti Julio Emmanueli a Valle Lobo per Rescriptum *negative* dispensatio ab irregularitate , quam ob actum bellum , assumptumque Sacerdotium per saltum , ac ementitis Ordinarii Literis contraxisse fatebatur , eique deinde in Congregatione diei 18. Augusti elapsi anni data est Gratiæ spes per Rescriptum *expectet* . Tertio nunc EE. Vestrarum clementiam implorat , Testibusque , coram Ordinario productis , addito juramento , erroneam ostendit prioris ejus supplicis Libelli assertionem , cui Folium diei 11. Septembris 1784. necessario adhæsit , quod Sacrum nempe celebrasset . Testatur sane Ordinarius , nunquam eum = *nec publice , nec privatim præfatum Præbyteratus Ordinem exercuisse , prout mihi ex fide dignis Testibus , ipsiusque jurejurando juridice , ac legitime compertum est .*

Præcedentibus igitur resumptis Foliis , respondere dignentur Eñi Patres .

An sit standum , vel recedendum a decisis in casu &c.

Non proposita cum sequentibus .

*Sess. 24. cap. 12.
de Reform.*

SUTRINA . Iterum EE. Vestræ die 24. elapsi Maji hæc supersederunt Causa , ut de qualitate servitii Beneficiatorum S. Andreæ Roncillionis , ac præsertim hebdomadalis Episcopus referret . Hæc igitur , mandatis parens , Sutrinus habet Antistes . *Sacræ Visitationis tempore meus Prædecessor Episcopus Silvestri ad sedandas Beneficiatorum*
que-

querelas , qui majori sese conclamabant premi onere , quam tenues ferrent Beneficiorum fructus , rescripsit eorum precibus = col lasciare nel suo primiero immemorabile vigore ed osservanza l'Eddomada per servizio della Chiesa , permettiamo solamente all'Eddomadario la libera applicazione delle Messe = Quibus ex verbis arguere proclive est , Beneficiorum hebdomadale pensum constituisse non in Horarum Canonicarum recitatione in Choro , aut in alio hujusmodi servitii genere , quod nunquam subierunt , sed in celebratione Missæ cum obligatione eam applicandi pro Benefactoribus per turnum ; a qua applicationis obligatione dum eos exemit , voluit tamen firma remanere , & in sua immemorabili vi consistere obligationem celebrandi per turnum = Suo hinc nomine quærit , ut EE. Vestræ = mihi declarare non dedignentur , an talia Beneficia simplicia dici possint . Casus enim nunc urget , quo alter ex Beneficiatis ad Canonicatum in Ecclesia Collegiata Roncilionis nominatus fuit , ideoque opus est mihi decidi , an simul cum Canonicatu Beneficium retineri possit . Qua de re tertium prioribus additur Dubium .

Omnia per novissimam informationem præsto sunt , quæ ad rectam primi , & secundi Dubii definitionem EE. Vestræ præscripserunt . Quoad tertium vero , residentialem suadere posset Beneficiorum qualitatem antiquissima consuetudo celebrandi pro Benefactoribus Sacrum per turnum . Sed ponderanda sunt , quæ in Foliis 21 Aprilis 1787. , & 24. elapsi Maii deducta fuerunt , illorum nempe collationes , tanquam de simplicibus , unionesque Sutрино Seminario ; ultimus status , & collegialitatis defectus . Iis ergo resumptis deliberandum erit .

- I. An , & quomodo Beneficiati Ecclesiæ S. Andreæ teneantur præstare eidem Ecclesiæ servitium per hebdomadam in casu &c.*
- II. An iidem Beneficiati participes esse debeant emolumentorum Funerum , & Missarum , quæ d. Ecclesiæ offeruntur , & Rector ejusdem Ecclesiæ cogatur eos privative vocare pro exequiis Defunctorum in casu &c.*
- III. An ipsius Ecclesiæ Beneficia sint simplicia , ita ut retineri valeant cum Beneficiis residentialibus in casu &c.*

Sess. 24. cap. 12.
de Reform.

ROMANA DISTRIBUTIONUM. Coadjutore ob gravem ætatem impetrato, Moriconem se in Sabinis recepit anno 1768., de licentia Sac. Congregationis ad biennium, Sacerdos Philippus Tuschius Beneficiatus S. Mariæ Transtiberim. Prorogatum deinde fuit abessendi Indultum ad annum 1780., sequenti vero quinquennio neglectum. Re igitur comperta, nedum destitit Beneficiatorum Collegium a solvendis distributionibus, sed Tuschium etiam in Jus vocavit anno 1785. coram Eminentissimo Urbis Vicario = *ad dicendum causam quare absit a sua residentia, sin minus declarari, ipsum incurrisse in pœnas contra non residentes.* Sanctissimo hinc supplicavit Tuschius pro sanatione, precibusque ad Sac. hanc Congregationem remissis, rogatus de more fuit Eminentissimus Vicarius pro informatione, & voto. His redditis, iterata fuit ineunte Januario 1786. in eodem Vicariatus Tribunali instantia *ad dicendum causam quare;* eaque de causa EE. Vestræ rescripserunt = *quoad futurum ad aliud biennium arbitrio Eminentissimi Urbis Vicarii ad formam præcedentis, constituto prius eidem de justa causa; quo vero ad præteritum Orator utatur jure suo in Curia Eminentissimi Vicarii, quatenus inibi lis introducta fuerit, sin minus ponatur in Folio.* Exclusa deinde pendentia litis ob defectum mandati procuræ in asserto Tuschii Patrono, aliud prodiit Rescriptum = *Ponatur in Folio citata Parte, cujus vi infrascriptum modo proponitur Dubium.*

Collegio favet Eminentissimus Vicarius, omneque neglectæ prorogationis indulti excusationem reiicit. *Senectutem, inquit, egestatem, morbum nihil moror. Egestas enim vix ad rem facit: valetudo autem mala, aut senectus mirum si aliquando quemquam, nullis præsertim, ut hic, distentum negotiis, in memoria prohibuerit habere rem tam necessariam, tamque utilem, quales illæ erant prorogationes.* Sub publica immo Moriconensis Notarii fide refert = *Sacerdotem Tuschium tam bene valere, ut nemo magis, tamque recte atque expedite sua quæque officia fungi, quam quisquis nullo detinetur vel animi vitio, vel corporis egritudine* = Neque morandum, concludit, contrarium Medici, & Chirurgi testimonium = *qui rem indicant quasi nuperam, immo vere solummodo præsentem, ut proinde nequeat ad quinquennes, vel sexennes Tuschii negligentias excusandas valere.*

Tuschio interim defuncto, heredum jura tuetur illius Procurator, tanquam dominus litis effectus, bonamque osten-

tae fidem, qua post expiratum indultum perceptae & consumptae fuerunt distributiones, ne restituantur, per *Text. in Leg. Cum de indebito* 25. ff. de Probat. Ex *Cap. Insuper unic. de Cleric. non residen. in sexto*, & *Sac. Conc. Tridentino sess. 24. cap. 12. de Reform.*, pluribusque *Doctoribus* suadere nititur, nullo Tuschium ad eas lucrandas egisse indulto, eo quod ex necessaria abfuerit adversae valetudinis causa, ob quam iter habere non poterat absque *un probabile rischio di morire per la strada*, juxta opinionem Medici, & Chirurgi, de quibus Eminentissimus Vicarius in suo loquitur voto. His addit, quod privatio distributionum ex causa absentiae, non latae, sed ferendae est sententiae, ideoque infligi non debet Tuschio, qui nunquam deficientis indultit tempore constitutus fuit per interpellationem in mora, ut ex dispositione *Sac. Concilii in cit. sess. 24. cap. 12. de Reform.* probant *Reinfest. Jus Canon. lib. 3. tit. 4. §. 4. num. 125.*, *Leo in Theaur. For. Eccles. cap. 3. num. 152.*, *Pignatell. consult. 5. num. 1. tom. 1.*, *Garz. de Benefic. part. 3. cap. 2. n. 151.* Maxime, quia in bona erat fide, quod pars ejus Agens sollicitudine prorogationes indulti, & distributionum exactionem curaret. Ad aequitate tandem alienum dicit, quod restitui debeant distributiones, quas Tuschii Coadiutor per quotidianum Ecclesiae servitium acquisivit.

Rem contra esse ajunt Beneficiati de distributionibus quotidianis, quae ex ipsamet *Sess. 24. cap. 12. Concilii Tridentini* ab iis dumtaxat lucrantur, qui *statutis horis interfuerint*, ipsoque facto, absque ulla privationis intimatione per absentiam amittuntur, *Piton. discept. Eccles. 34. numer. 3.*, *Pignatell. consult. 114. num. 8. tom. 9.* Nil autem prodesse contendunt heredibus Tuschii servitium praestitum ab illius Coadiutore, quum non excusetur ex hoc capite Coadiutus a residentia, *Monacell. tit. 13. to. 2. formul. 12. num. 69.*, *Piton. discept. Eccles. 85. num. 20.* Necessariam praeterea fuisse affirmant abessendi licentiam tum de Jure ex *Cap. Relatum de Cleric. non residen.*, ibique *Gloss. verb. Praelatorum*, *Pignatell. consult. 36. numer. 2. tom. 3.*, *Piton. discept. Eccles. 37. num. 7.*, *Lotter. de re benefic. lib. 3. quaest. 27. num. 122.*, cum ex propriis Constitutionibus, in quarum cap. XII. haec habentur = *Se uno parte da Roma senza licenza dell'Eminentissimo Titolare, e quivi si ammali, si abbia per assente* = iterumque in cap. XIII. = *Porti la fede giurata del Medico, e prenda la licenza dall'Eminentissimo Titolare, ed allora si abbia per infermo.* Atque ex ore tandem Secre-

tarii Communitatis Moriconis probant, integro, de quo agitur, quinquennio semper Tuschium fuisse = *di perfetta salute, forte, robusto* = ita ut quotidie celebraret Sacrum, Divinumque recitaret Officium, *e per suo divertimento alle volte se ne va a caccia a volatili.*

Ex his igitur deliberandum erit.

An sit locus repetitioni distributionum solutarum tempore deficientium indulgentiarum in casu &c.

*Seff. 14. cap. 7.
de Reform.*

LEMOVICEN. DISPENSATIONIS AB IRREGULARITATE. Miles cum Commilitone, alapa percussus, singulari certamine pugnavit mense Maio elapsi anni 1787. clericus Franciscus du Soulier, jamque, nullo accepto vel illato vulnere, vestimenta ad pugnandum deposita colligebat, cum evaginatum adhuc apponere debuit gladium irruenti Commilitoni, qui in illud prorupit, seque ipsum transfodit. Abiecta deinde militia, apud pium doctumque Semovicensis Diæcesis Parochum Theologiæ studio vacavit, ac in Episcopali tandem Ordinandorum Seminario receptus, E.E. Vestras rogat pro dispensatione ab Irregularitate. Hæc omnia confirmat Episcopus, testaturque, quod = *Hoc homicidium, licet non voluntarium, tam egre tulit dictus du Soulier, ut ejus exomologesim, ac ceterorum peccatorum, vix elapsis octo diebus, fecerit* = quodque = *nulla lis mota ob supradictum homicidium, nullaque satisfactio expostulata, nec a consanguineis occisi, nec a quibuslibet aliis* = Quæ de re nihil obitare censet = *quominus Sanctissimo Papæ nostro, preces dicti du Soulier offeras* (Eñum Sac. Congregationis alloquitur Præfectum) *ejusque Sanctitatem inducas, ut benigne, & cum indulgentia eas excipiat* = & in hæc verba concludit = *Nobis pergratum erit, si*
E. Ve-

E. Vestra Diæcesano nostro gratiam, & indulgentiam impetraverit, & benevole exceperit vota.

Gravissima in Clericum homicidium est Sacri Concilii Tridentini censura Sess. 14. cap. 7. de Reform. Præcipit enim, ut = nullo tempore ad Sacros Ordines promoveri possit. Loquitur tamen de homicidio voluntario, illudque excipit non ex proposito, sed casu, vel vim vi repellendo commissum. Cum promovendis in homicidio voluntario nunquam meminerim dispensatum, inquit Fagnan. in Cap. Henricus num. 41. de Cleric. pugn. in duell., & comprobatur Sacra Congregatio in Lamacen. Irregularitatis 13. Septembris 1738. Non item in homicidio casuali, vel ad repellendam vim commissio; nam indulgentiæ sunt exempla in Placentina 30. Septembris 1724., & in Elboren. Irregularitatis 16. Martii 1737. ad II. Dubium.

Involuntarium Episcopus appellat homicidium Clerici de Soulier, ac veluti patratum ad repellendam vim, qua in eum Commilito post certamen irruebat. Quærendum tamen, an voluntarium fuerit in causa, ob illicitum susceptum certamen: omni enim Jure prohibitum est duellum, Fagnan. in cit. Cap. Henricus num. 2., & 3. de Cleric. pugn. in duell.. Hæc sane recepta est distinctio. Aut dans operam rei illicitæ futurum prævidere potuit homicidium, causamque præbuit ad illud ordinatam, & tunc homicidium, licet accidentale, voluntarium censetur in causa, Cap. Continebat, & Cap. suscepimus de homicid. Aut homicidium prævidere non potuit, causamque non præbuit ad illud ordinatam, & in hoc casu voluntarius in causa non est effectus, Cap. Quæsitum de Pœnit., & remiss., Fagnan. in Cap. Si Confiterit num. 40. de accusat.

Vix unus præterea a die patrati criminis numeratur annus. Ad concedendam autem irregularitatis dispensationem præcipue considerandum = An tantum tempus excesserit a die perpetrati homicidii, ut illius memoria sit oblitterata in loco, & sic cesset scandalum, & honor, ut vir sanguinolentus ministret in Altari, quæ fuit causa instituendæ hujusmodi irregularitatem = ut per hæc verba monet Fagnan. in cit. Cap. Henricus num. 35. de Cleric. pugn. in duell. Alii satis esse censent triennium cum emendatione vitæ, ut Abb. in Cap. 21. num. 2. de accus., Antonell. de Regim. Eccles. lib. 1. cap. 6. num. 17., requirunt alii decennium, quo deleri solet memoria facti, ut Doctores allegati in Rotali decisione Melevitana Pecuniaria 8. Februarii 1751. §. 15. cor. cl. mem. Elephantutio.

Animadversionem contra meretur, quod tam ægre tulit dictus du Soulier homicidium, ut ejus exomologesim, ac ceterorum peccatorum, vix elapsis octo diebus fecerit, quod nulla lis mota ob supradictum homicidium, nulla-que satisfactio expositulata, nec a Consanquineis occisi, nec a quibuslibet aliis, quodque pergratum sibi esse ait Episcopus, si petita dispensatio Oratori concedatur. Plurimi enim Episcopi preces fecit Sacra hæc Congregatio in Consentina Irregularitatis 20. Martii 1786.

His igitur perpensis, deliberare digneantur Eñi Patres.

An sit consulendum Sanctissimo pro dispensatione in casu &c.

Die Sabbathi 9. Augusti 1788. in Palatio Apostolico Quirinali erit Sacra Congregatio Concilij, in qua, præter alia, proponentur infra scripta Dubia, juxta morem ejusdem Sacræ Congregationis de jure resolvenda.

P Riores quatuor Causæ, quas hic definiendas subiicio, ex novissimo sunt Folio diei 12. elapsi Julii.

V ISEN. DISPENSATIONIS AB IRREGULARITATE.

An sit standum, vel recedendum a decisis in casu &c.

Sess. 14. cap. 2. & 7., Sess. 21. cap. 2., & Sess. 23. cap. 14. de Reform.

Prævio recessu à decisis, consulendum SSmo pro absolutione, & dispensatione; Et ad mentem.

S UTRINA:

- I. *An, & quomodo Beneficati Ecclesiæ S. Andreæ teneantur præstare eidem Ecclesiæ servitium per hebdomadam in casu &c.*
- II. *An iidem Beneficati participes esse debeant emolumentorum Funerum, & Missarum, quæ dictæ Ecclesiæ offeruntur, & Rector ejusdem Ecclesiæ cogatur eos private vocare pro exequiis Defunctorum in casu &c.*
- III. *An ipsius Ecclesiæ Beneficia sint simplicia, ita ut retineri valeant cum Beneficiis residentialibus in casu &c.*

Sess. 24. cap. 12. de Reform.

Ad I. Iterum proponatur; in reliquis dilata.

Sess. 24. cap. 12.
de Reform.

ROMANA DISTRIBUTIONUM.

An sit locus repetitioni Distributionum solutarum tempore deficientium indultorum in casu &c.

Iterum proponatur.

Sess. 14. cap. 7.
de Reform.

LEMOVICEN. DISPENSATIONIS AB IRREGULARITATE.

An sit consulendum Sanctissimo pro dispensatione in casu &c.

Negative.

Sess. 22. cap. 6.
& Sess. 25. cap. 4.
de Reformat.

FANEN. ERECTIONIS CAPELLANIÆ. Quæ fuerit testamentaria Hipolytæ Torelli Gisberti dispositio, quæ causæ concedendi Lelio Rinalducci, mediatore illius heredi, facultatem permutandi proprium prædium *li Pozzetti* cum altero in vocabulo *S. Cristina*, Missarum onere gravato, ex *Foliis* habentur *dierum 29. Julii 1786.*, & *16. Junii 1787.* Sciendum modo, annuos fructus permutati prædii *li Pozzetti*, & alterius *le Caminate*, qui testimonio Episcopi, *explorato decennio*, *summam annuam scutorum Rom. 75. æquare solent*, destinatos esse celebrationi Missarum cum eleemolyna obolorum 10. pro qualibet, nulla designata Ecclesia, vel Capellano.

Ad obtinendam permutationis licentiam, in votis habere dixit Rinalduccius institutionem pii Legati in titulum ecclesiastici Beneficii. Rogat nunc, ut perpetuæ Capellaniæ erectio sub hisce conditionibus permittatur. I. Ut institui valeat in suburbana ejus Ecclesia (quæ in Parochia existit Rosciani, ac uno & altero lapide a Fanensi distat Civitate) sub invocatione B. M. Virginis Rosarii, & titularium Sanctorum Vincentii Ferrerii, & Aloysii Gonzaga. II. Ut sit mere laicalis, ac de suo, ejusque heredum, & successorum patronatu. III. Ut ex integris dd. prædiorum redditibus celebrare teneatur Capellanus pro anima Testatricis annuas tantum Missas 350., partim nempe in dicta Ecclesia diebus Dominicis, & Festis de præcepto, pluribusque B. M. Virginis, & SS. Vincentii Ferrerii, Aloysii Gonzagæ, Andreæ Abellini, & Paterniani festivitatis, partim in alia Ecclesia vel Capell-

PELLA, per Oratorem, ejusque uxorem Cleopatram *di. Montevecchio*, ac post ipsorum obitum per Capellanum eligenda. Et IV. demum, ut singulis diebus Dominicis docere debeat de licentia Parochi Doctrinam Christianam per dimidiam horam, reliquis vero festivitatibus Dominicalem recitare orationem, Angelicamque B. M. Virginis salutationem cum versiculo *requiem æternam* post Missam.

Confirmat Episcopus, quod cum neque Ecclesiam, neque Altare, neque Capellanium Hipolyta statuerit (celebrationi Missarum) Lelio hinc ut heredi, libera est de singulis facultas arbitrandi = ideoque concludit = si in Ecclesia rurali (quæ publico usui est, atque ad eundem Lelium pertinet) statutis ab ipso diebus hujusmodi Missæ celebrarentur, reliquæ vero, quæ numerum adimpleant, in qualibet Ecclesia in commodum Oratoris, Uxorisque suæ; id nec adversus, nec præter voluntatem Testatricis fieri videretur. Neque ex hac, quam postulat, Jurispatronatus erectione quidquam vel incommodi vel detrimenti consequitur. Immo aliqua forte commodi accessio fiet; cum inde facile futurum sit, ut id in beneficium transeat alicujus idonei ad Sacros Ordines assequendos, cui vel Beneficium Ecclesiasticum desit, vel angusta domi res patrimonium non suppetat.

Adversari fatetur Missarum reductioni voluntatem Testatricis; sed hæc ex ore Rinalduccii observat. Hipolyta, inquit, Legatum irritat, si quando Domini de Simonettis exortam quamdam litem adversus Romulum filium prosequerentur de expensarum reintegratione, cui filius succumberet. Atqui litem prosequuti reipsa sunt, quæ non antea quievit, quam per transactionem soluta ab ipso Lelio oratore expensarum controversarum pars fuerit. Quod quidem factum certissime constat. Quapropter nullum amplius Missarum celebrandarum obligatio habere locum videtur. Nihilo tamen jecius onus hoc suscipiet Orator, si tamen gratiam, quam postulat, ab E.E. Patribus assequatur.

Non adversatur Testatricis voluntas erectioni Capellaniæ in suburbana Oratoris Ecclesia. Nullum enim celebrationis locum designavit. Distinguunt Doctores inter Missas manuales una vice celebrandas, & perpetuas. Illæ secundum aliquos, ubi designata non sit Ecclesia, celebrari debent ob præsumptam Testatoris affectionem in tumultante, *Mantic. de conject. ult. volunt. lib. 8. tit. 6. num. 6. in fin. , Ricc. in prax. resol. 159. part. 3. , de Leon.*

de Offic. Capell. quæst. 5 sect. 2. num. 29. Aliæ vero, de quibus agitur, ubi magis libuerit heredibus seu executoribus testamentariis, ut per hæc verba tradit Pasqualig. tom. 2. de Legat. pro celebrat. Missar. quæst. 995. num. 4. Missarum tamen celebratio in Ecclesia Oratoris necessariam quodammodo redderet illarum reductionem. Locum enim distantia majorem exigeret elemosynam, quam si in quolibet alia Civitatis Fani Ecclesia celebrarentur Sacra. Hæc vero quoad reductionem Missarum est difficultas. Earum Legatum, inquit Episcopus, caducatum esset ob actam litem cum illis de Simonettis; nihilo tamen secius hoc onus suscipiet Orator, si tamen gratiam, quam postulat, ab EE. Patribus assequatur. Sed ipsius Episcopi testimonio, jam Orator per solemnem Transactionem = prædictarum expensarum (litis) refectiōni pro rata scutorum biscentum de suis pecuniis concurrere non renuit, & furi suppressendi Legati sponte renunciavit = & hac potissimum de causa licentiam obtinuit permutandi prædium li Pozzetti cum altero S. Cristina, ut in Folio 16. Junii elapsi anni 1767.

*N*il contra Orator per hujusmodi permutationem detraxit primo Missarum Legato, seu Capellanix erectæ in Ecclesia Monialium S. Archangeli; nam ultra congruum fundum, largitus ei fuit scuta 80. supra æstimationem prædii S. Cristina. Eam immo laudabili fecit consilio erigendi ex secundo Legato alteram Capellaniam, licet ob purificatum casum litis; jam illud ex mente Testatricis resolutum fuisset. Ex hac pia voluntate renunciavit furi suppressendi Legati, eique fortasse EE. Vestræ, hujusce renunciationis intuitu, reductionem etiam concessissent Missarum, si tunc postulasset.

*P*etita autem facultas celebrandi partem Missarum 350. in quella Chiesa, O CAPPELLA, che gli verrà destinata dall' Oratore medesimo, e dalla Contessa Cleopatra di Montevecchio sua Consorte, loro vita naturale durante, voluntatem Innuunt explendi celebrationem in privata Oratoris Cappella. Hoc adversari forsan posset voluntati Testatricis, quæ illam in publica demandavit Ecclesia per hæc verba = *Si facciamo celebrare tante Messe in perpetuo per l' Anima della Signora Testatrice in quella CHIESA, che ad esso Signor Romolo (primo hæredi) parerà* = ac difficiliorem etiam de ea efficeret redditionem rationis Ordinario.

*A*liena de cetero a Jure non esset Jurisparronatus reservatio.

*N*edum enim fieri potest a Fundatore Beneficii, sed ab ejus

ejus etiam hærede, licet nihil de suo in dotem conferat, *Card. de Luc. de Jurepatr. disc. 55. num. 13. Vivian. eod. tract. lib. 2. cap. 1. num. 13. part. 1. Doctrinæ tandem Christianæ expositio, Dominicalis orationis, & Angelicæ salutationis recitatio præferri quidem non debent Sacrificiis, Pasqualig. de Sacrific. nov. Leg. quæst. 1006. & 1007. tom. 2., Amost. de Caus. piis lib. 1. cap. 12. num. 40., & lib. 2. cap. 6. num. 10., & seqq., sed optima essent pietatis, & religionis opera, quatenus E.E. Vestræ reductioni Missarum indulgeant.*

Deliberandum igitur.

An, & quomodo sit locus erectioni Capellaniæ in casu &c.

Affirmativè juxta Votum Episcopi, dempta reductione Missarum.

ALBINGANEN. MISSÆ CONVENTUALIS. Gravia Canonici Collegiatæ Ecclesiæ Portus S. Mauricii sunt onera, tennes redditus. Canonicales Præbendæ tresdecim, una excepta scutorum 34., ab annua summa scutorum 21. ad scuta gradatim descendunt tria. Duæ enim scutorum sunt 21., altera 15., binæ 13., una 11., altera 8. 50., quatuor 60., ultima scutorum trium. Tenentur contra Canonici annuas canere Missas 611. circiter, aliasque lectas 306. pro Benefactoribus *in specie*, & ultra quotidianum servitium Chori, plura alia exercere pietatis, & religionis opera. Præter octavarium sane SSm̃i Corporis Christi, sexque novendialia, sexagies SS. Sacramentum infra annum exponunt: Psalmum quilibet feria sexta recitant *Miserere*: Litanias cum Psalmo *De profundis* singulis Sabbathis, & Dominicis: terque tertiam SS. Rosarii partem in hebdomada. Sunt etiam ex Capitulari massa scutorum 652. 50. quotidianæ distributiones, de quibus tres alii participant, Præpositus nempe, ac duo Æditui Sacerdotes, Præbendis destituti, sed gravi detracto sumptu ceræ pro sacris Functionibus, annuoque salario Organistæ, Sacristæ, & Campanarii, tenuiores fortasse sunt Præbendis. Hisce igitur de causis neglecta hætenus fuit (a quo tempore non constat) Missa Conventionalis pro Benefactoribus *in genere*, ro-

Sess. 22. Decret. de observan., & evitan. in celeb. Miss. & Sess. 24. cap. 15. de Reform.

gantque Canonici pro absolutione quoad præteritum, ac pro dispensatione ab illius celebratione quoad futurum. Exposita confirmat, precibusque annuendum censet Episcopus.

Præteritæ omissionis ratio fuit Canoniorum opinio, quod celebratio Missæ Conventualis pro Benefactoribus *in specie*, ad quam tenentur ex dispositionibus Testatorum, eos levaret ab altera pro Benefactoribus *in genere*. Opinio hæc confirmata fuit ex decreto anni 1698., quo Episcopus in executionem rescripti Sacræ Congregationis, quotidianam Missam Conventualem, a Francisco Barla præscriptam, his verbis reduxit = *Prædictum onus Missæ Conventualis ad ratam redditum moderamur, at que reducimus, ita tamen, quod elemosyna manualis uniuscujusque Missæ non excedat julios tres cum tertia parte alterius, & per d. Capitulum, & Massam quotidie cantetur Missa Conventualis sive pro præfato Legato, sive pro aliis oneribus Capituli, & Massæ, sive devotionis gratia* = Si in argumentum bonæ fidei accipient Emi Patres, quod opinati sunt Oratores, digni forsitan erunt absolutione. Sæpe enim illius intuitu concessa fuit pro hujusmodi omissionibus venia, ut *in Parmen. 6. Maii 1786., in Ecclesien. Onerum, & Distributionum 9. Septembris ejusdem anni ad I. Dubium, & in Reatina Reductionis Missarum 24. Martii elapsi anni 1787. ad II. Dubium.*

Hæc vero notanda sunt quoad futurum. Semper profecto Conventualis Missa pars fuit Divini Officii, *Can. De his dist. 12. gloss. in Clement. 1. de celebrat. Miss.* At in Encyclica *Cum semper oblatas ad tenuitatem Præbendarum respexit Benedictus XIV., eamque reduci posse permisit ad dies festos de præcepto, si cetera desint remedia a Sac. Concilio Tridentino proposita Sess. 24. cap. 15. de Reform. vel nempe, ut canonicalibus Præbendis uniantur aliquot simplicia Beneficia, non tamen regularia, vel ut aliquibus ex iis suppressis, ad pauciores numerum reducantur.* Reque vera non raro ob tenuitatem Præbendarum, hujusmodi reductionem concessit Sacra Congregatio, ac præsertim *in Narnien. 12. Junii 1712. lib. Decret. 62 fol. 211., in Veliterna 14. Martii 1722. in Amerina Missæ Conventualis 12. Martii 1746., in Arimin. 18. Septembris 1751., in Aretina 18. Novembris 1769., in Alexandrina 7. Julii 1770., in Placentina 30. Julii 1785., & in Setina Chori, & Missæ Conventualis 21. Januarii 1786.*

Tenues nec ne in casu nostro ad obtinendam quoad futurum

rum dispensationem, vel reductionem, sint canonicales Præbendæ, & Distributiones, & an remedia a Sacro Concilio Tridentino proposita, experiri debeant, ex iis deliberare poterunt Eñi Patres, quæ in *Facto* narravi. Dignentur ergo respondere.

- I. *An sit consulendum SSmo pro absolutione quoad præteritum in casu &c.*
- II. *An, & quomodo sit locus reductioni Missæ Conventualis quoad futurum in casu &c.*

Ad I. Affirmativè.

Ad II. Dilata, & scribatur Episcopo juxta instructionem, nempe referat de remediis à Concilio Tridentino propositis.

CONCORDIEN. DISPENSATIONIS AB IRREGULARITATE. Dum Sacerdos Marcus de Mattia, nuncupatus Pajer, nonnullos alloquebatur Amicos, quos vespere diei 30. Septembris 1785. extra Villam offendit Roral, in eum levi de causa verbis, & minis irrupit Clericus Angelus Biscontini. Illius iram comprimere studuit lenitate, precibusque obtinuit, ut inceptum cum Amicis iter Villam versus prosegueretur. Oppositam ipse deambulans viam, justam interposuit moram, ne iterum iracundo Juveni occurreret. Placide igitur prima noctis hora viam redibat, cum eum binos inter Pontes ex insidiis apprehendit Clericus, ut in suppositum Lacum deiceret. Integris restitit viribus, ut imminens periculum vitaret; sed majori impar vi, parvum trepidans eduxit cultrum, quo in aucupiiis utebatur, illudque aggressori opposuit. Paullulum hic cessit, ut robustius in eum irrueret, integratoque certamine, lethale vulnus ex cultro, præter intentionem Sacerdotis, in inferiore ventre accepit, ac nonnullas post horas decessit.

*Sess. 14. cap. 7.
de Reform.*

Non primum vulnus, & mortem, quam sequenti mane rescivit homicida, arreptaque fuga, per annum & ultra exulavit. In sua tandem confusus innocentia, ultro se in carceribus constituit, Fratribusque indulgentibus occisi, per hæc verba absolutus fuit = *sia liberamente assolto* =. Excommunicationis deinde vinculo Apostolica Auctoritate solutus, orat modo pro dispensatione ab irregularitate. Ei favet Episcopus, juribusque perlustratis refert =

homicidium a prædicto de Mattia patratum fuisse pro necessaria vitæ propriæ defensione: postmodum vero, vita, & moribus se omnibus semper exhibuisse, qualem Sacerdotem decet: compositionem Partis, & Fiscî sequutum fuisse, prout ex legalibus documentis, ex ipsa sententia criminali ad ejusdem favorem prolata, & ex Parochorum attestationibus mihi satis constat: nec non de sufficienti Patrimonio, non obstante alienatione de licentia hujusce meæ Curiae facta, provisum esse. Monet tamen = in hac mea Diœcesi utile non esse, denuo ad Sacrosanctum Missæ Sacrificium celebrandum admittendum antedictum Rev. Marcum de Mattia, ne scandalum in Populo eveniat.

Licet Sacerdos homicida irregularis sit ex dispositione Cap. Suscepimus 10. de Homicid. volunt., haud tamen sub gravissima comprehenditur Sacri Concilii Tridentini censura. Loquitur enim Sancta Synodus Sess. 14. cap. 7. de Reform. de simplici Clerico, præcipitque, ut nullo unquam tempore ad Sacros Ordines promoveri possit, non item de promotio, quem Sacra hæc Congregatio ab eadem censura immunem declaravit anno 1613. ; teste Fagnano in lib. 5. Decretal. Cap. Henricus de Cleric. pugnan. in duell. num. 23. & seqq. Ex veteri autem Jure sublata non est dispensationis spes promotio, Hostien. in Cap. Sicut de homicid., ac facilius ei indulgetur, ne mendicare cogatur, Cap. 2. de Cleric. pugnan. in duell.

Eo magis vero dimittenda est irregularitas promotio, si ad propriam defensionem, ac vim vi repellendo homicidium patrauerit. Hoc namque casu ipsis etiam Clericis favet Sacrum Concilium Tridentinum verbis illis = Si vero homicidium non ex proposito, sed casu, vel vim vi repellendo, ut quis se a morte defenderet, fuisse commissum narretur, etiam ad Sacrorum Ordinum, & Altaris ministerium, & Beneficia quæcumque, ac Dignitates jure quodammodo dispensatio debeat. Pluraque hujusce indulgentiæ sunt exempla in Placentina 30. Septembris 1724., & in Elboren. Irregularitatis 16. Martii 1737. ad II. Dubium.

Relatio Episcopi, & absolutoria sententia, necessarium quodammodo ostendunt homicidium patratum a Sacerdote de Mattia. Ex ejus tamen ore notandum, quod viso forsan cultro, cessit Clericus = due passi a dietro per via più assaltarmi con forza maggiore, come di fatto lo fece = In ea namque distantia secundum fortasse colluctationem evadere poterat fuga, satque erat Pontes, & Lacum transgredi, ne inermem amplius timeret. Illudque etiam

ponderandum, nondum a patrato crimine elapsum esse triennium, adeoque illius memoriam in Concordiensi Dæcesi vigerè, ut de scandalo timeat Episcopus, si iterum in ea Sacrosanctum Missæ Sacrificium celebraret. In concedenda autem dispensatione ab irregularitate hoc potissime spectandum, *an tantum tempus excesserit a die perpetrati homicidii, ut illius memoria sit oblitterata in loco, & sic cesset scandalum*, ut monet Fagnan. in cit. Cap. Henricus de Cleric. pugnan. in duell. numer. 3. & probat præcedens Folium in Lemovicen. Dispensationis ab Irregularitate §. Vix unus.

Ceterum an peracta pænitentia, bonique Oratoris mores, ac declarata per sententiam ejus innocentia, mere-ri possint indulgentiam, ut extra propriam saltem Diæcesim, vel locum patrati criminis celebrare valeat, EE. Vestræ dijudicabunt. Respondere igitur dignentur.

An sit consulendum Sanctissimo pro dispensatione in casu &c.

Negative.

URBANIEN. REDUCTIONIS MISSARUM. Rescripserunt Eñi Patres in hac Causa sub die 5. elapsi Aprilis: *Dilata, & scribatur Episcopo juxta instructionem, nempe quod referat, an reditus tempore, vel culpa Oratorum decreverint, & de servitio Choralì.* Hæc igitur Urbanien. Episcopus quoad primum. Reditus, inquit, qui duobus Mansionariis Collegiatæ Mercatelli, iisdemque suburbanæ Ecclesiæ = del Metauro = servitio addictis, a Clemente X. fuerunt attributi, eorum culpa minime decreverunt. Ex Tabulario Ecclesiæ = del Metauro = diligenter recognito, plane liquet, idcirco reditus decrevisse, quia duo census, quorum alter Rom. scutorum 16. 66. 3., alter scutorum 35. 33. 2. omnino perierunt, quamvis tunc temporis Mansionarii nullum lapidem non movissent, ne perirent. Ceteri vero Census superstites sunt, sed mutata temporum conditione, cum erectionis tempore septem, & eo amplius pro centum reddidissent, nunc fere omnes quatuor pro centum, ut moris est, reddere solent. Duo prædiola paucos singulis annis pro eorum tenuitate, aeris

Sess. 25. cap. 4.
de Reform.

aeris , cui exposita sunt , intemperie , atque terræ vitio reddunt asses . Hæc est decrementi reddituum causa , quæ proinde in Mansionariorum culpam verti nequit .

Quoad secundum vero , ita de Choralis servitio refert . Duo tantum sunt Mansionarii . decem omnino Canonici , quorum unus jubilationis gaudet munere . Ex iis sex adnexas habent rurales Paræcias , in quibus alternis Dominicis Parochialia obeunt munia , adeoque a Choro absunt . Tres turnatim vacationis gratia Choro minime interfunt singulis in annum hebdomadis , Festis , atque Adventus , & Quadragesimæ diebus tantum exceptis . Quo fit , ut Mansionariorum servitium sit omnino necessarium ; præsertim cum ad ipsos ex erectione spectet ferialibus diebus Conventuales Missas canere = Atque hinc concludit , quod = Cum a Chori servitio dispensari nequeant Mansionarii , cum scuta octo satis non sint ad binarum singulis hebdomadis Missarum celebrationem , quam in Ecclesia = del Metauro = peragere debent , præter multiplicia alia munera ibidem peragenda , EE. Vestrarum erit decernere , an satius sit ad Missarum reductionem devenire , quam Collegiatam Ecclesiam Mercatelli debito , eodemque prorsus necessario servitio privare , ut contingeret , si Mansionarii Chori servitio vel tantisper quidem solverentur .

Iterum ergo quæritur .

An , & quomodo sit locus reductioni Missarum in casu h. c.

Non proposita cum sequenti .

Sess. 24. cap. 12.
de Reform.

COLLEN. Clericus Augustinus Boschi annorum 43. patronus & rector simplicis Beneficii S. Petri a Fabbrica , adeo obtusæ est mentis , ut neque canonicas Horas recitare sciat , neque spes est , ut valeat . Temporariam hætenus illarum commutationem in alias preces a Sacra Pænitentiaria obtinuit , sed de prorogationibus timens , paratum se dicit ad dimittendum Beneficium , Vestrasque EE. rogat , ut illud sibi , vel alteri administrationis titulo permittant , qui unico adimpleto annui Sacri onere die festo S. Petri , reliquos ei redditus alimen-

mentorū causa tribuat. Sententiam de hujusmodi administratione non aperit Episcopus, sed Oratori favet pro commutatione Officii in alias preces, tum quia = *il viver sempre in istato di semplice Chierico giova all' Oratore, e non pregiudica nè a questa Cappella, nè al Curato, che non ha alcun diritto sopra questo Benefiziato* = tum quia Orator = *non ostante, che possenga pacificamente il semplice Beneficio sotto il titolo di S. Pietro a Fabbrica di padronato gentilizio della di lui Famiglia, vive miseramente, attese le tenui rendite del medesimo, colle quali deve alimentare il Padre, che per essere di un' età molto avanzata, si è reso impotente alla professione della Chirurgia, ed una Sorella nubile, privi affatto di beni di fortuna, alla riserva di una piccola angusta Casa di propria abitazione.*

Non raro Sacra hæc Congregatio vacantis Beneficii administrationem concessit Patrono pauperi, quousque ad legitimam pervenisset ætatem, ut in *Segovien. Capellanie* 17. Novembris 1731. ad III. Dubium, in *Vercellen. proposita per Summaria precum* 26. Novembris 1785. & in *Asculana Dispensationis* 20. Maii 1786. Quandoque etiam ex *Audientia Sanctissimi* similis elargita est gratia ad illius vitam, ut in *Asten.* 25. elapsi Junii. Eadem sane favet Canonica æquitas, ex qua alendus est pauper patronus ex fructibus Beneficii durante paupertate, *Can. Contra* 26., & *Can. Quicumque* 31. *quæst.* 7., & *Cap. Nobis de Jurepatr.* Utrum vero committenda esset administratio Oratori, vel alteri Ecclesiasticæ Personæ, quæ adimpleto Beneficii onere, reliquos illi reddat fructus, EE. Vestræ decernent. Modo enim data fuit Tercio, ut in *Asculana Dispensationis* 20. Maii 1786., modo ipsi Beneficiato, ut in *Segovien. Capellanie* 17. Novembris 1731. ad III. Dubium. Sed hoc notandum, quod de Patrono agitur paupere, cui aliquid fortasse aliena administratio detraheret.

Si VESTRAM igitur clementiam pro administratione Beneficii excitabit gravissima Oratoris paupertas, de qua testatur Episcopus, opus fortasse non erit commutatione Officii. Per dimissionem enim Beneficii, ad quam paratus est Orator, deficeret titulus, ex quo recitari debet per *Text. in Cap. Dolentes* 9. de *celebrat. Miss.*, *Cap. Quia* 15. de *Rescript. in sexto*, & *Constit. Leonis X.*, Superne dispositionis, anni 1513., ac *S. Pii V.*, Ex proximo, anni 1571., de quibus *Ferrar. in Biblioth. verb. Officium Divinum* §. 1. num. 25.; & Sacra hæc Congrega-

tio in Senogallien. Capellanie 6. Junii 1750. ad II. Dubium.

Quatenus autem Emi Patres denegandam esse censeant Beneficii administrationem, deliberandum erit de commutatione Officii. Distingunt Doctores apud Benedict. XIV. de Synod. Dioces. lib. 12. cap. 4. num. 6. inter impedimenta, quæ ad Horas recitandas Canoniceas, a culpa proveniunt, quæque prævisa forsitan fuerunt, antequam Beneficium acceptaretur, & impedimenta, quæ neque culpabilem causam habent, neque prævisa sunt; ac justam ex posterioribus, non item ex prioribus excusationem desumunt. Reque vera concessit quandoque Sacra Congregatio arbitrio Episcopi commutationem Divini Officii in alias preces, sed ob superventam capitis, vel oculorum infirmitatem, ut in Veliternen. 15. Maii 1700. lib. Decr. 50. fol. 242., & in Florentina 5. Maii 1708. lib. Decret. 58. fol. 164.

Anterior nec ne Beneficii possessione fuerit imbecillitas mentis, quam Orator ex infirmitate contraxit, expresse non constat. Eam vero supponere videntur anteriori verba illa Episcopi = *Fu dal medesimo donatario (Angelo Donato Boschi) presentato nel 1783. l'altro suo figlio Chierico Agostino Boschi, che essendo infelice, e di talento, e di patrimonio, parmi che meriti il sussidio di questo Benefizio di padronato di sua Casa.*

Quæritur ergo.

I. An, & quomodo sit consulendum Sanctissimo pro administratione Beneficii, de quo agitur, ad vitam Oratoris in casu &c.

Et quatenus negative.

II. An, & quomodo sit locus commutationi Divini Officii in alias preces in casu &c.

Die Sabbathi 30. Augusti 1788. in Palatio Apostolico Quirinali erit Sacra Congregatio Concilij, in qua præter alia proponentur infrascripta Dubia, juxta morem ejusdem Sacræ Congregationis de jure resolvenda.

URBANIEN. REDUCTIONIS MISSARUM.
An, & quomodo sit locus reductioni Missarum in casu &c.

*Sess. 25. cap. 4.
 de Reform.*

Affirmative juxta votum Episcopi.

COLLEN.

I. *An, & quomodo sit consulendum SSmo pro administratione Beneficii, de quo agitur, ad vitam Oratoris in casu &c.* *Sess. 24. cap. 12.
 de Reform.*

Et quatenus negative.

II. *An, & quomodo sit locus commutationi Divini Officii in alias preces in casu &c.*

Ad primum Negative.

Ad secundum Affirmative arbitrio Episcopi, facto verbo cum SSmo.

URBEVETANA. Disputatum fuit anno 1766. = *An Canonici capitulares Collegiatæ Ecclesiæ S. Christinæ teneantur coadjuvare Præpositum in exercitio curæ Animarum, & præcipue in assistendis moribundis; juribusque Patrium in Folio 10. Maii illius anni cumulatissime relatis, rescripsit die 31. ejusdem mensis Sacra hæc Congregatio Affirmative in casu necessitatis tantum, servato in reliquis solito, & amplius = Perpetuæ deinde Inter Præpositum* *Sess. 21. cap. 4.
 Sess. 23. cap. 1.
 de Reform.*
 Tom. LVII. S tum

tum, & Canonicos fuerunt *de casu necessitatis* contentiones. Sæpe enim ille, nunquam isti, aut raro eum admitterebant. Occasione tandem visitationis Sacrorum Liminum, pastorem excitarunt E^mi Episcopi sollicitudinem. Retulit siquidem anno 1785., quod = *Præpositus inala sæpissime valetudine afficitur, aliis etiam distractus negotiis, quandoque Parochiam respicientibus, præsto esse non potest. Si ægrotet, negant Canonici, & simulatam infirmitatem dicunt. Si vero aliis curis detineatur, casum necessitatis non esse contendunt. Hinc quotiescumque ad infirmos vocati sunt, absente aut impedito Præposito, hunc accersiri respondent, ipsi autem nunquam fere, aut saltem perraro accurrunt* =. Nonnullos hac de re sine Sacramentis, & assistente Sacerdote decessisse ait; impossibile autem esse, casus præcisæ necessitatis præfinire. Quid sibi ergo in hisce circumstantiis agendum esset, ab E^e. Vestris postulavit.

Ita ad hæc die 4. Maii 1786. Sacra Congregatio respondit = *Iustissima est causa certam condendi legem, ne Vulsini Canonici, qui omnes adjutricem operam Priori in Animarum cura præstare tenentur, facile, ut hætenus accidit, officio desint, responsum hinc ad postulationem tuam eo modo factum est, ut qualibet hebdomada duo designandi sint Canonici per turnum, qui nulla excusatione admissa, præterquam in devolutivo ad Eminentiam tuam, Priori manum adjutricem præstare cogantur* =. His igitur utendo facultatibus, decretum edidit E^mus Episcopus die 28. Octobris ejusdem anni, & mitius agendo, unum dumtaxat ex quinque capitularibus Canonicis, qui Præpositum in Animarum cura coadjuvaret, in singulos hebdomadas per turnum destinavit. Monuit tamen Præpositum, sibi præsertim incumbere Animarum curam, nec sibi licere, nisi in casu necessitatis, non autem pro sui libitu onus in alios refundere; monuitque Canonicos, nullam admittendam excusationem, præterquam in devolutivo, juxta sapientissimum, de quo supra, Sacræ Congregationis responsum, omnesque, quoties infirmorum copla datur, teneri nedum ex charitate, sed etiam ex iustitia. Maximas decretum hoc excitavit turbas, statimque adversus illud protestati sunt Canonici, utpote qui obedientiam Superioribus præstare recusant, seseque jactant, sæpe cum Episcopo contendere, ut expertus fuit etiam cl. me. Episcopus Ripanti antecessor =, ut in hæc verba testatur E^mus Episcopus. Quum autem a prosequendis actis destitissent,

de

de futura idcirco timens executione decreti, EE. Vestras exoravit Promotor Fiscalis Urbevetanæ Curiae pro illius approbatione, rescriptisque Sacra Congregatio die 19. Maii elapsi anni 1787. = *Emo Episcopo in Curia, qui non retardata executione Decreti, Canonicis præfigat terminum ad deducendum jura sua in S. C., eoque elapso amplius non esse audiendos.* Præfixo hinc trium mensium termino, duo Canonici disputari postularunt Dubia: alterum super resolutione anni 1766., & alterum super responso anni 1786., ejusque executoriali Emi Episcopi decreto. Re vero ad Eminentissimum Præfectum ablegata, disputari mandavit Eminentia Sua infra scriptum Dubium.

Plura in Folio anni 1766., quam utrinque modo deducuntur. Præstat tamen potiora repetere, ut sub oculis sint quæ Episcopalis decreti justitiam, vel injustitiam suadere possunt. Urgent præ omnibus Canonici rem judicatam anni 1766. Dum eos namque compulit ad coadjuvandum Præpositum *in casu necessitatis tantum*, illud ipsis imponere voluisse censetur onus, quo ceteri gravantur Presbyteri, *Rot. in Constantien. Subsidii Parochialis 9. Junii 1785. §. 6. coram clar. memor. Card. Bussio*, non item gravius alterum coadjuvandi singulis hebdomadis per turnum. Idque ea ratione definitum asserunt, quia penes unum Præpositum est Animarum cura; quod ex inæqualitate probant redditum. Ex bonis siquidem primæ erectionis duplam Præpositus, simplam Canonici capiunt simbolam. Ex aliis secundæ erectionis æqualem quidem habent partem, sed omnia Canonicis incumbunt onera. Ac tantum denique reddit Præpositi præbenda, quantum reliquæ simul Canonice.

Habitualement penes Capitulum inficiantur curam, ex qua ad coadjuvandum Parochum cogantur. Adjici enim non consuevit in collationibus Canonicatum onus adjuvandi actualem Parochum. Simples quandoque admissi fuerunt Clerici in Canonicos. Qui vero insigniti sunt Sacerdotio, approbatione indigent Episcopi, ac Præpositi venia, ut ægrotantium præsertim Parochianorum confessiones excipiant, quibus non indigerent, si instituti essent in Canonicatibus cum habituali Animarum cura, juxta *Sac. Conc. Trid. sess. 23. cap. 15. de Reform.* Collata semper fuit Præpositura per concursum, non per examen ad præsentationem Capituli, ut supposita apud ipsum habituali cura, fieri debuisset *ex Cap. unic. de Capell. Monach.* Hisque omnibus accedit observantia. Antiquiori-

bus enim omiſſis factis , ægroto Præpoſito permiliſit Epiſcopus anno 1750. , ut unum , vel alterum pro exercitio curæ deſtinaret Canonicum , ſoluto tamen ſtipendio *del proprio* . Paſtoralem ruruſ ſollicitudinem , & Sac. Viſitationis Decreta in unum Præpoſitum direxit anno 1755. , nulla facta mentione Capituli . Ac jurato demum Teſtium dicto , unus ſemper Præpoſitus privative ad Capitulum , Animarum curam exercuit .

Nec ſatis eſſe contendunt ad habituaſem ſuadendam curam , ſive Decimarum , & quartæ funeralis participatio , ſive juſ baptizandi . Hæc omnia proſecto æquivoca ſunt curæ argumenta , quum acquiri potuerint ex conſuetudine , privilegio , vel aliorum onerum correſpectivitate . Ita quoad Decimas *Rot. in Nullius , ſeu Celſonen. Parochialis ſuper Bono Jure 3. Decembris 1778. §. Argumenta coram cl. me. Card. Millino , & in Aſculana contributionis Congruæ 28. Aprilis 1755. §. 17. cor. cl. me. Card. Elephantutio* . Et ita quoad quartam funerum , & juſ baptizandi *Gratian. diſcept. 298. num. 42. , Barboſ. de Potheſt. Epiſcop. allegat. 57. num. 161. Reque vera gravantur Canonici correſpectivis oneribus = delle ſpeſe della Sagra Viſita ; della cera nel giorno della Purificatione , ſolita diſtribuirſi in Chieſa , e per le Caſe rurali ; della loro eddomada , applicazione delle Meſſe pro Populo , e ſomminiſtrazione di Vino , ed Oſtia a tutti li Sacerdoti tanto ſecolari , che regolari , e foraeſtieri , che celebrano la Meſſa nella præd. Chieſa Collegiata = , ut in hæc verba deponunt Teſtes . Quodque ex alio , præterquam curæ titulo , de Decimis , & quarta funerali participant , ac baptizent , ex privativo comprobatur Præpoſiti jure aſſiſtendi matrimoniis , quum nulla omnino ratione præſcribi valeat ex diſpoſitione Sac. Conc. Tridentini Seſſ. 24. cap. 1. de Reform. . Atque ex his concludunt Canonici , quod ex eodem Concilio ſeſſ. 21. cap. 4. de Reform. cogendus potius ſit Præpoſitus , qui unus eſt Parochus , & pingues habet redditus , ad aſſumendum Vicarium Curatum .*

Toti contra Promotor Fiſcalis , & Præpoſitus reſponſo incumbunt Sacræ Congregationis , cujuſ in executionem latum eſt ab E. mo Epiſcopo decretum , Quum enim juxta formulam propoſiti Dubii , in quæſtionem non veniat , quod E. E. Veſtræ præſcripſerunt , ſi hoc idcirco ſupponatur , nec decretum reprobari poſſe videtur , per *Text. in Cap. ſuper quæſtionum 27. de offic. , & poteſt. Judic. delegat.* Pinguiores de cetero Præpoſituræ redditus ad Dignitatem , & Decimarum comparticipationem

ad habitualement referunt coram, eo quod sint sacramen-
tales, quales, non confito de titulo, præsumuntur, *Text.*
in Cap. Quamvis de Decim., & in Cap. Secundum de Præ-
ben., Fagnan. in lib. 5. cap. 1. Ne Prælat. vices suas
num. 21., & seqq.

Ponderandum insuper ex relatione Emi Episcopi = *Quod*
unus Parochus, nempe Collegiatæ Præpositus, ad multi-
tudinem Animarum regendam non est sufficiens. Pars alt-
qua enim Populi degit extra mœnia in altitudine Collis,
& in loco, qui dicitur il Castello; quodque = impossibile
est, casus præcisæ necessitatis præfinire. Si enim tenen-
tur Canonici ex re judicata anni 1766. coadjuvare
Præpositum in casu necessitatis, qui ob multitudinem
Animarum, locique difficultates præfiniri non potest,
æqua idcirco videri posset alterius ex ipsis destinatio in
singulas hebdomadas per turnum.

Varia secundum circumstantias fuit Sacræ hujus Congre-
gationis sententia. Modo enim ex comparticipatione
Decimarum, Populique frequentia Canonicos coegit ad
coadjuvandum Parochum, ut in *Farsen Decimarum 1. Sep-*
tembris 1691. in lib. Decret. 41. pag. 126., & in Montis
Falisci Onerum Parochialium 8. Maii 1706. in lib. De-
cret. 56. part. 148. Modo eos in similibus fere terminis
cogendos non esse, sed in casu dumtaxat necessitatis tæ-
neri declaravit, ut in *Caputaquen. 14. Maii 1729. ad VI.,*
& VII. Dubium, aliisque Causis, de quibus in Folio an-
ni 1766.

Eo igitur resumpto Folio, & quæ hætenus exposui, beni-
gne perpenſis, respondere dignentur Emi Patres.

An, & quomodo Decretum latum ab Eñno Episcopo sub
die 28. Octobris 1786. sit exequendum in casu &c.

Affirmativè in omnibus, & amplius.

Sess. 24. cap. 1.
de Reform. Ma-
trim.

SANTANDRIEN. SEU CUBANA MATRIMONII :
Ob suffragiorum discrepantiam resoluta non fuit Causa
ista in Congregatione diei 12. elapsi Julii . Iterum ergo
E.E. Vestrarum iudicio subiicitur . Mala potissimum ur-
get matrimonii Defensor , quæ per dispensationem a pri-
mo matrimonio rato Rosæ de Zarate sequerentur . Per
eam , inquit , quæ simplex esset gratia , matrimonium il-
lud declararetur validum ; secunda Uxor adultera , ejus-
que Filii illegitimi ; & periculum esset , ut secundum
etiam dissolveretur matrimonium , si cognita primi va-
lidityte , de qua ante dispensationem dubitari posse affir-
mat , renovare nollent Conjuges consentum . Eoque
minus hæc permitti debere contendit non citato Riano ,
penitusque inaudita Maria de Sales , quæ secundum ma-
trimonium bona fide contraxit .

Argumentum retorquet Defensor Rosæ ; nam eadem se-
querentur mala , si denegaretur dispensatio , quum in
implicito etiam validitatis statu primum matrimonium re-
linqueretur . Majora immo dici possent . Adimeretur
enim secundis Conjugibus facultas renovandi consen-
sum , ut eorum conscientia consulant . Idque verisimi-
liter ex diuturna vitæ consuetudine , susceptæque Pro-
lis amore facturi essent , si primi matrimonii vinculum
dissolveretur . De impossibilitate autem citandi Rianum ,
ejusque secundam Uxorem , satis in Folio 26. elapsi Apri-
lis . Eo igitur resumpto , deliberent Emi Patres .

*An sit standum , vel recedendum a decisio quoad secundum
Dubium in casu &c.*

In decisio , & amplius :

Sess. 14. cap. 7.
de Reform.

MARSICANA DISPENSATIONIS AB IRREGU-
LARITATE . Suis ruri vacans rebus , igneam an-
no 1773. explosit balistam Sacerdos Januarius de Rosa
in alienum . Custodem boum , qui prædium depascebant ,
ut eum terreret : at plumbeis ille globulis vulneratus ,
uno de viginti die decessit . In homicidam animadvertit
Episcopalis Curia Marsici , eumque post annum carce-
rem , ad biennium exilium damnavit . Hac expleta pœna ,
absolutionem postulavit reus ab irregularitate ; sed in-
stan-

stantiam rejecit Sacra Congregatio die 30. Augusti 1776. per rescriptum, *Lectum*. Iterum post aliud biennium, pro ea supplicavit, iterumque E.E. Vestræ sub die 18. Julii 1778. rescripserunt, *Lectum*, addita clausula, & *preces amplius non recipiantur*. Tertio nunc ex rescripto SSmī, Eūmorum Patrum clementiam implorat. Exposita confirmat Episcopus, testaturque, quod in patrato homicidio *dolus absuit, culpa non defuit*; quod = *Mater orphani præmortui in arenam descendere, ut damno & injuria resarciretur, licet requisita, expresse renuit*; Quodque de *bona vita, bonisque moribus* (Oratoris) *ex attestationibus Rev. Cleri prædictæ Terræ (Viggiani) & Universitatis ejusdem clare patet*.

De homicidio agitur, in quo, Episcopi testimonio, *culpa non defuit*, ac de Sacerdote non paupere. Licet autem in his terminis sublata non sit dispensationis spes promotio, *Hostien. in Cap. Sicut de homicid.*, haud facile tamen, post plures etiam annos, indulgeri solet, nisi graves concurrant dispensandi causæ, ut censuit Sacra Congregatio in *Sabinen Irregularitatis* 28. Julii elapsi anni 1787. Quilibet contra *dolus absuit*: nec querelam offensa Pars exponere voluit: carcerem Orator, & exilium subiit: *bona est vita, bonisque moribus*; & quindecim a patrato homicidio lapsi sunt anni, quibus illius memoria deleta censetur, *Antonell. de regim. Eccles. lib. 1. cap. 6. num. 17.*, & *Rot. in Melevitana Pecuniaria* 8. Februarii 1751. §. 15. coram clar. mem. Cardinali Elephontutio. An hæc autem omnia justam inducant dispensandi causam, E.E. Vestræ decernent. In similibus fere terminis Sacerdoti homicidæ indulserunt in *Murana Irregularitatis* 12. Martii 1763., & in *Melevitana Irregularitatis* 15. Decembris 1787., in qua addita fuit clausula: *dummodo non celebret in loco patrati criminis*.

Quæritur ergo: *An sit consulendum Sanctissimo pro dispensatione in casu &c.*

Negative.

LAURETANA NULLITATIS CONTRACTUS. Sacerdos Jo: Bernardinus Morichi, Beneficiatus Lauretanæ Basilicæ, vendidit anno 1777. absque reservatione Beneplaciti Apostolici Sacerdoti Joanni Ginami pretio scutorum 130. = *il jus exigendi dall'annua risposta della casa, o case, che sene ritrae scudi 14. all'anno, provenienti dal Beneficio corale.* Promoto hinc sub annum 1784. ad aliud Beneficium, venditum transtulit jus ad domum ei odnexam, cum pacto redimendi *semper, & quandocumque.* Pœnitentia tandem ductus, querelam ad EE. Vestras detulit nullitatis contractus, postulavitque restitutionem Domus, & fructuum, quos ad totum annum 1787. ultrâ solutum pretium Ginamus perceperat.

Lauretanus Vicarius Apostolicus refert = *prædictas domos, usui Choralium hujus Basilicæ addictas, in Bullis Apostolicis super provisione Beneficiorum satis exprimi; immo pro dote, & mansu Beneficiorum reputari, nec non singulis Beneficiis taxative, & particulariter esse adnexas. Contra vero inficiari nequit, prædictas domos, seu potius fructus eorundem pluries a Beneficiatis fuisse contractui, de quo agitur, subjectos; sed jure, an injuria, sub Judice, lis est, immo semper in privatis singraphis, quæ cum in tenebris latuerint, Episcoporum vigilantiam effugerant. A ferendo tamen abstinet suffragio. Res igitur sub Infrascripto proponitur Dubio.*

Domus siquidem, de qua disceptatur, adnexa est Beneficio Morichii, partemque constituit ejus fundi, ut fassus ipse fuit in apocha contractus verbis illis = *provenienti dal Beneficio corale* = & Apostolicus confirmat Vicarius. Quælibet autem bonorum Ecclesiæ, aut Beneficii interdicta est alienatio in Extrav. *Ambitiosæ de reb. Eccles. non alienan.*, idemque de redditibus Beneficii sub pœna nullitatis decernitur in Constit. Universalis Ecclesiæ, in ordine la 29. *Benedicti XIV.* Viribus ergo, inquit Morichius, subsistere non potest expleta venditio, ad tradita per Antonell. de regim. Eccles. lib. 1. cap. 4. num. 15., Leuren. for. Eccles. lib. 2. tit. 2. quæst. 156. num. 2. tom. 2., Novar. de privil. miserabil. person. privileg. 130. n. 2.

Neque prodesse ait emptori, quod de minori agatur reddituum parte, ac de modica summa. Utraque enim Constitutio indefinita est, omnemque prohibet alienationem. Teuuitas autem summæ tunc eam reddit licitam, si de re fiat minus utili, & de licentia Episcopi, Can. Terrulas caus. 12. quæst. 2., quorum neutrum in casu nostro

stro concurrat. Ponderandum de cetero, num modica dici valeat annua summa scutorum 14., quorum ad vitam juvenis Beneficiati insigne est capitale. Terrularum valorem, de quibus in cit. Canone, statuit ibidem Gloss. verb. *exiguas* in solidis 20., seu scutis 30. Eum ad summam evehunt scutorum 40. *Gratian. discept. 452. n. 10., Corrad. in prax. dispensat. lib. 9. cap. 4. num. 45.*

Idque etiam notandum, quod venditum non fuit simplex commodum, sed jus percipiendi pensiones. Hoc sane veluti inhærens personæ Beneficiati, ac tanquam essentialis pars Beneficii, abdicari non potest. Nil aliud enim est Beneficium, quam *jus percipiendi fructus ex bonis Deo dicatis*, Clerico propter Divinum Officium competens, ut inquit *Corrad. in prax. benefic. lib. 1. cap. 1. num. 2., Gagliard. de Benefic. cop. 2. num. 1., Lanfredin. resp. 16. num. 16.* Inde autem Morichius concludit, quod attentata contractus nullitate, restituendum sit ab emptore quidquid ultra solum pretium ex pensionibus percepit, *de Marin. quotid. resolut. cap. 8. num. 1., & seqq., Ventrigl. in prax. part. 1. annot. 1. §. 4. num. 6.*

Actionem Ginamus impugnat Morichio petendi restitutionem domus ex nullitate contractus. Ea namque experiri non posse ait Beneficiatum in proprium commodum, sed nomine, & favore Ecclesiæ, ne ex culpa sua compendium consequatur, *Garz. de Benefic. part. 2. cap. 1. num. 83., & seqq.,* non aliter vero Ecclesiam ipsam audiendam esse, quam restitute pretio, *Text, in Cap. Ad audientiam de reb. Eccles. non alien., Ferr. in Biblioth. verb. Alienatio art. 5. num. 3.* Num erandas præterea non esse contendit inter fructus Beneficii pensiones domus. Ex Constitutione siquidem Clementis VIII. redditus Beneficiorum Lauretanæ Basilicæ in numerata consistunt pecunia. Domus vero singulis Beneficiatis assignatæ, simplicem respiciunt eorum commodum, quod vendi posse affirmat.

Meram rursus accepisse supponit commoditatem, non titulum percipiendi pensiones (contrarium liquet ex apocha, in qua venditum legitur jus exigendi) eamque ex communi Doctorum sententia libere in contractum absque Beneplacito Apostolico deduci potuisse, *Gratian. discept. 238. num. 25., & seqq., Redoan. de reb. Eccles. non alien. quæst. 51. cap. 2. num. 1., & seqq., & num. 14. & 15., Card. de Luc. de alienat. disc. 12. num. 13., Ursaya discept. Eccles. 1. num. 26. tom. 8. part. 1.* Pensionum Ecclesiasticarum instar, quarum cessio interdicta non est,

si de simplici fiat exigendi commoditate, *Aniden. de styl. Datar. lib. 1. cap. 27. num. 7. Card. de Luc. de alienat. disc. 12. num. 14.*

Immemorabilem postremo urget consuetudinem, semperque hujusmodi contractus a Beneficiatis Lauretanae Basilicae in istos fuisse dicit. Hæc autem consuetudo vim habet privilegii Apostolici, ex quo Beneficiorum redditus vendi possunt, *Piton. discept. Eccles. 116. num. 30. & seq., & Rot. in Recen. decis. 11. num. 2. part. 2.* Non aliunde tamen asserta probatur immemorabilis consuetudo, quam ex tribus singularibus Testibus, de triplici recentissimo venditarum pensionum contractu deponentibus. Hi forsan sunt contractus, quos Vicarius Apostolicus expletos refert in *privatis singraphis*, quæ in tenebris latuerint.

Quantum vero ad restitutionem perceptarum pensionum, bonam allegat fidem, qua aliorum exemplo contraxit, & pensiones consumpsit. Bona enim fides excusat a restitutione consumptorum fructuum, quod quis ex illicito contractu percepit, *Card. de Luc. de alienat. disc. 12. num. 17. & Rot. in Romana Censu Vitalitii 28. Januarii 1757. § 4. & 5. coram clar. mem. Card. Elephantio.*

Dubium est: *An constet de nullitate contractus, ita ut sint restituendi fructus in casu &c.*

Affirmativè in omnibus.

*Sess. 25. cap. 4.
de Reform.*

INTERAMNEN. 'REDUCTIONIS MISSARUM :
Ob imminutos redditus Capellanæ erectæ in Ecclesia Min. Conventualium S. Francisci Interamnæ sub titulo SS. Antonii Abbatis, & Patavini, Capellanum levare postularunt Patroni ab annuo onere subministrandi Patribus strictioris Observantiæ, & Cappuccinis ejusdem Civitatis certam frumenti, musti, & olei quantitatem, ac Missas etiam centum a Fundatrice præscriptas reduci. Proposito igitur sub die 19. Julii 1777. Dubio: *An, & quomodo sit consulendum Sanctiss. no. pro commutatione voluntatis Testatricis*, EE. Vestræ rescripserunt: *Affirm.*

firmative juxta votum Episcopi, celebratis per Capellānum Missis in Cappellis S. Antonii Abbatis, & S. Antonii Patavini, erectis in Ecclesia Min. Conventualium S. Francisci, juxta redditus prædii Pedemontis ad rationem eleemosynæ manualis, detractis utensilibus, docto quolibet anno de adimplemento coram Episcopo.

Ita ad hæc tempora ad manualement obolorum 10. pro qualibet Missa servatum est. Ea autem, ob majora rerum pretia, ad obolos quindecim aucta, Sacerdotes desunt, qui Capellaniæ celebrent Sacra. EE. igitur Vestras exorant Dominicus Pecoli Massarucci, aliique hodierni compatroni pro illorum reductione ad annuas Missas 50. Exposita confirmat Episcopus, & in hæc verba prosequitur: *Inficiari non licet, Capellaniæ fundum aurea vix decem reddere quolibet anno. Constat ex accuratis rationum redditionibus coram me expletis: constat ex consentanea, jurataque Coloni partiarii relatione. Scuta septem, & oboli quinquaginta manualement conflant mercedem Presbyteri celebrantis (Missas 50.) cum id, & præsens rerum status, & legitima consuetudo præseferat. Alterum item aureum occurrit persolvendum Ecclesiæ, sacra danti utensilia, quæ in uno, & altero obolo pro unaquaque Missa penduntur. Quod reliquum est, exigit ipsa prædii custodia, ne ceteroquin pessumdata, ulterioris reductionis pariat necessitatem. Noscunt omnia hæc Patroni oratores: noscit insuper Capellanus, ideoque precibus annuunt. Annuendum sane & ego opinarer.*

Nedum redituum imminutio, sed majus etiam rerum pretium justa reputari solet reductionis Missarum causa. Ita Sacra hæc Congregatio in Bracharen. 11. Septemb. 1717. lib. Decret. 67. pag. 373., in Mediolanen. Reductionis Missarum 9. Aprilis 1718., in qua proposito Dubio: *An supposito, quod nullus inveniatur Sacerdos, qui velit Missam quotidiana celebrare pro annua eleemosyna librarum 300. a Testatore præscripta, sit locus reductioni; Sacra Congregatio respondit: Affirmative.* Et ita in Senogallien. Reductionis 10. Maii 1783.. Quale autem de his, quæ pro reductione ad annuas Missas 50. exponit Episcopus, ferendum sit judicium, ad EE. pertinet Vestras.

Notandum tamen, jam semel anno 1777. reducias fuisse Missas ad manualement. In his saneterminis ulteriorem reductionem, a Neapolitano Archiepiscopo factam vigore indulti, Sacra hæc Congregatio reprobavit in Neapolitana Reductionis Missarum 19. Novembris 1729., Ponderare etiam dignentur EE. Vestræ, num ex eodem

rescripto anni 1777. tot absque nova reductione celebrari valeant Missæ, quot prædii redditus ad præsentem manuum patiuntur. Missarum insuper reductio ad certum numerum impedimento esset, ne aucto reddito, augerentur. Summa tandem scutorum circiter duo, quæ, detracta eleemosyna obolorum 15., sacrisque utensilibus, superesset, in lucrum fortasse cederet Capellani, dum prædii cultura partiaro de more incumbit Colono.

His igitur perpensis, deliberent Eñi Patres.

An, & quomodo fit. locus reductioni Missarum in casu &c.

Negative, & esse locum celebrationi Missarum ad rationem eleemosinæ manualis nunc in Diæcesi vigentis.

*Sess. 25. cap. 11.
de Reform.*

MACERATEN. EMPHYTEUSIS. Qui ex Canonici Collegiatæ Ecclesiæ Divi Blasii Montis Milonis nuncupantur *del Monte*, facultatem ab hac Sacra Congregatione impetrarunt die 15. Julii 1780. concedendi latifundium *di Morla* = *arbitrio Episcopi ad tertiam Generationem masculinam tantum pro annuo canone scut. 228., & cum mensuratione bonorum, & insertione plantæ ipsorum in instrumento emphyteusis*. Canonem illum pro persona nominanda supra ceteros obtulerat Franciscus Salustri. Nominato igitur Joanne de Vita, ab eoque in socium assumpto Andrea Antonucci, omnia per privatum scripturam die 20. Novembris ejusdem anni inita fuerunt emphyteusis pacta, ne ad Literarum Apostolicarum expeditionem destitueretur latifundium cultura, illudque potissimum conventum est = *Che sia a carico de sudetti Signori Vita, ed Antonucci riportare dalla Dataria Apostolica a tutte loro spese la Bolla occorrente per la validita di detta enfiteosi dentro il termine di due mesi da oggi*.

Delata emphyteutæ, ejusque Socio latifundii possessione, diu Apostolicas Literas neglexerunt. Urgenti bus tamen

Canonicis, ventum tandem die 19. Decembris 1783. ad
 iliarum expeditionem; sed nomine Salustrii. Erroris cau-
 sa fuit, quod Maceratensis Vicarius Generalis, qui pri-
 mo ad Sacram Congregationem absente Episcopo retu-
 lerat, nullam de persona nominanda mentionem fece-
 rat. Re cognita, Sacram Congregationem adiit de Vi-
 ta pro emendatione erroris, aliaque in singulos annos
 obtulit scuta duo, ut perpetuam emphyteusim obtine-
 ret. At die 22. Maii 1784. EE. Vestrae rescripserunt =
Quoad perpetuationem emphyteusis Lectum; in reliquis
Episcopo pro informatione, & voto, praevia nova Edi-
ctorum affixione. Hoc monitus rescripto, instantiam,
 secundis precibus ad emendationem erroris coercuit, ro-
 gavitque pro revocatione praecedentis rescripti quoad
 novam Edictorum affixionem. Aliud igitur die 24. Julii
 ejusdem anni prodit rescriptum = *Episcopo pro informa-*
tione & voto, audito Capitulo, transmissi oblatione, &
denominatione in actis emissa de tempore habili, suspensa
interim nova Edictorum affixione.

Priusquam novissima haec accipere posset mandata, exe-
 quutus fuit Episcopus praecedens rescriptum, novisque
 sub die 29. Julii affixis Edictis, nullus in termino inven-
 tus est oblatores, sed variis inter Canonicos, & Oratorem
 exortis Juris controversiis, nonnullae instantiae, & com-
 paritiones in actis productae sunt, ut in haec retulit verba.
 Ex nova siquidem Edictorum affixione resolutam affirma-
 bant de Vita & Antonuccius oblationem Salustrii; re-
 scissam emphyteusim: contrarium Canonici sustine-
 bant, solemnibus utrinque emissis protestationibus. Qua
 de re notavit Episcopus tum incuriam Canoniorum,
 qui passi sunt Oratoris intrusionem super eodem praedio
 absque Beneplacito Apostolico, tum Oratoris impruden-
 tiam, qui sine EE. Patrum auctoritate, sine legitimo in-
 vestiturae instrumento ejusdem fundi possessionem appre-
 hendit.

Expeditum hinc fuit Sociorum nomine monitorium coram
 A.C. super nullitate emphyteusis ob defectum Benepla-
 citi Apostolici, atque enormissima laesione. Eo tamen
 per Eminentissimum Signaturae Justitiae Praefectum mo-
 derato, remissa est Causa ad Sacram Congregationem,
 in qua pendebat. Aliud interim Canonici subierunt liti-
 gium coram A.C. pro solutione canonum, quos Socii,
 latifundium possidentes,olvere renuebant, ac post acer-
 rimam contradictionem, & iteratam propositionem in
 ple-

plena Signatura, Causam tandem obtinuerunt. Sub infrascriptis igitur Dubiis agitur modo de nullitate contractus, & læsione,

Nullam dicunt Socii emphyteusim ex defectu potestatis in Canonicis concedentibus, dum eam Sacra Congregatio remisit *arbitrio Episcopi*, nilque ab eo in executionem rescripti actum est. Deficiente potestate, corruere ajunt privatam apocham, sub illius supposito exaratam, ipsamque latifundii possessionem (quam adhuc tamen retinent) quum cessante jure dantis, cesset quoque jus accipientis, per *Text. in Leg. Vestigali ff. de Pignor.* Maxime, quia neque exequutus est Episcopus, quæ in Apostolico Beneplacito præscripta fuerunt. Non appositum in Latifundio lapideum rei monumentum: non descripta ejus confinia: non citata Milonensis Communitas, Canoniatuum patrona.

Inficiantur præterea nominationem Salustrii, qua non facta resolvitur contractus, *Text. in Leg. Secundum ff. de contrah. stipulat.*, *Gabriel. conclus. 2. de verb. obligat.*, *Gratian. decis. 135. num. 1.*, ac supplices ipsos inficiantur Libellos, quibus emendationem Beneplaciti ab hac Sacra Congregatione petierunt. Resolutam de cetero afferunt oblationem Salustrii, & emphyteusim per novam Edictorum affixionem, ut dixit *Rota in Romana Affictus 30. Aprilis 1787.*, vel in omnem casum esse locum pænitentiæ, ob nondum expeditum eorum nomine Beneplacitum, *Marescott. var. resol. lib. 1. cap. 14. num. 1.*, *Marchesan. de commiss. lib. 1. part. 1. cap. 2. pag. 10. num. 1.*, *Rot. coram Bich. decis. 402. num. 10.*

Transcunt post hæc Socii ad læsionem contractus, eamque dicunt enormissimam tum ex relatione Peritorum, qui annuos statuunt latifundii fructus in summa scutor. 164., cum ex testimonio præcedentium, & præsentium Colonorum, qui longe ab anno 1759. minores fuisse affirmant. Enormissima autem læsio ecclesiasticam etiam emphyteusim redderet nullam, *Gabriel. conclus. 1. lib. 3. nam. 76.*, *Fulgin. de jur. emphyt. quæst. 28. num. 2. in fin.*

Quid contra dicturi sint Canonici, ignoratur. Hæc tamen adverti possent. Privatam Socii subscripserunt apocham vigore oblationis factæ a Salustrio nomine de Vita, ac sub reservatione Beneplaciti Apostolici, iisdemque rationibus convenerunt Canonici stipulandæ emphyteusis pacta. Haud ergo quærendum videretur de emphyteusi

non dum stipulata, sed de obligatione eam stipulandi, Viribus autem subsistit huiusmodi obligatio, & ante obtentum Beneplacitum Apostolicum revocari potest *ex parte Ecclesiæ, cujus favore claudicat contractus, non autem contrahentis cum ea, quem non potest poenitere, ut ex sententia Sac. Rotæ per hæc verba notat Sabell. in Sum. verb. Beneplacitum sub num. 8.*

Sua hinc prudentia Eminentissimi Patres dijudicent num. obligatio stipulandi emphyteusim dici valeat nulla, ex quo nihil eorum fecit Episcopus, quæ in executionem rescripti Sacræ Congregationis, & Apostolici Beneplaciti faciendæ erant in stipulatione, quam Literarum Apostolicarum error retardavit. Advertere etiam dignentur, non semel de Vita in actibus serils & proportionatis suam fecisse oblationem Salustrii, per apocham scilicet 20. Novembris 1780., iteratam instantiam pro emendatione Beneplaciti, & judicalem emphyteusis renunciationem post nova affixa Edicta. Utrum vero per simplicem Sociorum assertionem supplantari censeri debeant supplices libelli, ipsorum nomine porrecti Sac. huic Congregationi, vel eorum potius præsumi debeant, quorum nomen præferunt, EE. pariter Vestræ decernent.

Pacificum non est, quod per novam Edictorum affixionem priores resolvantur oblationes; contrarium enim censet *Pacion. de locat. cap. 14. §. 4. num. 28.*, favore præsertim Ecclesiæ, *Cæsar de Grass. decis. 4. de reb. Eccles. non alienan.* Ceterum non quæritur hic de resolutione contractus ob nova affixa Edicta, sed de illius nullitate ex defectu potestatis in concedentibus, atque enormissima læsione. Jam autem de primo nullitatis capite actum est. Ponderandum superest quoad læsionem, oblatum canonem scutorum 228. nec in tertia parte excedere sc. 164., in quibus Periti annum latifundii redditum taxarunt. Ad enormissimam vero inducendam læsionem, quæ nullum ipso Jure reddat contractum, excessus requiritur ultra dimidiam, per *Text. in Leg. 2. Cod. de rescin. vendit.*, ibique *Pinell. part. 2. cap. 1. num. 8.*

Pauca Socii de secundo Dubio. Sicuti enim contractus nullus novum requirit utriusque Contrahentis consensum, ut restituatur, ita alterutro dissentiente sanari non potest, *Rocc. disput. Jur. cap. 3. numer. 14. tom. 2.*, *Rot. coram Cavalier. decis. 47. num. 4.* Notandum contra, quod sanationis nomine ea ipsa postulatur Literarum Apostolica-

licarum emendatio, quam iterum atque iterum Socii flagitarunt.

Dubia sunt.

I. *An constet de nullitate emphyteusis in casu &c.*

Et quatenus affirmative

II. *An sit consulendum SSmo pro illius sanatione in casu &c.*

Non proposita cum sequenti.

Sess. 25. cap. 12.
de Reform.

ASTEN.: De qualitate ignari residentialis Capellaniae, in Astensi Cathedrali erectae sub titulo SS. Thomae, & Philippi, ad eam nominarunt Patroni laicum Petrum Schiavini annorum 14. sub conditione assumendi clericatum. Hac adimpleta, facile ei data est institutio. Ipsum vero in possessionem mittere detrectarunt Capitulares, eo quod sacerdotalis esset Capellania. Ad parcendum liti, SSmo supplicavit Clericus pro illius retentione usque ad legitimam Sacerdotii aetatem, ac libera fructuum perceptione, precibusque ad Sacram hanc Congregationem remissis, rescriptum est die 24. Martii elapsi anni 1787, = Vicario Capitulari pro informatione, & voto, transmissa foundatione, auditis; & referat de qualitate Beneficii, etiam inspectis decretis Sac. Visitationis, & aliis praesentationibus, & an tempus ad praesentandum effluxerit.

Haec igitur Astensis Vicarius Capitularis. *Foundationis Capellaniae Divi Thomae tabulae nec in Archivio Majoris Ecclesiae, nec penes Heredes (ultimi Possessoris) adinveniri potuerunt. Attamen anno 1568. novis confectis Statutis, titulo de residentia facienda, & quomodo omnes Beneficiati tenentur esse Sacerdotes; sic a Capitulo cautum reperitur = Item cum ex antiquis hujus Ecclesiae Statutis, & consuetudinibus constet, Praebendas omnes esse sacerdotales, neque alicui eorum fructus percipere licere, nisi sit Sacerdos; de novo igitur statuimus, ut qui Sacerdotes non fuerint, Praebendarum suarum fructus non percipiant = &*

exinde Capitulum, Concilii Tridentini sibi etiam fovere existimans sessionem 24. cap. 12., fuit in sententia, nemini esse concedendas, qui intra annum ad Sacerdotium promoveri non valeat, nisi de dispensatione Apostolica Capitulum edoceat.

Non constare, ait = ex decem decretis Visitationum Pastoralium adhuc extantibus, an presbyteralis sit Capellania, de qua agitur = Antiquam memorat institutionem Clerici Joannis Dominici Boschetto, qui anno 1639. admissus fuit ad possessionem Capellaniæ, die 2. Junii 1740. Sacerdos est ordinatus, & die 6. Julii ad quotidianas Distributiones percipiendas adscriptus, aliasque innuit institutiones annorum 1664. 1667. 1719. 1759., ex quibus de presbyterali constat Capellaniæ qualitate. Tempus Patronis ad præsentandum non effluxisse testatur, & ita concludit = Igitur fovere dignemini, Eminentissimi Principes, votis supplicantis apud Sanctissimum Dominum. Ipse, & Patroni mecum Deum rogabunt, ut ad totius Christiani Populi bonum, & commodum diutius sospitet, & annos addat EE. Vestris.

Quærendum primo de qualitate Capellaniæ. Deficiente foundationis lege, præsumenda esset clericalis, Piton. de contrav. Patron. allegat. 100. num. 159., Pignatell. consult. 4. num. 4. tom. 7., Garz. de Benefic. part. 7. cap. 1. §. 1. num. 85. Maxime, quia in Instrumento ejus dotationis nullum legitur onus celebrandi per se ipsum. Notanda tamen sunt antiquissima Cathedralis Ecclesiæ Statuta, & centenaria observantia. Ex his namque sacerdotalem Beneficii qualitatem desumunt Card. de Luc. de Benefic. disc. 61. num. 13. Constantin. vot. 306. num. 6., & Sacra hæc Congregatio in Perusina Capellaniæ 19. Januarii currentis anni ad primum Dubium.

Quatenus igitur Eñi Patres sacerdotalem dijudicabunt Capellaniam, deliberandum erit secundo de dispensatione. Justa sane requiritur causa, ut concedatur, Fagnan. in lib. 1. Decretal. cap. 2. sub num. 40. de Bigam. non ordinan. Hæc autem in nostro themate sunt causæ. Valde tenue [Vicarii Capitularis testimonio] residentiale Beneficium: consensus Capituli; nam = exhibita a Clerico Petro Schiavini tali dispensatione, postulatam Capellaniæ Divi Thomæ possessionem eidem ulterius minime denegat: ac Patronorum tandem, & Vicarii Capitularis preces.

Respondere igitur dignentur EE. Vestre.

I. *An Capellania, de qua agitur, sit clericalis, seu potius sacerdotalis in casu &c.*

Et quatenus sit sacerdotalis.

II. *An, & quomodo sit consulendum Sanctissimo pro dispensatione in casu &c.*

Die Sabbathi 20. Septembris 1788. in Palatio Apostolico Quirinali erit Sacra Congregatio Concilij, in qua, præter alia, proponentur infrascripta Dubia, juxta morem ejusdem Sacræ Congregationis de jure resolvenda.

MACERATEN. EMPHYTEUSIS. Hæc & altera, *Sess. 25. cap. 11. quæ sequitur Causa, reliquæ sunt præcedentis Fo- de Reform.*
lii 30. Augusti.

- I. *An constet de nullitate emphyteusis in casu &c.*
Et quatenus affirmative.
- II. *An sit consulendum Sanctissimo pro illius sanatione in casu &c.*

Ad Primum: Negative, & Literas Apostolicas esse corrigendas, & amplius.

Ad Secundum: Provisam in primo, & amplius.

ASTEN.

Sess. 25. cap. 12. de Reform.

- I. *An Capellania, de qua agitur, sit clericalis, seu potius sacerdotalis in casu &c.*
Et quatenus sit sacerdotalis.
- II. *An, & quomodo sit consulendum Sanctissimo pro dispensatione in casu &c.*

Ad Primum: Negative ad primam partem, affirmative ad secundam.

Ad Secundum: Affirmative, donec ad Legitimam pervenerit ætatem.

Sess. 24. cap. 12.
de Reform.

SUTRINA. Ad collegialem Investigandam qualitatem Parochialis Ecclesiæ S. Andreæ Apostoli Roncilionis, præclsumque Beneficiatorum ejus servitium, dilata primum hæc Causa fuit die 21. Aprilis 1787. , iterumque die 24. elapsi Mali. Sub judice adhuc remansit die 9. præcedentis Augusti per rescriptum; *Ad primum iterum proponatur; in reliquis dilata.* Ideoque deliberandum est ab EE. Vestris in hodierna Congregatione.

- I. *An, & quomodo Beneficati Ecclesiæ S. Andreæ teneantur præstare eidem Ecclesiæ servitium per hebdomadam in casu &c.*
- II. *An iidem Beneficati participes esse debeant emolumentorum Funerum, & Missarum, quæ dictæ Ecclesiæ offeruntur, & Rector ejusdem Ecclesiæ cogatur eos private vocare pro exequiis Defunctorum in casu &c.*
- III. *An ipsius Ecclesiæ Beneficia sint simplicia, itaut retineri valeant cum Beneficiis residentialibus in casu &c.*

Ad Primum; Affirmativè juxta Decretum Episcopi Silvestri anni 1753.

Ad Secundum; Affirmativè in omnibus.

Ad Tertium; Affirmativè in omnibus, servata Dispositione Concilii Tridentini Sess. 24. cap. 17. de Reformat.

Sess. 25. cap. 19.
de Regular.

BRACHAREN. RESTITUTIONIS IN INTEGRUM. Tres Joseph Rebells, defuncta Uxore, DEO consecrare statuit Filias, quarum novissima erat Rosa Luciana. Els idcirco custodem posuit Ancillam, ne alios omnino, præter designatos Consanguineos alloquerentur; cognitaque Rosæ Lucianæ reluctancia, quam verbis exprimebat & lacrymis, minas tandem adhibuit. Ita subformali examine Testes quinque, quos inter germanus ejus Frater natus minor. Ingressæ igitur fuerunt Puellæ Monasterium B. M. Virginis dos Remedios, religio-

giosumque habitum recusavit primum, deindeque ad iteratas Patris minas, cum reliquis induit Rosa Luciana die 1. Januarii 1777., decimo sexto expleto ætatis anno. Toto probationis tempore in mærore fuit & tristitia, seque lacrymans a profitendo alienam dictitabat, ut præ ceteris Testibus, pleræque affirmant Moniales. Imminente professionis die, infirmitatem simulavit, exple Religionem cum Sororibus de more admitti postularer. Sed gravioribus infectata minis, assuetam tandem explevit petitionem, ventumque est ad explorationem voluntatis ex præscripto *Sac. Conc. Tridentini sess. 25. cap. 17. de Regular.* Ad eam tamen adstitit Pater; lenteque Rosa Luciana ad emittendam professionem procedens, superimpositam capiti coronam abiecit. Sæpe hinc de involuntaria querens professione, Religionis officia negligebat, gravique etiam, præ ægritudine, affecta est morbo. Ejus tamen nullitatem, sive imbecillitate sexus, si-
ve Patris timore, ad Judicem intra quinquennium non detulit. Id fecit tandem anno 1785. per supplicem libellum Sanctissimo. Re ad Sac. hanc Congregationem delegata, confectus est, ea jubente, *formalis Processus ad formam Benedictinæ*, ac infra scriptum modo proponitur Dubium.

Hæc porro est Officialis Bracharensis sententia. *Votum meum, inquit, pro negatione restitutionis stat. Varietas Testium, quæ facit rem dubiam, & ideo favore professionis judicandum; actus approbativi status religiosi paullo ante professionem, & post eam aliquot anni continuati; existentia Patris, adhuc in vivis agentis, cujus timor, & asperitas pro causa & origine nullitatis professionis toties inculcatur, quæ si vera esset, etiam nunc existeret.*

Ut eis consulere, qui religiosam professionem vel ætatis imbecillitate, vel metu emisissent, prudenter quinquennium *Tridentini Patres* ad proponendam illius nullitatem indulserunt. Ne diutius vero cum maxima Christianæ Reipublicæ perturbatione incertus esset ipsorum status, pari prudentia decreverunt, audiendas amplius, eo elapso, non esse nullitatis querelas. Ita *Sess. 25. cap. 19. de Regular.* Conciliaris tamen hæc dispositio procedit, ubi contrariam Professi non declaraverint voluntatem. Satis enim sunt ad tacitam excludendam professionis rationem, quæ ex quinquennii lapsu desumitur, extrajudiciales etiam conquestiones, *Gloss. in Cap. Tuam verb.*

verb. signatus de privileg. . Card. de Luc. de Regular. discurs. 48. num. 5. , & Sacra hæc Congregatio in Spoletana Nullitatis Professionis 29. Novembris 1777. , & in Ampurien. Nullitatis Professionis 20. Januarii 1787. , ac justam præbent restitutionis in integrum causam , Passerin. de Stat. Homin. tom. 3. quæst. 189. art. 10. num. 418. , Ursaya discept. 17. num. 27. tom. 5. part. 5. , & Sacra Congregatio in Nolana Restitutionis in integrum 19. Novembris 1757. , & 18. Februarii 1758. , & Grationopolitana Restitutionis in integrum 15. Decembris 1770.

Qualis intra quinquennium fuerit Rosæ Lucianæ animus , luculentius , inquit ejus Defensor , ex iis colligitur , quæ professionem præcefferunt , & concomitata sunt . Rigida ejus custodia , & minæ priusquam Monasterium ingrederetur , initia videri possent meticulosæ professionis , Ciarlin. contrav. 108. num. 48. , Pignatell. consult. 180. numer. 12. tom. 9. , Ursaya discept. 1. num. 10. tom. 1. part. 1. , & discept. 17. num. 31. to. 5. part. 1. Maxime , quia plurium Testium dicto , res erat cum Patre di naturale aspro , e precipitato nelle sue azioni , & versabantur minæ circa necessaria subsidia vitæ , libertatem , honorem . Præ ceteris enim minitari solebat perpetuam illius detrusionem inter Mulieres pœnitentes . Sulpiria accedunt & lacrymæ , ex quibus coactam desumunt voluntatem Ciarlin. citat. contrav. 108. sub numer. 1. & num. 53. Ursaya discept. 20. num. 18. & seqq. tom. 1. part. 1.

Monasterium hoc pacto Ingressa , religiosum habitum initio respuit Puella , ac sæpe deinde , eo assumpto , futuram professionem reprobavit . Ex his profecto Profitentis metum probant Ursaya discept. 1. §. 3. num. 37. tom. 4. , Panimoll. dec. 102. num. 12. Plura alia in novitiatu dedit aversi animi argumenta , de quibus omnes fere Moniales . Graviores immo ad pervigilium professionis passa est minas ; præsentem explorationi voluntatis habuit Patrem ; coronam abjecit . Ad hæc Eminentissimi Patres advertant , suaque prudentia judicent , num voluntatem in instanti mutare potuerit , ac libere profiteri , contra præsumptionem Juris , de qua Ursaya discept. 3. nu. 36. & seq. tom. 1. pari. 1.

Sunt quidem Doctores , qui adeo gravem pro nullitate professionis non requirunt metum , graves nempe sævi Patris minas in imbecillem Puellam , satisque censent metum reverentialem ; quum ita a natura constituti sint Fi-

liti, imbecillis præsertim sexus, ut Patris imperio resistere nequeant, *Pignatell. consult. 180. num. 5. tom. 9. , Ferrar. in Biblioth. legal. verb. metus num. 22. , & Rot. cor. Roxas decis. 491. num. 6.* Nec desunt, qui importunas etiam sufficere autumant suasiones & preces; nam in eo, qui jubere potest, naturam assumunt imperii, vimque habent necessitatis, *Avendan. de metu lib. 1. cap. 8. num. 24. , Piton. discept. Eccles. 33. in fin. tom. 1. , & Rot. in Gadicen. Nullitatis Matrimonii 8. Februarii 1765. §. 4. coram Eminentissimo de Zelada.*

Eadem fuit Rosæ Lucianæ voluntas sequenti quinquennio, nec umquam professioni acquievit, ut plerique deponunt Testes. Has autem ipsa allegat causas, cur formalem nullitatis professionis querelam non proposuerit. Sub perpetua erat directione Confessarii, quem ei Pater ante assumptionem religiosi habitus destinaverat. Durabat adhuc, vivente Patre metus, qui lapsum impedit quinquennii, *Pignatell. consult. 173. num. 6. , & seqq. tom. 9. , Ursaya discept. 20. num. 123. tom. primo par. prima, Panimall. decis. 29. num. 44. , & seqq. ,* ac iusta post longissimum etiam tempus reputari solet reclamandi causa, ut plurimis collectis Sacræ hujus Congregationis resolutionibus, probat *Ursaya discept. prima. num. 44. tom. primo part. prima.* Et ignorabat tandem quinquennii Legem, ut in suo dixit constituto. Ubi autem verisimilis, & inculpata concurrit hujusce Legis ignorantia, ut facile accidit in Puellis, tunc denegare non solet Sacra Congregatio restitutionem in integrum, ut in *Lugdunen. Restitutionis in integrum 18. Novembris 1702. lib. Decret. 52. pag. 406.*

Muneri non deficit Professionis Defensor. Metum pro illius nullitate requirit, qui factorum experientia necessitatem inducat, ad *Textum in Leg. Metum Cod. de his, quæ vi, metusque Causa fiunt.* Sub assertione ipsius Josephi Rebelli Patris, ejusque natu majoris Filii graves illas inficiatur minas, de quibus tot fidem perhibent Testes. Antecedentia contemnit, concomitantia, & subsequentialia contrariæ voluntatis argumenta, eo quod præcisum non percutiant professionis momentum. Unius, & alterius Monialis testimonio, consuetudini tribuit assensum Patris explorationi voluntatis; coronæ vero projectionem casui. Petitam extollit admissionem ad Religionem, quasi voluntatem Rosa Luciana in emittenda, pro-

professione mutaverit . Lacrymas , & suspiria ad internum refert emissæ professionis gaudium . Testimonium urget Abbatisæ , & quarumdam Monialium , quæ de voluntaria , & valida professione opinantur . Professionis ratihibitionem ex pacifica desumit perseverantia in Religione , *Pignattell. consult. 88. sub num. 3. tom. primo* . Ac falsum postremo asserit , quod non reclamaverit Rosa Luciana intra quinquennium ex paterno metu , dum eam adhuc vivens Pater ab hac proponenda nullitatis querela non continuit .

Pauca tamen ad hæc notanda . Assertam consuetudinem assistendi explorationi voluntatis cumulatissime excludit Emanuel Alves Salgado , Ecclesiasticæ Bracharensis Cameræ Notarius . *Solitum exequendi minas requiritur in extraneis , non autem in Patre ad gravem incutiendum metum , Rota coram Emerix Jun. decis. 870. num. 16. , sufficitque ad irritandam professionem probabilis damni suspicio , Ursaya discept. prima §. 2. num. 24. tom. 4. part. prima* . Perseverantia in Religione , si pluribus credendum est Testibus , & Monialibus , non fuit pacifica , semperque Rosa Luciana involuntariam professionem reprobavit . Gestatio religiosi habitus , & officiorum adimplementum nihili facit *Ursaya discept. prima. num. 59. tom. primo part. prima* , quia *Moniales ante Sententiam declarantem nullitatem earum professionum , contradicere non possunt Abbatisæ , & proinde omnes illarum operationes præsumuntur earum jussu factæ* . Constitutum postremo Patris , ac depositiones natu majoris ejus Filii , Abbatisæ , & unius vel alterius Monialis , plurimis aliis luculentissimis adversantur depositionibus .

Quæritur itaque ab Eñis Patribus .

An sit locus restitutioni in integrum in casu &c.

Affirmativè .

CORNETANA SUSPENSIONIS ONERIS MISSARUM. Ad reparandas domos Beneficii Vitelleschi, cujus titulo Sacros suscepit Ordines Sacerdos Joannes Donati, EE. Vestras exoravit illius Æconomus pro absolute a Missis non celebratis, earumque suspensione quousque perficeretur opus, prodiiitque die 8. Maii 1784. rescriptum: *Quoad præteritum, ad D. Secretarium cum Sanctissimo. Quo vero ad futurum, scribatur Episcopo juxta mentem; & mens est, quod celebretur Missa una quolibet mense ad sexennium, & Episcopus, computata elemosyna Missæ manualis, assignet Beneficiato ex fructibus Præbendæ quantum deerit ad complementum taxæ Patrimonii Sacri juxta morem Diœcesis. Quod autem superfuerit, impendat in restaurationem Domorum Beneficii. At si Beneficiatus neglexerit vel residentiam, vel alia munera Beneficio adnexa, tunc detrahantur punctaturæ ex fructibus dicti assignamenti, & idem Episcopus curet, ut ad meliorem frugem reducatur Beneficiatus Juris remediis.*

Jam altera ex domibus resecta est, auctæque sunt pensiones ab annuis scutis 12. ad triginta. Operis sumptus summam attingit scutorum 500., quorum 180. soluta sunt ex redundantibus Beneficii fructibus. Remanent solvenda scuta 320., vixque ad finem sexennii superesse poterunt scuta 120. Postulat igitur Æconomus, ut pro reliqua summa scutorum 200. imponere liceat census, ex pensionibus restauratæ domus dimittendum. Orat rursus pro ulteriori Missarum suspensione ad extinctionem census. Ac pro facultate tandem vendendi juvenilem alteram Beneficii domunculam, pro qua oblatio est scutorum decem supra faciendam æstimationem, cum promissione solvendi annuos fructus scutorum 3. 50. in singula centum usque ad solutionem pretii.

Hæc Eminentiſſimus Episcopus quoad creationem census: *Ex redditibus Beneficii solo biennio, quod superest ad explendam administrationem, non potest tantum colligi, quantum pro nova domus ædificatione impendere necessarium fuit. Confugiendum est igitur ad æs alienum per impositionem census in summa scutorum biscentum, quod dimittetur pensionibus e domo locata percipiendis. Quamvis etiam æs alienum in presentiarum conflandum sit ad Artificum operas ex parte satisfaciendas; tamen depositum pensionis fieri nequit sequentibus duobus annis: quippe et*

cum ceteris redditibus ad Artifices ipsos integre solidandos addicte sunt. Nec æquum est, administrationem in longius tempus protrahere propter inopiam Beneficiati, quæ commiseratione digna est.

De ulteriori agens Missarum suspensione: Ne Beneficiatus, inquit, privetur potiori parte redditus scutorum triginta, quæ percipiuntur ex prædictæ domus locatione, æquum videtur, ut iterum suspendantur onera Missarum quousque debitum fuerit extinctum; maxime, quia suo incommodo aucti sunt fructus Beneficii. Id vero, ut accurate perficiatur, committi non debet arbitrio ipsius Beneficiati, sed idem Æconomus, seu alius deputandus, etiam post expletum sexennium, qui curam gerat de pensionibus hujus domus, de fructibus census solvendis, de residuo in Æle Sacra deponendo, deque extinctione debiti opportune præstanda.

Dubitandum postremo non censet de alie natione domunculæ. Ea enim in statu, quo describitur, prorsus inutilis est, nec restaurari potest sine magno sumptu, ad quem sustinendum impar est Beneficium, nec, si vires suppeterent, obtineri posset proventus pro ratione pecunie impendendæ. Additque de interesse habentibus, quod Marchio Angelus Vitelleschi patronus libere suum præbuit assensum cum primum hæc Causa anno 1784. proposita fuit in Sac. Congregatione, ut quæ ad meliorem Beneficii statum conducerent, pro Vestra sapientia decernerentur. Beneficiatus vero, cum in causa fuerit, ut neglectis opportuno tempore restorationibus, domus jam antiquitate de trite ac male factæ, deteriori conditione fierent, non modo conquiri non debet, sed præclare secum ipse actum existimabit, si via ac ratio ab Æconomo exposita EE. Vestris probabitur, quæ & sibi utilitatem affert, & Beneficio incrementum.

Utilior Beneficio videri posset dimissio scutorum 200. ex pensionibus domus, post sexennium decurrendis, quam ex præsentis creatione census. Citius enim fieret sine usura. Consultum etiam esset inopiæ Beneficiati; nam universalis reddituum Beneficii administratio ad unam restringeretur domum. Ponderandum tamen, num major potius spectari debeat Beneficii utilitas, quam celerior mercedis solutio. Qui operam enim in reparanda domo præstiterunt, ejus conditionis non sunt, ut manuum suarum fructum diu expectare queant.

Sive uno autem, sive altero modo alienum æs dimittatur: æqui-

æquitati consona esset ulterior Missarum suspensio . Audi enim sunt Beneficii fructus cum gravi incommodo Beneficiati , per erogationem scilicet ejus reddituum in reparationem domus , & potiori adhuc privaretur illorum parte ad integram dimissionem debiti . Notandum tamen, quod lata ipsius Beneficiati culpa in deterius abierunt Beneficii domus , nilque aliud ei post generalem administrationem ex primævo reddito deerit , quam annua summa scutorum duodecim , quantum reparata domus reddebat.

Ex relatione tandem Eñi Episcopi dijudicabunt Eminentiæ Vestræ de utilitate venditionis alterius domus , quæ in alienatione bonorum Ecclesiæ , vel Beneficii requiritur , *Petr. ad Constit. Ambitiosæ per tot. de Reb. Eccles. non elienan. tom. 5.* Domus hæc prorsus inutilis est . Deficiunt ad eam restaurandam nummi ; nec pares impensæ haberi possent fructus . In his sane terminis alienationem permittit *Innoc. III. in Cap. Cum Apostolica 7. de his , quæ fiunt a Prælat. sine consens. Capit. ,* quem sequuntur *Pignatell. consult. 95. num. 35. tom. 6. : Schmier Jurispr. Canon. lib. 3. tract. 1. part. 2. cap. 4. sect. 3. §. 1. , Schmalzgrueber conf. 91. §. 14. , & Sacra hæc Congregatio in Camerinen. 24. Novembris elapsi anni 1787.*

Deliberare ergo dignentur Eñi Patres .

- I. *An , & quomodo sit providendum pro dimissione Creditorum Beneficii in casu &c.*
- II. *An , & quomodo sit locus ulteriori Missarum suspensioni in casu &c.*
- III. *An , & quomodo sit locus venditioni domus in casu &c.*

Ad primum : Affirmativè pro creatione Censuum juxta Votum Eñi Episcopi .

Ad secundum : Affirmativè juxta Votum Eñi Episcopi ad triennium .

Ad tertium : Affirmativè juxta Votum Eminentiissimi Episcopi .

*Sess. 22. Decret.
de Observan., &
evitan. in celeb.
Miss., & Sess.
24. cap. 15. de
Reform.*

LAQUEDONIEN. Defecto penitus decimandi jure, quo Capitulum Cathedralis Ecclesiæ Laquedoniæ fruebatur, quotidianæ etiam defecerunt distributiones, ipsæque imminutæ sunt canonicales Præbendæ. Dispensationem idcirco postularunt Canonici ab applicatione Missæ Conventualis pro Benefactoribus, testaturque EE. Vestræ Episcopus = Capitulum hujusce Cathedralis Ecclesiæ ex quinque Dignitatibus, & septem Canonicis conflatum, pro quotidiano Chori servitio, cui omnes incumbere debent, adeo emolumentis temporalibus carere, ut nullæ sint præbendæ, nullæque distributiones quotidianæ. Vix vero unumquemque ex iisdem Dignitatibus, & Canonicis ex redditibus piorum Legatorum percipere annuam circiter summam ducatorum hujus monetæ (Regni) quinquaginta, sex cum dimidio, sed cum onere celebrandi Missas circiter 146. ultra ratam Missarum Conventualium.

Atque ex his censuit = quod deficientibus tum præbendis, tum etiam distributionibus quotidianis, & præsertim bonis liberis, seu quæ a pia & mera Fidelium, sive Benefactorum in genere largitione proveniant, sed omnia oneribus Missarum peculiariter sint obnoxia, amplissimam indulgentiam ipsos Canonicos promereri, utpote pauperes, miseros, & congruis stipendiis pro quotidiano Chori servitio penitus destitutos. Re tamen inter summaria precum in Congregatione 15. Septembris elapsi anni 1787. relata, instantiam Emi Patres rejecerunt per rescriptum Lectum. Redeunt modo Oratores pro gratia, iterumque inopia pressi clementiam Vestram implorant.

Inducta primum in Cathedralibus Ecclesiis, insignibusque Collegiatis fuit Conventualis Missa ab Honorio III. in Cap. Cum creatura 11. de celebrat. Miss., semperque habita est ut pars Divini Officii, Can. De his dist. 12. gloss. in Clement. 1. de celebrat. Miss. In veteri tamen confirmando Jure respexit Benedictus XIV. in Encyclica, Cum semper oblatas ad tenuitatem Præbendarum, ac tunc demum onus illud reduci posse permisit ad dies festos, cum cetera deessent remedia a Sacro Concilio Tridentino proposita in Sess. 24. cap. 15. de Reform., vel nempe, ut aliquot simplicia Beneficia, non tamen regularia canonicalibus Præbendis uniantur, vel ut aliquibus ex iis (Præbendis) suppressis, ad pauciores numerum reducantur. Sunt quidem rigidiores Doctores, qui neque ex Præbendarum tenuitate reducendam esse putant Conventualis Mis-

ſæ applicationem , ac præ cæteris *Monacell. tom. 1. in append. ad Dec. de celebrat. Miſſ. num. 12.* Sed non raro hujusmodi reductionem ad dies feſtos conceſſit Sacra Congregatio , ut in *Narnien. 12. Junii 1712. lib. Decret. 62. fol. 211. , in Veliterna 14. Martii 1722. , in qua ad III. Dubium = An , & quæ exemptio , ſive a celebratione , ſive ab applicatione Miſſæ Conventualis attentæ Præbendarum tenuitate ſit indulgenda = reſponſum fuit = Poſſe indulgeri , ut Miſſas applicent diebus tantum feſtis de præcepto = in Spoletana 5. Decembris ejusdem anni , in Spalaten. Applicationis Miſſæ Conventualis 23. Julii 1729. in Amerina 12. Martii 1746. , in Alexandrina 23. Novembris 1776. , in Placentina 1. Martii 1777. , in Placentina 30. Junii 1785. , & in Setina Chori , & Miſſæ Conventualis 21. Januarii 1786.*

Quæ ſint canonicales Laquedonienſis Capituli Præbendæ , jam in facto præmonui . Eaſ cenſet Episcopus tenues , licet annua cujuſque ſumma ad ducatos aſcendat 56. 50. Singuli enim Canonici , præter quotidianum ſervitium Chori , annuo gravanter onere Miſſarum 140. , nec tantum eis ſupereſt , ut dignitatem ſuam decenter exhibeant . Utrum vero ſperare valeant ſimplicium Beneficiorum unionem , qui decimas amiſerunt , vel duodenarius in Eccleſia Cathedrali imminui debeat Canonicoꝝ numerus , ut reliquorum Præbendæ augeantur , E. E. Patres decernent .

Quæritur ergo

An , & quomodo ſit locus applicationi Miſſæ Conventualis in caſu &c.

Affirmativè ad dies feſtos de præcepto tantum .

Sess. 22. cap. 6. ;
 & Sess. 25. c. 4.
 de Reform.

SIGNINA. Conjuges Franciscus Mastroni, & Anna Pomponj, uno sub annum 1777. condito Testamento, vicissim se usufructuarios scripserunt heredes, tributa superstiti in casu necessitatis facultate alienandi; proprietariam vero Capellaniam erigendam ad Altare S. Vincentii Ferreri in Ecclesia SS. Rosarii Montis Fortini cum annuo onere Missarum 300., quarum numerus, ob facultatem alienandi, servata proportionem minui posset. Primus obiit Vir, ejusque Vidua ad secunda transit vota cum Petro Antonio Bucci, cum quo per annos octo, menses tres hereditatis fructus percepit. Morti proxima, priorem mutavit voluntatem, sibi que heredem fecit secundum Virum in usufructu, Canonicum vero Camillum de Rubeis, deindeque Franciscum Mariam illius nepotem, ejusque Descendentes in proprietate, cum onere mensurui Sacri ad idem Altare.

Par utraque hereditas non est ex primo Testamento oneri Capellaniae. Universa enim Testatorum bona valorem attingunt scutorum 659. 85., quorum 336. 85. ad hereditatem Mastroni, reliqua 323. ad alteram pertinent Pomponj; annui vero eorum fructus non excedunt, deductis oneribus, scuta 22. ad rationem scutorum 4. in singula centum. Num hæc ab initio fuerit utriusque Testatoris substantia, vel ex permessa alienatione imminuta sit, ignoratur. Ob ejus igitur tenuitatem EE. Vestras rogavit Parochus Silvester Guglielmetti, testamentarius Mastronii, & Pomponiae executor, pro reductione Missarum, precibusque ad Signinum Episcopum pro informatione remissis, nullum censet secundum Mulieris Testamentum, ex quo *primi sui Viri dispositionem accepit, illiusque rerum per novem fere annos fuit usufructu gavisus*; indulgendam vero reductionem, sive ex una & altera hereditate, sive ex illa tantum Mastroni Capellania erigatur, in primo scilicet casu ad annuas Missas 150., in secundo ad 75. cum eleemosyna obolorum 15. pro qualibet, *quia agitur de celebratione in Ecclesia, & Altari a Legante designato*, injuncto tamen Capellano sacrorum utensilium onere.

Interpellato Buccio, usufructuario Mulleris herede, & Francisco Maria de Rubeis proprietario (decessit enim Canonicus Camillus) ad deducendum eorum jura in Sacra Congregatione, consensum *extrajudicialiter* præstiterunt erectioni Capellaniae ex una hereditate Mastroni.

Hoc

Hoc ipsum modo *formiter* sustinent, ac nedum secundum tuentur Testamentum, sed eximere etiam conantur hereditatem Annæ a restitutione fructuum, quos ex hereditariis primi Viri bonis percepit. Tria igitur juxta subjectam materiam proponuntur Dubia.

Quæritur primo, an erigenda sit Capellania ex bonis dumtaxat Mastroni, eo quod aliter Anna in secundo Testamento de suis disposuit, seu ex utraque potius hereditate. Dubium non est, quin *Maritus, & Uxor possint simul in una, & eadem charta facere Testamentum*, ut probat *Spin. specul. Testament. gloss. rubr. part. 2. sub num. 9. vers. Hoc posito*. Utrum illud vero revocare valeat superstes quoad propria bona, non conveniunt *Doctores*. Ad rem præ ceteris negat *Spin. gloss. 18. principal. de meliorat. sub num. 55. in hæc verba: Quando Uxor simul cum Marito constituunt Capellaniam, quod unus ex eis illam faciat, & instituatur ex bonis alterius, altero consentiente, superstes non poterit illam revocare*.

Affirmant alii. Quum enim libera cuique sit disponendi facultas usque ad mortem, §. *Posteriore Instit. Quib. mod. Testam. infirm.*, adimi idcirco non posse contendunt per mutuam institutionem in heredes, & censentur (Testatores) accomodasse propriam intentionem ad naturam actus, omnino & semper revocabilis, & qui ab alterius voluntate pendere non potest, ac per consequens voluisse sic se invicem instituere, ut cuilibet ipsius maneret libera revocandi facultas, ut differit *Calcagnin. de variat. ultim. volunt. art. 2. num. 83. tom. 1. & Mynsinger. observ. 8. num. 2. centur. 1. limit. 2.* Idque locum obtinere ajunt, etiamsi Maritus, & Uxor de non revocando Testamento convenerint. Pactum enim hoc læsivum esset libertatis, nec efficere posset irrevocabile, quod a libera pendet disponentis voluntate, *Vasq. de success. lib. 1. §. 1. num. 10. Castill. part. 2. controv. cap. 18. Calcagnin. loc. cit. num. 79.*

Quatenus autem EE. Vestræ validam censeant secundam Mulieris dispositionem, deliberandum erit juxta secundum Dubium de fructibus bonorum Mastroni, quos illa ex primo Testamento percepit. Suos Anna fecisse videtur, eo quod instituta fuit in usufructu absque ulla conditione. Onus enim erigendi Capellaniam additum est post quæsitum emolumentum. Contrarium sentiunt *Castill. loc. cit. num. 56. & 63. & Calcagnin. d. art. 2. num. 80. & seq.*

& seq. , ne revocans Testamentum ex dolo suo commodum referat. Ducto autem calculo a mense Februario 1778. , quo decessit Mastronius , ad mensem Maii 1786. , quo obiit Pomponia , & sic per annos octo , menses tres , restituenda essent pro perceptis fructibus scutorum 336.85. , ad rationem scutorum 4. pro quolibet centenario , scuta III. 21.

Notandum postremo ad *tertium Dubium* , nec utriusque hereditatis redditus pares esse oneri Missarum 300. ad manualementem . Haud imminuti apparent culpa Usufructuariæ , cui facultas de cetero erat alienandi ; justamque idcirco præbere possent reductionis causam , *Monacell. formul. legal. 19. tit. 20. part. 1. num. 25. , & Sac. hæc Congregatio in Senogallien. Reductionis 10. Maii 1783.* Res præterea est de perpetua Capellania nondum erecta , & acceptata , quo casu fieri solet reductio ad taxam perpetuæ , ut in *Fanen. Reductionis Missarum 14. Februarii 1761.* Concurrit etiam designatio Ecclesiæ , & Altaris , quam ad hanc statuendam taxam in pretio habuit Sacra Congregatio in *Aquen. Reductionis 19. Decembris 1772.* At ipsa postremo urget prioris Testamenti littera , quod nempe *il detto superstite abbia ancora la libertà di nuovamente disporre per accrescere , o diminuire il sudetto numero di Messe relativamente , e proporzionatamente al detto asse ereditario , che allora si troverà .*

Dubia sunt .

- I. *An , & ex quibus bonis sit erigenda Capellania in casu &c.*
Et quatenus affirmativè ex bonis dumtaxat hereditariis Francisci Mastroni .
- II. *An hæreditas Annæ Pomponj teneatur restituere fructus a dd. bonis perceptos , a quo tempore , & in qua summa in casu &c.*
- III. *An , & quomodo sit locus reductioni Missarum in casu &c.*

Non proposita cum sequentibus .

ROMANA . Proposito in Congregatione 24. Martii 1787. Dubio = *An sit consulendum Sanctissimo pro* Sess. 22. cap. 6.
de Reform.

cumulo quatuor dotium , ad Oratorum nominationem spectantium , usque ad summam scutorum 1000: favore Isabellæ Bacchettoni annorum undecim , etiam pro Matrimonio carnali in casu &c., EE. Vestræ rescripserunt Negativè . Redit nunc suo nomine Isabella pro recessu a decisis, sibi que etiam tribuit singularem illam providentiam , quia consultum voluit Testator prædilectæ nepti Argentinæ Beger per cumulum scutorum 300. , si in sæculo nuberet . Hoc ipsum suadere studet de cumulo scutorum 800 , quod aliis quoque Neptibus in Domino nubentibus permisit . Valdeque præsumptam urget illius voluntatem , quasi petitem cumulum , si viveret , denegaturus non esset .

Trahi nec ne ad Oratricem valeant , quæ Neptum favore Testator disposuit , vel tacita ei illius voluntas prodesse, ex iis Eminentissimi Patres decernent , quæ notata sunt in Folio 3. Martii elapsi anni . Item vero ponderandum , dotalis cumuli beneficium in usus Testatoris, Neptes collatum fuisse , ab eoque ipsarum Descendentes per uncialia hæc verba excludi = a favore delle sue Nipoti carnali sole , e non altre Discendenti da esse .

Respondere igitur dignentur EE. Vestræ . An sit standum , vel recedendum a decisis in casu &c.

TRIDENTINA . Duo in Parochiali Ecclesia Thail Vallis Annaniæ , de Patronatu Familiæ Panizza , simplia sunt Beneficia , quorum uni hebdomadales incumbunt Missæ tres , alteri quatuor . Idem vero utriusque celebrationis onus ad Altare Sancti Victoris feria III. Sess. 24. cap. 17.
de Reform.

Primum possidens , præsentatus fuit Sacerdos Joseph Panizza ad secundum . Ei ob incompatibilitatem duplicis Sacri feria III. , Sacerdos restitit Udalricus Barbacovi , qui subsidiariam passivi patronatus vocationem habet . Rem tamen composuit transactio , quam Tridentinus

Vicarlus Generalis conciliavit . Hæc sunt ejus Capita .
 I. Consensum præstitit Barbacovius institutioni Sacerdotis Panizza ad secundum Beneficium ob tenuitatem primi . II. Ei cessit Panizza tamquam suo substituto jus celebrandi alterum e duobus Sacris feria III. Eleemosynam pro hac celebratione pollicitus est obolorum 40. monetæ Romanæ pro quolibet Sacro . IV. Pro facilliori ejus exactiōe jus cessit exigendi conventam summam a Livellariis Beneficii . V. Onus assumpsit impetrandi communi sumptu Apostolicam concordie approbationem . VI. Æque inter se acti judicii expensas partiti sunt . VII. Intacta voluerunt super utroque Beneficio aliorum jura .

Sanctissimo igitur Domino Nostro supplicarunt Transigentes tum pro dispensatione ad duo Beneficia sub eodem tecto , cum pro approbatione transactionis ; precibusque ad Sacram hanc Congregationem remissis , nihil Episcopus obstare censuit , quominus eadem concordia Apostolica auctoritate approbari possit , & valeat ; concessa proinde Præbytero Panizza petita dispensatione ad duo sub eodem tecto . Idemque arbitrati sunt Ministri Datarie Apostolicæ in hæc verba : *Summopere ii laudare profitentur (concordiam) ut digna sit approbatione cum postulata dispensatione ad duo sub eodem tecto , concedi solita ; præsertim in Juribus patronatus , impedimento incompatibilitatis sublato .*

Beneficiorum pluritatem permittit *Tridentina Synodus Sess. 24. cap. 17. de Reform. , si ad vitam ejus , cui (unum Beneficium) confertur , honeste sustendendam non sufficiat .* Secundum in hoc casu conferre potest Episcopus , quoties simplex sit , personalem non requirat residentiam , uniforme non sit primo , & sub eodem tecto , *Gallemart. ibid. num. 3.* His enim concurentibus , Apostolica opus est dispensatione , ut pluribus collectis , probat *Ferrar. in Biblioth. legal. verb. Beneficium cap. 6. num. 54.* Uniformia autem , & similia dicuntur Beneficia , quæ in una ad eundem finem instituta sint Ecclesia , idemque habeant onus , & officium , eodem tempore peragendum , *Piassec. in prax. Episc. part. 2. cap. 5. art. 3. num. 73.* Libere quidem dispensare valet Summus Pontifex ad duo hujus generis Beneficia . Non solet tamen , nisi justa , & rationabili causa accedente , *Ferrar. loc. cit. num. 49. ,* tresque sunt ejus species : necessitas : Ecclesiæ utilitas : merita ; *Abbas in cap. 27. de Præben. num. 7. , Pirhing. lib. 3. tit. 5. sect. 5. de Præben. num. 191.*

Sub eodem Beneficia, de quibus agitur, existunt testis, & in hoc sunt uniformia, quod onus utrique est celebrationis feria III. Primum, quod Sacerdos possidet Panizza, ad congruam ejus sustentationem, testimonio Episcopi, non sufficit. Ad meritum causam traduci posset Fundatorum prædilectio erga illius Familiam, de qua & ipsi fuerunt. Eorum secundus, qui alterum feria III. demandavit Sacrum, priorem suorum Majorum foundationem fortasse non ignorabat, facillime negotio ad Beneficiorum incompatibilitatem advertere poterat, si in uno Familiae superstiti coaluissent. Hæc sunt quoad dispensationem ponderanda.

Quo vero ad concordiam: Simoniaci videri posset cessio ecclesiastici Beneficii, & corresponsiva eleemosynæ Missarum, ac sumptuum litis promissio; nam in beneficiis actus reciproci, videlicet facio ut facias, vel do ut facias, inducunt simoniam, ut in hæc verba monet Redoan. de Simon. part. 2. cap. 11. num. 16. Aliquid profecto dare licet ad injustam redimendam vexationem ex Decretali Cælestini III. relata Cap. Dilectus 18. de Simon., quam exornant Fagnan. in Cap. Nobis eod. tit. num. 104., Pichl. comment. in lib. 5. Decretal. tit. 3. de Simon. num. 37., & Benedic. XIV. Instit. 93. num. 2., sed hoc in nostro themate ponderandum, num injusta fuerit vexatio Barbacovii, qui subsidarie vocatus est ad Beneficium, quod consequi Panizza non potest absque dispensatione.

Animadversionem contra merentur recessus a lite, & Beneficii Apostolici reservatio. Ex utraque enim circumstantia simoniam excusant Doctores. Ita de prima Redoan. de Simon. part. 2. cap. 2. num. 14., ibi = In beneficiis, & spiritualibus pro recedendo a lite fiunt licite pacta, & conventiones, & licite aliquid datur ratione impensarum, ut a lite recedatur, & pro concordia, & non dicitur simoniacum. Et ita de secunda Fagnan. in lib. 1. Decretal. Cap. Cum pridem 4. de pact. Partes, inquit, non solum tractare possunt, sed etiam concludere sub expressa conditione & reservatione, si Superiori placuerit, quia talis conclusio non est conclusio, cum suspendatur usque ad Superioris consensum.

Simpliciter de cetero demandarunt Fundatores celebrationem Missarum, absque ulla personali celebrantis nota. Hoc sane casu per alium expleri posse censet Fagna. in Cap. Conquerentem de Cleric. non residen. num. 66. Id uti-

que, Tridentino suadente Vicario Generali, per concordiam factum est quoad alteram ex Missis celebrandis feria III., & celebrationis consecratoria sunt eleemosynæ promissio, & facultas eam exigendi a Livellariis Beneficii. His omnibus igitur perpensis, deliberare dignentur Eñi Patres.

- I. *An sit consulendum SSmo pro dispensatione ad duo simplicia sub eodem tecto in casu &c.*

Et quatenus affirmative.

- II. *An, & quomodo sit approbanda concordia in casu &c.*

Die Sabbathi 29. Novembris 1788. in Prælatio Apostolico Vaticano erit Sacra Congregatio Concilij, in qua, præter alia, proponentur infrascripta Dubia, juxta morem ejusdem Sacræ Congregationis de jure resolvenda.

T Res ex præcedenti Folio diei 20. Septembris, reliquæ ex præsentibus decidendæ sunt Causæ.

SIGNINA.

I. *An, & ex quibus bonis sit erigenda Capellania in casu &c.*

*Sess. 22. cap. 6.
& sess. 25. cap. 4. de Reform.*

Et quatenus affirmative ex bonis dumtaxat hæreditatis Francisci Mastroni.

II. *An hereditas Annæ Pomponij teneatur restituere fructus add. bonis perceptos, a quo tempore, & in qua summa in casu &c.*

III. *An, & quomodo sit locus reductioni Missarum in casu &c.*

Ad I. Affirmative ex bonis hereditariis Francisci Mastroni, & amplius.

Ad II. Negative in omnibus, & amplius.

Ad III. Reducendas esse Missas ad annuas 75. ad rationem obulorum 15., injuncto onere Capellano Utensilium, & amplius.

ROMANA.

An sit standum, vel recedendum a decisis in casu &c.

Sess. 22. cap. 6. de Reform.

In decisis, & amplius.

Sess. 24. cap. 17.
de Reform.

T RIDENTINA.

- I. *An sit consulendum Sanctissimo pro dispensatione ad duo simplicia sub eodem tecto in casu &c.*
Et quatenus affirmative.
- II. *An, & quomodo sit approbanda Concordia in casu &c.*

Ad I. Affirmative.

Ad II. Affirmative juxta votum Episcopi.

Sess. 22. cap. 6.
de Reform.

CÆSENATEN. SUBSIDIORUM DOTALIUM. Sub reservatione ususfructus & scutorum 300. ad effectum testandi, donavit anno 1617. Petrus Jacobus Beccari Imagini B. M. Virginis de Populo, quæ in Cathedrali veneratur Ecclesia Cæsenæ, eoque titulo additum habet Sodalitium = *tutti i Beni stabili, mobili, e per se moventi, presenti ed avvenire inter vivos* = exceptis bonis in divisione obligatis Familiæ Camilli Beccari pro summa scutorum 900. Ita autem partitus fuit redditus: annua scuta viginti pro solemni Laudum musica quolibet sabbatho: alia triginta Capellano, qui Sacrum ad Altare B. M. Virginis quotidie celebrare, quaterque singulis hebdomadis Choro interesse deberet: reliquam omnem summam in tot dotes lilarum 100. sub lege = *che nell'eleggere le Donzelle sia preferita, se mai alcuna ve ne fosse discendente dal qu. Cap. Camillo Beccari, tanto per linea masculina, quanto per linea feminina: ed in tal caso a una sola di tali linee voglio che se li dia tutto il sudetto restante della sudetta entrata; e se più ve ne fossero di dette linee in un istesso grado, sia preferita la più povera, purché sia onesta, e l'altra aspetti all'altro anno.*

Diu supervixit Donator, diversaque lege donavit anno 1650. bona post primam donationem quæsitæ; quod nempe = *li frutti ed entrate dei Beni compresi in questa donazione, non devono in modo alcuno soggiacere ai pesi ed obblighi di officatura, musica, maritaggio di Zitelle, ed altro, che si con-*

fi contenga in detta prima donazione ; ma che dei medesimi frutti ed entrate possano li Priori e Confratelli della detta Confraternita disporre secondo il loro arbitrio in servizio di essa Sacrosanta Immagine = addiditque = che le Zitelle da maritarsi siano solamente due l'anno , e non più , alle quali se le diano le lire cento per ciascheduna .

Quibus Puellis a Camillo Beccari descendentibus , & in qua antiquitus summa præstita fuerint dotalia subsidia , certo non constat . Quæ enim tradita afferuntur Filiabus Co. Romualdi Onesti , in simplici consistunt enunciativa supplicis libelli , quem illarum Pater dedit anno 1667. Sacræ Congregationi Episcoporum & Regularium . Ex privatis vero Nobilium Familiarum Masini , & Bandi liberculis , recentiora ab anno 1756. sunt exempla de perceptis , dotium causa , bonorum fructibus *in specie* . Idque viginti novem annorum experientia confirmat Canonicus Casali , jam Societatis depositarius ; latiusque in sua informatione Episcopus per hæc verba = *Jam tum ab initio donationis usque ad annum 1773. omnes omnino fructus ex fundo bonorum donatorum provenientes , redditus semper fuerunt Puellis descendentibus a Camillo Beccari tum cum vel nuberent , vel monasticam vitam amplecterentur .* Hac tamen neglecta consuetudine , dotale subsidium decreverunt Sodales anno 1773. Moniali Agoselli sub conditione = *di doverfi ricevere dalle mani del Ministro della Compagnia , detratte le spese* = licet ei deinde facultatem dedisse afferantur colligendi fructus .

Egerunt hinc anno 1780. apud Sanctissimum Dominum Nostrum de amplianda musica , de marmoreo construendo Altari , argenteisque candelabris , & lampade . At per organum Eminentissimi Carrara tunc Sac. Congregationis a Secretis, nedum ea Sanctitas Sua fieri prohibuit , sed plura etiam alia pro meliori Societatis regimine præscripsit , mandavitque = *che i frutti dei Capitali donati da Giacomo Beccari con la prima donazione del 9. Settembre 1617. , detratti li scudi venti da 84. Bolognini per la Musica , eli scudi trenta da pagarsi al Cappellano , s'impieghino , cominciando dal corrente anno 1780. , e in tutti gli altri avvenire nel maritaggio di due povere Zitelle ogni anno , alternando il giro delle Parrocchie della Città con dote di lire cento per ciascheduna , colla prelazione alle Discendenti da Camillo Beccari , a tenore della disposizione di Giacomo sudetto .*

Hoc freti Pontificio rescripto , obtulerunt Sodales Filiabus
Co-

Comitum Masini, & Bernardini, a Camillo Beccari descendentes, dotem lirarum 100. pro qualibet, causamque idcirco dederunt liti. Plures enim ex vocatis *Sanctissimo* supplicarunt pro executione donationis anni 1617., eo modo & forma, qua ante Supremum Rescriptum anni 1780. servatum fuerat, precibusque ad Sac. hanc Congregationem remissis, ad Causam venit Communitas Cæsennæ pro extraneis Puellis, ac tria concordata sunt Dubia. Quæritur *primo*, an Nobilibus Puellis a Camillo Beccari descendentes præstanda sit dos lirarum 100. tantum, seu potius totum id, quod detractis oneribus superest ex annuis bonorum redditibus, cum facultate colligendi ex se ipsis fructus. *Secundo* de dotibus non traditis. Ac de dotibus *tertio*, seu earum numero extraneis Puellis præstando. *Mihi*, inquit Episcopus, de solis Descendentibus loquens, *res ista auditis interesse habentibus, discussisque eorum rationibus, perplexa quidem videtur.*

Quoad quantitatem dotalis subsidii, Puellis descendentibus favet donatio anni 1617., in qua uncialibus verbis præscribitur, quod cuilibet ex eis = *se li dia tutto il restante della sudetta entrata* = Ita profecto servari debet donationis lex, ut dicta est, per *Text. in Cap. Verum 4. ibique Gloss. verb. Debeat revocari, de condit. apposit., Lambertin. de Jurepatr. part. 1. lib. 1. qu. 9. art. 4. n. 3. verj. Tertio vero casu.* Favet etiam observantia, de qua memini in facto. Hæc namque apertam dispositionem confirmat, dubiam interpretatur, *Fagnan. in lib. 3. Decretal, Cap. Tuæ num. 14. de Cleric. non residen..*

Opponit Societas secundam donationem anni 1650., in qua dispositum legitur = *Che le Zitelle da maritarsi siano solamente due l'anno, e non piu, alle quali se li diano le lire 100. per ciascheduna.* Determinari autem potuisse contendit numerum, & quantitatem dotium, quæ ex prima donatione ab incerto pendebant majorum, vel minorum fructuum eventu, *Text. in Cap. Pluralis loquutio 10. de Reg. Jur. in sexto, Rot. coram Falconer. decision. 9. num. 1., & seq. de Legat.* Maximopere vero Pontificiam urget legem de binis dumtaxat præstandis dotibus lirarum 100., cum simplici prælatione Puellarum descendens a Camillo. Piæ siquidem Fidelium dispositiones a Suprema pendent Pontificis Auctoritate, libereque ab Eo moderari valent, *Gloss. in Clement. Quia contigit, verb. Sedis Apostolicæ, de Religios. Domib.*

29. Novembris 1788.

177.

*lib. , Mart. de Jurisdic. part. 4. caus. 74. num. 5. Amos-
flaz. de Caus. Pii cap. 14. num. 3. . . .*

Advertere tamen dignentur Eminentissimi Patres , quod
ex bonis primæ donationis annua exuperant scuta 184.
19. 2. , ex bonis vero secundæ scuta 86. 48. 8. , juxta
Rescriptum introitus , & exitus bonorum Sodalitii , exi-
stentem in Positione anni 1780. , cui titulus : *Dimostrazione di tutti li Capitali , che possiede la Ven. Compagnia della B. V. del Popolo &c. = pag. 1. ad 4.* Sua ergo pru-
dentia judicent , num prior largitio = *di tutto il restante della sud. entrata =* , quæ supposita etiam validitate se-
cundæ donationis , scutorum esset 184. 19. 2. , reduci
potuerit in secunda donatione ad liras 100. , sen? scu-
ta 18. 18. 2. pro qualibet Descendente , absque substan-
tiali prioris donationis mutatione . Post expletam enim ,
perfectamque donationem , non licet Donanti deterio-
rem facere conditionem Donatarii , eiulque jus quæsi-
tum lædere , ad *Text. in Leg. Perfecta Cod. de Donat. ,
quæ sub modo , Rot. in Romana Legatorum 6 Junii 1777. §. 13. coram Eminentissimo Herzan .* Ponderandum etiam ,
num Pontificia Lex de duplici dote litarum 100. , con la
prelazione alle Discendenti di Camillo Beccari a tenore del-
la disposizione di Giacomo sudetto , tacitam præferat
primæ donationis derogationem , ac præjudicium infer-
re valeat Puellis descendentes post remissum ab eodem
Sanctissimo illius examen Sac. Congregationi .

Gravior est difficultas de validitate secundæ donationis , ut
decerni valeat , utrum = *tutto il restante della sud. entra-
ta =* comprehendere debeat redditus bonorum , quæ post
primam quæsitæ fuerunt . Donavit siquidem Jacobus Bec-
cari anno 1617. = *tutti i Beni stabili , mobili , e per se mo-
venti , presenti ed avvenire inter vivos =* Expresse ergo
per verbum *avvenire* , futura etiam donavit bona , eaque
de Jure comprehensa censentur in donatione , si modo
nulli quantum ad legitimam præjudicium inferatur , ut
per *Text. in leg. si quis argentum 35. §. Sed & si quis Cod.
de Donat. probat Voet. in Pandect. ad lib. 39. titulus de
Donat. sub num. 10.* Inde autem sequeretur , quod bona
semel donata iterum donare non potuisset , *Text. in Leg.
Facta Cod. de Donat. quæ sub mod. , Fontanell. de pact.
nuptial. claus. 4. gloss. 9. num. 7. part. 1.*

Nedum contendunt Descendentes Camilli , redundantes
bonorum omnium Jacobi fructus cuilibet ex ipsis in cau-
sam dotis deberi , sed per eas etiam colligendos esse .

Haud enim conlequerentur = tutto il restante dell'entrata si detrahi deberet stipendium Ministri, ac frugum potius pretium; quam speciem recipere cogerentur. Remque confirmant ex observantia, quam habent Eminentissimi Patres ex facto. Eis vero obesse posset vulgarissima illa Juris regula, de qua Bart. in Leg. si Patronus §. fin. numer. 1. ff. ad Trebell. Castill. contrav. jur. lib. 5. cap. 157. num. 17.; quod nempe recipi debeat legatum de manu heredis, cui universalis assimilatur donatarius, Amat. resol. 58. num. 11., & 13., Merlin. de Pignor. lib. 4. qu. 143. per tot. Ac ipsa etiam obesse posset donatio, in qua non demandatur prædiorum traditio, sed redundantis redditus præstatio = se li dia tutto il restante dell'entrata. Dum enim dixit Donator = se li dia = non obscure significavit, exuperantem redditum dandum esse, non ab ipsis Poellis percipiendum. Contrarium quandoque servatum fuit: sed non jura per Descendentes deducta, centenariam probent observantiam, quæ dispositionem Juris, & donationis literam vincat, Eminentissæ Vestræ decernent.

In hypothese autem, quod præstandæ sint dotes ad formam donationis anni 1617., præstationem restringere nititur Societas ad fructus prædiorum Rigone, & Olea, quæ tunc a Donatore possidebatur, & ab ea excludere prædia Casanova, & Bulgarno postea quæsitæ. Detrahendos insuper esse contendit fructus scutorum 300., quæ sibi Donator reservavit ad effectum testandi, & ad eam vigore secundæ donationis delata sunt; itemque scutor. 900.; quæ solvit Familiæ Camilli, & melioramentorum, quæ Periti ratiocinatoris dicto, ad plura ascendunt scutorum millia.

Affecta, nec ne sint posteriora prædia oneri primæ donationis, a subsistentia pendet, vel insubsistentia secundæ. Quoad detractiones vero notandum est, nullum per Societatem exhiberi inventarium, quo deficiente, inducta, censetur jurium confusio, ac propria heredis, vel donarii universalis evadunt quæcumque testamenti, vel donationis onera, Leg. fin. Cod. de jur. deliberan., Pacion. allegat. civil. 159. num. 7. Ex pluribus de cetero ostendunt Descendentes, soluta fuisse scuta 900. ex pretio bonorum primæ donationis, quæ quum sint longiuscula, desumere rogantur Eñi Patres ex illorum scriptis.

Dotes petierunt anno 1782. Comes Cæsar Masini pro ejus Filia moniali, & Comites Julius Cæsar, & Petrus Ber-

nardini pro eorum Filiabus in Domino etiā nupturis; sed orta de illarum quantitate, ac præstationis modo quæstione, non obtinuerunt. De his igitur dotibus quæritur *secundo*. Inficiatur Societas interpellationem: sed contrarium liquet ex binis ejus Congregationibus. Dubitari tamen posset, num actio esset petendi dotem pro altera ex puellis jam professa. Sunt qui negant; sed *vetiori sententia affirmant Capyc. Latr. consult. 17. num. 6. part. 1., Fontanell. de pact. nuptial. tom. 2. claus. 6. gloss. 3. part. 4. num. 49., & seqq., Covarr. in Cap. Officii n. 10. de Testam.*

A resolutione tandem *primi Dubii* pendet *resolutio tertii*. Si enim exequi debet *secunda donatio*, binæ etiā in singulos annos præstandæ erunt dotes *lirarum 100. Puellis extraneis*. Si vero exequenda est *donatio anni 1617.*, tot distribui debebunt dotes = *quanto sarà l'entrata, detratti li scudi 20. alla musica, e li scudi 30. al Sacerdote.*

Dubia igitur sunt.

- I. *An, & quomodo sit præstanda dos Puellis descendantibus a Camillo Beccari in casu &c.*
- II. *An, quomodo, & quibus Puellis descendantibus providendum sit quoad præteritum in casu &c.*
- III. *An, & quomodo sint præstandæ Dotes Puellis extraneis in casu &c.*

Ad I. Affirmative per Societatem, ad formam donationis anni 1617., ex bonis etiā postea quæsitis.

Ad II. Affirmative, ut ad primum, pro illis tantum, quæ debitis requisitis præditæ, dotem petierunt tempore quo adhuc erant innuptæ.

Ad III. Affirmative ad formam donationis anni 1617., ut in primo,

VERULANA MEDIÆ ANNATÆ. Post obtentam *Sess. 21. cap. 7. de Reform.*
 a Verulano Episcopo Jacobini Paræciam, seu Archipresbyteratum S. Michaelis Archangeli Terræ Strangelagalli, in jus eo defuncto vocatus fuit anno 1785. Sacerdos Joannes Dominicus Perilli coram Vicario Capitulari a
 Tom. LVII. Z 2 Ca.

Cathedrali Capitulo pro solutione mediæ annatæ, ad formam Constitutionis san. mem. Benedicti XIII., quæ incipit, *Pius, & misericors Dominus*, ac relata est in appendice Concilii Romani, ac passus tandem est ineunte anno 1787. executionem mandati pro summa scutorum triginta. Provocavit ad A.C., sed appellationis Causam remisit Eius Signaturæ Justitiæ Præfectus ad Sacram hanc Congregationem. Sua modo in supplici libello deducit jura, ac sua ex ore hodierni Episcopi Capitulum. Tunc solum, inquit Archipresbyter, debetur media annata ex Benedictina, cum = *Provisi de Parochialibus*, una, cum incertis annuum redditum scutorum centum monete Romanæ excedentibus percipiant. Talem vero non esse Paræciæ suæ redditum. Sub fide enim Affiduarii, annuum statuit bonorum ejus redditum in scutis 80. Perpetua ex his detrahit onera in scutis 42. 68., vixque ex reliqua summa, & incertis annua sibi esse concludit scuta 60. Idque confirmat ex judiciali petitione scutorum dumtaxat triginta pro media annata. Ex altero rursus Teste probat, nonnulla Verulani Capituli bona in Territorio Strangolagalli destinata esse fabricæ Ecclesiæ Cathedralis, cui per subsidiariam mediæ annatæ solutionem consultum voluit Benedictus XIII. Immunes semper ab hac solutione fuisse affirmat ejus Decessores, nullamque de ea in novissima Paræciæ collatione mentionem fieri. Hæc autem, referente Episcopo, Canonici. *Constare fecerunt*, præfatam Paræciam non solum præstare consuetam Parocho congruam, verum etiam uberiores, ut liquet ex divisione, sub die 27. Junii 1757. in Actis hujus Curie facta, bonorum stabilium inter prædecessorem Parochum dictæ Ecclesiæ Jo. Baptistam Querqui, & Sacerdotem Carolum Mezzarota Beneficiatum Sacristam in dicta Ecclesia &c. Apparet enim, quod portio assignata d. prædecessori Parocho annuum fructum reddat scutorum 106.07. $\frac{1}{2}$, sine præjudicio aliorum stabilium, quæ privative spectant ad Parochum pro tempore d. Ecclesiæ pro satisfactione onerum in Tabella descriptorum, nec non sine præjudicio aliorum reddituum incertorum, & stolæ &c. Constat insuper ex Actis hic efformatis per subcollectorem Spoliorum Rev. Cam. Apostolicæ sub die 17. Junii 1782., in vacantia ejusdem præbendæ Archipresbyteralis, judicialiter conventos fuisse Franciscum Trojani, & Dominicum de Rocchis, nec non expeditum, & exequutum mandatum Manus Regiæ pro solutione scutorum 95. pro affictu unius anni bonorum

orum stabilium maturati defuncto Archipresbytero, exceptis singulis aliis incertis.

Nec obstare credunt iidem Canonici, quod nunquam a Predecessoribus Oratoris soluta fuerit huiusmodi media annata. Constantiter enim asserunt, quod a publicatione dictæ Bullæ Benedictinæ præfata præbenda nunquam vacaverit de mensibus, in quibus licet Episcopis providere; Ideoque semper collata fuerit per Datariam. In hac autem vacatione per Episcopum expeditæ fuerunt Bullæ talis collationis, utpote quia eadem vacavit in mensibus suis. Multoque minus obstare credunt, quod Ecclesia prædicta Cathedralis bona possideat stabilia in Territorio Strangolagalli. Hæc enim spectare dicunt ad massam communem Capituli, non autem ad fabricam Ecclesiæ Cathedralis. Ita per Episcopum loquuntur Canonici, additoque supplici libello, illegale exhibent Summarium, ex quo amplior etiam desumitur Paræciæ redditus, ac reliqua per Testes eliduntur Archipræsbyteri objecta.

Tenebantur ex veteri Jure Beneficiati ad reparanda Ecclesiæ suæ tecta, Cap. Quicumque 1. de Eccles. ædifican., & reparan., & ad id etiam quoad Parochiales tenebantur Parochi, Cap. de his 4. eod. tit. Quum satis vero consultum non esset Ecclesiis Cathedralibus, quæ ceteris majestate, & dignitate præcellunt, speciali lege per totam Italiam, & adjacentes Insulas edixit Benedictus XIII., ut de Parochiis ab Ordinariis provisi deponere tenerentur pro illarum fabrica mediam annatam, dummodo certi, & incerti Paræciarum redditus annuam excederent summam scutorum centum; ac pluries in executionem hujus Constitutionis, Illius solutionem demandavit Sacra Congregatio, ut in *Æsina Mediæ Annatæ* 22. Julii, & 9. Septembris 1741., & in *Viterbien. Mediæ Annatæ* 13. Januarii 1748.

Num certi, & incerti Archipresbyteri Perilli redditus excedant summam scutorum centum, ex notatis in facto Em̃l Patres decernent. Affirmat Episcopus ex publicis juri-bus; negat Archipresbyter ex unico Teste. Monumenta autem publica potiora Testibus esse Senatus censuit, in Leg. Censu 10. ff. de Probat. Reservata quidem non fuit in Bullis collationis Archipresbyteratus media annata: sed notanda sunt absoluta, & præceptiva Benedictinæ verba, nempe = teneantur (Provisti de Parochialibus) solvere, ac respective deponere mediam annatam pro fabrica Ec-cle-

clesiæ Cathedralis = Ubi Pontificia enim. Lex est præceptiva, non indiget Inferioris facto, vel reservatione, ut exequi debeat, *Fagnan. in lib. 1. Decretal. Cap. Treguas num. 25. de Tregu., & Pac.*

Dubium est.

An sit locus solutioni mediæ annatæ in casu &c.

Dilata, & scribatur Episcopo pro firmatione status Paræciæ, de qua agitur.

Sess. 25. cap. 4. de Reform.

ROMANA CAPELLANIARUM. Quibus de causis Capellaniæ quatuor, ab Hilario Mauro institutæ in Lateranensi Basilica, reductæ fuerint ad duo; quæ ad annum 1725. istarum vicissitudines, colligere dignentur Esmi Patres *ex Folis 21. Junii 1759., 20. Augusti 1774., & 4. Aprilis 1778.* Prætereunda vero non sunt rescripta, quæ in hac Causa prodierunt. Quotidianæ utriusque Capellaniæ Missæ, quæ ob imminutos redibus reductæ fuerunt anno 1725. ad mensuras 45., restitutæ ob eos auctos fuerunt ad pristinum numerum per rescriptum *diei 22. Septembris 1758. confirmatum die 11. Augusti seq. anni 1759.* Iterum *die 17. Junii 1775.* reductionem postularunt Capellani, prodiiitque rescriptum = *Dilata, & eligatur Peritus judicialis pro firmatione status* = Hac tandem edita peritia, repropositum fuit *die 4. Aprilis 1778.* Dubium = *An, & quomodo sit locus reductioni Missarum, ita ut sit standum, vel recedendum a Decisis sub diebus 2. Septembris 1758., & 11. Augusti 1759. =, & Sac. Congregatio respondit = Negative, & persistendum esse in decisis.*

Novissima hæc dissimulantes rescripta, quartum anno 1786. insisterunt Capellani pro reductione ad mensuras Missas quindecim pro quolibet, precibusque pro informatione,

& vo-

Ex voto remissis, ea ipsa Eñus Archipresbyter in factis exponit, quæ ex citatis Foliis habentur. Anno postremum 1773. actum supponit de reductione; sed nullam, inquit, scio emanasse resolutionem, nec qua de re suspensam fuisse. Verisimilis tamen atque laudabilis causa illa videtur, quam asserunt Capellani, nimirum defuisse consensum Patronorum & Sac. Congregatione volitum, quem nunc reportarunt. Ex calculo decennali ostendit = omnes Capellaniarum redditus vix ad summam scutorum 179. pro quolibet anno pervenire, ex quibus si demantur onera Missarum 60. pro quolibet mense, idest annuorum scutorum 72., supererunt tantum 107. scuta in locum 136. superessentium (deductis oneribus Missarum) de tempore Eminentissimi Archipresbyteri Panfili, qui ex rescripto Sac. Congregationis anni 1735. menstruas statuit Missas 45., auxitque servitium Chori, a diebus festis & vespersis solemnibus, ad omnes dies Dominicos Julii, Augusti, Septembris, Octobris, & alternatim per hebdomadas, ad omnes ferias Quadragesimæ usque ad Dominicam Palmarum. Atque ita concludit = Qua de re, quoniam & Patronorum consensus accedit, censerem annuendum esse Oratoribus pro reductione Missarum ad menstruas 45. tantum, ab ipsis celebrandas servata forma in omnibus rescripti hujus Sac. Congregationis lati die 1. Decembris anni 1725., atque alterius in executionem ipsius ab Eminentissimo Panfilio lati die 11. Martii 1726.

Ex quinquagenario judiciali calculo constitit anno 1778., vix detractis quotidiano Missarum, & utensilium onere, omnibusque expensis, annua cuilibet Capellano pro choralis servitio superesse scuta 28. 81., & tamen Sac. Congregatio Missarum reductionem denegavit, ut liquet ex Folio illius anni. Sua ergo prudentia judicent Eñi Patres, num aliter sentiendum sit ex uno extrajudiciali calculo, ex quo major immo resultat redditus. Omnibus enim detractis expensis, & Domorum dislocationibus, annua Capellani remanent scuta 179. Si ab hac summa detrahantur scuta 72. pro quotidianis Missis, & scuta decem pro utensilibus, reliqua erunt utrique Capellano annua scuta 97. pro servitio choralis, seu scuta 48. 50. pro quolibet. Memorat Ratiocinator in fine calculi annuam Pensionem scutorum quindecim super Capellaniis; sed hæc etiam detracta, scuta remanent 33. 50.

Deliberare igitur dignentur EE. Vestræ.

An sit standum, vel recedendum a decisis sub die 4. Aprilis 1778. in casu &c.

Non proposita cum sequentibus :

*Sejs. 15. cap. 4.
de Reform.*

FERRARIEN. REDUCTIONIS MISSARUM, ET ABSOLUTIONIS. In executionem piæ voluntatis Petri Antonii Ghedini, per privatam scripturam instituit anno 1752. Ignatius Maria ejus filius annuam celebrationem Missarum 200. cum eleemosyna obolorum 15. pro qualibet, solvenda ex fructibus Locorum Montium V. Erectionis Ferratiæ, quæ amplius non existunt. Hebdomadam alteram in codicillis cum eadem eleemosyna legavit Missam anno 1781., suamque hereditatem alieno etiam ære gravatam reliquit. Universa ejus substantia in annuis consistit censibus scutorum 164., modis quatuor frumenti, incertisque cujusdam prædii fructibus. Familia vero in Personis decem.

In hisce difficillimis circumstantiis, unam hætenus Nicolaus Coghi, hæreditatis administrator, hebdomadalis Missæ celebrationem, ut Familiam aleret, curavit; nec parum etiam in id de proprio impendit. Annuas vero Missas biscentum, ut diu Ignatius Maria Ghedinus fecerat, neglexit, earumque numerus ad totam diem 9. Februaril labentis anni erat 4065., ac summam constituabat scutorum 609. 75. EE. igitur Vestras exorat pro absolute a Missis non celebratis, ac pro reductione utriusque Legati ad annuas Missas triginta, cum Synodali eleemosyna obolorum 12. Exposita per scripturas confirmat Eñus Archiepiscopus: impares prorsus affirmat hereditatis vires tam præterito, quam futuro adimplemento Legati Missarum 200., & ita concludit = *Quamobrem, cum in casu proprie præd. Legatum biscentum Missarum in anno celebrandarum authentice de more haud comperiatur (excepta simplici præd. notione, quam haurimus ex iis, quæ in folio sub litt. C. supramemorato habentur) & cum ulte-*

rius impares prorsus sint hereditatis vires pro hujusmodi Legati satisfactione biscentum Missarum, existimarem, locum fore absolutioni præfatæ celebrationis tam pro præterito, quam pro futuro tempore [firmo tamen remanente altero Legato unius Missæ in qualibet hebdomada] cum deficiente etiam fundo Legati, imparibusque hereditatis comperitis viribus, ut in casu, deficere æqua lance onus ipsum videatur.

Quamvis Legatum Missarum 200. non resultet ex Testamento Petri Antonii Ghedini, exploratum tamen est ex declaratione Ignatii Mariæ ejus filii, quam ipsius heredes impugnare nequeunt, *Gloss. fin. in con. Episcopus, qui 12. quæst. 2.* Nec dubitari valet de illius validitate, Recte enim heredis fidei committuntur Legata pia, satisque est voluntatis demonstratio, ut exequantur, *Pasqualig. de Legat. Missar. quæst. 990. num. 4., Ferrar. Biblioth. legal. verb. Testamentum §. 2. num. 19.* Posito autem Legato, quærendum est, num ob defectum ejus fundum defecerit, Ita plane esset, si assignata fuissent Loca Montis *taxative*, *Leg. Si quis ff. de Legat. 2., & Sac. Coogregatio in Viglevanen. Beneficii 23. Januarii 1773.*, si incepisset nempe dispositio ab assignatione fundi, *Rot. in Romana Supplem. & Applicationis 11. Junii 1731. §. Tunc coram clar. mem. Card. Aldrovando.* Secus vero si præcessisset Missarum Legatum; nam hoc casu subsequens assignatio fundi staret *demonstrative*, eoque imminuto, vel perempto, supplere teneretur heres de proprio, *Leg. Quidam ff. de Legat. 2., & Leg. Non aliter §. 1. ff. de Legat. 3.* Haberi certe non potest hujusmodi notio ex Testamento, quod deficit. At prius Ignatius Maria, Legantis filius, Missarum celebrationem instituit, deindeque Loca Montis assignavit.

Benigne tamen advertant Eñi Patres ad graves Familiæ Ghedini circumstantias. Decem in ea alendæ sunt personæ; Paulo annui redditus scuta excedunt 164. Alienum æs solvendum: Aliudque adimpleri debet hebdomadalis Missæ Legatum. Num hæc pro abolitione, vel reductione Legati indulgentiam mereantur, EE. Vestræ decernent. Præ omnibus quidem ex Beneficiis, & Legatis piis alendi sunt indigentes Patroni, & Descendentes Fundatoris, *Surd. de alim. tit. 7. quæst. 32. num. 29. & seq., Rot. in Salernitana Alimentorum 11. Januarii 1712. cor. clar. mem. Card. Scotto.* Si eorum namque angustias, fundique legati dispersionem prævidisset, aut pium non

reliquisset Legatum , aut minorem Missarum numerum ad parandam illis alimoniam demandasset , *Card. de Luc. de Testam. disc. 72. num. 15. & seq.* Perpetua certe non videtur heredum Ghedini indigentia : semper enim alendæ non erunt decem personæ . Sed in similibus fere terminis non raro per suspensionem Missarum modo ad quinquennium , modo ad decennium pauperibus miserta est Descendentibus Sacra Congregatio , & præ ceteris in *Messanen. Reductionis Onerum 11. Januarii 1777. , & in Nucerina Paganorum Reductionis Missarum 5. Septembris 1778.*

Hæc quoad futurum . Quo vero ad præteritum ; scienter profecto Ignatius Maria Ghedini , ejusque hereditatis Administrator Missarum celebrationem omiserunt . Proprium alter ignorare non poterat erecti Legati factum . Sua sponte fatetur alter , ob gravia onera , tenuesque redditus celebrationem neglexisse . Assucta vero prudentia , & æquitate judicent Eñi Patres , cogl nec ne debeant ad supplendam omissionem cum gravi summa scutorum 609. , & ultra , qui Eñi Archiepiscopi testimonio , tantum ex hereditate non habent , ut vivant . Plura erga pauperes sunt indulgentiæ exempla in *Syracusana 7. Februarii 1705. lib. Decret. 55. fol. 44. , in Neapolitana Celebrationis Missarum 4. Decembris 1706. lib. Decret. 56. fol. 383. , in Romana Oneris Missarum 11. Maii 1709. ad IV. Dub. lib. Decret. 59. fol. 146.* Æque tamen ponderare dignentur , obligationem adimplendum opus non solvi , sed suspendi , quousque debitor ad meliorem venerit fortunam , *Cap. Odoardus de solut. , Fagnan. in lib. 5. Decretal. Cap. Mandato num. 74. de Simonia .*

Quæritur itaque .

- I. *An , & quomodo sit locus reductioni Missarum in casu &c.*
- II. *An , & quomodo sit consulendum Sanctissimo pro absolutione quoad præteritum in casu &c.*

CERVIEN. LEGATORUM. Hujus Causæ species est *Sess. 24. cap. 4. de Reform.*

In Folio diei 9., resolutio in altero 30. Julii 1785. Proposito enim Dubio = *An constet de perpetuitate, seu temporaneitate Legatorum piorum, de quibus agitur, nempe ad vitam Venturæ Antonii Ranieri heredis gravati in casu &c.* = prodiit rescriptum: *Affirmative ad primam partem, negative ad secundam.* Iterum modo de dd. Legatorum qualitate certatur; sed nova hæctenus latent Partium jura. Hæc igitur desumere dignentur Eñi Patres ex illarum Scriptis, & assueta maturitate respondere.

An sit standum, vel recedendum a decisio in casu &c.

MELEVITANA CONFIRMATIONIS STATUTI. *Sess. 21. cap. 8. de Reform.*

Præfinitus fuit in Congregatione diei 19. Augusti 1786. modus erogandi eleemosynas, quas ex Statuto colligunt Sodales Animarum purgantium Civitatis Vallettæ. Proposito enim Dubio = *An, & quomodo caput 4. Statutorum Confraternitatis laicali sub titulo Animarum purgantium erectæ in Ecclesia S. Nicolai Civitatis Vallettæ sit confirmandum* = Eminentissimi Patres rescripserunt = *Affirmative juxta modum, nempe quod media pars eleemosynarum tam collectarum, quam colligendarum, una cum medietate fructuum capitalium jam investorum, vel in posterum investiendorum pro Missis, altera vero medietas pro Ecclesia applicetur, & in reliquis juxta votum Episcopi* = de quo in folio 29. Julii ejusdem anni. Redeunt modo Sodales pro absolutione quoad præteritum. Haud enim ante rescriptum illud erogati omnes fuerunt capitalium fructus, & eleemosynæ in celebrationem Missarum; immo latet omnino, an eorum saltem medietas ad hunc effectum adhibita fuerit. Eis favet Episcopus = *attenta bona fide, cum onere celebrandi unam Missam solemnem pro hoc anno tantum.*

Bona liquidem, vel mala æstimari solet fides, ubi de omissa agitur Missarum celebratione. Ob malam fidem sollicita fuit Sacra Congregatio de adimplemento, gravissi-

meque in omittentem animadvertit in Bononien. Redu-
 ctionis Servitii Chori 24. Novembris elapsi anni 1787. To-
 ties vero indulgentiam adhibuit, quoties de bona con-
 stitit fide, ut in Parmen. 6. Maii 1786., in Ecclesien.
 Onerum, & Distributionum 9. Septembris ejusdem anni
 ad I. Dubium, in Reatina Reductionis Missarum 24.
 Martii 1787. ad II. Dubium, & in Romana Legati 19.
 Januarii labentis anni. De bona Sodalium fide testatur
 Episcopus, nec certa est celebrationis Missarum omisso
 pro medietate fructuum & eleemosynarum, juxta præ-
 cedens EE. Vestrarum judicium.

Quæritur ergo.

An, & quomodo sit consulendum Sanctissimo pro absolutio-
 ne in casu &c.

Die Sabbathi 20. Decembris 1788. in Palatio Apostolico Vaticano erit Sacra Congregatio Concilij, in qua præter alia proponentur infra scripta Dubia, juxta morem ejusdem Sacræ Congregationis de jure resolvenda.

Quatuor hic ex ordine subiciuntur Causæ, quæ in præcedenti Congregatione diei 29. Novembris proponi non potuerunt.

ROMANA CAPELLANIARUM.

An sit standum, vel recedendum a decisis sub die 4. Aprilis 1778. in casu &c.

Sess. 25. 4. cap. de Reform.

Prævio recessu à decisis, juxta votum Eminentissimi Archipresbyteri -

FERRARIEN. REDUCTIONIS MISSARUM, ET ABSOLUTIONIS.

Sess. 25. cap. 4. de Reform.

- I. *An, & quomodo sit locus reductioni Missarum in casu &c.*
- II. *An, & quomodo sit consulendum Sanctissimo pro absolutione quoad præteritum in casu &c.*

Ad primum: Affirmativè pro suspensione ad quinquennium firmo remanente opere Missæ hebdomadalis pro utroque Legato.

Ad secundum: Affirmativè, & ad D. Secretarium cum Sanctissimo.

Sess. 24. cap. 4.
de Reform.

CERVIEN. LECATORUM.

An sit standum, vel recedendum a decisis in casu &c.

In decisis, & amplius.

Sess. 21. cap. 8.
de Reform.

MELEVITANA CONFIRMATIONIS STATUTI.

*An, & quomodo sit consulendum Sanctissimo pro absolute-
ne in casu &c.*

Affirmativè juxta votum Episcopi.

Sess. 23. cap. 18.
& Sess. 25. cap.
4. de Reform.

ARIMINEN. SUSPENSIONIS ONERUM. Diversi generis sunt Ariminensis Seminarii bona. Alia ex prima proveniunt erectione: alia ex suppresso Rosarii Sodalitio: & alia ex suppresso Societatis Jesu Arimini Collegio. Ducto ab anno 1777. ad totum annum 1786. accuratissimo calculo, decennis originariorum redditus scutorum est 16867. 38. 10., exitus scutorum 23117. 19. 9.; seu 6249. 80. 11. ultra introitum. Societatis Rosarii redditus summam attingit scutorum 965. 23. 10., exitus scutorum 615. 61. 10., exuberantque scuta 349. 62. Ac redditus tandem Collegii summam conflat scutorum 15136. 98; exitus scutorum 8813. 85., & unus altero minor est in scutis 6323. 13. Decennis igitur bonorum omnium introitus exitum superat in scutis 422. 94. 11., quæ annum dant compendium scutorum 42. 30. Summa tamen hæc superfutura non erit sequentibus annis. Paulo enim ante annum 1786. alienata fuèrunt de licentia Sacræ Congregationis Episcoporum & Regularium nonnulla Societatis Rosarii bona, & passivus etiam creatus est census in sorte scutorum 1000. ad ampliandum Seminarium.

Onus est originariis bonis recipiendi in Seminarium tres Alumnos gratis, duos nempe ex Oppido Longiani Cæsennatensis Diæcesis, ad nominationem Communitatis, tertium ex ipsa Ariminensi Diæcesi ad nominationem cuiusdam particularis Familiæ. Annuï pro quolibet sunt redditus scutorum circiter triginta. Bona Societatis Rosarii annuis gravantur Missis 348. Alia vero Collegii diversa ex triplici Testamento habent onera. Bona ex dispositione *Leonardi Diotallevi* celebranda sunt ad privilegiatum Altare quotidiana Sacra, aliaque ex redundantibus hereditatis fructibus manualia. Hebdomadalia tria ad annos centum ex dispositione *Præsulis Cæsaris Galli*. Et quotidianum tandem Sacrum, ac celebratio Festivitatum Sanctissimi Nominis, & Annunciationis B. M. Virginis, cum reservatione passivi patronatus Capellaniæ favore Clericorum Familiæ Ugolini, ex dispositione *Simonis Parmegiani*. Præter hæc transfusum etiam est in Seminarium Scholarum onus, & pium bonæ mortis exercitium.

Seminarium, Ecclesia, ejusque Urbanæ & rusticæ Ædes ex terræmotu anni 1786 scissæ sunt. Pontificius Architectus reparationum pondus constituit in scutis 3110. Alter Eminentissimi Legati Romandiolæ in scutis 4706. Duo peritissimi Fabri murarii in scutis 4257. Juxta postremam hanc peritiam, sc. 38. ad ædificia pertinent Diotallevi: sc. 710. ad ædificia Galli: sc. 128. ad illa Parmegiani: sc. 105. ad alia Societ. Rosarii: & reliqua 3176. ad Seminarium. Ad urgentiores perficiendas reparationes, Seminarium transacto anno scholastico ad præsens suspendit Ariminensis Episcopus. Quum toto autem operi impares essent illius vires, EE. Vestris supplicarunt ejus Deputati pro suspensione ad annos sexdecim Legati Diotallevi, & facultate creandi pro necessaria summa passivum censum, sub obligatione solvendi fructus ex redditibus ejusdem Legati, & celebrandi pro Benefactoribus annum Officium, & Missam cum cantu.

Ut suis interim consuleret Alumnis, EE. pariter Vestras exoravit Communitas Longiani pro illorum manutentione in altero Seminario, Ariminensis Seminarii sumptu, utrisque precibus pro informatione & voto remissis, hætenus exposita per Peritias, Testamenta, & decennem reddituum Seminarii statum Ariminensis confirmat Antistes. Cavendum deinde monet a diuturniori Seminarii suspensione. *Clausso*, inquit, *Seminario*, duo incommoda, eaque maxima sequerentur. Primo quidem summum inde præjudicium caperent tot Civitatis, & Diæ-

cesis Clerici , qui Seminarii disciplina omnes destituti , & Diœcesani studiorum commodo insuper fraudati , ad ea scientiarum genera , & ad pietatem , quæ decent Ecclesiæ Ministros , institui minime possent . Deinde si ex superextantibus clausi Seminarii redditibus restorationes forent præstandæ , ad eas perficiendas plurium annorum spatio opus esset ; unde fieret , ut ex dilatione aucta damna duplicem fere sumptum requirerent .

Exoneratione , prosequitur , Alumnorum parum parcitur Seminarii expensis . Id experientia compertum habemus . Quamvis enim pro decedente anno scholastico non fuerint Alumni Seminario recepti , exiguum tamen emolumentum retulimus . Quid porro lucrati sumus , non quidem ex levamine alimentorum Juventutis , sed ex eo repetendum est quod deficientibus Alumnis , imminui potuit nonnullorum Officialium stipendium . Et re quidem vera non Juventutis alimenta , quibus taxa ab unoquoque Alumno soluta suppletur , sed Magistrorum , Officialium , & Ecclesiæ manutentio , totque onera Seminario incumbencia omnes ferme redditus absumunt . Porro neque his oneribus , neque Magistrorum , Officialium , & Ecclesiæ manutentioni parcere possumus , etiamsi a Seminario arceantur Alumni . Seminarium enim vi concessionis Collegii , Ecclesiæ , & nonnullorum bonorum suppressæ Societatis Jesu prægravatum extat onere publicas scholas pro confluentibus cujuscumque conditionis Discipulis habendi : Magistros pro scholis , aliosque Sacerdotes , & Officiales , qui & confessionibus excipiendis , & exercitio bonæ mortis , & Ecclesiæ servitio , aliisque consuetis pietatis operibus vacent , stipendio conducendi : Manutentionem Ecclesiæ ; Legatorum satisfactionem , cæteraque seu Juventutis educationem seu Divinum cultum , & spiritualem Fidelium profectum respicientia , ad amissum , & eodem modo præstandi , quo Individui Collegii præstabant ; Ac tandem tribus Societatis suppressæ Individuis adhuc viventibus pensionem vitalitiam scutorum 80. pro quolibet singulis annis solvendi .

Integros pro hisce oneribus servandos esse redundantes Legatorum redditus , ac , unum bonæ mortis exercitium , pro quo annuum est Sacerdoti stipendium scutorum 30. , solvendi posse censet . Tresque demum proponit modos pro suspensione Missarum , quam in votis habet . Earum , ait , suspensio , quam necessariam arbitror , tribus modis , meo judicio fieri potest ; nempe Vel suspendendo tot Rosarii , & uniuscujusque hæreditatis Diotallevi , Galli , & Parmegiani Missas , quot necessitas postulat , ad

rationem majoris, vel minoris earundem respective Missarum numeri, ita ut Sodalitium, & hereditas quælibet ad restorationem damnorum pro suis viribus concurrat: VEL suspendendo quoad Sodalitium, & hereditates Galli, & Parmegiani tot Missas uniuscuiusque, quot pro respectivis Fabricis restaurandis sufficient, & quoad hereditatem Diotallevi tot Missas, quot opus erit pro reliquis Seminarii Fabricis: VEL suspensis solius hereditatis Diotallevi Missis juxta preces (firmis tamen semper relictis duabus Capellaniis quotidianis a Testatore primo loco institutis) inde sumendo quidquid pecuniæ pro universis reparationibus requiritur.

Secundus ei non arridet reparationis modus ob tenuitatem hereditatis Galli, cui suarum omnium Missarum suspensio pro reparationibus, quibus egent illius domus, minime sufficiunt. Tertius vero nimium gravis heredibus Diotallevi accideret. Æquiores idcirco autumat primum. Eo namque posito, tum Sodalitium Rosarii, tum hereditates singulæ reparationum onus pro rata congrua sentiunt. Quod si hereditas Diotallevi, cui minora sunt, & longe major Missarum numerus, præ ceteris gravari contingit pro non suis reparationibus, id ab æquitate alienum credi non debet. Societas enim Rosarii, & hereditates Galli, & Parmegiani superextantibus earum redditibus valde utiles existunt Seminario, cujus gratia ope aliena pro suis reparationibus mox indigent. Secus vero hereditas Diotallevi, ex cuius redditibus, in Missarum celebrationem integre abeuntibus, cum nihil proficiat Seminarium, quædam æquitatis ratio postulare videtur, ut eidem Seminario pro commodatis huc usque, & in posterum commodandis horreis, cellis vinariis, doliis, hisque similibus ad illius administrationem necessariis, vicem quodammodo rependat, reparationum pondere illud levando. Additque, quod sive primus, sive secundus seligatur suspensionis modus, parum aut nihil detrahitur Legato Galli, quum adimpleri cæperit anno 1722., alique 34. anni, qui ad explendum centenariæ terminum deficiunt, post absolutam suspensionem suppleri poterunt.

Suspensionem Missarum Capellaniæ Parmegiani obistere refert hodiernum Capellanium Angelum Ugolini, cui plures sunt ex Fratre Nepotes, inter quos duo Sacræ Militiæ adscripti, Patruo succedendi jus habent, sibi que jam (ad formam Testamenti) cogitant Capellaniam in titulum constituere. Irrationabilem vero dicit contradictionem, ob alias ei nomine Seminarii oblatas Missas. Et ita denique

quoad Longianenses Alumnos concludit, *Quoties, decreta Legatorum suspensione, Seminarium proxime adven-
turo anno (jam incepto) iterum aperiat, timor omnis
a recurrentibus abscedet.*

Ut libera omnino esset decernendi facultas, ad Causam vocari debuisse Ugolinus. Res tamen dilationem non patiebatur, ne diutius ecclesiasticum Seminarium cum maximo Ariminensium Clericorum detrimento clausum maneret, quatenus ei EE. Vestrae per flagitatam Missarum suspensionem consulere vellent. Si rationabilis porro dijudicabitur illius contradictio, supplere poterunt Eñi Patres denegatum consensum, *Cap. Ad audientiam in fin. de Eccles. ædifican., Barbosa, de Potes. Episc. part. 3. alleg. 83. num. 6., Lotter, de re benefic. lib. 1. quæst. 28. num. 10.* Si rationabilis; impedimento non erit, quin reservata Capellania Parmegiani, de reliquis Missis, piisque Operibus decernant.

Valde sollicita fuit *Sacro sancta Tridentina Synodus* de Episcopatibus Seminariis, provideque statuit *Sess. 23. cap. 18. de Reform.*, Episcopales, Abbatiales, & Capitulares mensas, Beneficia, & Loca Pia ad illorum erectionem & conservationem teneri. Qua de re exigere valent Episcopi taxam ad instaurandas eorum domos, ut ab hac Sacra Congregatione decusum refert *P. gnatell. consult. 81. n. 48. tom. 9.*, & probat *Ferrar. in Biblioth. verb. Seminarium num. 77.* Refertur quidem inter redditus Ariminensis Seminarii huiusce Conciliaris taxæ exadio; sed qua proportionem, ignoratur; eaque fortasse est, quæ ad rationem scutorum trium in singula centum pro Seminariorum mantentione exigi solet, ut in *Veliterna 24. Aprilis 1773.* Deliberandum ergo, num ad reparandas illius Aedes altera potius addenda sit extraordinaria taxa, quam ad extremum suspensionis Missarum remedium descendendi. Si reparandæ erunt per contributum, æqua pariter esset contributo extinctæ Societatis Rosarii, & hereditatum *Dio-tallei, Galli, & Parmegiani* pro rata damni in respectivis ipsarum Aedificiis passi. Utrum vero fieri deberet huiusmodi contributio ex redundantibus earum redditibus, vel per suspensionem Missarum, EE. Vestrae decernerent. Fieri autem non posse censebat Episcopus ex redditibus, ne impar evadat Seminarium oneribus, quæ paulo ante ex ejus ore retuli.

Quatenus aliter tamen Eñi Patres sentiant, jam tres alios præ oculis habent modos ab Episcopo propositos, ut æquiorem seligant. Ex his certe integrum refunditur re-

parationum onus in suppressam Societatem Rosarli, & hereditates *Diotallei, Galli, & Parmegiani*; sed impares omnino sunt propriis Seminarii reparationibus originarii redditus; nisi illius exercitium suspendatur. Quocumque autem modo reparationes fiant, consultum erit Longianensibus Alumnis, si quam cito Seminarium aperiatur. Aliter vero illorum educationi providendum esset, quum Seminarium ad eos recipiendos bona possideat.

Sua ergo prudentia EE. Vestrae decernant.

I. *An, & quomodo sit providendum reparationi Aedium Seminarii Arimini in casu &c.*

II. *An, & quomodo sit providendum Alumnis Longiani in casu &c.*

Dilata, & scribatur Episcopo juxta Instructionem, nempe referat de actuali taxa pro Seminario, ejusque annuo redditu.

CASALEN. Dupllicem Joannes Maria Serra præscripsit anno 1625. hebdomadam Missam; in Ecclesia S. Sebastiani Terræ Albugnani unam; ad Altare S. Hilarii in Ecclesia S. Mariæ Gratiarum PP. Carmelitarum Casalensis Civitatis alteram. Nullum priori assignavit fundum; potestatem vero fecit Marco Antonio, & Ubertino ejus filiis, & heredibus solvendi Carmelitis scuta 50. pro posteriore. Per divisionem bonorum, quæ in publico quodam enuncatur Instrumento, commissum fuit primum Legatum Filiis Ubertini, Marco Antonio secundum. Statim hic per solutionem scutorum 50. suum onus adimplevit, non item illi. Sæpe enim præ eorum paupertate omissum est in Ecclesia S. Sebastiani Sacrum; sæpe ipsis, eorumque Viduis, & Nepotibus Indultum. Compositionem anno 1664. Impetravit Joannes Baptista Ubertini filius a Rev. Fabrica S. Petri pro omissa novemdecim annorum celebratione. Triennem oneris suspensionem ab hac Sac. Congregatione obtinuit Clara ejus vidua. Ac bis eadem Carolo, illorum nepoti & oratori, concessa fuit gratia. Sublequuta tamen est aliorum 26. annorum omissio, ac postulat modo Orator exemptionem a futura celebratione; absolutionem a præterita.

Sess. 25. cap. 4. de Reform.

Exposita confirmat Casalensis Episcopus. Omissas refert ad totum annum 1787. Missas 1352.; hereditaria bona ignorari; mediatum Testatoris heredem esse Oratorem, sed adeo pauperem, ut = *non solum juxta status sui conditionem subsistere minime possit, sed multis laboret angustiis ad Familiam suam sustentandam, ut ex peculiaribus fide dignis informationibus per me sumptis, clare & evidenter constat.* Ideoque censet = Oratorem, in statu miseratione dignum, absolvendum esse pro nunc ab onere satisfactionis dictæ Missæ hebdomadariæ in Ecclesia Sancti Sebastiani.

Quæ sint hereditaria bona, tum Fillis Ubertini, cum Marco Antonio obventa, ignoratur. Deficiente enim inventario onus utraque portio haberet Legati, *Text. in Leg. fin. §. Sin vero Cod. de jur. deliber., & in Auth. de hered. & falcid. §. Hinc nobis.* Quæcumque vero sint, multis certe Orator laborat angustiis, & si ei credendum est, undecim gravatur Personis, *inabili tutte a guadagnarsi il vitto.* Secum ergo in his circumstantiis reputent Emissi Patres, an indulgentiam quoad futuram celebrationem mereatur. Si gravem ejus paupertatem Testator prævidisset, sanguinis fortasse vocibus motus, vel Missarum onus non imposuisset, vel minorem illarum numerum demandasset, *Card. de Luc. de Testam. disc. 72. num. 15., & seq.* Perpetua quandoque ob defectos redditus concessa fuit Missarum reductio, ut in *Senogallien. Reductionis 10. Maii 1783., & in Viterbien. Reductionis Onerum 8. Maii 1784.,* temporaria vero ob actualem heredis paupertatem, ut in *Taurinen. 30. Martii 1776., in Messanen. Reductionis Missarum 24. Januarii, & in Nucerina Pauperum Reductionis Missarum 5. Septembris 1778.* Idque etiam in nostro themate sentit Episcopus verbis illis = *absolvendum esse pro nunc.*

A resolutione primi Dubii pendet quodammodo resolutio secundi. Qualis enim EE. Vestris videbitur Oratoris paupertas pro indulgenda, vel deneganda futuri oneris exemptione, vel reductione, talis etiam erit quoad præteritum. Licet sane non doceatur, inopem etiam eo tempore fuisse, quo Missarum celebrationem neglexit, in præsentī tamen statu, difficile videtur, ut Missas suppleat 1352., & ultra, qui *multis laborat angustiis*, nec raro in his terminis Sacra Congregatio pauperibus indulgit, ac præsertim in *Neapolitana Celebrationis Missarum 4. Decembris 1706. lib. Decret. 56. fol. 383., & in Romana Oneris Missarum 11. Maii 1709. ad IV. Dub.*

lib. Decret. 59. fol. 146. Notandum tamen, quod impotentia adimplendi plium opus = *non extinguit substantiam obligationis, sed suspendit illius effectum in tempus, quo impedimentum cessaverit; ut per Text. in Cap. Odoardus, de solut. notat Fagnan. in lib. 5. Decretal. Cap. Mandato num. 74. de Simonia.*

Deliberandum igitur.

- I. *An, & quomodo sit locus reductioni Missarum in casu &c.*
- II. *An, & quomodo sit consulendum Sanctissimo pro absolutione quoad præteritum in casu &c.*

Ad primum: Affirmative pro suspensione Celebrationis Missarum ad decennium cum obligatione duodecim Missarum pro quolibet anno.

Ad secundum: Affirmative, & ad D. Secretarium cum SSmo.

BRACHAREN. RESTITUTIONIS IN INTERGRUM. Ad Dubium; *An sit locus restitutioni in intergrum; respondit Sacra Congregatio die 20. elapsi Septembris: Affirmative. Deliberandum modo.* *Sess. 25. cap. 19. de Regular.*
An sit standum, vel recedendum a decisio in casu &c.

In Decisis, & amplius.

URBINATEN., SEU' ARIMINEN. In vestram, Em̃l Patres, revocare præstat memoriam, quæ Marcus Antonius Gisgoni pia reliquerit Legata; quæ ejus Con-*Sess. 22. cap. 6. de Reform.*
 sanguinei sive ex Pontificia clementia, sive ex præclara Sacræ Congregationis æquitate, ex illis obtinuerint subsidia. Lentinæ decedens, heredem Gisgonius ex asse instituit Eleonoræ ejus filiam, eaque sine Filiis decedente, bonorum præscripsit investimentum in Civitate Arimini ejus Patria, tertiamque addixit reddituum partem. Hospitali Misericordiæ ejusdem Civitatis, reliquos pauperibus = *di detto Luogo, con preferir però quelli della Casa, se ve ne saranno.* Purificata conditione per obitum Eleonoræ in pupillari ætate, Testatoris voluntatem commutavit Innocentius XII., destinavitque unam reddituum partem pauperibus invalidis, alteram dotalibus subsidiis, tertiam Hospitali.

Hac

Hæc non obstante reddituum destinatione, annuam ab Ariminensi Antistite præstationem scutorum 18. præ omnibus obtinuit Junipera de Rubeis ex Oppido Colbardo-
lo, Testatoris consanguinea. Majorem deinde summam scutorum 36. in singulos annos per Chirographum Clementis XIV. obtinuit Lucas Alexandri Urbinas, licet remotissimo Testatori conjungeretur gradu. Et alia demum scuta 18. pro quolibet, *contradicente Administratore hereditatis*, ab hac Sacra Congregatione consequuti sunt Nicolaus ejus nepos, Geltrudes soror, & Marianus frater per rescripta *dierum 9. Julii 1774., 7. Februarii 1784., & 11. Martii 1786.* Nuper vero agmine facto, Lucas ejusque quatuor Filiae, Nicolaus, Marianus, & Geltrudes SSmo supplicarunt pro applicatione beffis reddituum, qui Clementini Chirographi tempore annuam attingebant summam scutorum 1469. 50., precibusque ad Sac. Congregationem remissis, Oratoribus in sua informatione Urbinatensis favet Archiepiscopus, Ariminensis adversatur Antistes. Citatis igitur Administratoribus hereditatis, & Hospitalis, infrascriptum proponitur Dublum.

Ariminensium pauperum vocatio a conditione pendet inexistentiæ pauperum consanguineorum, quos Testator præferri voluit. Sibi ergo, inquit Oratores, ut consanguineis, & pauperibus integrum debetur Legatum, per *Text. in Leg. In conditionibus ff. de condit., & demonstr.* Quod consanguinei sint Testatoris, licet remotissimi, non controvertitur. Quod sint pauperes, ex iteratis constat præstationum rescriptis, ac novissima Urbinatensis Archiepiscopi informatione, in qua miserandus describitur ipsorum status in hæc verba: *Nicolaus octoginta, & amplius annos natus, inter hujus Urbis honestas quidem, sed miserrimas familias, non secus ac Filiarum Lucæ caterva recensetur. Marianus ejusque Soror Geltrudes domunculam, atque unum prædiolum vix frugiferum, & ære alieno pene obrutum possident. Marianum ipsum, sterili professione lyristam, podagræ doloribus haud raro laborantem, ad victum sibi suæque Sorori compirandum imparem esse. Nicolaum senio, simulque inopia confectum. Quatuor Puellas dote, atque alimentis cassas, absque spe Matrimonium unquam ineundi, domi languere.*

Præsumptam addunt Testatoris voluntatem, qui si de hac cogitasset suorum consanguineorum paupertate, in eos certe

erte integrum eleemosynarum cumulum contulisset, *Ursaya discept. 5. num. 22. tom. 1. part. 1.* Nec obesse posse contendunt, quod in remotissimo sint consanguinitatis gradu. Verba enim illa: *quelli della Casa* = omnes indefinite siue agnatos, siue cognatos comprehendunt propinquos, *Leg. fin. Cod. de verbor. significat.* Civicam vero Arimini qualitatem iterum atque iterum neglexerunt Clemens XIV., & Sac. hæc Congregatio, dum annuas præstationes quibusdam ex Oratoribus, licet Urbinatensibus decreverunt,

Ea ipsa Administratores hereditatis, & Hospitalis regerunt, quæ in antea actis concertationibus deduxerunt; defectus scilicet Ariminensis civitatis; nullum enim jus exteris pauperibus ad Legatum civibus relictum, *Anost. de Caus. Pii lib. 4. cap. 4. num. 22.* remotissimam Oratorum affinitatem; domus & prædii possessionem: ac *Rozalem rem judicatam*, per quam denegatum fuit hujusmodi subsidium Bonaventuræ Gisgoni germano Testatoris fratri, Viennæ in Austria commoranti (non constabat tamen de paupertate) ut in *decis. 31. tom. 4. Nuperr.*, & *decis. 217. cor. Caprara.* Sed de his omnibus egerunt *Folia dierum 11. Junii 1774., 24. Januarii 1784., & 11. Martii 1786.,* eaque omnia despexit Sacra Congregatio. Ponderandum insuper rogant, jam per concessas præstationes, ad annuam in unum summam scutorum 90, exactam esse Oratorum paupertatem.

In hoc Partium conflictu animadverti posset, ius Oratoribus esse ad controversum Legatum tamquam pauperibus. Si integrum vero consequerentur redditum bessem, qui annuam attingit summam scutorum 980., jam e pauperibus fierent ditissimi, & lyristarum conditionem mutarent. Num hoc in præjudicium Ariminensium pauperum, quos tantopere Testator dilexit, permittendum sit, vel quid aliud potius præteritis subministrationibus addendum, EE. Vestræ decernent.

Quæritur ergo.

An ad Oratores pertineat pro duabus ex tribus partibus pium Legatum relictum a Marco Antonio Gisgoni, ita ut illarum precibus sit annuendum in casu &c.

Non proposita cum sequenti.

Sess. 25. cap. II.
de Reform.

LAURETANA NULLITATIS CONTRACTUS :
Proposita hæc Causa fuit in Congregatione diei 30.
elapsi Augusti sub Dubio ; *An constet de nullitate contra-*
ctus, ita ut sint restituendi fructus ; prodiitque rescriptum :
Affirmative in omnibus. Quibus modo rationibus editam
resolutionem Ginamus impugnet ; quibus eam Morichius
tueatur , hætenus latet . Ex eorum Igitur Scriptis re-
spondere dignentur Eñi Patres .

An sit standum , vel recedendum a decisis in casu &c.

Finis.

I N D E X

R E S O L U T I O N U M ,

*Quæ prodierunt in Causis in Sac. Congregatione Concilii
propositis anno 1788.*

A

Absentia a Choro, per Officialem Bracharensem extensa ad residentiam, confirmatur ad formam indulti in Bracharen. 21. Junii pag. 102. ad I. Dub.

Abscendi vero indultum a Summo Pontifice obtentum, ob reticentiam pendentiam in Sac. Congregatione declaratur nullum, *ibidem ad II.*

Administratio. Vid. Ecclesia.

Alienatio domus infectæ phtysi permittitur Vincentio Ventura, Capellano Altaris SS. Crucifixi Ecclesiæ Parochialis S. Victoris Asculi, cum onere investiendi pretium in stabilibus, *Asculana 21. Junii pag. 102. ad I. & II. Dub.*

Alienatio juris exigendi pensiones domus adnexæ Beneficio Lauretanæ Basilicæ, declaratur nulla, & damnatur emptor ad restitutionem fructuum in Lauretana Nullitatis Contractus. 30. Augusti pag. 144.

Alienatio inutilis domunculæ Beneficii Vitelleschi permittitur juxta votum Episcopi, ejus scilicet favore, qui scuta obtulit decem supra faciendam æstimationem cum promissione solvendi annuos fructus scutorum 3. 50. in singula centum usque ad solutionem pretii, *Cornetana suspensionis Oneris Missarum 20. Septembris pag. 161. ad III. Dub.*

B

Beneficiati Ecclesiæ Parochialis S. Andreæ Apostoli Roncilionis hebdomadali gravantur servitio per turnum cum libera applicatione, juxta decretum Sutri Episcopi Silvestri anni 1753. *Sutrina 20. Septembris pag. 156. ad I. Dub.*

Participes vero sunt Funerum, & Missarum, quæ offeruntur Ecclesiæ; & damnatur Parochus ad eos privative vocandos pro exequiis Defunctorum, *ibidem ad II.*

Eorumque Beneficia declarantur simplicia & compatiblea cum residentialibus, servata

Tom. LVII.

dispositione Concilii Tridentini sess. 24. cap. 17. de Reform., *ibidem ad III.*

Ad duo Beneficia simplicia sub eodem recto dispensandum esse rescribitur Sacerdotem Josephum Panizza ex illorum Patronis in Tridentina 29. Novembris pag. 174. ad I. Dub.

Et approbatur transactio, inter eum & Sacerdotem Udalricum Barbagovi, sub diversis pactis, ac reservatione Beneplaciti Apostolici, a Vicario Generali Tridentino conciliata, *ibidem ad II.*

Beneficii administratio ad vitam, denegatur clerico Augustino Boschi, patrono pauperi & ad recitandum Divinum Officium inepto, *Colleen. 30. Augusti pag. 137. ad I.*

Conceditur tamen commutatio Officii in alias preces. *ibidem ad II.*

Beneficii Vitelleschi Economo datur venia imponendi censum in sorte scutorum 200. super illius domo, de licentia Sac. Congregationis restaurata, ad effectum dimittendi reliquum operis debitum, cum onere erogandi eam summam in designatam causam, & pensiones domus in solutionem fructuum census, ejusque dimissionem, *Cornetana Suspensionis Oneris Missarum 20. Septembris pag. 161. ad I. Dub.*

Beneficium. Vid. Alienatio. Capellania.

C

Caducitas. Vid. Capellania.

Canonicatus S. Blasii iterum declaratur incompatibilis cum Rectoratu Immaculatæ Conceptionis Montis Milonis, *Maceraten. Dispensationis 12. Julii pag. 117. ad I. Dub.*

Absolvitur tamen Canonicus Allortati utriusque detentor a restitutione fructuum Rectoratus, *ibidem ad II.*

Canonici Stroneconi damnantur ad recitandum in Choro integrum Officium diebus festis, non item tempore Quadragesimæ & Adventus, ut in Sac. Visitationibus decreverat Narniensis Episcopus, *Narnien. Servitii Chori 19. Januarii pag. 2. ad I. Dub.*

C c

Et

Et denegatur aliorum onerum reductio, *ibidem ad II.*

Canonici honorarii nomen ex pluribus facti & juris rationibus denegatur Josepho Quadrassi Sermonetano clerico ab Episcopo commendato, *Terracinen. seu Setia 16. Februarii pag. 13.*

Canonici Capitulares Collegiatae Ecclesiae Sanctae Christianae Urbis Veteris coadjuvare tenentur illius Praepositum qualibet hebdomada per turnum in cura Animarum, juxta decretum Eius Episcopi latum in executionem rescripti Sac. Congregationis, *Urbevetana 30. Augusti pag. 137.*

Capellania de Leonoris, erecta in Oratorio Societatis S. Francisci Disciplinantium Oppidi Marisciani, declaratur actu & habitu sacerdotalis: actu quoad extraneos: habitu quoad consanguineos Fundatoris, *Perusina Capellania 19. Januarii pag. 2. ad I. Dub.*

Et praefigitur clerico Josepho Sestia, Fundatoris consanguineo, terminus unius anni ad assumendum Sacerdotium, *ibidem ad II.*

Capellania instituta a Jacobo Busi in Ecclesia di. Gambulaga, declaratur clericalis ad formam Testamenti, & decreti erectionis, in quibus fit mentio de Capellano in genere, licet eum heredes in Instrumento dotationis appellaverint Sacerdotem, *Ferrariensis Capellania 21. Junii pag. 101. ad I. Dub.*

Ideoque per rescriptum, *provisum in primo*, confirmatur praesentatio ad d. Capellani clerici Vincentii Cicognara ex illius patronis, *ibidem ad II.*

Capellania vero erecta in Cathedrali Astensi sub titulo SS. Thomae & Philippi, declaratur sacerdotalis ex Statuto & antiquissima Ecclesiae observantia, licet talis non appareat ex fundatione & dotatione, *Astensis 20. Septembris pag. 155. ad I. Dub.*

Sed ob ejus tenuitatem consulitur SSmo pro dispensatione Clerici 14. Annorum, donec ad legitimam pervenerit Sacerdotii aetatem, *ibidem ad II.*

Capellania per Conjuges Franciscum Mastroni, & Annam Pomponj post eorum obitum instituta, ex bonis dumtaxat erigitur Viri, obrevocatum a superstite Uxore Testamentum quoad propria bona, *Signina 29. Novembris pag. 173. ad I. Dub.*

Et absolvitur Uxoris hereditas a restitutione fructuum, quos tanquam usufructuaria percepit ex bonis Viri, *ibidem ad II.*

Ob tenues vero hujusmodi bonorum redditus reducuntur Capellaniae Sacra a designato numero 300. ad 75. ad rationem obolerum 15. pro quolibet; juncto tamen Capellano Utensilium onere, *ibidem ad III.*

Capellaniae sacerdotalis caducitas ob assumptam militiam armatam, remittitur clerico Aloysio Morganti passively vocato post eam dimissam, in *Firmana Capellania 21. Junii pag. 102. ad I. Dub.*

Ei tamen praefigitur terminus unius anni ad assumendum Sacerdotium, quo elapso declaratur caducatus, *ibidem ad II.*

Capellaniae laicalis institutio ex Legato Missarum permittitur March. Lelio Rinalducci in suburbana ejus Ecclesia sub pluribus conditionibus, & reservatione juris nominandi Capellanum. Denegatur vero Missarum reductio in *Fanen. Erectionis Capellaniae 9. Augusti pag. 126.*

Capellanus Altaris B. M. Virginis Consortii existentis in Collegiata Ecclesia S. Petri Massae Fiskeale, tum ex Testamento Fundatoris, cum ex decretis Visitationum, rebusque judicatis, & observantia damnatur ad celebrandum Sacrum in Oratorio Societatis Consortii Ecclesiae proximo, *Cervien. 7. Junii pag. 85. ad I. Dub.*

Et ad interveniendum supplicationibus ordinariis & extraordinariis, veltitionibus Novitiorum, tumulationi Confratrum, & expositionibus Sac. Reliquiarum, *ibidem ad II.*

Ei tamen permittitur celebratio Sacri in Oratorio, & Divinorum Officiorum ad Altare Consortii in Ecclesia per alium, *ibidem ad III. & IV.*

Gravatur quoque onere commodandi Paramenta Sacra, & Calicem Societati in casu necessitatis, juxta praecipuum Testatoris, *ibidem ad V.*

Ex gratia vero absolvitur a poena, in quam incidit ex decretis Episcopi ob non impleta onera, *ibidem ad VI.*

Prohibetur insuper locare ad longum tempus, in emphyteusum tradere, & permutare bona Capellaniae absque Beneplacito Apostolico, & irrequisitis Officialibus Societatis, *ibidem ad VII.*

Damnatur tandem ad rescindienda bona Capellaniae a die adeptae possessionis, *ibidem ad VIII.*

Et ad confectiorem inventarii bonorum & jurium Capellaniae ad formam Testamenti, sumptibus ejusdem Capellaniae, *ibidem ad IX.*

Cautio. Vid. Ecclesiae Aëconomus.

Census. Vid. Beneficium.

Concurtus ad Penitentiariam Cathedralis Ecclesiae Ripanae declaratur validus, licet tres adhibiti fuerint Examinatores extrasynodales, in *Ripana 19. Januarii pag. 5.*

In repropotione tamen Cause consulendum decernitur Sanctissimo pro illius sanatione, ob neglectam Constitutionem, *Pastoralis Officii, Benedicti XIII., quae pro forma requirit Examinatores quatuor, Eadem 12. Julii pag. 117.*

D

Distributiones perceptas tempore non residentiae a clerico Cajetano Pereira de Lago Portocarrero, Cantore maximo Collegia-

giata Oppidi de Barcellos, restituendas esse rescribitur; eique pro rata ejusdem temporis denegantur fructus Præbendæ, juxta dispositionem Sac. Conc. Tridentini sess. 23. cap. 1. de Reform., *Bracharen. 21. Junii pag. 102. ad III. Dub.*

Domus Parochialis. Vid. Parochus.

Dos scutorum 700. assignata Mariæ de Rubeis Veri Manni per Chirographum sac. mem. Clementis XIV. ex dotalibus subsidiis Pauli Paganini, præstari quoque debet ex illorum medietate, quæ distribuitur ab Archiconfraternitate SS. Annuntiata Urbis, quatenus non sufficiat medietas altera, quæ distribuitur ad nominationem heredum Magdalenæ Paganini, *Romana subsidii Dotalis 21. Junii pag. 101.*

Dotem relictam Nobilibus Puellis descendenti-
bus a Camillo Beccari præstendam esse de-
cernitur per Societatem B. M. Virginis de Po-
pulo Cæsenæ ad formam Donationis Jacobi
Beccari anni 1617., ex bonis etiam postea
quæsitis; in omni eo scilicet, quod dota-
tionis anno ex universis redditibus superest de-
tracta summa assignata Capellano, & pro
solemni Laudum B. M. Virginis musica quo-
libet sabbatho, *Cæsenaten. Subsidiorum Do-
talium 29. Novembris pag. 174. ad I. Dub.*

Ejusque præstatio quoad præteritum demanda-
tur favore illarum Descendentium, quæ de-
bitis requisitis prædita, dotem petierunt dum
adhuc erant innuptæ, *ibidem ad II.*

Deficientibus verò Descendentibus, præstan-
dam esse rescribitur Puellis extraneis ad for-
mam ejusdem donationis anni 1617., ex iisdem
nempe exuberantibus redditibus in summa li-
rarum 100. pro qualibet, *ibidem ad III.*

Dorium cumulus denegatur Filiabus Baronis
Alexandri Gavotti Romani ob vocationem
Puellarum de Familia habitantium Savonæ,
*Romana, seu Savonen. Subsidii Dotalis 26.
Aprilis pag. 53.*

Iterumque per rescriptum, in *decisis* & *amplius*,
denegatur Isabellæ Bacchettoni ob contra-
riam Testatoris voluntatem, *Romana 29.
Novembris pag. 173.*

E

Ecclesiæ, seu Fabricæ Cathedralis Aſculi redi-
tus converti non posse decernitur in proprias
res & lites Capituli, *Aſculana 12. Julii pag.
115. ad I. Dub.*

Ideoque exequendum esse decretum editum
anno 1595. a Cardinali Bernerio Aſculano
Episcopo, ne impensam Camerarii excederent
scutorum 10. irrequisito Capitulo, & sine li-
centia Vicarii Generalis in scriptis, *ibidem
ad III.*

Nec non decreta edita annis 1673. & 1714.
ab Episcopis Monti, & Gambi, de redditibus
Ecclesiæ in usus Capituli, ejusque Feudi Mal-

tineani non erogandis, *ibidem ad IV.*

Et præceptum hodierni Episcopi, ne quid-
quam Æconomus Ecclesiæ absque ejus assen-
su pro impensis extraordinariis solvat, *ibidem
ad VIJ.*

Quoad futuros etiam Æconomos, *ibidem
ad VIJ.*

Ac præfigendum esse Canonicis terminum
ad reddendam reddituum Fabricæ rationem
Episcopo, *ibidem ad II.*

Etiam quoad præteritum, *ibidem ad V.*
Ecclesiæ insuper, seu Fabricæ Æconomus, sive
de gremio Capituli sive extraneus, præstare
tenetur cautionem ab Episcopo approbandam,
ibidem ad VIII.

Et reddere debet cum Depositario singulis
annis, & justa etiam concurrente causa, in-
tra annum, rationem Episcopo de redditibus
Fabricæ, non item de redditibus Capituli,
quorum respectu reservantur jura Episcopo
ad formam Concilii Tridentini, *ibidem
ad X.*

Neuter tamen servare tenetur post reddi-
tam rationem solutionum ordines; sed do-
cumenta omnia in redditione rationum exhi-
bita, servari debent a Capitulo, *ibidem
ad XI.*

Pœna autem Revisorum scienditiam, vel
comburentium solutionum ordines ab Æco-
nomis exhibitos, arbitrio relinquatur Epi-
scopi, *ibidem ad XII.*

Ecclesiæ tandem, seu Sacristiæ officia prohi-
bentur Canonicis filiis familias absque cau-
tione, si fuerint a Capitulo electi, *ibidem
ad IX.*

Ac sub pœna nullitatis interduntur loca-
tiones bonorum Ecclesiæ, seu Fabricæ inau-
dito Episcopo; non item bonorum Capituli,
ibidem ad XIII.

Reservantur tamen jura Episcopo ad for-
mam Concilii quoad præjudiciale bonorum
Capituli administrationem, *ibidem ad XIV.*

Emphyteusis, sive usus bonorum Pii Operis
Boari denuo ob defectum Beneplaciti Apo-
stolici declaratur nullus per rescriptum, in
decisis sub die 15. Septembris 1787., addita
tamen clausula, & *ad Secretarium cum,
SSmo juxta mentem*, pro illius scilicet sa-
natione, *Ferrarien. 16. Februarii pag. 13.
ad I. Dub.*

Emphyteusis Latifundii Collegiata Ecclesiæ
S. Blasii Montis Milonis, inita a Joanne de
Vita mediante persona Francisci Salustri ex
facultate Sac. Congregationis, declaratur
valida, licet iterum post ejus oblationem af-
fixa fuerint Edicta, ac excipere de Vita de
læsione, & libertate resiliendi a contractu
ante Literarum Apostolicarum expeditionem.
Demandatur immo correctio Literarum,
quæ per errorem expeditæ sunt nomine Sa-
lustrii, *Maceraten. Emphyteusis 20. Septem-
bris pag. 155. ad I. Dub.*

Emphyteusis. Vid. Capellanus.

Expensæ litis actæ pro Pio Opere Romani Boari, iterum juxta resolutionem diei 15. Septembris 1787. Pio Operi tribuuntur, *Ferrarien.* 16. Februarii pag. 13. ad IV. Dub.

Expensæ vero litis actæ per Conservatores Societatis S. Mariæ Misericordiæ Calliæ ad tuendam libertatem conferendi dotalia subsidia in arbitrio numero & quantitate, in ipsos reiciuntur Conservatores, ad formam rescripti diei 15. Decembris 1787, *Callien. Subsidiorum Dotalium quoad III. Dub.* 7. Junii pag. 86.

F

Fabrica Ecclesiæ. Vid. Ecclesia.

Fructus. Vid. Alienatio. Canonicatus. Capellania.

Functiones Ecclesiasticæ. Vid. Capellanus.

Funus. Vid. Beneficiari. Societas.

I

Inventarium. Vid. Capellanus.

Irregularitas contracta a Sacerdote Philippo Borg per homicidium, absque deliberato occidendi animo patratum, ob expletam poenam, & Partem compositam remittitur cum clausula: *dummodo non celebret in loco patratu criminis*, in *Melevitana Irregularitatis* 19. Januarii pag. 1.

Eadem adhibetur indulgentia erga Sacerdotem Florentinum Silvestri, qui ab anno 1749. absolutus fuit ab incusatione homicidii cum clausula, *novis supervenientibus indicis*, in *Nullius Montis Virginis Irregularitatis* 5. Aprilis pag. 30.

Et erga Sacerdotem Cajetanum Falbo Canonicum Cacurri, qui universos sinistræ manus digitos in licita venatione amisit; cum clausula tamen, *dummodo celebret hora a Populo minus frequentata*, *Geruntina Dispensationis ab irregularitate* 24. Maii pag. 65.

Irregularitatis dispensatio semel denegata per rescriptum *lectum*, iterumque dilata per rescriptum *expectet*, conceditur tandem Sacerdoti Iulio Emanuëli de Valle Labo de Torre, qui pugnavit in bello, & ad Sacerdotium, omisso Subdiaconatu & Diaconatu, clementisque Ordinarii Literis assumpsit, *Visen. Dispensationis ab Irregularitate* 9. Augusti pag. 125.

Denegatur vero clerico Francisco du Soulier, qui dum miles erat, commilitonem interfecit in duello, *Lemovicen. Dispensationis ab Irregularitate* 9. Augusti pag. 126.

Sacerdoti rursus Marco de Attia, qui aggressus a clerico Angelo Biscontini, eum interfecit, *Concordien. Dispensationis ab Irregularitate* 9. Augusti pag. 131.

Itemque Sacerdoti Januario de Rosa, licet

quindecim a patrato homicidio lapsi sint anni, *Marsicana Dispensationis ab Irregularitate* 30. Augusti pag. 142.

M

Matrimonium ratum & non consummatum inter Rosam de Zarate & Oruna, & Franciscum Riano, dispensatur ob secundum a Viro contractum matrimonium, & susceptam ex eo prolem, *Santandrien. seu Cubana Matrimonii* 26. Aprilis pag. 47. ad II. Dub., & 30. Augusti pag. 142.

Matrimoniiis Familiarum, quibus ex inveterata Eugubii consuetudine assistere consueverunt Parochi earum domicilii, assistere debere discernitur Parochos domicilii paterni, materni, fraterni, quatenus illud habeant Famulæ in eadem Civitate, sin minus Parochos ipsarum domicilii, dummodo in ipsa Civitate matrimonium contrahant, *Eugubina Visitationis Sac. Liminum* 24. Maii pag. 65.

Missæ hebdomadalis demandata a Laurentio Bacci Ciampi, ac per centum & ultra annos a Societate Sacrorum Vulnerum Christi Urbis omissa, imperio Sacræ Congregationis restituitur in *Romana Legati* 19. Januarii pag. 2. ad I. Dub.

Ob bonam vero fidem consulitur SSmo pro absolutione a Missis non celebratis, *ibidem ad II.*

Missæ conventualis cum cantu ferialibus diebus suspenditur in Collegiata Ecclesia Oppidi Belvederii, donec reintegratus sit denarius Canonicorum numerus, juxta votum Eminentissimi Archipresbyteri, *Senogallien. Missæ Conventualis* 5. Aprilis pag. 29.

Missæ conventualis applicatio ob defectum jus decimandi, & Præbendarum canonicalium tenuitatem reducitur in Cathedrali Ecclesia Laquedoniæ ad dies festos de præcepto tantum, *Laquedonien.* 20. Septembris pag. 164.

Missæ manuales, quæ ad rationem obolorum 12. pro qualibet celebrantur ex redundantibus redditibus hereditatis Jacobi Mariæ de Nigro, detracta spiritali dote, expensis monacationis, & annuo livello liarum 150. Mariæ Catharinæ de Nigro monialis professæ i Monasterio S. Claræ nuncupato *di Carignano*, reducuntur ad eleemosynam obolorum 16. cum facultate erigendi in Ecclesia Monasterii Capellaniæ amovibilem ad nutum Abbatis pro tempore; ac nunc prout statuitur in eadem Ecclesia celebratio Missarum 150. festivis diebus ex vacaturo Mariæ Catharinæ livello, *Januen.* 5. Aprilis pag. 30. ad I. & II. Dub.

Missæ annuæ 104., quas duo Mansionarii Collegiata Ecclesiæ Mercatelli celebrare tenentur in suburbana Ecclesia SS. Assumptionis B. M. Virginis, nuncupata *del Metauro*, ob imminutos Mansionariarum redditus reducuntur

zur pro medietate ad servandum necessarium
servitium Chori, *Urbanien. Reductionis Missarum* 30. Augusti pag. 137.

Missæ pariter annuæ 200. legatæ a Petro Antonio Ghedini suspenduntur ob paupertatem heredum ad quinquennium, firmiter remanente onere hebdomadalibus Missæ ab eo pariter relictæ, *Ferrarien. Reductionis Missarum, & Absolutionis* 20. Decembris pag. 139. ad I. Dub.

Eademque paupertatis causa consulendum rescribitur SSmo pro absolutione quoad præteritum dd. Missarum omissionem, *ibidem ad II.*

Missæ hebdomadalibus suspensio ob paupertatem conceditur Carolo Serra ad decennium cum obligatione duodecim Missarum quolibet anno in *Casalen.* 20. Decembris pag. 135. ad I. Dub.

Eique remittuntur Missæ non celebratæ, *ibidem ad II.*

Missæ, Vid. Beneficiati. Oratorium.

Missarum quoque applicatio pro Benefactoribus remittitur Sacerdoti Dominico Marconi beneficiato Ecclesiæ S. Liberatæ Senogalliæ ob centenariam observantiam in *Senogallien.* 26. Aprilis pag. 45. ad I. Dub.

Missarum suspensio ad sexennium concessa Economo Beneficii Vitelleschi ad restaurandam ejusdem Beneficii domum, ad aliud prorogatur triennium ad dimittendum residuum expleci operis debitum in *Cornetana Suspensionis Oneris Missarum* 20. Septembris pag. 161. ad II. Dub.

Missarum hebdomadalium trium eleemosyna, ob imminutos redditus laicalis Beneficii erecti in Parochiali Ecclesia Gamalerii, reducitur a manuali ad obolos 20. pro qualibet ad vitam Clerici Josephi Buffa consanguinei Fundatoris, qui ob tenues suorum Parentum fortunas Beneficio indiget in partem tituli ad Sacros assumendos Ordines, *Alexandrina* 19. Januarii pag. 1.

Missarum reductio iterum denegatur Aloysio Rati possessori Primogenituræ Hieronymi Rati, licet principaliter respexisset Testator ad decentem exhibitionem Primogeniti, nec pingues viderentur primogenialium bonorum redditus, *Derthonen. Absolutionis, & Reductionis Missarum* 5. Aprilis pag. 30.

Missarum reductio ad manualement conceditur Capellano Curato Villæ SS. Philippi, & Jacobi ex Paræcia Plebis S. Petri Guastallæ quoad Legitum Simonis Gatti tantum, in reliquis denegatur, & iungitur Ordinario, ut provideat augmento illius congruæ ad formam Concilii Tridentini, *Nullius Guastallæ* 12. Julii pag. 117.

Missarum onus, quæ gravatur Capellania execta in Ecclesia Minorum Conventualium S. Francisci Interamnæ sub titulo SS. Antonii Abbatis, & Patavini, ob aucta rerum pretia reducitur ad manualement currentem in

Dioecesi Interamnenfi, obolorum scilicet 15., *Interamnen. Reductionis Missarum* 30. Augusti pag. 146.

Missarum quoque onus, quo bini gravantur Hilarijani Capellani S. Joannis Lateranensis, prævio recessu a decisio, reducitur ob tenuitatem reddituum a mensuris Missis 60. ad 45., juxta votum Emi Archipresbyteri, *Romanæ Capellaniarum* 20. Decembris pag. 139.

Missarum onus primo heredi impositum personalibus verbis = *ordinò all' infra scritto mio Erede* = iterum per rescriptum, in decisio, & amplius favore Pii Operis declaratur perpetuum in *Cervien. Legatorum* 20. Decembris pag. 190.

Missarum omisso ob bonam fidem remittitur fodalibus Animarum purgantium Civitatis Valtellæ in *Melevitana Confirmationis Statuti* 20. Decembris pag. 190.

Missarum reductio. Vid. Capellania.

O

Officia Divina. Vid. Capellanus.

Officium. Vid. Beneficium. Canonici.

Opus Pium Romani Boari exequendum esse rescribitur in omnibus & per omnia ad formam Testamenti, juxta resolutionem diei 15. Septembris 1787., addita tamen lege erogandi in illud annua scuta 40., quæ sibi administrationis titulo retinebant Manzalii bonorum emphyteutæ, seu usufruarii, aliaque scuta 40., quæ retinebant pro hospitio PP. Capuccinorum, pro quo decernitur summa vere necessaria; ac reservata Pii Operis administratione Ferrariensi Archiepiscopo, *Ferrarien.* 16. Februarii pag. 13. ad II. Dub.

Prævio tamen recessu a decisio, consulitur SSmo pro absolutione quoad præteritum, *ibidem ad III.*

Oratorii SS. Crucifixi Arimini demolitio ob insufficientiam reddituum ad illud reparandum permittitur in *Ariminen. Demolitionis, & Translationis Missarum* 5. Aprilis pag. 31. ad I. Dub.

Et transfertur Missarum celebratio ad aliud Oratorium S. Bartholomæi, addita declaratione, ut prioris Oratorii cœmenta cedant favore Beneficii, *ibidem ad II.*

Oratorii constructio in honorem S. Bernardi Episcopi & Protectoris Parmæ, Collegio Doctorum ejusdem Civitatis Testamento demandata, aliorum Piorum Operum gratia in simplex commutatur Altare, *Parmen.* 7. Junii pag. 86.

Oratorium. Vid. Capellanus.

P

Parocho, seu Archipresbytero Collegiatæ Ecclesiæ S. Pauli Civitatis Novæ assignandam esse decernitur Parochialem Domum

Capitula, juxta resolutionem Capitularum,
& votum Archiepiscopi in *Firmana* 7. Junii
pag. 85.

Patronus. Vid. Beneficium.

Pœna. Vid. Capellanus. Ecclesiæ Æconomus.

Professio Rosæ Lucianæ Rebelli, Patris metu
emissa in Monasterio B. M. Virginis dos Re-
medios, implicite declaratur nulla per resti-
tutionem in integrum adversus lapsum quin-
quennii, *Bracharen. Restitutionis in integrum*
20. Septembris pag. 156., & 20. Decembris
pag. 197.

Puerperarum admissio ad purificationem inter-
dicitur PP. Cappuccinis Diœcesis Burgi Sanc-
Donnini ob defectum legitimæ consuetudi-
nis, *Burgi S. Donnini Visitationis Sac. Limi-*
num 26. Aprilis pag. 42.

R

R Edictio rationis. Vid. Ecclesiæ Æconomus.

Reductio Missarum. Vid. Missarum reductio.

Residentia. Vid. Distributiones.

S

S Equestrium appositum super bonis Mariannæ
Baruzzi, quæ a Viro divertens, extra Sta-
tum Ecclesiasticum se contulit, & Magdale-
næ Cavallazzi ejus materteræ, quæ eam
comitata fuit, quoad istam tantum revoca-
tur in *Imolen. Separationis Thori super Seque-*
stris 5. Aprilis pag. 29.

Scriptura. Vid. Ecclesiæ Æconomus.

Societas. Vid. Capellanus.

Societati Sac. Stigmatum Reatis denegatur jus
aggregandi Confratres, & Sorores in arti-
culo mortis, eorumque cadavera proprio
sacco induta associandi, *Reatina* 26. *Apri-*
lis pag. 41. ad I. Dub.

Cuiuslibet vero Societati sese adscribere valent
Reatini, & Incolæ Reatis, eamque ad li-
bitum vocare pro associatione cadaverum,
exclusa contra edictum Episcopi Societate
Mortis, nisi vocata, *ibidem* ad II. & III.

U

U Tensilia Sacra. Vid. Capellanus.

I N D E X

C O N C L U S I O N U M .

*Quæ adnotatæ sunt in foliis Causarum
anni 1788.*

A B S E N T I A .

Interdicta est in Beneficiis residentialibus , pag. 96. §. *Respicit in fin.*
Ideoque abesse nequeunt Canonici a residentia
absque Indulto Apostolico, pag. 121. §. *Rem.*
Nec etiam Coadjuti , *ibidem.*
Et absentes a Beneficio, residentiali non faciunt
pro tempore absentiae fructus suos , pag. 97.
§. *Quoad tertium.*
Vid. Distributiones .

A D M I N I S T R A T I O . A D M I N I S T R A T O R .

Administratio bonorum Ecclesie moderanda est
ab Episcopo , pag. 105. §. *Res.*
Eique reddere debent singulis annis rationem ad-
ministratores Locorum Piorum , & Fabricæ
Ecclesie , pag. 107. §. *Versatur.*
Qui aliena gerit negotia, satisfacere tenetur de do-
lo , & culpa , pag. 106. §. *De cautione.*
Ad administratorem pertinet locare bona admi-
nistrata , pag. 108. §. *Fieri.*
Post redditam rationem quolibet cessat admini-
stratoris obligatio , pag. 107. §. *Servari.*
Perfecta autem censetur rationis redditio per
exhibitionem librorum & scripturarum, *ibidem.*
Vid. Episcopus . Scriptura .

A L I E N A T I O .

Bonorum Ecclesie alienatio interdicitur a Pau-
lo II. in Extrav. Ambitiosæ de reb. Eccles.
non alienan. , pag. 78. §. *Solicitus in fin.* , &
pag. 144. §. *Domus.*
Eo magis si sit perniciosa , pag. 99. §. *Perniciosa.*
Interdicta quoque est locatio ad longum tempus
absque Beneplacito Apostolico , pag. 108.
§. *Fieri.*
Afficit tamen Extravagantis dispositio bona
spectantia ad Ecclesias. & Loca Pia , auctori-
tate Ordinarii erecta , non item ad pios usus
simpliciter destinata , pag. 13. §. *Plura.*
In eorum alienatione evidens requiritur utilitas ,
pag. 99. §. *Quenam* , & pag. 163. §. *Ex rela-
tione.*
Hac concurrente permittitur , pag. 99.
§. *Quenam.*

Ea deficiente denegatur , *ibidem.*

Alienare expedit bona inutilia , pag. 163. §. *Ex
relatione.*

Alienari etiam valent de licentia Episcopi Præ-
diola modicæ summx , minusque utilia ex
Can. Terrulas 12. quæst. 2. , pag. 144. §. *Neque.*
Terrularum valorem statuit tibi Gloss. in So-
lidis 20. , seu scutis 30. , *ibidem.*

Alii vero in scutis 40. , *ibidem.*

Alienatio reddituum Beneficii prohibetur a Be-
nedicto XIV. in Constit. *Universalis Ecclesie*
la 29. , pag. 144. §. *Domus.*

Et est nulla , *ibidem.*

Fieri tamen valet ex privilegio Apostolico
pag. 146. §. *Immemorabilem.*

Ac de simplici etiam commoditate exigendi
pensiones Ecclesiasticas , & Beneficiorum fru-
ctus , pag. 145. §. *Meram.*

Beneficii redditus , ex illicita alienatione perce-
pti, reddi non debent Beneficiario , sed Ec-
clesie , pag. 145. §. *Actionem.*

Restituto tamen pretio , *ibidem.*

A L I M E N T A .

Major est alimentorum favor , quam dotium ,
pag. 90. §. *Ipsam.*

Non debentur nuptæ alimenta propter dotem ,
sed propter obsequia matrimonialia , pag. 89.
§. *Strenue.*

B E N E F I C I A T U S . B E N E F I C I U M .

Tenetur ad manutentionem bonorum Beneficii ,
pag. 79. §. *Ut ad refectorem.*

Uno onere gravatus , solutus censetur ab alte-
ro , *ibidem.*

Dimittere censetur Beneficia per assumptionem
Militiæ armatæ , vel alterius status incompati-
bilis cum Clericatu , pag. 94. §. *Clericus.*

Nec ad illa per abdicationem Militiæ restituitur ,
ibidem.

Reparare tenentur Beneficiarii Ecclesie suæ re-
cta , pag. 181. §. *Tenebantur.*

Beneficiatus . Vide Officium .

Beneficium est jus percipiendi fructus ex bonis
Deo dicatis propter Divinum Officium , pag.
145. §. *Idque.*

Si non est residentiale , nec uniforme alteri sub

eodem testō, conferri potest ab Episcopo, pag. 170. §. *Beneficiorum*.

Ubi vero est uniforme, & sub eodem testō, Apostolica requiritur dispensatio, *ibidem*.

Uniforme dicitur, quod institutum est in eadem Ecclesia, idemque habet onus & officium, *ibidem*.

Dispensare non solet Summus Pontifex ad duo simplicia sub eodem testō absque iusta causa, *ibidem*.

Nempe absque necessitate, utilitate Ecclesie, vel meritis Beneficiarii, *ibidem*.

Beneficiorum pluralitas permittitur, si unum non sufficit ad sustentandam vitam Beneficiarii, *ibidem*.

Vacantis Beneficii administratio concedi solet Patrono pauperi quoutque ad legitimam pervenerit ætatem, pag. 135. §. *Non raro*.

Quandoque etiam ex gratia speciali Summi Pontificis concessa est ad illius vitam, *ibidem*.

Eadem enim Patrono pauperi ad eam obtinendam faver Canonica æquitas, ex qua alendus est durante paupertate ex fructibus Beneficii, *ibidem*.

Modo eam Sac. Congregatio concessit tertiæ Personæ ecclesiasticæ, quæ adimpletis oneribus reliquum traderet Patrono, *ibidem*.

Modo ipsimet Patrono, *ibidem*.

Beneficia simplicia transferri valent auctoritate Episcopi, etiam tanquam Sedis Apostolicæ Delegati, ab Ecclesia diruta ad alias quascunque, pag. 26. §. *Valde*.

Vid. Alienatio. Capellania. Episcopus. Fructus.

CANONICI.

Canonici honorarii nomen vacua est, & inanis nomenclatura, pag. 8. §. *Novum*.

Inducti fuerunt Canonici honorarii remotioribus Ecclesie sæculis, ut in minoribus instituerentur officiis ecclesiasticis, & antiquioribus inservirent Canonicis, *ibidem*.

In eorum admissione spectari potissimum debet Ecclesie necessitas, & consuetudo, *ibidem*.

Plures tamen admitti non debent, *ibidem*.

Canonicus esse non potest sine præbenda, seu illius spe, pag. 8. §. *Ad ea*.

Adeo enim conjuncta sunt canonici, & præbenda, ut cui confertur una, conferri debeat & altera, *ibidem*.

Et hæc dicitur expectativa Juris, quæ sublatam non est a Sac. Concilio Tridentino, *ibid.*

De Jure siquidem debetur præbenda, *ibid.*

Recipi tamen valent Canonici honorarii ex Pontificia Auctoritate sine præbenda, pag. 9. §. *Recipi*.

Eorumque jura dimetiuntur ex conditionibus, cum quibus admittuntur, *ibidem*.

Non tenentur residere, & Choro interesse, *ibid.*

Neque activam, neque passivam habent vocem in iis, quæ antiquiorum Canonicorum tangunt interesse, pag. 9. §. *Quamvis*.

Obtinere tamen valent officia honoraria, *ibid.*

Vid. Absentia. Capitulum. Cura Animarum.

CAPELLANIA. CAPELLANUS.

CAPELLA.

Talis censetur Capellania fundatio, qualem Fundator, vel ejus Heres ad actum deduxit, pag. 92. §. *Aliter*.

Deficiente fundatione præsumitur clericalis, pag. 153. §. *Quærendum*.

Sacerdotalem ejus qualitatem probant Statutum Ecclesie, & observantia, pag. 93. §. *Constans*, & pag. 153. §. *Quærendum*.

Dummodo observantia non sit facultativa, pag. 93. §. *Constans*.

Laicalis Capellania nedum a Laicis, sed ab Infantibus, & Fœminis retineri potest, pag. 95. §. *Hæc sane*.

Nisi expressa resistat Testatoris voluntas, *ibidem*.

Non enim repugnat, quod diverso respectu sit laicalis, & ecclesiastica quoad Capellanum, *ibidem*.

In Capellaniis habitu sacerdotalibus requiritur habitus ad assumendum Sacerdotium intra annum, pag. 93. §. *Quatenus*.

Et præfigendus est terminus Capellano ad illud assumendum, pag. 95. §. *Hæc sane*.

Dispensatur tamen cum Clerico minore ex præsumpta Testatoris voluntate, pag. 93. §. *Quatenus*.

Vel ex iusta causa pag. 153. §. *Quatenus*.

Capellani nomen in simplici Beneficio convenit etiam Clerico, pag. 92. §. *Clericalem*.

Nomen quoque Sacerdotis, pag. 92. §. *Aliter*.

Ubi vero appellat Capellanum, cui onus est celebrandi, de Sacerdote intelligitur habitu, *ibidem*.

Accipitur immo pro Sacerdote actu, ubi ipsum respicit præsentationis, institutionis, vel collationis actum, *ibidem*.

Stat. bene simul, quod Capellanus esse debeat Sacerdos, & celebrare valeat per alium, pag. 93. §. *Constans*.

Celebrare potest Divina Officia per alium, ubi expressum non est onus celebrandi per se ipsum, pag. 77. §. *Quæ agere*, pag. 171. §. *Simpliciter*.

Etiā in Beneficiis residentialibus, pag. 77. §. *Tertium in fin.*

Quod tamen pacificum non est, *ibidem*.

Sacerdotalem non exigit Capellani qualitatem simplex celebrationis onus, pag. 92. §. *Clericalem*.

Nec personale illius ministerium, *ibid.*

Capellæ nomen convenit potius Oratorio, quam Altari, pag. 76. §. *Literam*.

CAPITULUM.

Legitima censetur resolutio, in quam major Capituli pars convenit, pag. 72. §. *Hæc vero*.

Major tamen illius pars deliberare nequit de re ad singulos uti singulos spectante, pag. 71. §. *Illegitimas*.

In iis enim, quæ singulis competunt, unus est

est legitimus contradictor , pag. 34. §. *Opus* .
Irrationabilis vero paucorum dissensus cor-
rigitur a Superiore , pag. 73. §. *Nilque* , &
pag. 194. §. *Ut libera* .
Apud Capitula Cathedralia servari debent scri-
pturæ , & libri rationum , pag. 107. §. *Servari* .
Vid. Cura Animarum . Ecclesia .

CENSUS.

Æquiparatur stabilibus , pag. 100. §. *Quatenus* .
Idoneum tamen non est investimentum pro cele-
bratione Missarum , *ibidem* .
In defectum vero stabilium permittitur , *ibidem* .
Licet quandoque absolute prohibitus fuerit a
Sac. Congregatione . *ibidem* .

COMMUTATIO VOLUNTATIS.

Exequi debent ultimæ voluntates , pag. 99. §. *Per-
miciosam* .
Pro illarum commutatione requiritur iusta & ne-
cessaria causa , pag. 38. §. *Pro commutatione* ,
& seq. , pag. 56. §. *Præ omnibus* , pag. 100.
§. *Quatenus* .
Atque etiam publica , pag. 39. §. *Notandum* , &
pag. 56. §. *Præ omnibus* .
Hac deficiente , denegatur , pag. 39. §. *Notandum* .
Clausula = *e non piam* = sub qua certum subsidium dotale Testator demandavit , removet
consensum ab actu , eoque magis impedit
commutationem voluntatis , pag. 57. §. *Ma-
xime* .
Iusta commutandæ voluntatis causa est difficilis
executio demandati operis , & alterius pii ope-
ris subrogatio , pag. 38. §. *Pro commutatione* .
Non item paupertas , pag. 56. §. *Præ omnibus* .

CONCURSUS.

Ad Parochialem , Pœnitentiariam &c. præsumi-
tur validus & iustus , pag. 7. §. *Legitimam* .
Ideoque appellans ab irrationabili Examinato-
rum iudicio , concludenter probare debet ma-
iorem suam doctrinam , & dignitatem , *ibid.*
Produci debent ante concursum autographa
Concurrentium requisita , pag. 5. §. *Nullum* .
Sub pœna ejus nullitatis , *ibidem* .
Quatuor in concursu pro forma requiruntur Exa-
minatores ex Constit. *Pastoralis* Bened. XIII. ,
pag. 5. §. *Nullum* , pag. 110. §. *Unic.*
Alias est nullus , *ibidem* .

Pro forma etiam ex Encyclica Sac. Congregatio-
nis requiritur Examinatorum juramentum ,
pag. 110. §. *Unic.*

Adhiberi valent in concursu Examinatores ex-
trasynodales , sed deputandi sunt pro illius
validitate de licentia Sac. Congregationis ,
pag. 5. §. *Nullum* .

Ac esse debent licentiatum in sacra Theologia ,
ibidem .

Nedum in concursu habenda est ratio doctrinæ,
sed de prudentia etiam , aliisque ad exercen-

Tom. LVII.

cendum munus opportunis , pag. 6. §. *Quibus-
dam* .
Suspectum est iudicium Episcopi favore ejus Fa-
miliaris , *ibidem* .

CONGRUA.

Congruam secundum aliquos augent emolumen-
ta Stolæ , veluti in genere certa , pag. 71.
§. *Illegitimas* .
Et in eam imputantur distributiones quotidianæ ,
ibidem .
Queri nequit Parochus post acceptationem , &
diuturnum silentium de insufficientia congruæ ,
pag. 71. §. *Si per duplex* .
Ex quibus bonis assignari debeat congrua ejus
Coadjutoribus , pag. 113. §. *Ea quidem* .

CONTRACTUS.

Initus pro persona nominanda , non facta no-
minatione resolvitur , pag. 150. §. *Inficiantur* .
Revocari potest ante obtentum Beneplacitum
Apostolicum , *ibidem* .
Hoc tamen procedit ex parte Ecclesiæ , non
autem Contrahentis cum ea , p. 150. §. *Quid* .
Contractus nullus absque novo consensu sanari
non potest , pag. 151. §. *Pauca* .
Vid. Fructus .

CURA ANIMARUM.

In casu necessitatis coadjuvare tenentur Paro-
chus in cura Animarum Presbyteri Parociæ ,
pag. 139. §. *Plura* .
Quandoque Sac. Congregatio ex comparticipa-
tione decimarum Canonicos damnavit ad
coadjuvandum Parochum , pag. 141. §. *Varia* .
Quandoquæ coadjuvandi obligationem ad casum
necessitatis limitavit , *ibidem* .
Habitualement habentes Animarum curam non
indigent approbatione Episcopi , & Parochi
venia ad excipiendas Parochianorum confes-
siones , pag. 139. §. *Habitualement* .
Ubi habitualis cura residet penes Capitulum ,
Parochia confertur per examen , *ibidem* .
Regulares exempti parere debent Diœcesanæ
Synodi circa Animarum curam , pag. 44.
§. *Quoniam* .

DECIMÆ.

Præsumuntur sacramentales non confito de ti-
tulo , pag. 140. §. *Toti* .
Jus participandi decimas , & quartam funera-
lem , nec non baptizandi acquiri possunt titu-
lo diverso a parochiali , pag. 140. §. *Nec satis* .

DECRETUM.

Latum in Sac. Visitatione vim habet Legis ,
pag. 105. §. *Res est* .

D d

Nun-

Nunquam observatum exequi non debet, *ibidem*.

Latam de mandato Superioris paratam habet executionem, pag. 140. §. *Toti*.

Præsumitur iustum, pag. 96. §. *Respicit*.

Et sustinetur pro parte utili, *ibidem*.

Totum Decretum vitiat excessus Judicis executoris in uno, *ibidem*.

DISCRETIVA.

Argumentum a discretiva multum valet, pag. 55. §. *Ad excludendam*.

DISPOSITIO.

Resolvitur deficiente conditione pag. 78. §. *Sacrarum*.

Posterior derogat priori in iis, quæ sunt voluntatis, pag. 72. §. *Hec vero*.

Piæ Fidelium dispositiones a Suprema pendent Pontificis auctoritate, pag. 176. §. *Opponit*.

DISTRIBUTIONES.

Distributiones quotidianæ non debentur Beneficiario non residenti, pag. 97. §. *Quoad tertium*.

Eas ipso facto absens amittit, pag. 121. §. *Rem*.
Debentur enim in præmium actualis, & personalis servitii, pag. 97. §. *Quoad tertium*.

Privatio distributionum ex causa absentiae est ferendæ sententiæ, ideoque constitui debet absens in mora per interpellationem, pag. 120. §. *Tusckio*.

Bona fides excusat ab illarum restitutione, *ibidem*.

Imputantur in congruam Parochi, pag. 71. §. *Illegitimas*.

Vid. Congrua.

DOMUS.

Domus & Familiæ nomen omnes indefinite sive agnatos, sive cognatos propinquos comprehendit, pag. 199. §. *Ea ipsa*.

DONATIO.

Donationis lex servari debet, ut scripta est, pag. 176. §. *Quoad*.

Numerus & quantitas dotium ex prima donatione incertus, determinari potest in secunda, pag. 176. §. *Opponit*.

Post perfectam donationem non licet Donanti deteriore facere conditionem Donatarii, pag. 177. §. *Advertere*.

Comprehendit donatio bona futura per verba de futuro, pag. 177. §. *Gravior*.

Bona semel inter vivos donata iterum donari non possunt, *ibidem*.

D O S.

Consanguineæ Testatoris præferri debent extraneis ad subsidia dotalia, pag. 89. §. *Legatorum*.

Nulla enim Puellis extraneis, utpote incertis, fit injuria, pag. 55. §. *Gratia*, pag. 89. §. *Legatorum*.

Extranæ censentur, quæ octavo distant gradu a Testatore, pag. 89. §. *Strenue*.

Sed concurrente vocatione admittuntur ad subsidia dotalia ultra quartum gradum, *ibidem*.

Illarum favore negligitur etiam qualitas domicilii, pag. 56. §. *Exempla*.

Præstari tamen non debent dotalia subsidia Puellis consanguineis, quæ proprias ex eodem Testamento habent dotes, pag. 89. §. *Strenue*.

Petens dotalia subsidia aliis Consanguineis concessa, non debet ad imparia judicari, pag. 56. §. *Plurimum*.

Dos jure actionis debita, post sequutum etiam matrimonium vindicari potest, pag. 178. §. *Dotes*.

Vid. Alimenta. Commutatio voluntatis. Donatio.

E C C L E S I A.

Equiparatur Mulieribus, Minoribus, & Pupillis, pag. 106. §. *De cautione*.

Restaurari potius, quam demoliri debet, pag. 26. §. *Valde*.

Maxime si præcipua concurrat Populi devotio, & commodum Vicinorum, *ibidem*.

Quandoque tamen ex gravibus circumstantiis permittitur illius demolitio, *ibidem*.

Reditus Ecclesiæ, seu Fabricæ absumi nequeunt in commodum Capituli, pag. 104. §. *Præcambibus*.

Et restitui debent, si erogati sunt in alios usus, pag. 105. §. *Succedit*.

E M P H Y T E U S I S.

Oblatio ad emphyteusim, per novam Edictorum affixionem resolvitur, pag. 150. §. *Inficiantur*.

Contrarium verius; favore præsertim Ecclesiæ, pag. 151. §. *Pacificum*.

Enormissima læsio nullam reddit emphyteusim ecclesiasticam, pag. 150. §. *Transcunt*.

Ad eam tamen inducendam excessus requiritur canonis ultra dimidiam, pag. 151. §. *Pacificum*.

Vid. Contractus.

E P I S C O P U S.

Legislativam habet potestatem in sua Diocesi, pag. 32. §. *Primum*.

Demandare tamen nequit, quod Summus Pon-

Pontifex reprobavit, pag. 35. §. *Toti*.
 Transferre potest, etiam tanquam Sedis Apostolicæ Delegatus, Beneficia simplicia ab Ecclesia diruta ad alias quascunque, pag. 26. §. *Valde*.
 Primus est bonorum Ecclesiæ administrator, pag. 105. §. *Res est*.
 Eique propterea Administratores Locorum Piorum, & Fabricæ cujusque Ecclesiæ reddere debent singulis annis rationem, pag. 107. §. *Versatur*.
 Episcopi præceptum obligat successores, ubi datum est personæ ratione officii, pag. 106. §. *Quod*.
 Vid. Administratio. Scriptura. Societas.

F A C T U M.

Nemo præstare tenetur factum alienum, pag. 17. §. *Sive*.
 Neque ex unius facto deterior fieri debet conditio alterius, pag. 72. §. *Neque*.

F R U C T U S.

Restitui debent fructus Beneficii a die illegitimæ possessionis, pag. 111. §. *Hec*.
 Fructus pariter ex contractu nullo percepti, pag. 145. §. *Idque*.
 Ab illorum tamen restitutione excusat bona fides, pag. 146. §. *Quantum*.

G R A T I A.

Pontificia frustrari non debet, pag. 89. §. *Legatorum*.
 Subreptitia est ob reticentiam rei pendentiam in aliqua ex Sac. Congregationibus, pag. 97. §. *Literarum*.
 Denegatum censetur, quod petitur, & in Pontificia Gratia præmittitur, pag. 35. §. *Toti*.

H E R E S.

Impugnare nequit declarationem Defuncti, pag. 185. §. *Quamvis*.

I N D U L G E N T I Æ.

Communicantur Societatibus aggregatis, pag. 32. §. *Latam*.
 Indulgentias lucrantur petentes habitum Sancti Francisci in articulo mortis, pag. 33. §. *Quid*.
 Vid. Societas.

I N S T R U M E N T U M.

Ex peculiari Regis Catholici Læge prævalet instrumentariis Testibus, si bona concurrat Tabellionis fama, pag. 50. §. *Nullitatem*.
 De Jure tamen Canonico prævalent Testes, pag. 51. §. *Num hæc*.

Instrumenta de cetero, & monumenta publica posteriora sunt Testibus, pag. 181. §. *Num certi*.

I R R E G U L A R I S I R R E G U L A R I T A S.

Irregularis non est homicida ex infamia Juris absque condemnatoria sententia, pag. 18. §. *Licet*.

Sed talis censetur ex infamia facti, seu vulgata opinione delicti, *ibidem*.

Maxime si absolutus sit cum clausula, *novis supervenientibus indicis*, quæ innocentiam excludit, *ibidem*.

Irregularitas ex infamia facti tollitur absque dispensatione per emendationem vitæ, pag. 18. §. *Ponderare*.

Et ab ea absolutus fuit Sacerdos, licet dimissus cum clausula, *novis & non novis supervenientibus indicis*, *ibidem*.

Irregularis est Sacerdos homicida ex dispositione Cap. Suscepimus 10. de homicid. voluntar; pag. 132. §. *Licet*.

Non comprehenditur tamen sub censura Sac. Conc. Tridentini sess. 14. cap. 7. de Reform., *ibidem*.

Ex veteri autem Jure sublata non est promotio spes dispensationis ab irregularitate, *ibid.*, & pag. 143. §. *De homicidio*.

Et facilius ei indulgetur, ne mendicare cogatur, pag. 132. §. *Licet*.

Nunquam vero ad Sacros Ordines promoveri debet Clericus homicida, pag. 123. §. *Gravissima*.

Nisi homicidium fuerit casuale, vel ad propriam defensionem, *ibid.*, & pag. 132. §. *Eo magis*.

Casuale dicitur, si dans operam rei illicitæ, causam non dedit ad illud ordinatam, illudque prævidere non potuit, pag. 123. §. *Involuntarium*.

Si causam vero dedit ordinatam, & prævidere potuit, voluntarium censetur in causa, *ibidem*.

Potissimum in duello, quod omni Jure prohibetur, pag. 123. §. *Involuntarium*.

Irregularis etiam est Sacerdos, cui altera abscissa est manus, vel ad faciendum Sacrum inepta, pag. 60. §. *Irregularis*.

Quandoque in his terminis Sac. Congregatio dispensationem denegavit, *ibidem*.

Quandoque Sacerdotibus, & Parochis dextero brachio impeditis, vel sinistro carentibus induit, *ibidem*.

Concedenda non est dispensatio ab irregularitate absque gravi causa, pag. 143. §. *De homicidio*.

Iuste autem dispensandi causæ sunt, Partis & Fisci satisfactio, diuturna pena, vitæ emendatio, Ordinarii favor, pag. 18. §. *Ponderare*, pag. 143. §. *De homicidio*.

Concedi pariter non debet dispensatio, nisi justum ad obliterandam homicidii memoriam

lapsum sit tempus, pag. 123. §. *Vix unus*, pag. 132. §. *Relatio*.

Alii satis censent triennium, alii requirunt decennium, pag. 123. §. *Vix unus*.

Exuberat certe quindennium, pag. 143. §. *De homicidio*.

JUS. JUSPATRONATUS.

Lædere non solet Summus Pontifex absque publica causa jus Tertii, pag. 57. §. *Maxime*.
Cessante jure dantis, cessat jus accipientis, pag. 150. §. *Nullam*.

Jurium confusionem inducit defectus inventarii, pag. 178. §. *Affecta*.

Juspatronatus nedum a Fundatore Beneficii, sed ab ejus etiam Herede reservari potest, pag. 128. §. *Aliena*.

Vid. Simonia.

LEGATUM.

Recipi debet de manu heredis, pag. 177. §. *Nedum*.

Legatum pium committi valet fidei heredis, & satis est pro ejus executione voluntatis demonstratio, pag. 185. §. *Quamvis*.

Deficit deficiente ejus fundo *taxative* relicto, *ibidem*.

Taxativa censetur fundi assignatio, si ab ea incipit dispositio, *ibidem*.

Ubi vero assignatio fundi stat *demonstrative*, cum dispositio nempe incipit a Legato, tunc eo perempto, vel imminuto supplere tenetur heres de proprio, *ibidem*.

Legatum adimpleri debet a singulis heredibus in solidum, pag. 196. §. *Quæ sint*.

Legatum pium debetur pauperibus Consanguineis Testatoris prælativè vocatis, pag. 198. §. *Ariminensium*.

Idque locum obtinet ex præsumpta etiam Testatoris voluntate, pag. 198. §. *Præsumptam*.

Nullum jus pauperibus exteris ad Legatum civibus relicto, pag. 199. §. *Ea ipsa*.

LEX.

Possibilis esse debet observantia Legis, pag. 49. §. *Arbitrio*.

Alias non obligat, *ibidem*.

Quandoque ex justa causa relaxare expedit illius vinculum, *ibidem*.

Vim Legum habent Synodalia, & Societatum Statuta, pag. 32. §. *Primum*, pag. 106. §. *De cautione*.

Et quælibet contraria consuetudo, abusus est & corruptela, pag. 32. §. *Latam*.

Synodales tamen Leges non afficiunt in coactivis, nec naturalem adimunt libertatem, pag. 35. §. *Toti*.

Præceptiva Pontificis Lex obligat absque declaratione, vel reservatione Inferioris, pag. 181. §. *Num certi*.

L I S.

Ejus censetur litis interesse, ejus nomine agitur, pag. 104. §. *Secundum*.

Qui ex ea sentit commodum sentire debet incommodum pag. 104. §. *Præ omnibus*.

MATRIMONIUM.

Contrahi debet coram proprio Parocho, pag. 58. §. *Contrahi*.

Parocho scilicet domicilii, *ibidem*.

Is autem est domicilii Parochus, in cujus Paræcia habitant Pater, Mater, vel Fratres Puellæ, *ibidem*.

Hac de causa Puellæ existentes in Monasteriis, reverti debent ex decreto Sac. Congregationis Episcoporum, & Regularium ad Domos Parentum, & coram eorum Parocho matrimonium contrahere, *ibidem*.

Et tunc solum ex Institut. Ecclesiast. 33. Benedicti XIV., & Statuto Cleri Romani, Puellæ existentes in Monasteriis, vel famulatu contrahere valent matrimonium coram Parocho proprii domicilii, cum in eodem non habitant loco earum Parentes, *ibidem*.

Idque etiam ex consuetudine Urbis, pag. 59. §. *Benedictina*.

Contrariam consuetudinem reprobavit Sac. hæc Congregatio, *ibidem*.

Præscribi enim nequit jus assistendi matrimonii adversus proprium Parochum, pag. 140. §. *Nec satis*.

Confectio solemnis Processus in Causis matrimonialibus remittitur, ubi est impossibilis, aut valde difficilis, pag. 49. §. *Arbitrio*.

Revocato per unum ex Contrahentibus consensu ante celebratum a Procuratore matrimonium, hoc nullum est etiam quoad alterum, pag. 50. §. *Nullitatem*.

Licet Consentiens, & Procurator revocationem consensus ignorent, *ibidem*.

Protestans de ficto consensu in matrimonium, faciendo actum contrarium protestationi, ab ea recedere censetur, & simpliciter consentire, pag. 51. *Num hæc*.

Facile Indi consentiunt in matrimonium fictum, pag. 47. *sub §. Frustra*.

Iustis de causis dispensare potest Summus Pontifex a matrimonio rato, & non consumato, pag. 51. §. *Quatenus*.

Quales sint dispensandi causæ, pag. 52. §. *Quatuor*.

Et quæ dispensationum exempla, pag. 52. §. *Non semel*.

MISSA.

Inducta fuit Missa Conventualis ab Honorio III. in Cathedralibus, & Collegiatis insignibus, pag. 164. §. *Inducta*.

Et est pars Divini Officii, pag. 130. §. *Hæc vero*, pag. 164. §. *Inducta*.

Can debet cum Diacono & Subdiacono , pag.

62. §. *Immemorabilem* .

In Cathedrali scilicet , vel Collegiata insigni , quæ sacerdotales habet Præbendas , pag. 63. §. *Observat* .

Non item in Collegiata impropria , & nominis , cujus Præbendæ sunt clericales , *ibidem* .

Eam canere tenentur Capitulares in solidum , pag. 63. §. *Ne ad huiusmodi* .

Reduci non debet , secundum aliquos , ob tenuitatem Præbendarum , pag. 164. §. *Sunt* .

Ejus tamen reductionem permittit Benedictus XIV. ad dies festos in Encyclica *Cum semper oblatas* , ubi cetera desunt remedia a Sac. Conc. Tridentino propolita , pag. 130. §. *Hæc vero* , pag. 164. §. *Inducta* .

Ac sæpe in id Sac. Congregatio indulgit , *ibidem* .

Missæ manuales celebrari debent in Ecclesia tumultuante , ubi alius designatus non est locus , pag. 127. §. *Non adversatur* .

Perpetuæ vero ubi magis Heredibus , & Executoribus testamentariis libuerit , *ibidem* .

Plurimum tamen confert ad statuendum celebrationis Missarum locum præsumpta Testatoris voluntas , pag. 20. §. *Plura* .

Iusta suspensionis Missarum causa est paupertas heredis , pag. 196. §. *Quæ sint* .

Et modo ex hac causa concessa fuit suspensio ad tempus , *ibidem* .

Modo in perpetuum , *ibidem* .

Missarum translationem impediunt præcipua Testatoris affectio , ejusque cadaveris tumulatio in designata Ecclesia , & Vicinorum commodum , pag. 27. §. *Quatenus* .

Præferri non debent Missis Doctrinæ Christianæ expositio , Dominicalis orationis , & Angelicæ salutationis recitatio , pag. 128. §. *Aliena* .

Concedi solet ob bonam fidem absolutio a Missis non celebratis , pag. 4. §. *Præter* , pag. 130. §. *Præterita* ; pag. 187. §. *Bona* , pag. 196. §. *A resolutione* .

Et a Missis non applicatis , pag. 46. §. *Pro absolute* .

Mala vero concurrente fide denegatur , pag. 187. §. *Bona* .

Conceditur etiam ob paupertatem heredis , pag. 186. §. *Hæc* .

Ejus tamen obligatio non solvitur , sed suspenditur , quousque ad meliorem venerit fortunam , *ibidem* ; pag. 196. §. *A resolutione* .

Vid. Reductio .

M U S I C A .

Lasciva & profana interdicta est in Ecclesiis , pag. 39. §. *Notandum* .

Non item Sacra , *ibidem* .

OBLATIONES . OBLATORES .

Data censentur oblationes , ut suffragiorum participes fiant oblatores , p. 46. §. *Si verisimilis* . Quemlibet respiciunt pium utum , *ibidem* .

Oblatorum , & Fundatorum Beneficii voluntas declaratur ab observantia , *ibidem* .

Vid. Emphyteusis .

O B S E R V A N T I A .

Ubi deficit Lex , pro Lege habetur centenaria observantia , pag. 59. §. *Benedictine* .

Per eam vero non inducitur in facultativis legitima consuetudo , §. 62. §. *Hæc Prior* .

Ex centenaria observantia præsumitur Beneplacitum Apostolicum , pag. 3. §. *Quantum* .

Observantiam non inducunt actus negativi , nisi præcesserit scientia , & patientia interesse habentis , pag. 3. *sub* §. *Quantum* .

Neque actus arbitrarii & facultativi , *ibidem* .

Observantia apertam dispositionem confirmat , dubiam interpretatur , pag. 176. §. *Quoad* .

OFFICIUM DIVINUM .

Dimittens Beneficium recitare non tenetur Officium , pag. 135. §. *Si Vestram* .

Non excusatur Beneficiatus ab illius recitatione , si impedimentum proveniat ab ejus culpa , vel prævisum fuerit ante acceptationem Beneficii , pag. 136. §. *Quatenus* .

Aliter vero , si prævisum non sit impedimentum , nec culpabilem habet causam , *ibidem* .

Ob superventam capitis , vel oculorum infirmitatem concedi consuevit commutatio Divini Officii in alias Precès , *ibidem* .

Divina Officia celebrare , idem est ac Psalmos canere , pag. 77. §. *Quæ agere* .

PAROCHIA . PAROCHUS .

Parochia confertur per examen , si habitualis cura residet penes Capitulum , pag. 139. §. *Habitualtem* .

Parochus congrue provisos , construere , vel conducere tenetur parochialem domum in Parochia , pag. 71. §. *Si per duplex* .

Et Parochialem Ecclesiam reficere , pag. 181. §. *Tenebantur* .

Parochi Italiæ & adjacentium Insularum ab Ordinariis provisi , solverere tenentur mediam annuatam pro fabrica Ecclesiæ Cathedralis , dummodo certi , & incerti Paræciarum redditus annuam excedant summam scutorum centum , *ibidem* .

Parochus . Vide . Congrua . Decimæ .

P A T R O N U S .

Pauperes Patroni , & Descendentes Fundatoris alendi sunt ex Beneficiis , & Legatis Piis , pag. 185. §. *Benigne* .

Idque

Idque ex præsumpta Fundatoris voluntate,
ibidem.

Ad eos alendos conceditur etiam temporaria.
Missarum suspensio, *ibidem*.
Vide Beneficium.

P O E N A .

Solvenda est, ubi iusta non fuit inobedientiæ ratio, pag. 78. §. *Pauca*.
Ab ea vero absolvi debet inobediens, si comminata fuit sine iusta causa, *ibidem*.
Infligenda est delinquenti, non ei, qui vacat culpa, pag. 17. §. *Sive*.

P R O F E S S I O .

Professionis nullitas proponi nequit post quinquennium, pag. 157. §. *Ut eis*.
Nisi intra quinquennium declaraverit Professus contrariam voluntatem, *ibidem*.
Satis enim sunt extrajudiciales conquestiones ad excludendam tacitam professionis ratihabitionem, quæ ex lapsu quinquennii desumitur, *ibidem*.
Ac iustam præbent restitutionis in integrum causam, *ibidem*.
Quinquennii lapsum impedit metus, pag. 159. §. *Eadem*.
Ideoque post longissimum etiam tempus reclamari valet adversus emissam professionem, *ibidem*.
Denegare non solet S. C. restitutionem in integrum adversus lapsum quinquennii, ubi verisimilis & inculcata concurrit ignorantia Legis, *ibidem*.
Meticulosæ professionis initia sunt rigida Puellæ custodia, & minæ, pag. 158. §. *Qualis*.
Coactam innuunt voluntatem suspiria & lacrymæ, *ibidem*.
Reluctantia emitteñdi professionem metum probant Proferentis, pag. 158. §. *Monasterium*.
Nec præsumitur mutatio voluntatis in ipso professionis instanti, *ibidem*.
Metus pro nullitate professionis secundum aliquos requiritur, qui factorum experientia necessitatem inducat, pag. 159. §. *Muneri*.
Solitum contra exequendi minas requiritur in extraneo, pag. 160. §. *Pauca*.
Sufficit enim erga Patrem metus reverentialis, pag. 158. §. *Sunt*.
Immo satis sunt Patris suasiones & preces, quum naturam assumant imperii, *ibidem*.
Et irritatur professio ex probabili opinione damni, pag. 160. §. *Pauca*.
Professionis ratihabitione ex pacifica desumitur perseverantia in Religione, pag. 159. §. *Muneri*.
Excluditur vero ex conquestionibus. His enim concurrentibus, gestatio religiosi habitus, & adimplementum officiorum Monasterii tribuenda sunt necessariæ obedientiæ, pag. 160. §. *Pauca*.

P U E R P E R A .

Puerperarum admissio ad purificationem ius est secundum aliquos Doctores parochiale. Secundum alios vero extenditur ad Regulares, pag. 42. §. *Expressa*.

Quæ sint utriusque sententiæ rationes, *ibidem*.

Sacra Rituum Congregatio priorem probavit sententiam. S. vero Congregatio Concilij modo Patrochis, modo Regularibus indulgit juxta consuetudinem, pag. 43. §. *In hac, & seq.*

Non parum enim in id ob defectum expressæ Legis æstimanda est consuetudo, pag. 44. §. *Soties*.

R E D U C T I O .

Iusta reductionis Missarum causa est reddituum imminutio, pag. 23. §. *Iusta*, pag. 46. §. *Pro absolute*.

Præsertim si imminuti sint absque culpa hæredis, pag. 168. §. *Notandum*.

Ubi pares vero sunt oneribus, reductio denegatur, pag. 113. §. *Imminuti*.

Iusta quoque reductionis causa est præsumpta Testatoris voluntas, *ibidem*, & pag. 196. §. *Quæ sint*.

Et auctum pretium rerum, pag. 147. §. *Nedum*.

Prius alia reduci debent onera, quam Missæ, pag. 23. §. *Iusta*.

Maxime si ab illarum onere incipit dispositio, *ibidem*.

Potius tamen reducendæ sunt Missæ, licet primo loco demandata, ubi aliud principaliter contemplatum est opus, pag. 23. §. *Notandum*.

Opus præsertim administrationis Sacramentorum Confessionis, & Communionis, *ibidem*.

Difficilius conceditur Missarum reductio post acceptance, pag. 23. §. *Haud*.

Quandoque vero ob imminutos redditus concessa fuit post acceptance ad taxam perpetuæ, pag. 20. §. *Plura*, pag. 46. §. *Pro absolute*.

Fieri etiam solet reductio ad taxam perpetuæ, ubi agitur de Capellania erigenda, pag. 168. §. *Notandum*.

Et ubi concurrit designatio Ecclesiæ, & Altaris, *ibidem*.

Reductio reductionis denegatur, pag. 147. §. *Notandum*.

Vide Missa.

S C R I P T U R A .

Is servare debet scripturas, cui reddita est ratio, pag. 107. §. *Servari*.

Easque servare tenentur Capitula Cathedralia, *ibidem*.

Qui Ecclesiæ scripturas comburunt, vel sciunt, rei sunt falsitatis & furci, pag. 107. §. *Coerceri*.

Et puniri valent ab Episcopo, *ibidem*.
Vide Administratio.

S E M I N A R I U M.

Ad erectionem, & conservationem Seminarium concurrere debent Episcopalis & Capitularis mentia, Abbatia, Beneficia, & Loca Pia, pag. 194. §. *Valde*.

Cujuslibet taxa scutorum est trium in singula centum, *ibidem*.

Et exigere valet Episcopus taxam pro extraordinaria ejus Aedium reparatione, *ibidem*.

S E Q U E S T R U M.

Removendum est, remota causa, pag. 17. §. *Sive*.

S I M O N I A.

Simoniaca est emptio Jurispatronatus, pag. 111. §. *Exemplum*.

Actus reciproci in beneficalibus inducunt simoniam, pag. 171. §. *Quo vero*.

Aliquid tamen ad redimendam injustam vexationem dare licet absque illius labe, *ibidem*.

Simoniam quoque excusat recessus a lite pag. 171. §. *Animadversionem*.

Et reservatio Beneplaciti Apostolici, *ibidem*.

S O C I E T A S.

Sub jurisdictione Episcopi sunt Societates, pag. 32. §. *Primum*.

Societatibus aggregatis ad Societates Urbis solæ communicantur indulgentiæ, pag. 32. §. *La-*
sam.

Ex declaratione vero Sac. Congregationis etiam privilegia, pag. 33. §. *Parvique*.

Societatum electio in associationibus cadaverum ad heredes spectat defunctorum, pag. 34. §. *Opus*.

Neque adimi valet hujusmodi libertas absque privilegio, vel immemorabili; *ibidem*.

T E S T A M E N T U M.

Conficere simul valent Testamentum Maritus, & Uxor, pag. 167. §. *Queritur*.

Quæstio autem est: utrum illud revocare valeat superstes quoad propria bona. Alii negant: probabilius alii affirmant, *ibidem*; & §. *seq.*

Quisque enim liberam habet disponendi facultatem usque ad mortem, pag. 167. §. *Affirmans*.

Et accomodare censetur voluntatem ad naturam revocabilis actus, *ibidem*.

Immo neque ex pacto fieri valet Testamentum irrevocabile, *ibidem*.

Superstes vero revocans Testamentum, restituere tenetur fructus perceptos ex hereditate Defuncti, pag. 167. §. *Quatenus*.

T R A N S A C T I O.

Justa transigendi causa est recessus a lite, pag. 72. §. *Neque*.

U X O R.

Culpa vacat consanguinea, quæ ex causa necessaria auxilium præbet Uxori divertenti a Viro pag. 17. §. *Sive*.

F I N I S.

The first of these is the fact that the
the second is the fact that the
the third is the fact that the

THE FIRST OF THESE

the first of these is the fact that the
the second is the fact that the
the third is the fact that the

THE SECOND OF THESE

the first of these is the fact that the
the second is the fact that the

THE THIRD OF THESE

the first of these is the fact that the
the second is the fact that the
the third is the fact that the

the first of these is the fact that the
the second is the fact that the
the third is the fact that the

THE FOURTH OF THESE

the first of these is the fact that the
the second is the fact that the
the third is the fact that the

THE FIFTH OF THESE

the first of these is the fact that the
the second is the fact that the
the third is the fact that the


FINIS

BX Catholic Church. Congregatio
1935 Concilii
A36 Thesaurus resolutionum
t.56-57 Sacrae Congregationis Concilii

PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY

UTL AT DOWNSVIEW



D RANGE BAY SHLF POS ITEM C
39 14 13 18 01 010 2